


ՅՈՒՆԻՍԿՈ



644
1964/5



Յ Օ Յ Ո Ն Յ Մ 1964



სიკვამლე



9746

შინაარსი

პოეზია

გივი გავგიშკორი — სინათლის წრეში. პოემა	15
მადეა კახიძე — ოთხი ლექსი თამუნიას	28
ერიან მირნალი — სიყვარული. ლექსი	54
გაბრიელ ჯაბუშანური — ლექსები	56
შილიამ შამსპირი — სონეტები	74
ლევანდრ კუშკინი — რუსლანი და ლუდმილა. პოემა	86

8

აგვისტო

1964

პროზა

იულიანე ძე თელავური — ზღაპარი სი- ნამდვილედ იქცევა. ნარკვევი	3
ბაბუა ამირეჯიბი — გიორგი ზაქაიძე. ძველი ბალადა	22
გივი გოგიჩაიშვილი — გაზაფხული- დან გაზაფხულამდე. რომანი	31
ს. ს. გიჭაძე — ორი დღე. მოთხრობა	58

გამომცემლობა

„ლიტერატურა და ხელოვნება“

ლიტერატურულ-მხატვრული და
საზოგადოებრივ-პოლიტიკური
შურობა

სამართველოს ალკა ც. კ-სა და
მწიბრულთა კავშირის ორგანო

ლიგარაგურული ქრივიკა

ემზარ კვიციანი — წლების სამახ- სოვროდ	100
დიმიტრი ჭუმბურიანი — ერთი კოვზი კუპრი	106
ანდრო მირიანაშვილი — პაოლო ია- შვილი	109
შალვა რადიანი — პოეტი და მებრძო- ლი	118

პუბლიცისტიკა

მთარ ტურაბეიძე — „ორმოცდა- ათიანელთა“ სექტის იდეოლოგიის რეაქციული არსი	123
--	-----

მეცნიერება და გეგნიკა

როინ მებრევილი — დავით აღმაშე- ნებლის სამხედრო რეფორმის ზო- გიერთი საკითხი	129
გიორგი ბაიჭაძე — ვახტანგ VI პოლი- ტიკური მოღვაწეობა 1725 — 1737 წლებში	141

ყოველი მხრიდან	155
----------------	-----

რედაქტორი კონსტანტინე ლორთქიფანიძე
სარედაქციო კოლეგია:

გურამ გვერდწითელი, კარლო კალაძე, როინ მებრევილი, გურამ ფანჯი-
კიძე (პ/მგ მდივანი), გიორგი ციციშვილი, ვლადიმერ ჭავჭავაძე, ვახტანგ ჭელი-
ძე, სერგი ჭილაია, თამაზ ჭილაძე, ლაშა ჯანაშია.

სურხან ქეთილაური

გლავარი სინაგოგის იქცევა

ნარკვევა

დაახლოებით ამ ოციოდე წლის წინათ ბოდბისხეველმა თედო დარჩიანვილმა სოფელში უცნაურ ამბავს მოჰკრა ყური: თბილისის მახლობლად ახალი ქალაქი უნდა აშენდესო.

— რაო, რაო, სადაო? — იკითხა თედომ.

— თბილისის ქვევით, მტკვრის დაყოლებასზე, ძველად დიდი ქალაქი ყოფილა, მას რუსთავი რქმევია. იგი შაჰ-აბაზს თუ რომელიღაც სხვა დამპყრობელს მიწასთან გაუსწორებია. მოსახლეობა აუყრია და შორეულ ირანში გადაუსახლებია. მერე უკაცოდ დარჩენილ ნაქალაქარზე ნაყოჩალებიც გამქრალა და შიშველი, უკაცრიელი მინდორი დარჩენილა. ახლა ის ქალაქი უნდა აღსდგეს სწორედ იქ, იმ ადგილზე, სადაც წინათ ყოფილა და სახელიც ისევ რუსთავი უნდა დაერქვას, ხოლო ქალაქში დიდი ფოლადსადნობი ქარხანა უნდა აშენდესო.

— როგორ! ყველაფერი თავიდან უნდა გაკეთდეს, ქუჩებიც, სახლებიც? — კვლავ იკითხა თედომ.

— დიახ, ყველაფერი, სახლებიც და ქუჩებიც. აი ისე, როგორც თბილისშია, ოღონდ ქუჩები უფრო ფართო და სწორი იქნება. ლამაზი ხეავნებით დარდილული. თვითონ ქალაქიც თბილისზე ბევრად პატარა არ უნდა იყოსო.

— ეჰ! — თავი გაიქნია თედომ, — მაშ, ეგ მართალი იქნება?

— მართალია, მა რა, — ამტკიცებდნენ კოლექტივის კანტორასთან თავმოყრილი სოფლელები, — გახეთში ყოფილა და აბა, ტყუილად დასწერდნენ?

თედომ არ დაიჯერა, მაგრამ მეზობლებს აღარ შეედავა, უსიტყვოდ გაბრუნდა და შინსაკენ მიმავალ ორლობეს გაჰყვა. ომი იყო. ჯერ კიდევ დახუდნენ მტრის თვითმფრინავები და ზარბაზნების შორეული ყრუ ბოქიცი

ისმოდან. ვის ეცალა ასეთ დროს ახალი ქალაქებისა და ქარხნებისათვის. თუ დრო დადგებოდა, გასაკეთებელი ისედაც არ აკლდა ხალხს, მთელი ქვეყანა, ქალაქებიც და სოფლებიც ნაცარტუტად იყო ქცეული. ყველაფერ ამას ხომ ხელახალი აშენება, მოწყობა და გაკეთება უნდოდა. ეგეც არ იყოს, — ფიქრობდა გზადმიმავალი თედო, — ქალაქი საქათმე ხომ არ არის, ერთი ხელის გაკვრით ააშენო და გადახურო, ისიც თბილისისტოლა ქალაქი! ეე, რამდენი რამე უნდა! აი, ჩვენი სიღნაღი, აბა რა არი, ერთი მუჭაა და თურმე ორი ათასი წელი კია, რაც ქალაქად იხსენიება და ჯერაც სრულად არ აშენებულა. იპ, რას არ იტყვის ხალხი! ზღაპარია, ტყუილია, ჭორია!

მაგრამ თედოს ეჭვს არავინ იზიარებდა. სადაც გაივლიდა, ყველას ახალი ქალაქის მშენებლობა ეკერა პირზე. ზოგიერთები იმასაც კი ამტკიცებდნენ უკვე შესდგომიან მუშაობას, საძირკვლებს სჭრიანო. ხალხს, და განსაკუთრებით ჯარიდან დაბრუნებულ ახალგაზრდობას, უფრო ის ახარებდა, ჩვენი, ქართული ფოლადი გვექნებაო.

თედოს არც ეს სჯეროდა. ფოლადი ამათ ხიწიწი ხომ არა ჰგონიათ, თანგირა ქვაბში გამოაღწიო, — ამბობდა თავისთვის, — შეიძლება როდესმე მართლაც გაკეთდეს ასეთი რამ, მაგრამ ასე სახელდახელოდ როგორც ესენი ამბობენ, სამ-ოთხ წელიწადშიო, — ჭალარა თავს მოიფხანდა თედო, — არა, ტყუილია, ზღაპარია, ჭორია!

ასე მსჯელობდა თავის გულში ბოდბისხვეველი თედო და ამიტომაც არც დიდი გულისყურით ეკიდებოდა ამ მოთქმა-მოთქმას. მაგრამ იმასაც კარგად ხედავდა, რომ ეს დარჩეული ხმა, თედოს მიერ ზღაპრად და სადღედაკაცო ჭორად მონათლული, არ ცხრებოდა. პირიქით, თითქოს თედოს ჯიბრზე, სულ უფრო იზრდებოდა, ფართოვდებოდა და დღითიდღე ახალ-ახალი სარწყმუნო ამბებით მდიდრდებოდა.

— ეე! ე ხალხი მგონი აღარ ხუმრობს, განა, — ამბობდა თედო. და ეჭვი

თანდათან უჭრებოდა, ხოლო მის ადგილს გულში დაძაბული ცნობისმოყვარეობა იჭერდა. თედოს ტანჯავდა ცნობისმოყვარეობა, მოსვენებას უკარგავდა. აღარ იცოდა, რა ექნა — ხალხის მითქმა-მოთქმა ერწმუნა, თუ საკუთარ გულისხმას აპყობოდა. ბოლოს გადაწყვიტა — მოდი, წავალ და ჩემი თვალითა ვნახავ ყველაფერსო. თუ მართალია, ამზე კარგს რას ნახავს კაცი, თუ არა და ამ მოლაყბე ხალხს პირში ლაგამს მაინც ამოვღებო, და თავის ჯალაბს, ქეთოს უთხრა, — საგზალი მომიშაღე, დილაზე ახალი ქალაქის მშენებლობის სანახავად უნდა წავიდეო.

ცოლს ჯერ ხუმრობა ეგონა და ყური არ ათხოვა, ხოლო როცა დარწმუნდა, ქმარი არ ხუმრობსო, თვითონაც გაგულისდა.

— გადაირიე, ადამიანო, თუ რა არი?! — დასჭყვილა ხმააღლა, — ბალღი ხომ არა ხარ, თვალის სეირს სდიო. შინ საქმე გამოგელია, რა?!

— დედაკაცო, ნუ აუბედღი, — დინჯად მოუჭრა თედომ, — მე საქმე გამიკეთებია და კიდევაც ვავაკეთებ. როგორ, აქვე, ჩემს გვერდით ამისთანა საქმე კეთდებოდეს და არა ვნახო მაინცა? მკვდარი ვარ, რა არი!

— ჯერ გაიგე, ადამიანო, იქნება ტყუილია?

— ტყუილია და მაგასაც ვნახავ, საგზალი მომიშაღე!

ცოლმა კიდევ ბევრი უშალა, მაგრამ თედომ არ დაიშალა და ზაფხულის ერთ მზიან, ცხელ დღეს ზურჯინაკიდებული შუახნის და შუატანის ჭალარა კაცი, ქიზიყელი თედო დარჩიაშვილი, რუსთავის მშენებლობას მიაღდა.

თედო არ შემეცდარა. თვალწინ მართლაც საკვირველი სურათი გადაეშალა: ოთხივე კუთხით თვალუწვდენ მინდორს ჭიანჭველასავით შესეოდა ხალხი. ვინ აღარ იყო აქ, — დიდი ვინდა თუ პატარა, ქალი თუ კაცი, მოხუცი თუ ახალგაზრდა, ხეობარი თუ ჯანსაღი... დაუდგრომლად ფუსფუსებდნენ, და ერთი შეხედვით, მართლაც ძალიან წაავადნენ უზარმაზარ, რუხ ჭიანჭველებს.



გუგუნებდნენ მანქანები და ამ გუგუნს ერთვოდა აღამიანთა ხმები, — მჭექარე, ძლიერი, მოწოდების მსგავსი; თედოს არც ასეთი დიდი ზომის სამუშაო ენახა დღემდე, არც ეს უცნაური, უხარმზარო მანქანები და არც ასეთი ერთობლივი გუგუნ-გრილი გაეგონა. ამ უტვინო სანახაობით ზარდაცემული თედო ხესავით იდგა ერთ ადგილზე და თითქოს მიახლოვებას ვერ ბედავდა. მხარზე ხურჯინი ეკიდა. ხელით იჩრდილავდა მზეს და მონუსხულივით გააყუჩებდა ველს. ველიდან ავარდნილი მუქი მტვრის კორიანტელი ღრუბელივით ეფინა ცას.

პირველმა დაბნეულობამ კარგა ხანს გაიტანა. მერე თანდათან მოვიდა გონს, გაჩვენდა მოიკრიბა, ხურჯინი მოინაცვლა მხარზე და ხალხს შეერია. ნელა მიაბიჯებდა თხრილებზე, გადადიოდა უზნიდან უზანზე, აკვირდებოდა და ძარღვულ, მზით გარუჯულ, ტალახითა და მიწით მოსვრილ მხარ-მკლავებს, მტვრიან, გაოფლილ სახეებს. მასაც ღვარად სდიოდა ოფლი. ვაკეცილი თუშური ქუდი იმშრალებდა შუბლს და გულში სრულიად უცნობ, უჩვეულო კმაყოფილებას განიცდიდა.

ხალხში უმრავლესობა ფრონტიდან დაბრუნებული მებრძოლები იყვნენ. ყველას ნიჩაბი, ქაფჩა, წერაქვი და ხარადანი ეჭირა ხელში. მიმოჰქონდათ ლამ-კირით სავსე, ციმციმ აწეული საზიდრები და საძირკვლებში აპირქვაეზდნენ. აქ-იქ უკვე ამოეყვანათ რკინის ძელებდატანებული, მკვრივი საბჯენები. ყველას ეცვა რუხი, მგებრული ტანსაცმელი, მაგრამ მარტო ამით როდი ჰგავდნენ ერთმანეთს. ესენი იყვნენ ბრძოლასა და ათასგვარ სიძნელეში გამოვლილი, ერთმანეთს შეზრდილი აღამიანები, მათს სახეებზე ჯერაც არ გამჭრალიყო ტანჯვისა და გასაჭირის მკმუნვარე კვალი, მაგრამ ახლა ამ უსიამო გამომეტყველებას აქრობდა გმირული შრომისა და დიადი მომავლის რწმენა. ეს რწმენა საყოველთაო იყო. ის ჩანდა აშკარად ყველაფერში, მკლავდებოდა ყოველ მოქმედებაში, — გა-

მოხედვაში, სიცილში, საუბარში... ეს საყოველთაო განწყობა თედოსაც გადაედო და ამ უჩვეულო შრომაში მთხრობის სურვილად ექცა.

— ამის შესახებ მშენებლობის უფროსს უნდა სთხოვო, — უთხრეს და ერთსართულიანი, შიფერით გადახურული გრძელი შენობა დაანახეს. თედოც იმ შენობისკენ გაემართა.

ისევ ტორტმანით მიაბიჯებდა მიწაყრილებზე. ქალამის ჰვინტები ღრმად ეფლებოდა ნესტიან, რბილ მიწაში. ზოგან ისე ჩახერგილიყო ერთმანეთში ხალხი და მანქანები, გავლა შეუძლებელი იყო და თედო მეორე მხრიდან უქცევდა გზას.

მშენებლობის კანტორა მტკვრის პირას იდგა, — ხეობით სახელდახლოდ ნაშენი საბძელს უფრო ჰგავდა, ვიდრე სახლს; ცალფა აგურით ამოყვანილი კედლები ჯერ მთლიანად არ იყო შეესილი. დერეფნის წინ ახლადდარგულ ყვავილის ბუჩქებს თეთრი მტვერი დასდებოდა. წინა კედელს რამდენიმე გლულ შეკრული ფიცრის კარი ჰქონდა დატანებული. კარები ახლო-ახლო იყო ერთმანეთთან, სახლი ვიწროდ იყო დატიხრული. ერთ-ერთ ღია კართან ჯგროდ ირეოდნენ მუშები. სწორედ ეს იყო მშენებლობის უფროსის ოთახი.

— უფროსი აქა ბრძანდება? — იკითხა თედომ.

— კი, შედი!

თედომ ქუდი მოიხადა, კრძალვით გადააბიჯა ზღურბლს და თავის დაკვრით მიესალმა შუახნის მწითული სახის პირმსუქან კაცს, გულდასმით რომ ჩაპყრებდა მაგიდაზე გაფენილ შავ-წითელი ხაზებით აჭრელებულ მშენებლობის რუკას. ეს იყო მშენებლობის უფროსი ნესტორ გიორგაძე. მისალმებაზე მან ნელა ასწია თავი და ისე შემოხედა თედოს მშვიდი, დაღლილი თვალებით, თათქოს ეუბნებოდა, შენლა მაკლიო.

თედოს არ მოეწონა ეს შემოხედვა,

სულხან ქეთელაური
ზღაპარი სინამდვილედ იქცევა

ეწიხა და ოდნავ კიდევაც შეკრთა, — უარი არ მითხრასო, — მაგრამ როცა ნესტორმა შინაურულად ჰკითხა, რა გაგვირგებია, ბიძაჩემო, და ძელსკამზე მიუთითა, დაბრძანდითო, თედოს ისევ მოეცა გული. თუმცა არ დამჯდარა მარტო ხურჯინი ჩამოდო სკამზე და თავისი სურვილი ორი სიტყვით უთხრა:

— სამუშაო მინდა!

მშენებლობის უფროსს ოდნავ გაეღიმა თედოს მშრალ პასუხზე და კიდევ უთხრა, ჩამოჯექითო. თედომ ოფლი მოიწმინდა, ქუდი დაიხურა და დაჯდა. ნესტორმა სადაურობა და ვინაობა გამოჰკითხა და ხელობა თუ რამე იცით, ჰკითხა ბოლოს.

— ხელობა? — თედო ერთი წამით შეყოყმანდა, მერე მტკიცედ დაუმატა, — ხელობა არაფერი, მაგრამ მუშაობა კი ვიცი.

— მაგას რა ჯობია, შე კაი კაცო, — მოწონებთ თქვა ნესტორმა და წამოდგა. თედოც წამოდგა. — ჩვენ სწორედ ასეთი კაცი გვინდა, — განაგრძო ნესტორმა. — ხელავ ჩამოდენა საქმეს მოგკიდეთ ხელი. ახალ ქალაქს ვაშენებთ, ხუმრობა საქმე როდია.

— მაშ, ეგ მართალია? — ისე მოუთმენლად იკითხა თედომ, რომ აშკარად ჩანდა, ძალიან უნდოდა, მართალი ყოფილიყო. ნესტორმა ეს შეატყო და გაუღიმა.

— მართალია, აბა, ტყუილი ხომ არ იქნება? სამ-ოთხ წელიწადში დასრულდება მარტენის ლუმელების მშენებლობა.

ამ დღიდან ბოდბისხეველი კოლმეურნე გლეხი რუსთავის მშენებლობის მუშად გადაიქცა. აქ ყველაფერი მიუჩვეველი და ახალი იყო თედოსთვის. მაგრამ მას ყველაფერი მოსწონდა. პირველი დღიდანვე, რაკი ამ მოზღვავებული ხალხის ავ-კარგის თანამონაწილედ დაიგულა თავი, რაღაც უცნაური გრძნობა დაეუფლა თედოს, — რომ მასაც, ქიზიყელ გლეხს, თავისი შრომით წილი დაედო ამ დიად საქმეში, არ დაეზოგა არაფერი, — არც ცოდნა, არც

ნიჭი, არც ღონე. რათა მუდამ, ყოველ წამს მის შუაგულში ყოფილიყო, სწავნიროდა თავისი ადგილი და არასოდეს განზე არ დარჩენილიყო.

ღამეს დღე სცვლიდა, დარს — ავდარი, მტვერს — ტალახი, სუსხს — პაპახაქება, ხოლო მუშაობა კი არასოდეს არ წყდებოდა. წლისთავზე უკვე აშენდა სასადილოები, აბანო, კლუბი და რამდენიმე საცხოვრებელი სახლი. გაჩნდა პირველი ასფალტმოსხმული ქუჩები და პაწაწინა ნარგავები. მაგრამ თედოს ეს ბევრად არ აინტერესებდა. ის იმ დღეს მოელოდა, როცა ფოლადი დაიწყებდა დუღილს. თან მუდამ გულში ეჭვი ჰქონდა, რამდენიმე ათასი ტონა ფოლადი ყოველდღე როგორ უნდა აღუღდეს ერთად? ამდენი წყლის აღუღებაც კი წარმოუდგენელი იყო თედოსთვის. მაინც რამდენი უნდა იყოს ათასობით ტონა? და ოდნავი წარმოდგენა რომ ჰქონოდა, რაღაცისათვის უნდოდა შეედარებინა, ხოლო თედოს ორთქლმავალზე დიდი არაფერი ენახა და ერთხელ იკითხა: ორთქლმავალი რამდენს იწონისო?

მუშებს სიცილი აუტყდათ:

— რატომ კითხულობ, ქიზიყელო?

მუშებში ერთი ყოფილი რკინიგზელი აღმოჩნდა და იმან უთხრა, ყველაზე დიდი ორთქლმავალი ხუთას ტონას იწონისო.

— მართლა?

— მართლა!

თედომ ეს გუნებაში გადაიანგარიშა და უნდობლად შეხედა რკინიგზელს. ამდენი ერთად? როგორ? სად დაეტევა? და ხელი ჩაიქნია, — არა, ზღაპარია, ტყუილია, ჭორია!

მაგრამ თედოს ეჭვს არც აქ უგდებდა ვინმე ყურს. საქმე მიემართებოდა თავისი ჩვეული გზით. თენდებოდა და ღამდებოდა, გრუხუნებდნენ მანქანები, ქრიაშულობდა ხალხი. თედოც ფეხდაფეხ მისდევდა ამ ბობოქარ მდინარეებს, ისევ თავდაუზოგავად შრომობდა, ცლიდა და ტვირთავდა ავტომობილებს, თან გულში ფარულ მოლოდინს ინა-

ხავდა. თუმცა მტკიცედ სწამდა, რომ ყველაფერი, რასაც ხალხი ფოლადის გამოდნობის შესახებ ამბობდა, მეტისმეტად გაზვიადებული იყო. მაგრამ თედო მინც ინტერესით მოელოდა და შორიდან ადევნებდა თვალს ფოლადსადნობი ქარხნის დამონტაჟებას, ცაში აზიდულ რკინის შავ ძელებს, სადაც ხოქოებივით დაფოფხავდნენ გამურული მემონტაჟეები, ცის ტატნობზე ელვასავით კრთოდა შედუღების ცეცხლი.

ხალხის ამ აწყვეტილ ქრიამულში მანქანების გუგუნ-გრიალში დღეთა სათვალავი თითქოს გაქრა. დრო შეუშინველად და სწრაფად გადიოდა. და აი, ბოლოს, ნანატრი დღეც დადგა. ეს იყო 1950 წლის 23 აპრილი. ეს დღე არასოდეს დაავიწყდება თედოს. ლურჯი ცა მოხატული იყო რძისფერი ღრუბლების თხელი, ნაოჭიანი ქერეჭით. ნიავს მკერდგამთბარი მიწისა და ნაადრევად გაშლილ ყვავილთა სურნელი მიმოჰქონდა ყველგან. დილიდანვე დაიწყო ხალხმა მოდენა. საიდან აღარ მოვიდა იმ დღეს ხალხი რუსთავში, ქვეყნის რომელი კუთხიდან, — რუსეთიდან, უკრაინიდან, სომხეთიდან, ბალტიისპირეთიდან და შორეული აღმოსავლეთიდანაც კი. ქარხნის ეზოში ხალხის ზღვა ჩადგა. თედოს ყურადღება განსაკუთრებით საამქროს თავზე წამოდგმულმა წარწერამ მიიპყრო. ეს დიდრონი, რკინის აღლნახევრიანი, წითლად შედებილი ასოებისაგან შემდგარი წარწერა თითქოს ხმამაღლა მოუწოდებდა ხალხს: „მივცეთ სამშობლოს მეტი და მალაზარისხოვანი ფოლადი!“

თედომ რამდენჯერმე გაიმეორა გუნებაში: „მეტი და მალაზარისხოვანი ფოლადი“. — აჰა, — თქვა თავმომწონედ და გვერდულად გაძვრა ხალხში საამქროს შესასვლელისაკენ, სადაც კიბესთან თავი მოეყარათ მთავრობის წარმომადგენლებსა და მშენებლობის ხელმძღვანელებს. რიგრიგობით გამოდიოდნენ ტრიბუნაზე და ამბობდნენ სიტყვებს. ყოველ გამოსვლას ხალხი ტაშითა და შეძახილით აბოლოებდა. თედოც ტაშს უკრავდა, თუმცა თავის

შრომას დიდ ფასს არ სდებდა, მაგრამ ხალხის, მთავრობისა და პარტიის სიტყვით ნათქვამი თვითეული მადლობა თუ ქება მის გულშიაც თავისებურ გამოძახილს პოულობდა და მის არსებას ფარული სიამაყის გრძნობით ავსებდა.

საამქრო ჯერ არ იყო გახსნილი. წითელი ზონარი არ იყო ვაჭრილი. რა ხდებოდა შიგნით, რა გუგუნებდა, რა ქშინავდა, თედო ვერ ხედავდა. ხანდახან ფარდის თავზე გაიეღვებდა კაშკაშა სინათლე და წამით გაანათებდა ქერზე გაკიდულ, ერთმანეთზე აკინძულ უზარმაზარ რკინის ძელებს — ორასტონიან ამწეს, დგრიალით რომ დაგორავდა წინ და უკან.

ბოლოს მოთავდა სიტყვები და ზონარიც გადასჭრეს. თედო ხალხის ტალღამ გაიტაცა და საამქროში შეაგდო. აქ კი მართლაც სინამდვილედ ქვეული ზღაპრული სანახაობა გადაეშალა თვალწინ: ავუზგუზებული ცეცხლისმფრქვევი, მდულარე ფოლადით სავსე ღუმელები. თედომ აქვე ნახა პირველად ამ დიდი ხელობის მცოდნენი და მოთავენი, პირველი ქართველი მეფოლადენი — ზურაბ კუხიანიძე და შალვა კუხალიშვილი. მათ ეს საქმე დონბასში შეისწავლეს. აგერ მათი მასწავლებელიც, შავ კოსტუმში გამოწყობილი, სანდომიანი სახის, ქერა, პირხმელი კაცი იგორ ბულგატოვი, საქვეყნოდ განთქმული მეფოლადე. თედოს უსაზღვრო პატივისცემით აევსო გული ამ კაცისადმი; მას ალაღბებულზე კი არ გამოეშვა თავისი შეგირდები. თვითონაც თან ჩამოჰყოლოდა, რომ პირველ ხანებში ყურადღება და დახმარება არ მოეკლო მათთვის. დინჯად დადიოდა იგორი ღუმელების წინ, გულდასმით აკვირდებოდა ფოლადის დნობას და შალვასა და ზურაბს ახალ-ახალ მითითებას აძლევდა. ხან აქ, ხან იქ იღებოდა ღუმელის კარი, საიდანაც წითელი, მოცისფრო ალი გუგუნით გა-

სულხან ქეთელაური
ზღაპარი სინამდვილედ იქცევა

მოიჭრებოდა გარეთ და მიმოფანტებოდა ირგვლივ, თითქოს მთელ საამქროს შთანთქმასა და წალეკვას უპირებო, ხოლო მდუღარე ფოლადის კაშკაში თედოს თვალს სჭრიდა და მხედველობას უარილებდა. თედო თვალებს ხუჭავდა და შემკრთალი უკან-უკან იწევიდა. მასთან შალვა მივიდა, ნაბდის ქუდი მოხადა და მეფოლადის მუქსათვლიანი ქუდი დაახურა. თედოს მალე დაუბრუნდა მხედველობა, არილი გადაეცალა და მუქ-ლურჯი სათვალედან გარკვევით დაინახა ლუმელში აღუღებული ფოლადი, ნახევარ ადღზე რომ ისროდა გავარვარებულ კოწოლს.

შალვამ მხარზე ხელი დაადო დაინახა და ყურში ჩასძახა:

— ხედავ, ბიძაჩემო?

— ვხედავ, შვილო, კარგად ვხედავ!

— დულს, ბიძა, ქართული ფოლადი დულს!

— კი, შვილო, დულს!

ამ დროს ლუმელების წინ ლურჯთვალა გოგონა გამოვარდა, ხელკოშა ძირს დადო და შორიანლო დადგა. ერთთმა მუშამ რკინის გრძელტარიანი ციციხე ლუმელში შეჰყო, გამდნარი ფოლადი ამოიღო და ხელკოშაში გადაასხა. ლაბორანტმა გოგომ საჩქაროდ დასტაცა ხელი და მსუბუქად გადმოირბინა ლიანდაგი. ხალხმა გზა უტია. იმავე წუთს რადიოში გაისმა გოგონას წვრილი ხმა: — ნახშირბადი ნოლ ორი პროცენტი, მანგანუმი ნოლ ორმოცი პროცენტი, სილიციუმი ნოლ ოცდაათი პროცენტი.

— მამასადამე, ფოლადი მზად არის, — თქვა შალვამ, თედოს მისივე ქუდი დაახურა და ღიმილით დაუმატა, — მოხარულა! — ქუდი მოირგო, სათვალე შეისწორა და ლუმელებისაკენ გააბიჯა.

გადმოსკდა ფოლადის ყვითელი ნიაღვარი, როგორც წყალდიდობისას მთიდან მოხეთქილი მღვრიე ჩანჩქერი. ნელა, ზღაზვნით გამოქანდა ცეცხლგამძლე ავურის კალაპოტში და ირგვლივ კაშკაში მამხალეები — ვარსკვლავისებური ნაპერწკლები მიმოაფრქვია. ამ პროცესს თან ახლდა ლუმელებიდან გა-

მოვარდნილი ყვითელი ალაგ-ალაგ ლურჯო-მომწვანო ალის გრივანობური გუგუნე, ხალხის ალტაცებულ შეძახილი და ათასი ხელით ძლიერად დაკრული ტაში.

საღამოს ხალხი კლუბში შეიკრიბა. შესვლა მოსაწვევი ბარათებით იყო. თედოს წინა დღესვე მისცეს ბარათი. ის ცოტა გვიან მოვიდა. დარბაზი უკვე გაჰყვინტილი იყო, მხოლოდ ბოლო რიგზე და იყო თავისუფალი ადგილები. თედო იქით წავიდა, ქუდი მოიხადა, სკამზე ჩამოჯდა და სცენას გამოხედა.

აჯილდოვებდნენ მოწინავეებს, იმათ ვინც ალალი, პატიოსანი და კაცური შრომით თავი ისახელა ამ საერთო-სახალხო და საშვილიშვილო საქმეში. დაჯილდოებულები ცალ-ცალკე გაჰყავდათ სცენასთან. ინჟინრები და ბრივადირ-ტექნიკოსები მოკლედ ახასიათებდნენ თვითულის ღვაწლს და შრომითს წარმატებას. უცხად თედომ თავის გვარს მოჰკრა ყური, მაგრამ ყურადღება არ მიაქცია, სმენამ მომატყუაო, გაიფიქრა; იმავე წამს მეორედ გაიგონა თავისი გვარი და სახელი, ახლა უკვე გარკვევით, — თედო დარჩიაშვილი არ არის აქ? გამოვიდეს! თვითონ ნესტორ გიორგაძე კითხულობდა. თედომ მაინც არ დაიჯერა — ვინ იცის, ამ დღუნია ხალხში რამდენი თედო დარჩიაშვილიაო, და კიდევ არ აპირებდა ადგომას. მუშებმა ძალით წამოაგდეს:

— აქ არის, აქ! ადევ, კაცო, შენ ვკითხულობენ, რას იმალები?

თედო წამოდგა.

— ახლოს მობრძანდით, ძია თედო, ახლოს! — გამოსძახა ნესტორმა.

თედო ნელა გაემართა სცენისაკენ. ნესტორმა ქების სიგელი და ფულადი ჯილდო გადასცა. მაგიდასთან მსხდომნი ფეხზე წამოდგნენ და ხელი ჩამოართვეს. თედოს შერცნვა: აედო თუ უკანვე დაეწყო მაგიდაზე? განა რა გააკეთა თედომ ამის ფასი?

— ამ პატარა ტანის ბერიკაცმა სამამაგად შეასრულა თავისი სამუშაო გეგმა, — ამბობდა ნესტორი ხმამაღლა და

თითქოს თედოს იღუმალ ფიქრს პასუხობდა.

შემკრთალი თედო თავჩაღუნული, ბარბაცით მიდიოდა სკამებს შუა და კიდევ ვერ გადაეწყვიტა, დაეჯერებინა ნესტორის ნათქვამი, მიელო კი ეს სიტყვები თავის თავზე თუ არა. მაინც რა გააკეთა თედომ ასეთი? სამაგად შეასრულაო! კი მაგრამ, ვინ გაიგო ეს? ვის ეცალა თედოსთვის, ვინ მიაქცია ყურადღება უბრალო მტკვართავ მუშას, — რას აკეთებდა და როგორ აკეთებდა? ვთქვათ, ყველაფერი ეს მართალია, მერედა, რა ძალიან დიდი საქმე ეგ არი! ახალი ხომ არაფერი მოუგონია და არც საშვილიშვილო რამე გაუტყებია. რა სასხენებელია თედო იმათთან, ვინც საკუთარი ხელით აშენებდა ამ ვეება ქარხანას! ვინც გააკეთა, ერთმანეთს გადააბა ეს საკვირველი მოწყობილობა? ავტომობილებს ცლიდა და ტვირთავდა, ეგ იყო და ეგ.

თედომ ამ ფიქრით გაიარა დარბაზი და თავის ადგილზე ჩამოჯდა. მუშები ფეხზე წამოდგნენ, გარს შემოეხვივნენ, ხელის ჩამორთმევით მიულოცეს და თითქოს თედოს ფარულ ფიქრს უპასუხეს:

— საქმეში დიდი დამცირე არ არსებობს, ძია თედო. პატიოსანი, კაცური შრომა ყველგან ქების ღირსია და ფასდება კიდევ. ალაღია შენთვის ეს ჯილდო, ალაღი!

ისევ თენდებოდა და ღამდებოდა. დღე დღეს მისდევდა, თვე — თვეს. ისევ ცვლიდა დარ-ავდარი ერთმანეთს, ისევ დაუდგრომლად გრუხუნებდნენ ბულდოზერები და ექსკავატორები. უწყვეტ ნაკადად მიმოქროდნენ თვითმცლელი ავტომობილები, იძაგრებოდნენ თავაწვდილი ამწეები. ჩვეულებრივად ფუსფუსებდნენ ტალახითა და მტვრით მოსვრილი, ხელქაფჩიანი და ხელწერაქვიანი მუშები. აქა-იქ კიაფობდა შედუღების ელვისფერი ცეცხლი და ქალაქშიც და ქარხნის კარ-მიდამოზეც ახალ-ახალი ობიექტები დგებოდა მწყობრში.

იმავე წლის ნოემბერში გამართეს

სავლიანი საამქროს დგანი — ბლუმენგი, ეს იყო ომისშემდგომი წლებს პირველი საბჭოური დგანი, მისი წონა 4500 ტონას აღწევს. დაახლოებით ერთი წლის შემდეგ ამუშავდა მილსამზადის დგანი "900" და ერთ-ერთი უზარმაზარი იზოელექტროცენტრალი. ამას მოჰყვა ბრძმედები და გაჩნდა არჩილ ძამაშვილის კომუნისტური შრომის ბრიგადა. თედო კარგად იცნობდა არჩილ ძამაშვილს. ეს სწორედ ის მომცრო ტანის შავტუხა ბიჭი იყო, პირველად ქალამნებით რომ მოვიდა ქარხანაში, ვისზედაც მუშები ოხუნჯობდნენ, — გულდა და კომბალიდა აკლია, თორემ მწყემსია გამოცხადებულყო; ეს ახსოვდა თედოს, მაგრამ არ იცოდა, რას ნიშნავდა კომუნისტური შრომის ბრიგადის სახელწოდება, ვის აკუთვნებდნენ ამ სახელს და რით იყო ის ასეთი საპატიო. ხოლო როცა გაიგო, რომ კომუნისტური შრომის ბრიგადის ყველა წევრი მოწინავე და სამაგალითო მოქალაქე უნდა იყოს საზოგადოებაშიც და ოჯახშიც, — მათი ხელმძღვანელი კი გამორჩეული კაცი, გულმართალი, ალაღი, დაფასებული ყველგან და ყველასგანო, თედომ აღტაცება ვეღარ დაფარა:

— მაშ, იმ მოსკუბულმა შესძლო ამდენი? ყოჩაღ, ბაღლო, ბარაქალა შენს დედასა! — წამოიძახა ხმამაღლა, ხოლო გულში ფარული სიამაყით დაუმატა, — ჩვენებურია, მაშა!

სწორედ იმ ხანებში თედო მშენებლობის უფროსმა გამოიძახა. კაბინეტში ნესტორი და ქარხნის დირექტორი ნიკოლოზ გომელაური დახვდნენ. ნესტორი იჯდა, ნიკოლოზი ფეხზე იდგა, ორივენი ჩვეულებრივ გულთბილად შეეგებნენ თედოს:

— როგორ ხარ, ძია თედო?

— რა მიჭირს, რა! — მოკლედ მოსკრა თედომ.

ნიკოლოზმა ხელი მოხვია და, ჯანზე როგორა ხარო, ჰკითხა.

— რა ვი, არ ვემდური კი, და!

სულხან ქეთელაური

ზღაპარი სინამდვილედ იქცევა

— მუშაობა თუ შეგიძლია ძველებუ-
რად?

— მეტი რა ხელობა მაქვს!

— წასვლას ხომ არ აპირებ აქედან?

— თუ საქმე იქნა, რითვის წავალ?

— საქმის მეტი რა გვაქვს, ძია თე-
ლო, — ნესტორიც ფეხზე წამოდგა, —
ერთი დიდი საამქრო კიდევ უნდა ავა-
შენოთ.

„კიდევ ახალი!“ — გაიფიქრა გუნება-
ში თედომ და, ეგ რაღა უნდა იყოს,
შეეკითხა.

— ეგ იქნება მილსაგლინავი საამქრო.
აი, რკინის მსხვილი მილები დონბასი-
დან რომ შემოგვაქვს, აწი აქვე უნდა
დავამზადოთ. ამას გარდა, მოეწყობა
პატარა-პატარა საამქროებიც — მავთუ-
ლის, წვრილი მილების, თუნუქის ფირ-
ფიტების და ბევრი სხვა რამისაც. ერთი
სიტყვით, რაც ჩვენს ქალაქებსა და
სოფლებს ჰირდებათ, ყველაფერი ჩვენ
უნდა გავაკეთოთ. განა ასე არ ჯობია,
ძია თედო?

— დიანაც ჯობია! — დაუდასტურა
თედომ, — როდის დაიწყებთ?

— ძალიან მალე, უკვე გადაწყდა. მე
მგონია ერთ წელიწადში დავამთავრებთ
კიდევაც.

— კარგია! — თედომ თავი ჩაიქნია.
ერთი წუთით მდუმარედ იდგნენ სამი-
ვენი. მერე ნესტორმა ჰკითხა:

— ძია თედო, მოგწონს აქაურობა?
არ გინდა სამუდამოდ აქ დასახლდე?

მოგწონსო? რა სათქმელია! ვის არ
მოსწონს და ვის ეთობა ის ადგილი,
ის არემარე, სადაც ამდენი უსრომია-
ამდენი რამ უკეთებია, ჯანი და ოფლი
ჩაუღვრია? ცოტა დრო ხომ არ არის,
აგერ თორმეტი წელიწადი ხდება, რაც
თედო აქ ცხოვრობს. დიანაც მოსწონს
და კიდევაც აპირებს გადმოსახლებას,
მაგრამ ყველაფერს ხმამაღლა ხომ არ
იტყვის კაცი? თედოს თავისებური,
ასე ვთქვათ, საკუთარი გეგმა აქვს:
აი, მისუსტდება სამუშაო, თედო მოიც-
ლის და სადმე ერთ კოპწია სახლს ჩად-
გამს. აქ ადვილია სახლის გაკეთება,
ქვა-ქვიშა აქვია, ხე-ტყის მასალაც. ავ-
ტომანქანებს მშენებლობიდან ათხოვე-

ბენ და კალატოზები და დურგლებიც
აქვე არიან. პატარა ბაღჩა-კარმიდამოს
მოიწყობს და ცოლ-შვილსაც გადმოიყ-
ვანს, მაგრამ ჯერჯერობით საამისო
დრო არა აქვს, ჯერ სხვა, უფრო დი-
დი საქმეა გასაკეთებელი.

ნესტორი და ნიკოლოზი ჩამოსხდნენ.
თედოც დასვეს და ოჯახური ამბები
გამოჰკითხეს.

— მეუღლე მყავს, — უთხრა თე-
დომ, — ორი ბიჭი და ერთი გოგო.

ნესტორმა და ნიკოლოზმა ერთმა-
ნეთს გადახედეს.

— სამიანი? — იკითხა ნიკოლოზმა.

— სამიანი მივცეთ, ეკუთვნის.

„ნეტა რას მაძლევენ?“ — გაიფიქრა
თედომ და უნდოდა კიდევ ეკითხა,
მაგრამ ნიკოლოზმა არ აცალა, გამომ-
ყვიო უთხრა და გარეთ გამოიყვანა.
მანქანაში ჩაისვა და „პობედა“ ზევით
გააქროლა, სადაც ახალი, ხარაჩოებ-
მოსხნილი საცხოვრებელი სახლების
რიგი მოჩანდა. მანქანა ერთ-ერთ ორ-
სართულიან სახლთან დაამუხრატა, თე-
დოს ხელი გამოსდო, ფართო კიბეებს
შეუყვია და, სადა ცხოვრობო? — ჰკითხა.

თედო ჩამოსვლის დღიდან საერთო
საცხოვრებელში ცხოვრობს, ხუთნი
არიან ერთ ოთახში, ერთი იმერელია,
ერთი ახმეტელი ოსი, ერთი თბილისე-
ლი სომეხი, ერთი მულანლოელი თათა-
რი და თვითონ თედო; „ტკბილი ოჯა-
ხი“ აქვთ.

— აი, ღღვიდან კი საკუთარ ბინაში
იცხოვრებ, — უთხრა ნიკოლოზმა, მესა-
მე სართულზე გასაღების ასხმულას
ერთი გასაღები გამოაძრო, რძისფრად
შეღებელი კარი გააღო და, შედიო,
უთხრა.

თედოსთვის ესეც ისეთივე მოულოდ-
ნელი იყო, როგორც ის პირველი სა-
ჩუქარი, — ქების სიგელი და ფულადი
ჯილდო, და ახლაც ისევე დაიბნა, რო-
გორც მაშინ. ერთი ნაბიჯით უკან
დაიწია. შიგნით მოჩანდა ნახევრად
ღია, შუშაბანდიანი კარი, სარკესავით
გაპრიალებული პარკეტი. თედომ ტან-
საცმელზე დაიხედა და ერთი ნაბიჯი
კიდევ გადადგა უკან. მბრებიდან და

სახელოებიდან მტკერი ჩამოიბერტყა, მერე ხელები შეიწმინდა ტილოს წინსაფარზე და ნელა, ფეხაკრეფით შევიდა შიგ.

თედოს ცხოვრებაში ეს იყო ყველაზე დიდი ოცნება. ჯერ კიდევ ჭაბუკობისას, როცა თედო „სხვათა ველის არგნად“, მოჯამავირედ იდგა, მაშინ ოცნებობდა ამაზე. თედოს სოფელში მამისეული ერთი ქვიტკირის ოთახი ჰქონდა, უსაჩუქო და უდერეფნო, ქოხი უფრო ეთქმოდა ვიდრე სახლი. თედო ამ ქოხში დაოჯახდა. ცოლი შინ შრომობდა, ქმარი სხვათა საქმეს აკეთებდა, ოჯახს კი არაფერი ემატებოდა. ასეთ ყოფაში ოცნება იყო თედოს ერთადერთი ნუგეში. სუნთქვაშეკრული ისმენდა ჭაღარა მწყემსებს მონაყოლ ზღაპრებს და გონებაში ფერად-ფერად სურათებს ხატავდა. თავის თავს ხან მზეჭაბუკს ადარებდა, ხან ნაბოლარა ძმას. ათასჯერ ამარცხებდა ცხრათავიან ურჩხულს, სტაცებდა ბროლის კოშკს და უთვალავ თვალმარგალიტს. კოშკში თეთონი სახლდებოდა, ხოლო თვალმარგალიტს ხალხს ურიგებდა. ხსნიდა ჩაკეტილი სიცოცხლის წყაროს და სოფლის სათაყვანო თავკაცი ხდებოდა.

თედომ მართლაც მალე დაამარცხა და განდევნა ასთავიანი ურჩხული, მაგრამ ცხოვრება ისე მოეწყო, ნატვრა ვერ აისრულა. მართალია, კოლექტივში ოჯახი წამოსწია, ფეხზე დააყენა და წელშიაც გაიმართა, აპირებდა კიდევაც სახლის საძირკვლის გაჭრას, მაგრამ ომიც დაიწყო. ახლა კი თედოს ქალაქის თავკაცობაშიც წილი უღევს; მას ბევრ რამეს ეკითხებიან და მის რჩევას ითვალისწინებენ. ეს ახალი ბინაც რით არ ჰგავს იმ ბროლის ნაოცნებარ კოშკს, ასე შორეული და მიუწვდომელი რომ ეჩვენებოდა თედოს?

თედო კარგა ხანს ვერ მოვიდა გონს. მას არც ნიკოლოზ გომელაურის წასვლა გაუგია. ქუდმოხდილი, გაუნძრევლად იდგა ღია ფანჯარასთან; მტკერიდან მონაბერი ნიავი უწეწავდა შეთხელებულ ჭაღარას. გული გამალეებით უტემდა.

თედომ აღარ დააყოვნა რუსთავში გადმოსახლება. იმავე კვირას შეებრუნებოდა აილო, სოფელში გაემგზავრა ღს, როგორც თეთონ იტყოდა, ცოლ-შვილი გადმოირეკა. შვილებს ყველას გზა მიუჩინა: უფროსი საბრძმედე საამქროში მიაბარა შევირდად, უმცროსი — მარტენის საამქროში. ქალიშვილი ლაბორატორიაში მოეწყო, და თედოს ოჯახი ქალაქ რუსთავის მკვიდრი გახდა.

დაწყებიდან სწორედ წლის თავზე გაიხსნა მილსაგლინავი საამქრო. ეს არ გაპკვირვებია თედოს. მართალია, მაშინ ასეთი საქმისთვის ერთი წელი ძალიან ეცოტავა და ოდნავ შეჭოჭმანდა კიდევ; მაგრამ აღარაფერი თქვა. სადაც ამდენი რამე გაკეთდა, ალბათ ესეც გაკეთდებაო, იფიქრა და გაჩუმდა.

ამით ძირითადად თითქმის დასრულდა მეტალურგიული ქარხნის მშენებლობა. საქმე ვარიგდა, ადგილები განაწილდა, მუშაობა აეწყო და კალაპოტში ჩაღდა. ახლა კი დაისვენა თედოს თვალმაც და ყურმაც. მაგრამ არ გასულა დიდი დრო, რომ ისევ ახალი რაღაც გაჩნდა — თედომ გაიგო, რომ მილსაგლინავ საამქროს მთლიანად ავტომატიზაციაზე გადაყვანას უპირებენო, ისიც გაიგო, ამისთანა რამ ჯერ არსად, არც ერთ ქვეყანაში არ მომხდარა და პირველად საქართველოში, აქ, რუსთავში უნდა გაკეთდესო. თანაც ვინ აპირებს თურმე ამის გაკეთებას? ქარხნის დირექტორი ნიკოლოზ გომელაური, მთავარი ინჟინერი სოლომონ შარაძენიძე, აი, ის ახალგაზრდა ინჟინერი, პავლე წერეთელი, ტექნიკუმის დიპლომით რომ მოვიდა ქარხანაში და უმაღლესში სწავლა ჯერაც არ დაუმთავრებია, ოთარ ბლიაძე, ღგან „140“-ის ბრიგადირი, მისი მოადგილე ირაკლი ჟორდანი.

დრო მიდიოდა, იზომებოდა, ზუსტდებოდა ნახაზები, თეთრად თენდებოდა გრძელი დამეები, იგებოდა ქაღალდის ყონდები. განსაკუთრებით გაჭირდა რგოლური მბრუნავი ლუმელის ავ-

სულხან ქეთელაური

ზღაპარი სინამდვილედ იქცევა

ტომატური მექანიზმის შექმნა. ახლად-ჩამოსხმული გავარვარებული ფოლადის ზოდმა, ვიდრე იგი დამრგვალებდა, გაიწლება და მილის ფორმას მიიღებს, რამდენიმე ყალიბში უნდა გაიაროს. ეს ყალიბები წყლით ცივდება, ძლიერი ჭავლი დასამუშავებელ ფოლადსაც აცივებს და დაბურღვა ძნელდება. ამიტომ ამ წინასწარ მოსამზადებელი სამუშაოს შემდეგ ფოლადის ზოდი ხელახლა უნდა გაცხელდეს და უნდა გაცხელდეს თანაბრად, ისე რომ, არც ერთი ნაწილი არ დარჩეს ცივი. აი, სწორედ ამ ავტომატის შექმნა გაუჭირდათ ინჟინერ-ტექნიკოსებს. ამაში მათ დაეხმარნენ უფროსი ამხანაგები — დგან „400“-ის უფროსი ელექტრო-ტექნიკოსი რევაზ პაჩუაშვილი, ავტომატიზაციის ძველი ოსტატი ლეონიდ ტუმაკოვი და დგან „400“-ის მექანიკოსი ალექსანდრე დუდინი. ბოლოს ნახაზები ფოლადის დეტალებად გარდაიქმნა, დეტალები შეერთდა, გონიერ მექანიზმად აიკინძა და მისი გამოცდის დღეც დადგა.

გამოცდაზე უამრავმა ხალხმა მოიყარა თავი. თედოც აქ იყო. ირგვლივ ყველაფერი ტოკავდა, მოძრაობდა, საიდანღაც ძლიერი გუგუნი ისმოდა, სხვაგან რაღაც ქშინავდა, შიშინებდა სულჩადემული მექანიზმი კი ხან ზანტად ბრუნავდა, თითქოს იზმორებო, ხან კი ისე აჩქარდებოდა, თედოს ეგონა ყველაფერი დაიმსხვრევა და თავზე ჩამომეშობო.

ყველაფერი ეს მით უფრო საკვირველი იყო თედოსთვის, რომ კაცი არსად ჩანდა, არ ჩანდა, რა მართავდა, რა ამოძრავებდა ამ უზარმაზარ მექანიზმს. თედო მხოლოდ აქა-იქ ხედავდა თითო-ორთა მუშას, მაგრამ ისინიც თითქმის არაფერს აკეთებდნენ, ათასში ერთხელ თუ მიუშარჯვებდნენ რაღაცას რკინის გრძელი ხარდანებით, ეგ იყო და ეგ. ძირითადად ყველაფერი თავისთავად კეთდებოდა. სამართავ აპარატთან იდგნენ ამ მანქანის შემქმნელი ახალგაზრდა ინჟინრები — პავლე, ირაკლი და ოთარი. ისინი შავ დაფაზე ჩამწკრივე-

ბულ თეთრ, წითელ და მწვანე ლილვებს აჭერდნენ თითებს, ზევიდანვე ერთმანეთის მოყოლებით მოცურავდნენ ფოლადის გავარვარებული, უფორმო ზოდები. წინმოშავალი პირდაპირ შედიოდა გამწურავ ყალიბში, ყალიბი გაიტყალაშუნებდა, ზოდი გაბრტყელდებოდა და გავარდებოდა მეორე მხარეს. იქ რაღაც უჩინარი ძალა ამ სამოცტონიან ფოლადის ზოდს მალა აისროდა, გადააბრუნებდა და ისევ საწურ დაზგაზე დადებდა. დაზგა ღონიერ ფრთებს შემოჰკრავდა და ახლა სხვა მხარეს გაავდებდა. იქ ისევ შეათამაშებდა უჩინარი ხელი, ისევ უქცევდა გვერდს და უკანვე აბრუნებდა. ყალიბში ფოლადის ყოველ ასეთ გავლას თან ახლდა გამაყრუებელი ტყალაშ-ტყალუმი. მთელი საამქრო ზანზარებდა, რკინის ძელები ჰრიალებდა, არ წყდებოდა არც ზრიალი, გუგუნი, ქშენა და შიშინი. ბოლოს ფოლადის ზოდი ოთხკუთხედი მორის ფორმას იღებდა. ყალიბში ახალი ზოდი შემოდებოდა, ხოლო ფოლადის გაკუთხული მორი ნელა მოცურავდა ქვევით. იქ უცებ, თითქოს რაღაცამ ჩაყლაპაო, იკარგებოდა. ცოტა ხნის შემდეგ ისევ გამოჩნდებოდა უკვე ფორმაშეცვლილი, — დამრგვალებული. რა გზით ბრუნდებოდა უკან, თედო ამას ვერ ხედავდა, აქაც რაღაც უჩინარი ძალა მოქმედებდა, უჩინარ ხელს გადაჰქონდა სხვა ადგილზე. ოღნავ ფერნაცვალი, შეწითლებული მრგვალი ძელი პირდაპირ მოემართებოდა რგოლურად მბრუნავი ღუმელისაკენ და მის აღმოდებულ ზახაში იკარგებოდა. აქედან გამოდიოდა ისევ ყვითლად გავარვარებული, გადმოწვებოდა კალაპოტში და სწრაფად გამოქანდებოდა გამბურღავი დგანისაკენ. შემოყოფდა თავს მარწუხის ჰრილში და მოპირდაპირე მხრიდან 400 მილიმეტრიანი მბრუნავი ფოლადის ისარიც დავიკებდა, დაეძგერებოდა თავში და ერთ წამში წვერს ბოლოში გაახედებდა. მერე ისარი უკანვე ბრუნდებოდა ძველ ადგილზე და ახალი ძელის მოლოდინში ცივი წყლის ჭავლში იჩქვიფებოდა. ხოლო გაბურღულ, უკვე

მილადქცეულ ძელს რკინის მსხვილი მკლავები მსუბუქად აიტაცებდა, წამით შეაჩერებდა; მერე ხელუკუღმა გადაისროდა და თავისსავე მსგავს გოლიათს მიუგდებდა მკლავებში. ასე თანდათანობით გადადიოდა მილი ხელიდან ხელში, ფართოვდებოდა და ბოლოს იღებდა სასურველ სახეს.

ეს პროცესი არ წყდებოდა, ერთმანეთს მოსდევდა გავარვარებული ზოდები, გამაყრუებლად ტყლაშუნობდა გამწვარი ყალიბი, აზანზარებდა კედლებს, წინ და უკან ლაწა-ლუწით მიმოდირდა ფოლადის ისრები, ქშინავდა ნაკადური მეთოდის პნევმატური მექანიზმი, გუგუნებდა მბრუნავი რგოლური ღუმელი, ჩქეფდა წყალი, შიშინებდა ცხელ რკინებზე და ორთქლის თეთრ ქულებს ისროდა. ბუმბერაზი ამწეები დავორავდნენ წინ და უკან, იქნევდნენ უზარმაზარ, გარუჯულ ჭანგებს, იტაცებდნენ უკვე დასრულებულ, მაგრამ ჯერ ისევ ცხელ მილებს და ქვევით, საამქროს ბოლოში ერთ მწკრივზე აწყობდნენ. ყველაფერი ეს კეთდებოდა ავტომატურად.

გამოცდა დასრულდა. ახალგაზრდებს გამარჯვება მიულოცეს. სულ მალე ამ რთული მანქანის შემქმნელებს ლენინური პრემია მიენიჭათ.

— დიხაც ეკუთვნით! — თქვა გახარებულმა თედომ.

კიდევ გავიდა რამდენიმე წელიწადი. ქალაქში ბევრი ახალი სახლი აშენდა, ბევრი ქუჩა გაჩნდა, ქარხანასაც ბევრი რამ შეემატა. მიიღეს ყარადაღის ბუნებრივი გაზი, აღიმართა აზოტოვანი სასუქების ქარხნის კორპუსები, აღიმართა უთვალავი საამქრო, სახელოსნო და დაზგა-დანადგარი. თედომ ამ ხნის მანძილზე კიდევ ბევრჯერ ისახელა თავი, ბევრი საჩუქარი — ქების სიგელი და ფულადი ჯილდო მიიღო. თედოს ვაჟებიც დაცოლშვილდნენ, ცალ-ცალკე დასახლდნენ, მერე თედოს შვილიშვილებიც გაუჩნდა და მას ოჯახში სახელი შეუცვალეს — აქამდე თუ მამას ეძახდნენ, ახლა ყველამ პაპა დაარქვა.

მისის თბილი საღამო იყო, ასეთ

დროს მეტალორგთა ბაღი სავსეა ახალგაზრდებით. კარგია საღამოს ბაღში დასვენება. უფრო კი ახალგაზრდებთან ყოფნა უყვარს თედოს — ყოველთვის რაღაც ახალსა და საინტერესოს მოისმენს ხოლმე.

თედო მარტო იჯდა სკამზე, გაზეთს კითხულობდა, მერე გაზეთი გადადო და ზურგით მიეყრდნო სკამს, სიგარეტი გააბოლა და ახალგაზრდების კამათს მიუგდო ყური, მერე წამოდგა, ახალგაზრდებს შეუერთდა.

— რაო, შვილო, რა თქვით, კიდევ რა უნდა გაკეთდესო? — იკითხა თედომ.

ახალგაზრდები კაპროლაქტამის ქარხნის მშენებლობაზე ლაპარაკობდნენ. თედომ გულდასმით მოისმინა ყველაფერი, უსიტყვოდ გამობრუნდა და სკამზე ჩამოჯდა.

„ვთქვით და ყველაფერი ეს გაკეთდა! ჰო, ეს კიდევ შეიძლება დაიჯეროს კაცმა, მაგრამ წიდისგან რომ აბრეშუმით რბილი და სუფთა ძაფი გაკეთდეს, ეს კი... განა არ იცის თედომ, რაც არის წიდა, განა ერთხელ და ორჯერ დაუტვირთია და ჩამოუცლია ეს ჯართი თავისი ხელით? ის აღარც რკინაა, აღარც თუჯი, უშნო, უჯმაჯური რაღაცა! — და თედომ ისევ ჩაიქნია ძველებურად ხელი, — არა, ტყუილია, ზღაპარია, ჭორია!“

მაგრამ ეს ზღაპარიც მალე სინამდვილედ იქცა. თედომ თავისი ფეხით მოიარა კაპროლაქტამის ქარხანა და საკუთარი თვალთ ნახა ყველაფერი. საწარმოს უფროსი, ახალგაზრდა ინჟინერი გერმან ჩიჯავაძე დაწვრილებით მოუთხრობდა სტუმრებს კაპროლაქტამის მიღების ტექნოლოგიურ პროცესზე, თუ რა ქიმიური ნივთიერებების მინარევებისა და რეაქციების შედეგად გარდაიქმნება წიდა აბრეშუმის ძაფად. თედომ ამ მონათხრობიდან ბევრი ვერაფერი გაიგო, მისთვის სრულიად უცნობი იყო ფენოლი, ბენზოლი, მონომერი,

სულხან ქეთელაური

ზღაპარი სინამდვილედ იქცევა

პოლიმერი და პოლიმერიზაცია. ის, რაც წინათ ენახა თედოს — ბრძმედიც, მარტენიც და მილსაგლინავი ავტომატიც, თავისთავად დიდი მოვლენა იყო, მაგრამ ისინი მარტო სირთულითა და სიდიდით ანცვიფრებდნენ თედოს. ეს კი ყველა სირთულესა და სიდიადეს ჭარბობდა და მნახველს თავისი საოცრებით ნიბლავდა. გაშტერებული თედო თვალს ვერ აშორებდა „საცირიდან“ ჩამომდინარ, ოქროსფრად მშვინავ, ათრთოლებულ ძაფებს და კიდეც ვერ დაეჯერებინა, თუ ეს ნაზი, ძლივს დასანახი ძაფი იმ უხეში ჯაართისგან — წილისგან კეთდებოდა. ეს დღეც სამუდამოდ დარჩება მის ცხოვრებაში. თედო საღამო ხანს დაბრუნდა შინ. კაპროლაქტამის ქარხნიდან ფეხით გამოჰყავა ქუჩას. ავტობუსში არ ავიდა. მარტო სიარული უნდოდა. წამოწვიმა კიდეც, მაგრამ მაინც არ ჩაჯდა ავტობუსში. მოსაცდელ ფარდულს შეაფარა თავი. წვიმამ მალე გადაიღო და თედომ ფეხით განაგრძო გზა. ცოლი და ქალიშვილი შინ არ დახვდნენ. ალბათ ბიჭებთან გაიარეს, — გაიფიქრა მან. თედომ ფანჯარა გამოაღო და ნაწვიმარ ქალაქს გახედა. ამ დროს გორისპირს მისულმა მშემაც გამოანათა. თედოს გაახსენდა ის დღე, როცა პირველად მოვიდა აქ. რას ჰგავდა მაშინ ეს ადგილი? ერთი ბუჩქიცი კი არსად იყო. ზაფხულში პანაქება ხრუკავდა კაცს, ზამთრის სუსხი ძვალ-რბილში ატანდა. ახალი ქალაქი თედოს თვალწინ აშენდა. მას კარგად ახსოვს თვითთული ქუჩის, სახლის, სკვერისა და მოედნის გაჩენა. აი, ეს ტანმსხვილი ჭადრები და წერწეტა კვიპაროსები პაწაწინა ნერგები იყო, ნიავის უბრალო წამოქროლებზედაც საცოდავად ყელყელობდნენ. ახლა კი სიმაგრით ჭალის ვერხვებს გაუტოლდნენ და ქარიშხალიც კი ვეღარ შეარხევს. დიახ! ყველაფერი ეს ძალიან ჰგავდა ზღაპარს, მაგრამ ყველაფერი

სინამდვილე იყო ხოლო ის, რაც დღეს ენახა...

თედო იჯდა ფანჯრის რაფაზე ნიდაყვდაყრდნობილი და გადაჰყურებდა ლარევით სწორ, ხეივანებში ჩამჯდარ მთავარ ქუჩას — ლენინის გამზირს. ქუჩის ბოლოს, გადაწვდილ მილებს შორის მზისფრად ელავდა მარტენის ღუმელები. გამზირზე აქეთ-იქიდან გამოდიოდნენ გოგო-ბიჭები, ერთდებოდნენ და სიცილ-კისკისით, ყრიაპულით მიემართებოდნენ თავქვე, ცენტრისკენ. თედომ მათ მზერა გააყოლა და ისევ იმ ახალგაზრდა ინჟინრის ნათქვამი სიტყვები გაახსენდა. ყველაფერი, რასაც იგი ამბობდა, ბევრით სცილდებოდა ზღაპარს, მაგრამ ახლა თედოს ოდნავადაც აღარ შეჰპარვია ეჭვი.

განა თედო ახალგაზრდების გვერდით არ იდგა? განა ყველგან არ ერია თედოს ხელიც? განა რომელი დიდი საქმე გაკეთებულა უმისოდ? თედო დაუღალავად მონაწილეობდა ამ ზღაპრული სინამდვილის შექმნაში. ამით სიმართლიანად ამაყობდა კიდეც, მაგრამ ახლა ეს სიამაყე სადღაც გაუქრა და თავისი შრომა ძალიან უმწურო და უსუსური მოეჩვენა.

ეჰ! დაბერდა თედო, ცუდ დროს დაბერდა, ახალგაზრდობა კი შორს, ძალიან შორს მიდის. თედოს იქამდე აღარც ხელი მიუწვდება და აღარც თვალი. შორია!

წამით თავისი ახალგაზრდობა წარმოუდგა თვალწინ და ეს სიშორე უფრო იგრძნო. წამოდგა. ოთახში გაიარ-გამოიარა, მღელვარებისგან სუნთქვა შეეკრა, ისევ ფანჯარასთან მივიდა, გადაეყრნო და გახედა გაჩირადნებულ ქალაქს. მერე მარტენის ღუმელებზე გადაიტანა მზერა, ერთ ხანს მღუმარედ უყურა, მერე სევდანარევი, მსუბუქი სინანულით ჩაილაპარაკა:

— ერთი ოცი წელი კიდეც ჩამომბერტყია მხრებიდან, მარტო ოცი წელი!





პოემა

გეძახდი მამას, შენ არ გესმოდა
 შვილის ძახილი განუწყვეტელი,
 მე თითქოს ვიდექ მალალ მესერთან,
 ხმა გამებზარა, როგორც კედელი.
 ვეჯახებოდი მე იმ მაგიდებს,
 იმ სკამებს, კედლებს, შენი თითები
 რომ ეხებოდნენ, შენს მონაკიდებ
 წიგნებს ფფურცლავდი და ხელს

გკიდებდი.

შენ არსად ჩანდი, როდესაც მტვრიან
 გზაზე ვიდექ და ხმას ვიბოხებდი,
 შენ გაიგონე ძალიან გვიან
 შვილის ძახილი და შენ მოხვედი.
 ისე განათდა შენი დაისი,
 რომ თითქოს მხოლოდ ამას ელოდა
 და ჭიქასავით უცებ დაიმსხვრა
 ჩემი ბავშვური უზრუნველობა.
 სინათლის წრეში, რომელიც ახლა
 ეცემა ჩემი მაგიდის მაუღს,

გესაუბრები...
და სანამ წახვალ,
უსმინე ჩემი სიტყვების ხმაურს.
უსმინე...
კედლებს აწყდება ეხო,
მე ძლიერ მიჭირს,
მე სიტყვებს ვეძებ,
არ ვიცი, რაზე დავადგა ფეხი,
თითქოს მივდივარ დანაღმულ ველზე...
დღეს შენი ლანდი მოვიდა ჩემთან
და ამ საუბრის დასასრულამდე
სინათლის წრეში იქნება ჩემთან
და უნდა იწვევო თოვლში ულანდოდ.
შენ უნდა იწვევო, როგორც იწვექი,
და სანამ შენი ლანდი მოგივა,
მე სიტყვას ვეტყვი მას მოწინააღმდეგით.
ეს ჩემი ჩუმი მონოლოგია...
მაგრამ ის ტაშით არ დაირღვევა,
როგორც თეატრის პირობითობა,
ეს არის ჩემი უხმო სიმღერა...
რა სიჩუმეა, თითქოს ითოვას!..
სინათლის წრეში, რომელიც ჩემი
მაგიდის მწვანე მაუდს ეცემა,
გესაუბრები...
მე მინდა რჩევა,
დღეს შენი ლანდი ვერ გამექცევა.
დღეს მინდა მასთან მივიდე მშვიდად
და არც ხმამაღლა არ დაუფძახო,
რომ არ გამექცეს სინათლის წრიდან
უეცრად შენი ლანდი უსახო.
მე მეშინია გასვლა ამ წრიდან,
თითქოს წრე ცარციტ შემომიხაზე,
ალბათ ცრემლია, რომ აწვრილდა
და სინდიცივით მირბის ნიკაპზე...

შენ ერთი სიტყვა არ გაიმეტე...
გთხოვდი ჯიუტად და დაქინებით,
რომ მოსულიყავ... რაა იმედზე
უფრო ძლიერი და საშინელი.
მე შევყურებდი კვლავ და ხელახლა
შენი თვალების დამსხვრეულ სარკეს,
რომ ჩემი თავი იქ დამენახა,
მაგრამ ამაოდ, შენ იდექ ცალკე...
მე მოგვკვდი შენში, მე ვიყავ შენი
ერთი ნაწილი და ის ნაწილიც
მოკვდა, როდესაც მოფრინდა სტვენით
შენთან ბრმა ტყვია და დავაწვინა.

☆
იხილეთ
საქართველო
☆
ბიზნესი

შენ არ ცხოვრობდი ჩემი აწმყოში
და ჩემი იყავ მუზეუმში,
თითქოს აგურზე აგურს აწყობდა
და აშენებდა კედელს დუმილი.
შენ იმ დუმილის კედელთან იწევ ---
ჩემი, ამაყი და გამბედავი,
შენ იმ კედელთან ათბობდი მიწას,
მესმოდა სუნთქვა და ვერ გზავდი...
და მხოლოდ ღამე კვლავ გაბრუნებდა,
მე ისევ მცემდა სუნი თუთუნის
და დამძიმებულს ძილის ცდუნებით
ვედარ ვხუჭავდი ამ ქუთუთობს...
და ასე მქონდა შენი სიკვდილი
წარმოდგენილი... ბავშვი მამაზე
ასე ფიქრობდა... იქნებ სიკვდილი
სულაც არ იყო ასე ღამაზი?..

რა არის სახლი?

ოთხი კედელი?

ჭერი?

ან იქნებ სივრცე უჭერო
და უკედლებო, სადაც ეტევა
ღანდი, რომელსაც ვებღაუჭებით?
იქნებ ავეჯი? —

ყველგან ნათრევი,
შეკრული ფიცრის დიდი ყუთები,
რომლებიც გარეთ, მზის სინათლეზე
ჰკარგავენ სითბოს და მყუდროებას?
თუ ის ცრემლები და აღტაცება,
ამ ოთხ კედელში რომ მოვათავსეთ?
იქნებ უეცრად ბავშვის გაქცევა
შიშველ ფეხებით ცივ იატაკზე?
ან იქნებ თვლემა და სიბერეში
შემოჩვეული სურდო და ძალი?
იქნებ სარდაფის ბნელ კიბეებზე
ჯდომა და ფიქრი?..

რა არის სახლი?..

იქნებ კედლების სიჩუმე თეთრი,
სადაც ოდესღაც როგორც ისმოდა,
კვლავ ისე ისმის და ისე ფეთქავს
საათის ღერძის მარადისობა?
შენ დგახარ ისე, ვით მოლანდება
და კვლავ მამხნევებ ქალაღზე
დახრილს...

რა არის სახლი?..

თქვი...

მოლოდინი

უმწეო ქვრივის?..

რა არის სახლი?..

0476

სითბო?

სიცვივე?

იქნებ ორთავე?

თუ მომწყვდეული შენი ფეხის ხმა,
მზით გავსებული ჩემი ოთახის
დაბზარულ კედლებს რომ შეეხიზნა?..

ეს ვინ დაეცა თოვლში?

ვინ არის?

ხელი უმწეოდ ვინ გაიშვირა?

ეგ შენ იყავი,

მე დაგინახე,

ახლა შორიდან ისმის ყიყინა...

მე ვარ ფხიზელი, ჯერ არ ვყოფილვარ
ასე ფხიზელი...

მინდა ტირილი...

სველი მაქვს შუბლი, ალბათ ოფლია,
და მიხურს რკინის მოაჯირივით.

შენ სუნთქავ, ანდა მინდა სუნთქავდე
და ჩემთან იყვე...

რისთვის წახვედი?

რად დამიტოვე ბევრი უთქმელი,
ამოსაცნობი და მისახვედრი?

შენ თოვლზე წეგხარ, ნაძვების იქით,
უსასრულობის ზღურბლთან მისული,
მაგრამ შენ მაინც ამაოდ ფიქრობ,
რომ მაგ სიკვდილით განთავისუფლდი!..

შენით და შენი სუნთქვით და სიტყვით
გაჟღენთილია ჩემი ჰაერი,

მირჩიე რამე, მე მინდა ვიყო

შენსავით სათნო და შენნაირი.

მე რომ ვოცნებობ, შენ ხარ ისეთი
და ბევრ ცოცხალზე უფრო ცოცხალი,

მირჩიე რამე... დუმილისათვის

სინათლის წრეში რად გამოცხადდი...

მოდი, ჩამოჯექ ისევ კიბეზე,

მუხლზე დამისვი მორცხვი ბიჭივით,

ნუ გაიცინებ თუ დავიბნევი,

ზევით ამაგდე და დამიჭირე...

მე ვარ ფხიზელი, ასე ფხიზელი

ჯერ არ ვყოფილვარ... უცებ გაიხა
ბურუსის ფარდა... და ჩემს სიზმრებში

მე დაგინახე... შენ ცოცხალი ხარ!..

შენ აღარ გითრთის თოვლზე თითები
და ვედარც ბგერებს ვიგებ და ვარკვევ.

მაგრამ მე ვიცი, დაიბინდება,

რომ მოგიტანო ტუჩებთან სარკე...

დადგა აპრილი, ჩუმი და თბილი,
შენ თოვლზე წევხარ და მე მიყურებ,
შენ იღიმები, მე ვხედავ კბილებს,
როგორც აივნის მიჯრილ რიკულებს.
დადგა აპრილი... და ის თბილია
როგორც შენი ხმა...

და შენ დალლილი
კვლავ თოვლზე წევხარ და აპრილია
და მე არ მიკვირს დროის აღრევა...
შენ წევხარ ისე, როგორც გათავდი
და ნაზამთრალი გაცვივა წიწვი,
შენ ასე დარჩი, იყო ზამთარი,
ძნელია გათხრა გაყინულ მიწის...
მე დაგინახე... ეგ შენ იყავი,
შენ მიყურებდი... შენ ხარ ნამდვილად,
ახლა რომ ისევ ისე მიყურებ,
თუ ბეწვის ხიდზე როგორ გავდივარ.
ჩემი სხეულის ორი სარკმელი
შენი სინათლით ისევ ივსება,
მე მსურს შენსავით რომ შუქს ვაკმედე,
ყველა თვისების მსურს მითვისება.
შენ მოხველ ჩემთან...

მე კი ვღელავდი...
მე ეს სიჩუმე სქელ ტიხარით
უნდა აღვმართო, რომ დღეს ვერავინ
ვერ შემიშინოს ეს სიხარული.
მითხარი რამე, ძალიან დიდხანს
იყავი ჩუმი, გაზრდა მაცალე,
ჩემს სულში შენი ყოველი სიტყვა
გასკდება, როგორც ხორბლის
მარცვალი...

თქვი... ისე ვსუნთქავ, ასე მგონია,
მკერდში ჩამიდგი დღეს საბერველი
და დაინახე ეს სტრიქონები —
გაშიშვლებული ჩემი ნერვები...

შენ მიყურებდი... იყავ ბოლომდე
ქედმოუხრელი, ენთე ცეცხლივით
და მე მათბობდი...და შორს ბოლავდა
მაიდანეკი და ოსვენციმი...
შენ მიყურებდი... შენი ჩვენება
მიუწვდომელი და სისხლდაცლილი
იყო ძვირფასი, როგორც გენერლის
დალლილი სახე ჯარისკაცისთვის...
შენ მიყურებდი, ყინვამ ფეხები
წაგართვა, მაგრამ ტკივილს უძლებდი,
მე ვიცვლებოდი... სისხლით შეღებილ
თოვლზე იწექ და იყავ უცვლელი.

ჩემს მაგიდაზე შენი თითები
კვლავ ცახცახებდა და მე მახსოვდა,
რომ ვერასოდეს ვერ მოითმენდი
ვერც გულგრილობას, ვერც
თვალთმაქცობას.

დღეს შენმა ლანდმა მითხრა: „გუბებში
შუქი ჩაგიდგი და მზე გაჩვენე,
მე გაგაჩინე, ქვეყნად გაგიშვი,
შენ გაამართლე შენი გაჩენა...
შენ სულმდაბლობა არ გეკადრება:
არ გაპატიებ და დავინახავ,
შენ ამას მიხვდი, შენს თავს ადრევე
მიუახლოვდი, ჰკითხე: ვინა ხარ?..
თუ სხვა გინდოდა, თუ სხვას ფიქრობდი
და თუ ცხოვრება გსურდა ისეთი,
რომ რამდენიმე თბილი სტრიქონი
გამოგეგლიჯა დუმილისათვის,
დღეს აღარ კმარა... ამას განიცდის
და შენნაირად ფიქრობს ურიცხვი,
შენ პასუხს აგებ ამ სინათლისთვის
და ამ სინათლის დასასრულისთვის“.
დღეს შენმა ლანდმა მითხრა: „იცოდე,
რომ დამარცხება ქვეყნად უკუნის
და გადარჩენა მზის და სიცოცხლის —
ეს არის ტვირთი ამ საუკუნის!..
შენი ტვირთია, შენ ზურგზე გაწევს,
მე მოვიტანე შენამდე ბრძოლით,
და შენც იბრძოლე, არ უნდა გაწყდეს
ცოცხალი ჯაჭვის უწყვეტი რგოლი.
შენი სტრიქონით, ბრძოლით, ტკივილით
მე არ შევრჩები მხოლოდ კატალოგს,
ჩემი სიცოცხლის გახანგრძლივება
შენი სხეულით უნდა ატარო...“
შენ ეს მითხარი, შენმა სინათლემ
ჩემი სიზმარი კვლავ გადაკვეთა,
შენ შემომხედე და აღიმართე
და თოვლზე დადექ, ვით ქანდაკება.

მამალი ყვიის... უნდა დავშორდეთ
ახლა ერთმანეთს, მამალი ყვიის...
აციაგდება, როგორც ბავშვობა,
ჩემს მაგიდაზე სინათლის სხივი,
მამალი ყვიის... მალე ცისკარი,
როგორც მაღალი ზვინები თივის,
აბრიალდება... ცეცხლის სისწრაფით
მოიწევს დილა, მამალი ყვიის.
მე დავინახე თითქოს თავიდან,
რაც დღეს გადამხდა, ეს ყველაფერი,

და მიხვდი, ამას მე ვერ ჩავიტან
მოგონებების ბნელ სარდაფებში.
მე დავიღალე, რადგან ვცდილობდი,
გავმკლავებოდი ყველას უშენოდ,
და ეს არ არის ის დაღლილობა,
რომელსაც მხოლოდ ძილი უშველის.
შენ მოხვალ ისევ ლანდად ნაქცევი,
და გამაღვიძებ ხვალაც და ზეგაც,
განმეორდება კვლავ რედაქციის
ტელეფონების გაბმული რეკა.
ისევ შემოვა მზე აღმაცერი,
ისევ მოვუსმენ, რასაც ვუსმენდი,
თავზე ღრიალით კვლავ დამაწვება
სტადიონების იარუსები.
ისევ გავათევ, როგორც ვათევდი,
ჩვენი ოთახის მაღალ კედლებში,
და მე ვიქნები უფრო ნათელი,
უფრო ძლიერი და უკეთესი.
ჩემი შემკრთალი ხმა თუ მოგესმა,
ნუ მოგაყენებს ტანჯვას და ტკივილს,
შენ იქ ხარ უკვე, სადაც ოდესმე
უნდა მოვიდე... მამალი ყივის...
და სანამ მოვალ შენთან, მანამდე
კარგად იცოდე, კარგად გახსოვდეს,
რომ ამ სიწმინდის და ამ სინათლის
წრეს არ გადავალ მე არასოდეს!..

☆
მცხეთა რესპუბლიკის
სინათლის
☆
მსახიობი
გივი გვამყარაძე





ძველი ბალადა

ზაქაიძე ვარ, ხალხო, გიორგა ზაქაიძე, მეცხვარე და სარქალი კაცი! ლარსთან შუალამის ხანს ხამხელმა ახმედამ ზურგიდან თოფი დამცა, პირიდან ბოლი გამადინა, თვალი დამიბნელა, სიცოცხლე წაიღო. ჩოხელთ მოგზავნილი იყო ხამხელი ახმედა, აგრე იცოდეთ! ჩემი მარჯვენით, გონებითა და სიყვარულით მოშენებული ცხვარი ლომისის წმინდა გიორგის შევავადრე. ეს იყო ჩემი ბოლო ნათქვამი. ხევ-ხევ მათრიეს ხამხელებმა, სამტაშის კლდეებთან ლოდები წამაფარეს, შენი საფლავიც ეს იყოსო. დარიალმა ცივი, სუსხიანი ქარი იცის. იმ ქარებმა წამომიბრინეს, მტვრად წამიდეს, მტვერი ქვეყანას მოსდეს.

მერე და რა სიცოცხლე წაიღო მამასულძაღლმა ხამხელმა! ცხვარი უპატრონოდ დამიგდო, არმად ჩამიტარა

ჯაფა და ამაგი. ჩემი ოფლითა და სისხლით ნაამაგარს ჩემნაირად ვინდა მოუვლის...

თორმეტის წლისა დამაობლეს. მამაჩემს, გაბრიელა ზაქაიძეს სურსახელებმა ცხვარი მოუსხლიტეს. სოფელში ცხენდაცხენ შეპყვა, ტყვია გამოლეოდა, ხანჯლით მიეჭრა. დაჩეხეს სურსახელებმა მამაჩემი გაბრიელა ზაქაიძე, წუთისოფელი მოუსწრაფეს. ორი პატარა ძმა დამჩრა — ერთი სამის წლისა, ერთიც — ძუძუთა ბალდი და დედაი, ხადელ წამალაიძიანთ ქალი, მარიამი. მშვიგრები და ბოგანოები დაგვხადა იბზალმა.

ჩოხელებს დავუდექ მწყემსად, მამაპაპეულ საქმეს მოვეკიდე, ცხვარ-მეცხვარეობას. ცხვარმა სიღარიბეს უთხრა, სახლიდან გამეცალეო. რათაო? ერთად ვერ დავეტევიო: ერთ კუთხეში რძეყველი უნდა დავაწყო, მეორეში — მატყ-

ლის ბარდანები, მესამეში — ხორცი, მე-
ოთხეში — ტყავი, შუაში თავად მე უნდა
დავდგეო. წავიდა სიღარიბე, სახლს
დაეხსნა. აგრეთია ცხვრის ძალა, თუ
კაცს ილაჯი გასწვდება. ევ არის, ძნელი
გასაწვეია მეცხვარეობა, მძიმეა წყეუ-
ლი. წლიდან წლამდის ჭერი ცისა გზუ-
რავს, ლოგინი მიწისა გიგია. წვიმა,
თოვლი და ნამქერია შენი წილხვედრი.
გაზაფხულზე და შემოდგომაზე ისეთი
ამინდი იცის, ცხვარს მიერეკები, კოკი-
სპირულს ყელბალთიანი ქოფაკები ურ-
მებქვეშ შეურეკია, წვიმა ფარდაგივით
ჰკიდია, ფარდაგს იქით ვაცის რქა ტორ-
ტმანებს, გალუმპულმა ნაბადმა ლამის
მხარ-ბეჭი შავწყვიტოს. ზაფხულში სიც-
ხე ტანზე პერანგს შემოგალბობს, ზამ-
თარში ხელ-ფეხი ერთთავად დამზრალი
გაქვს. ნადირი შემოგეჩვევა — ფარებს
დავიხორებს. კვიმატი წელიწადი გამო-
ვა — ჭირი ცხვარს ზიანს მისცემს. მიდი-
ხარ და მიდიხარ! ყიზლარის ველება-
მდის გზა როგორი გასალევი! გაივლი
და გაზაფხული აღარ მოვა? მერე ისევ
შემოდგომა აღარ დადგება? მუხლი
მგლისა უნდა გქონდეს, ჯანი — კლდი-
სა, ღონე — არაგვის წყლისა.

სანამ საძოვრებზე ჩახვალ ცხვრის
მოსასხლეტად, პირაქეთა და პირიქითა
ყაჩაღები ბარე ათჯერ დაგეცემიან,
ტყვიაც ბარე ათჯერ მოგკითხავს. იქნე-
ბა მოგზედეს და წავიღოს კიდევ. ჩახ-
ვალ და აღარც იქ ჩასულს მოგასვენე-
ბენ. გამოიზამთრებ, ბინებს აპყრი,
ცხვარს ჩვენი მთისკენ გამოირეკავ —
რაც მიმავალს დღე დაგადგა, მომავალს
მეტს შეგამთხვევენ. გულისყური უნდა
გქონდეს — არავინ წამოგეპაროს, მედ-
გარი უნდა იყო — ლაღად დაუხვდე,
მარდი, რომ სროლა დაასწრო, თვალი
გიჭრიდეს — თოფს მიზანში მიატანინო.
დადინარ და იქნებ ლომისის ხატს შენი
სიკვდილი ჯერაც არა აქვს ნათქვამი —
გზისპირიდან, შიმალიდან, ტრამალის
ღრანკიდან ტყვიას ელოდე. აგრეთია
ცხვარ-მეცხვარეობა, სიღარიბემ სახლი
იმიტომ დასთმო, თორემა...

თორმეტი წლისა ჩოხელებს მწყემსად
დავუდექე. წლის თავზე ჩოხელთ ფარი-

დან ოცი დედა ცხვარი ამოვარჩიე, სა-
მწყემსო მერგებოდა, წელიწადში ოცი
სული ჩემი გასამრჯელო იყო. თორმეტი
წლის თავზე ყიზლარიდან სამოცი სუ-
ლი ჩამოვირეკე: ოცი გასული წლისა,
ოცი ამათი ბატკანი, ოციც ამ წლისა.
ზარალი არაფერი მომსვლია, დოლის
დროს ფარას თავზე ვადექი, სამ კვირას
ძილი არ მომპარებია. რამდენი ბატკანი
მოიგო ცხვარმა, იმდენი ნაბადქვეშ შე-
ვისვი, ყინვასა და ქარბუქს გავარიდე-
რვა-რვაც მსხდომია უბეში და ათ-ათიც.
უმწეო თუ რამ იყო, ძუძუს მივუსვი,
პირი დანის წვერით დავუღე; ხსენი ვა-
წოვე; ვაცოცხლე და გამოვაზამთრე.

ოცი წლისას საკუთრივ ჩემ წილად
კარგა ბლომა ცხვარი მეგულეობდა.
ჩემთავად სიარული ვინდომე. ჩოხელებს
ვუთხარ, ჩემი მომითვალეთ-მეთქი. მაგ-
დენი არ გერგებო. თავს ქვას ნუ ახლით-
მეთქი. გვიჩვილეო. სად უნდა მეჩვილა?
ქონება ჩოხელებსა ჰქონდათ და სამარ-
თალიც ქონებაზე ეკიდა. ძმადნაფიცები
მყავდა, ისინიც ჩოხელთ მწყემსები იყე-
ნენ. მხარი მომცეს, იმათაც თავისი ცხვა-
რი მოითხოვეს. როცა ბევრნი დაგვინახეს
ჩოხელებმა, შეეშინდათ, ზიანს რასმე
მოგეცემენო, ზოგი რამე დასთმეს, იწვნა,
იაფა ამ საქმემ. მოვრიგდით როგორც
იყო, ნახევარი მაინც გამოვიხსენით და
ძმადნაფიცებმა ერთად სიარული დავიწყ-
ეთ. სხვებიც შემოგვიერთდნენ: ზოგი
ქისტრი იყო, ზოგი ლეკი და ზოგი ქარ-
თველი. ჩემს გარდა ცხრანი იყვნენ. ათი
მგელივით ვაჟკაცი მოვგროვდით. ათივეს
ყაბარდოულები გეყავდა, ათივე გიგო
კარიაულის ნახელავ უნაგირებზე დავს-
ხედით, ათი თოფი და ათი დამბაჩა თა-
ვის ქამარ-ხანჯლით გამართული ავი-
სხით, მკერდსა და წელზე სამასრეები
შემოვირტყით, ლეკური ნაბდეები წამო-
ვისხით, ნოლური დაფოთლილი ყალმუ-
ხის ქუდები დავიხურეთ. თითო ისეთი
ვაჟკაცი იყო — საცრისტოლა თვალებს
აბრიალებდა, ხარის კისრები და წისქვი-

ქაბუა ამირეჯიბი
გიორგა ზაქაიძე

ლის ქვებივით მკერდები ჰქონდათ, ნადირივით მარდები იყვნენ. იმათი გულისა კავკასიონზე დედას არაფერი გაეჩინა.

— აპაი, თქვე კატებო, თქვე ციცებო, თქვენა! აბა, სადაურები ხართ ჩვენი ცხვრის მომსახლეტავეები!

სლებცოვსკაიასთან დადოხელები დაგვიხვდნენ. არც არაფერი გავატანეთ, ქათმებივით დავიფრინეთ. ოცი ვერსი ვდიეთ, ზოგს იარაღი აყვარეთ, ზოგი ტყემ დაგვიკარგა.

გამოვიზამთრეთ, ცხვარი მთისკენ გამოვირეკეთ. ახლა სისხლის ასადებად ჩაგვისაფრდნენ განაწყენებული დადოხელები. ისევ დავიფრინეთ, შიგ დადოხეში სროლითა და ყიყინით შეეყვივით, ათასი სული ცხვარი ჩვენ მოვუსხლიტეთ, იმათ კი არა. გამოვირეკეთ, საბრიყვო ვაზღვევინეთ. ვილაცის შატაბუტა ხანჯალი ნეკნა და ნეკნს შუა წამბელოდა, ეგ იყო და ევა. ისიც ძაუგში შევახვევინებ, ჭრილობა ფეხზე შემხორცდა. რამდენი ამისთანები გადაგვხდენია, ლომისის წმინდა გიორგამ იცოდეს, ჩვენი შეწირული შავი დეკულები დათვალოს. აგრეთი ხმა დამივარდა, ბალთიდან ყიზლარამდის დიაცები ატირებულ ბალღებს ჩემი სახელის ხსენებით აჩუმებდნენ — სუ, შვილო, გიორგა ზაქაიძე მოვაო! თოფს გავისროდი — ზარბაზნის ხმა ჰქონდა, ცხენს მივაჭუნებდი — ფლოქვის თქაფანი მესხად ისმოდა, სიტყვას ვიტყოდი — კანონის ძალა ჰქონდა. უხორცო კაციაო, ასე ამბობდნენ. მაშ, როგორ იქნებოდა! პირისპირ მოსული ვაჟკაცი ერთიც არსად მეგულებოდა, თვალის დახამხამებით მაინც არ დამესწრო თოფის დაცლა. იტყოდნენ, მაშ როგორ! ორ-სამ შეყენებულ ჩახმახზე ცარიელა ხანჯლით მივსულვარ. გაუსროლიათ კიდეცა და არც ერთი არ მომხვედრია. როდი უნდა შეეპუო, როდი უნდა შეუდრკე — პირისპირ მიდი, შენი გულადობა მტრისას აჯობებს, შეაშინებს, ხელს აუკანკალებს. ან ვეღარ გესვრის, ან გესვრის და დაგაცდენს. სიკვდილი უნდა შეაშინო. უნდა იცოდე როგორა, და გაგეცლება, გაგერიდება. გიორგა ზაქაიძემ შიში არ იცისო. მართალი როდია

ესა, ხალხო, შიშიც ვიცოდი და ზარაც, ქვეყანაზე ისეთი კაცი არ არის, შიში არ იცოდეს, თუკი ჭკუათმყოფელსა მამაშურალა კაცი იქნებოდა? ლეკვის წამოყვებისა შემშინებია, უცაბედი კენჭის ჩქამისა, რისიც გინდათ, იმისი! ეგ არის, ვჯობნიდი შიშსა, დაბრიყვებული მყავდა, ამით გამქონდა. ესეებიც ცხვარმეცხვარეობამ მასწავლა.

ზაქაიძე ვარ, ხალხო, გიორგა ზაქაიძე! ცხვარი ცარიელა გულით და ვაჟკაცობით როდი მიტარებია, ქვეყანაზე ცარიელა გულით და ვაჟკაცობით როდი მივლია — გონებითაც, სიყვარულითაც, მოხერხებითაც, დაზოგვითაც. ჭკუა ბირტიტველობაშივე ვისწავლე: აღჭუმელი კაცის სისხლი მედო, ცხენი მოგვებარა, დავეწიე, შემომიტია, ხანჯლით დავეჭერი. ხანი ვავიდა, სარქლები შუაკაცებად ჩაგვიდგნენ, შეგვარიგეს: ჭრილობაში რამდენი ქერის მარცვალი სიგრძლივ ჩაეტეოდა, იმდენი მოზერის მირეკვა მარგუნეს. ბუჩუკურიანთ ყანებში გრძელი ქერი იცოდა, იმათი ქერი წავიდი, იმ გრძელი ქერით გავაზომვინე, იმ ქერის სიგრძითა ვზღე. ორი მოზვერი აღარ დავზოგე?

ანგუშტში ნაყაჩაღარი ქისტი იყო სეისალამი. გასათხოვარი ქალიშვილი ჰყავდა, ბანეთი ერქვა. უიმისოდ ჩემი სიცოცხლე არ იქნებოდა. მივედი, ქალი მომეცი-მეთქი. თუ ჩერქეზეთიდან აბდულა სხაფლოქის სადოლე ამლაკის გადმომყვანი ხარ, მაშინ ჩემი ქალის ღირსიცა ყოფილხარო. რამდენი ვაჟკაცი ბანეთის სათხოვნელად ნაყაჩაღარ სეისალამთან მივიდა, იმდენს აბდულა სხაფლოქის სახელიანი ცხენის მოგვრა უთხრა. რამდენი კაცი იმ ცხენისთვის ჩერქეზეთში გადავიდა, ზოგი ცარიელა მოვიდა, ზოგი სულაც არ დაბრუნებულა.

ძმადნაფიცებმა მითხრეს, წავიდეთ და წამოვიყვანოთო. ათნი თუ ერთ კაცს ცხენს წავგვრიდით, ვაჟკაცობაში არავინ ჩამოგვართმევდა. ან ისეთი რა უნდა ყოფილიყო აბდულა სხაფლოქი?! თავად წავალ და გადმოვიყვან-მეთქი.

მე ჩემი გუმანი მქონდა. აბდულა სხაფლოქს გზად მიმავალს დავეუდარაჯუდი. ამლაკზე იჯდა, მსლებლები ჰყავდა. დავეწვი და გადავასწარი. გული მოუვიდა, თავისი დოდის ამლაკი ჩემს ქურანს გამოუყენა. არც ქურანი მყავდა ნაკლები. ვერ დამეწია და ვერა. ამობაში მსლებლები ჩამოგვრჩნენ და ტყის გზა იყო, იმაზე გადავუხვიე. იქამდის ვაჭენე, სანამ დავრწმუნდი, რომ მსლებლებმა კვალი დაკარგეს, მაშინ ქურანს სადავე დავემოკლე, ტაატით ვიარე. სხაფლოქი დამეწია. დამეწია და დავდექ. სხაფლოქიც დადგა. სადაურობა მკითხა. მავანი ვარ-მეთქი. გავუგონივარ. კარგი ცხენი გყოლიაო. შენც კარგი გყავს, მაგრამ ჩემი ქურანი ჯობია-მეთქი. არაო. გავცვალოთ-მეთქი. არაო. ხუთი ამლაკის ფასის სართი ვაძლიე. არაო. მაშინ ყბაში მუშტი შემოგვარ, გონი წავართვი, ცხენიდან გადავაგდე, ამლაკს სადავეში დავწვდი და ჰაი გიდი, გიორგა ზაქაიძე!

რომელმა წამოიყვანა ჩერქეზეთიდან აბდულა სხაფლოქის დოდის ცხენი? ვისია ნაყაჩადარ სეისალამის ბანეთი?!

მდედარი ყაზარდოშიდა წამომეწია. ქურანზე ვიჯექ, აბდულას ამლაკი სადავით მიმყავდა. სხაფლოქმა დამიყვირა, დადექიო. ქურანს დეზი ვკარ. თოფები დაცალეს, შორს ვიყავ, მე კი დამაცდინეს, მაგრამ აბდულას თავისივე ამლაკი შემოაკვდა. ჩემს თვალთწინ გათავდა სახელიანი ცხენი. ასე მეგონა, ბანეთი მომიკლეს-მეთქი. ცხელ გულზე სხაფლოქს ვესროლე, ყალმუხის ქუდი მოვხადე, კინაღამ მართალი კაცის ცოდო დავიდე. არეულობაში მდედარს როგორღაც წაუყვდი, კვალი გავცივი. არ მერგებოდა ამლაკი, სამართალი არ იყო, არც შემრჩა.

სეისალამთან მიველ, ვუთხარი, როგორც იყო, პირობის შეცვლა ვთხოვე. არა ვიცი რაო. უბანეთოდ ჩემი სიცოცხლე არ იქნებოდა. ჩავუსაფრდი, უნაგირზე შემოვიგდე, მთა-მთა გადავედი, თერგს ავეცი. ქალი მდედარმა ვერ დამაგდებინა. ლარსში, ცოტა დარჩა, თავად მე გავუშვი; ტიროდა, გულმა მიჩვილა.

გავუშვებდი კიდეც, მაგრამ მონატატი ქალი მამის სახლს შეაბერებოდა, აღარ გავუშვი.

ხანი გავიდა, სეისალამთან მიველ, შიშველი ხანჯალი მივაწოდე. არც დამკრა, არც მაპატია. ისე მიიცვალა, ახლო არ გავგიკარა ცოლ-ქმარი.

ლარსში საბაჟო იყო, საძოვრისას სულზე კაპიკს გვახდევინებდნენ, გამოვიდოდა მოხელე და დაიძახებდა:

— გიორგაა, „სკოლკოოო!“

— „სკოლკო ბოგ დალ!“ — არ ვეტყოდი ხოლმე, რამდენიც იყო. ამოდენა ცხვარს დათვლიდა, თუ როგორა?

ერთი ვაჭრობა და დავიდარაბა ატყდებოდა ხოლმე. მეათედზე მეტი არც როდის გადამიხდია.

გზის მოიჯარადრე იყო ერთი, გვარად ხანშა, ორასი ცხვრისა ემართა ჩვენი. საქმეს გადავყეთ, კობზე კარგა ხნის უჭმელა ამოვედით, ხანშა შემოგვხვდა. ძმადნაფიცი მახლდა, თედო ბეგოიძე. ფული მოვთხოვე, არ მოგვცა, ზედ არა მაქვსო. ამნაირად თქმა ეს მერამდენე იყო; ამ კვირის სწორს მლეთაში შენი ხელით ამომირბენინებდე, თუ არადა ჩამოვალთ, ჯალაბს დაგიწიოკებთ, აკვნის ბაღლს არ დავინდობთ-მეთქი; დავემუქრე, თორემ ამისთანების ჩამდენი ათში არც ერთიც არ ვიყავით.

წამოსვლა დაგვაცადა, ასიოდ ნაბიჯიდან ბექში თოფი დამცა. მივუტრიალდით — გაგვექცა, ხევ-ხევ მივყეთ, არ ვესროლეთ, ცოცხლივ დაჭერა გვინდოდა, ერთი რიგიანად ვცემოთ-მეთქი. ამ გაქცევა-დაჭერაში, როგორღაც იყო, ხელიდან დაგვიძვრა. მას დღეს აქეთ აღარც მე მინახავს, აღარც ძეხორციელს ვისმე. ტყვია ბექში მეჯდა, სისხლი ბევრი დამექცა, თვალმა ჭრელობა დამიწყო. მშვიერი ვიყავ-მეთქი, წინ-წინაცა ვთქვი. აგრეთ დროს უნდა ჭამო რამე, რომ ჯანზე მოხვიდნე. გუდაურამდის აღარაფერი რჩებოდა. თედომ ცხენს დეზი ჰკრა, სანამ მე ავიდოდი, ზანდუკელის

ჭაბუა ამირეჯიბი
გიორგა ზაქაიძე

დუქანში საჭმელი რამ დაეხედებინა. მიველ. ზანდუკელს კვარტი ღვინო, მწვადი, ყველი, ქორფა მწვანელი და ახლად ამოყრილი შოთები დაელაგებინა. იქ იდგა, მელოდებოდა. გამარჯვება ვუთხარ, ჯალაბი და საქონელი მოვუკითხე, საჭმელს დახედე:

— ესეები რა დამიჯდება, ზანდუკელო?

— დაბრძანდი, გიორგავ, მიირთვი, ღმერთმა შეგარგოს, ფასი რა საკითხავია! მე ის მიხარია, დუქანში მოხველ. არაფერიც არა დაგიჯდება რა.

მედუქნის ვალს ვერ დავიდედი.

— თქვი, ზანდუკელო, როგორ ეღირება!

სუფრას თვალი მოავლო, ექესი შუროო, ერთი კარგი ბატკნის ფასი თქვა.

მებევრა, არ წავეკარე, ცხენზე შევჯექ, თავქვეში დავეშვი, ფასანაურში ექიმბაშთან ჩავეღ, ხანშას ნასროლი ტყვია ამოვალბინე, მღეთაში ამოგბრუნდი, შინ მიველ, ბანეთის გაკეთებული კერძი ვჭამე. ფული გადასაყრელად ვერ გავიმეტე და იმიტომ. არაგის ეგონოს, ძუნწი ვყოფილიყავ; ფულის გადაყრა არ მიყვარდა, თორემ ძაუგში, გროზნაში თუ გუდერმესში ოცი და ოცდაათი თუმანიც ხშირად გადამიხდია — ათასი ბატკნის ფასი.

ზაქაიძე ვარ, ხალხო, გიორგა ზაქაიძე! რამდენი ვაჟკაცისთვის თვალი, მარჯვენა, ომასი მიჩვენებია და მიჯობნია. თუ საქციელით მომწონებია, ძმადაც შევფიცულვარ. რამდენი მოსაკლავი კაცი შემომკვდომია, რამდენიც ჭრილობისაგან ამიკვნესებია და ცხვრის დაკვლას კი ვერ ვუცქირე და ვერა. დაკვლა კი არა, ბატკნის კიკინი გულს ატმის კურკის ოდენას მიხდიდა. ძმადნაფიცები ზურგს უკან დამცინოდნენ, განა არ ვიცი, მაგრამ სიყვარული მქონდა და საკლავიც იმიტომ მებრალეობოდა. სიყვარული მექნებოდა, მაშ როგორ — ჯაფა მქონდა გაწეული, ნაზრუნავ-ნაამაგარი იყო, ცარიელაზე ამოდენა ცხვარი დავაყენეთ. ხარბი როდი ვიყავი! საჭმე, ცხვარ-მეცხვარეობა მიყვარდა. იმისი მადლი და სიხარული, იმისი ხიფათი

და ასავალ-დასავალი. სიმდიდრითა და ქონებით ნაშოგნი სახელი არცროდის არა მდომია. ცხვარს დავდედებოდა, კაცთან კარგა ვთესდი, ავ კაცს სამაგიეროს ვუხდიდი. ცხვარს ხელს არ ვაკლებდით, გავვიმრავლდა დალოცვილი. იმრავლოს-მეთქი, წყალში ხომ არ გადვყრიდით. მეყვარებოდა, მაშ არ იქნებოდა, თითო ცხვარში ჩემი სისხლის თითო წვეთი აღარ იყო? უბეში ასილან ერთი ბატკანი აღარ გამომითბია? თითო ათასისთვის თითო სიკვდილი არ მინახავს? თავი მომწონდა. თავი მომწონდაო? საცა გავივლიდი, უცნობი შემომხედავდა — უხაროდა, რა ვაჟკაცია, მაგის გამჩენს ვენაცვალეო! ფარებს თვალს გადაავლებდნენ — პატრონივით აკრეფილი ცხვარიო. ნაცნობებს სალამს ძლივს ვასწრებდი — შუბლს მიწას უწვდენდნენ. მოკეთე და მეგობარ-ნათესავი რჩევა-დარიგებისთვის ჩემთან მოდიოდა, როგორც ვეტყოდი, ისე მოიქცეოდნენ, გიორგამ ასე თქვაო. ძმადნაფიცებს თვალში ჩავვარდნოდი, ხელს არ იქნევდნენ. ტოლები ვიყავით და სწორები — მაინც ხათრი, პატივი და დაჯერება ჰქონდათ ჩემი. მტერი ისე დაშინებული გეყავდა, რომ სიყვარული ჰქონდა ჩვენი, რიდი და მოკრძალება. აგრე იყო, როგორცა ვთქვი, ლომისის ხატის მადლმა. აგრე არა ყოფილიყო, მეცხვარეები ჩვენზე ნათქვამ ლექსებს აქამდისინ როდი იტყოდნენ. დიაცები გიორგა ზაქაიძის სიმღერას ჩონგურზე როდი დაამღერებდნენ. სიცოცხლე როდი მენანება — კაცი სიკვდილის შვილია. ბანეთის ეშხისა და ჩემი გულისა ვერაფერი დავტოვე, არ მომცა ღმერთმა, ის მენანება. ძმები დავზარდე, სწავლა მივეცე. მაჭარივით ვაჟკაცები გავგზავნე, კუტი პურის ხშიადებივით დაბრუნდნენ. ჩემს ნაოფლარს ნასწავლი კაცის კანონწესით ჩაუდგნენ. სწავლა კარგია, განა არ ვიცი? მაგრამ მარტო ნასწავლობა ცხვარს ვერას არგებს. იმდენი წელიწადი იყვნენ, რანაირ სასწავლებლებში არ იარეს, საქონლის სიყვარული ვერ ისწავლეს, ამისი სასწავლებელი არსადა ყოფილა. ცხვარს ჯიგარი უნდა, სიყვა-



რული უნდა. მუსრს გაავლებენ, ქარს გაატანენ, მტერს გაახარებენ, მოყვარეს ამიტირებენ.

ეეე! ბეჩავო ჩემო თავო, მუხთალო წუთისოფელო!

ზაქაიძე ვარ, ხალხო, გიორგა ზაქაიძე; მეცხვარე კაცი, მთიულეთის სარქალთ სარქალი! ლარსთან შუალამის ხანს ხამხელმა ახმედამ ზურგიდან თოფი დამცა, პირიდან ბოლი გამადინა, თვალი დამიბნელა, სიცოცხლე წაიღო. ჩოხელთ მოგზავნილი იყო ხამხელი ახმედა, აგრე იცოდეთ. ჩემი მარჯვენით.

გონებითა და სიყვარულით მოშენებულნი ცხვარი ლომისის წმინდა გიორგის შვეავედრე. ეს იყო ჩემი ბოლო ნათქვამი. ხევ-ხევ მათრიეს ხამხელეზმა, სამტაშის კლდეებთან ლოდები წამაფარეს, შენი საფლავიც ეს იყოსო. დარიალმა ცივი, სუსხიანი ქარი იცის. ამ ქარებმა წამომირბინეს, მტერად წამიღეს, მტვერი ქვეყანას მოსდეს.

ზაქაიძე ვარ, ხალხო, გიორგა ზაქაიძე!

ჭაბუა ამირეჯიბი
გიორგა ზაქაიძე



მედეა კახიძე



რადგან სახლში მყავს

გარეთ სიცხეა თუ ზამთარია,
მთვარე ძველია თუ ახალია,
ირგვლივ სიჩუმე თუ ხარხარია,
ჩემთვის ერთია, ეს რა ხანია!

გულში უჩვეულო ხმაურია,
არ ვარ სიმღერების მონატრული,
რადგან სახლში მყავს თამუნია,
ჩემი პაწაწინა მოლალური!

დავთმე ველ-მინდორი გადახნული,
მინდვრის ყვავილები — არნახული,
რადგან სახლში მყავს თამუნია —
ჩემი საკუთარი გაზაფხული!

დაიძინე, თამუნია

დაიძინე, ნანინანა,
შეწყდა ირგვლივ მასლაათი,
რა ხანია მიიწურა
ყველა წუთი და საათი!
ზამთარს უკვე ჩაუვლია,
ხეები სულს ძლივს ითქვამენ,
გოგნი-გოგნი-თამუნია,
შენ გელოდი ოდითგანვე!
რომ კერია დაგელოცა,
მოგეტანა სიხალისე,
ჩემი ფუძის ანგელოსი
შენ იყავი იმთავითვე!
ჩემს სიცოცხლეს, პაწაწინავ,
მხოლოდ შენ ერთს შემოგავლებ,
თამუნია! — დაიძინე,
ბინდი ადევს შემოგარენს!

☆ —————

☆
თამუნია
ლექსი
ოთხი
☆
გაბრიელ

მოფრინდა უცხო რამ თოლია!

გულში რომ ფიქრად არ მქონია,
მოფრინდა უცხო რამ თოლია,
მთელი წელიწადი მოვუნდით,
მის წამოჩიტვას და ლოლიავს!
ახლა მწვანე კაბა მაცვია,
აქამდე რომ ვგავდი ხმელ წიფელს,
სულ სიცილ-კისკისად მაქცია
ჯერ გაუცინარი ხელმწიფე.
მღერა არ ვიცოდი, მასწავლა,
სიმღერის ხამსა და უმეცარს,
და რაც კი ვიცოდი, რაც არა,
ყველა დამავიწყა უეცრად!
ჩემი სათაყვანო ნიბლია
ყველა ოცნებაზე დიდია,
გულიდან გარეთ არ გამოდის,
სხვები მოდიან და მიდიან!
თუმც მაცლის ღონეს და არაქათს
და თუგინდ დღე-ღამე გასწორდეს,
მისი სიყვარულის ბარაქა
არ აიწონება სასწორზე!

☆ —————



როცა შენს თვალებს წყლიანს,
სცვივა და სცვივა ცრემლი,
მე ჩემი დამვიწყნია,
მტკივა ტკივილი შენი!
სხვისთვის პატარა ქალი,
ჩემთვის ხარ დიდზე დიდი,
ხარ სიჭაბუკის გზიდან
შორს გადებული ხიდი!
ჩემო გოგნია-გოგო,
შენთვის რას აღარ ვითმენ,
თმებით შევეხო ოლონდ
მაგ სალამურის თითებს!
სხვა სიყვარულის ღმერთი
გულში ვერ დასადგურდა,
ის არის ახლოს ჩემთვის,
ვინც შენ ახლოს გყავს გულთან.
ჩემი ხარ, განა სხვისა,
არც მიწის, არცა ცისა,
ამდენ უძილო ღამეს
ვაპატიებდი ვისა.
თვეებს თითებზე ვითვლი,
ქვეყნად ყველაზე დიდო,
შენ დაიბადე მისთვის,
შენი ტკივილი ვზიდო!



გვიპი გომიჩაიზვილი



თავი მარჯვ

საქართველო

გამოსაშვებმა გამოცდებმა ყველაფერი დაავიწყა ლალის. იგი დილიდან საღამომდე თავაუღებლივ მეცადინეობს, ჰგონია, კარგად იცის, გაიმეორებს კიდევ, მაგრამ სულ ცოტა კმარა, რომ დაიბნეს და ყველაფერი დაავიწყდეს. სწავლა როდი უჭირს, ნებისყოფაც ყოფნის, ღამის სამ საათამდე წიგნებს ჩაკვირკიტებს, თუნდაც ძილი და დაღლილობა თავს უმძიმებდეს. დღედა მწუხარებამ, უცხო ქალაქმა, მისთვის უჩვეულო გარემომ დააბნია ლალი. დღეები უფერულად მიჰყვება ერთმანეთს. ირგვლივ სიცოცხლე ჩქეფს: ხარობენ, მღერიან, ახალს აშენებენ, ძველს აღამაზებენ. ლალის კი აღარაფერი ახარებს. ტექნიკუმში ნატოს გარდა ვერავის შეეწყო. ნატო კი მუდამ კომკავშირული

საქმეებითაა დატვირთული. ლალი თანაკურსელ ვაჟებს გაურბის, გოგონებს ერიდება. ძნელია, ასე, სამ თვეში გული გაუხსნა ვინმეს. ოთარ ჩადუნელსაც გაურბის. არც სცალია, მეცადინეობს, სულ მეცადინეობს.

ზოგჯერ ჩუმად, თავისთვის თუ იტარებს. დეიდა ამის ნებასაც არ აძლევს, ამდენი ვი-ვიში გაწყენსო. ლალის თვალზე ცრემლი თუ დაინახა, ადუღდუნდება: არ უნდა იტირო, თუ თავი არ გეცოდება, იმ ოჯახს მაინც ეცი პატივი, სადაც ცხოვრობ და სადაც შენზე ასე ზრუნავენო.

სულ სხვაგვარად ჰქონდა ლალის წარმოდგენილი ტექნიკუმის დამთავრება. ის დღე დღესასწაულზე მეტი უნდა ყოფილიყო, სამახსოვრო და დაუვიწყარ-

გვარძელბა. იხ. „ცისკარი“, № 7.

რი. დამთავრდა ბავშვობა და სიყმაწვი-
ლე, დაიწყო ახალი ხანა. ამ ბოლო
დროს საოცრად აიყარა ტანი, კაბზეში
ველარ ეტეოდა. კიდეც უფრო დამშვენ-
და და გალამაზდა, მხოლოდ ცოტა ფერ-
მკრთალი იყო.

ტექნიკუმში ბოლო საგანი ჩააბარა,
და მის ზურგს უკან საბოლოოდ მიიხუ-
რა სასწავლებლის კარი.

ყველაფერი ჩვეულებრივად მოხდა.
ნატომ ვერც მაშინ მოიცალა, კომკავში-
რის რაიკომში გაიქცა, თათბირს უნდა
დასწრებოდა. სხვები ვახშმის თადარიგს
შესდგომოდნენ. ლალიც მიიწვიეს, უარი
უთხრა. ჩააცივდნენ, დაემუქრნენ, შინ
მოვალთ და მანაც წამოგიყვანთო.

გზაში თანდათან შემოეფანტნენ თა-
ნაკურსელები. შინ გული არ მიუწევდა,
გავივლიო, გაიფიქრა და რუსთაველის
პროსპექტისაკენ გასწია. საღამო ხანი
იყო და პროსპექტზე უამრავი ხალხი
ირეოდა. წელს ზაფხული გრილი დღეე-
ბით დაიწყო. ახლაც არ ცხელოდა. ნია-
ვი ოდნავ აშრილებდა ჭადრების ფოთ-
ლებს.

როგორ გაახარებდა მამას, როგორ
იზვიებდნენ ტექნიკუმის დამთავრებას.
წინასწარ აწყობდნენ გეგმებს. ახლა კი
რა, უაზროდ დაეხეტება მარტოკა ამ
ზღვა ხალხში. არსად მიუხარია, არსად
მიეჩქარება, არც არავინ ელის. მათ
მყუდრო ქუჩაზე წყვილები დასეირნო-
ბენ. გამვლელები მიდი-მოდიან. შინ
არავინ დახვდა. გასაღები მინიშნულ
ადგილას დაეტოვებინათ. ალბათ არც
კი გაახსენდათ, რომ დღეს ლალის უკა-
ნასკნელი გამოცდა ჰქონდა. ვის სცალია
მისთვის! გასაღები გადაატრიალა.
ზურგს უკან ჩურჩული მოესმა. ყურად-
ღება არ მიუქცევია.

ის იყო ოთახში უნდა შესულიყო,
რომ არანჩას ხმამ შეაჩერა:

— ლალიკო, ჩემთან შემოდი, საქმე
გვაქვს.

— ახლავე, დეიდა არანჩა! — უბასუხა
ლალიმ, გასაღები კარში ჩატოვა და
არანჩასთან შევიდა.

ერთი ოთახი აქვს არანჩას. ბევრი
არაფერი უდგას, მაგრამ ოთახი ისეა

ნივთებით გაჭედდილი, რომ გასავლელი
ადგილიც არაა. რა ჰქნას, ოთხნი არჩანა
ვერ ეტევიან.

ტკბილეულით სავსე სუფრას მეზობ-
ლის ქალები შემოსხდომოდნენ.

— ბოდიში, — ჩაილულულა ლალიმ,
დაიმორცხვა და გადაწყვიტა უკან გაბ-
რუნებულიყო, მაგრამ ნუნუმ შეაჩერა:

— სად მიდიხარ? — უთხრა ალერ-
სით, — უკანასკნელი საგანი ჩააბარე?

— დიახ...

— ჰოდა, მომილოცავს! — გადაეხვია
ნუნუ.

სხვებმაც გადაჰკოცნეს გოცუბისაგან
დაბნეული ლალი.

— მოგვილოცავს!

— მოგვილოცავს, შვილო!

ლალიმ ალღელებისაგან ერთ ხანს ხმა
ვერ ამოიღო, შემდეგ გონს მოეგო
და ალულულულა:

— თქვენ... თქვენ საიდან იცოდით?

— როგორ თუ საიდან? ყველამ
ვიცოდით, — უბასუხა კეკელიამ.

ლალი გოცუბული იყო. ასეთ რამეს
არ ელოდა. გულში სითბო ჩაუდგა,
უნდოდა რაღაც ეთქვა, მაგრამ ენა ვერ
მოაბრუნა, ძლივს შეიკავა თვალზე მომ-
დგარი ცრემლი.

არანჩამ ნუნუს თვალით რაღაც ანიშ-
ნა. ლალი მაგიდასთან დასვეს. ნუნუმ
ნაყენით პატარა ჭიქები შეავსო.

— ეს შენი სადღეგრძელო იყოს, შვი-
ლო, — უთხრა ტკბილად, — მოგილო-
ცავთ ტექნიკუმის დამთავრებას, ცხოვ-
რების დიდ გზაზე გამოსვლას!

კეკელიამ სასმისი ასწია და წამოდგა.

— ვაი, რა გაუძღვებს ამის მონოლო-
გებს, — გაიხუმრა ნუნუმ.

— აქამდე შენმა ბრძნულმა სიტყვებ-
მა ყურთასმენა წაიღო, ცოტათი მეც
მომისმინეთ, — უბასუხა კეკელიამ და
ლალის მიუბრუნდა.

ლალიც წამოდგა.

— დაჯექი, ლალი, დაჯექი, — ხელი
მოხვია ნუნუმ, — თორემ კეკელიას თუ
უყურე, ფეხზე დგომით ჩამოხმები.

— დააცადე, მოვესმინოთ, — გაუწყრა
ნუნუს არანჩა.

— ჩემო ძვირფასო ლალი, — დაიწყო კეკელიამ, — შვილივით საყვარელო, შენთვის ყველაფერი კარგი მინდა. პატარა აღარა ხარ, ახლა გზას თვითონაც გაიკვლევ. ირგვლივ მგლები როდი გახვევია, ხალხნი ვართ, ადამიანები, — ხმას აუწვია კეკელიამ, თვალზე ცრემლი მოსდგომოდა, — ბევრი გადაიტანე, არა უშავს რა. გზა ია-ვარდით გქონოდეს მოფენილი, სიხარული და გამარჯვება იყოს შენი თანამგზავრი! არანჩა, შენი ჯერია!

— რა ვთქვა... — აცრემლდა არანჩა, — გაგიმარჯოს, ლალი!

— ლალი, სამადლობელი გმართებს, — მიუბრუნდა კეკელია ქალიშვილს. ლალიმ ხმა ვერ ამოიღო, მხოლოდ ნაყენი დალია უსიტყვოდ. ქალები ტკბილეულს აწვდიან, ლალის კი მღელვარებისაგან პირი აქვს გამშრალი და წამდაუწუმ წყალსა სვამს. ხმა რომ ამოეღო, ცრემლს ვერ შეიკავებდა. თვალზე მომდგარი ცრემლი სიხარულითაა, მაგრამ გულიც ტკივა, რომ მშობლები მის სიხარულს ვერ იზიარებენ.

არანჩა თითქოს მიუხედა ფიქრებს, ხელი მოხვია:

— ისეთი კარგი ხარ, საყვარელი! — როცა აღელდება ქართულსა და ესპანურ სიტყვებს ერთმანეთში ურევს. ახლაც ესპანურად დაამთავრა, — ბუნეა ჩიკა!

— საჭმელს ხელს რად არ აკარებ, არა გშია? — ეპატიეება ნუნუ.

რალაც უნდა თქვას ლალიმ. ამდენი სიჩუმე აღარ შეიძლება. მორცხვობას სძლია, ქალებს ჩურჩულით მიმართა და ამ ჩურჩულს მთელი გული ამოაყოლა.

— გამადლობთ... ისეთი კარგები ხართ, აი, ისეთი, როგორც დედა... — და სიტყვა ცრემლით დაამთავრა.

ნუნუს თვალები დაენამა. კეკელიამ თავი მიიბრუნა. არანჩა არ არის გულჩვილი, ცხოვრებაში იმდენი ვაება უნახავს, იმდენი რამ განუცდია, ძნელია, რაიმემ გული აურჩუყოს. ლალისთან მივიდა, გულში ჩაიკრა და ტკბილად, ძალიან ტკბილად უთხრა:

— ჩვენი ძვირფასი შვილი ხარ! —

აქაც ესპანური გამოურია. — ტუ ერეს ნუესტრა იხა!

ოთახში ბიჭუნა შემოვარდა ტირილით.

— დედიკო, ნანიტა მცემს, — მიმართა მან არანჩას.

არანჩა მოიღუშა.

— ერთი მომიყვანე აქ ის გოგო!

— ნანიტა! ნანიტა! — ბიჭუნამ უცბად შეწყვიტა ტირილი და დის დასაძახებლად ეზოში გავარდა.

— რა საჭიროა ასეთი სიმკაცრე? ბავშვებს შიშით გულებს უხეთქავ. — თქვა ნუნუმ.

მათ ათიოდე წლის გოგონა მიუახლოვდა. უკან გახარებული ბიჭი მოსდევდა.

— რაშია საქმე? — ჰკითხა არანჩამ გოგონას.

— არაფერი, დედიკო, ვანოს სათამაშო ავიღე, მცემა, პოდა, მეც ერთი ორი ვუთავაზე.

— წადით და ითამაშეთ, დედიკოს ამისათვის ნუ აწუხებთ, — უთხრა ბავშვებს კეკელიამ.

— რომ მცემა? — აზლუქუნდა ბიჭუნა.

— შენი ბრალია, — ახლა ბიჭუნას მიუბრუნდა არანჩა, — გეთხოვებია სათამაშო, დაგიმტვრევდა?

— დამიმტვრევდა! — გაჯიუტდა ბიჭი.

— ახლავე აკოცე ხანიტას! — უბრძანა არანჩან.

ბიჭუნამ ხმაამოუღებლად მიუშვირა ლოყა ნანიტას. იცოდა, დედასთან ჯიუტობა არ გაუვიდოდა.

ხელიხელჩაკიდებულნი გავიდნენ. ბავშვების შემოსვლამ გაბედულება შემატა ლალის. ტკბილეული შეჭამა, ნაყენიც დალია, ენა ამოიდგა.

— შენი მომავლისა იყოს, შვილო! — დალოცა ნუნუმ.

— მომავალი... — გაიმეორა ლალიმ. — მომავლის მეშინია, რა ვიცი, რა მომეღლის.

გივი ვოგიჩაიშვილი
გაზაფხულიდან გაზაფხულამდე

— რა მოგელის? — შეეპასუხა არან ჩა, — ბედზე და უბედობაზე მეც კი არ ვლაპარაკობ. თორმეტი წლის ვიყავი, როცა ფაშისტების თვითმკრინავიდან ჩამოგდებულმა ყუმბარამ დედა მომიკლა. მამა და ძმები ფრონტზე დამედუბნენ. თავი არ მომიკლავს. ჩამომიყვანეს აქ ობოლი. ჯერ სულ ვტიროდი, შემდეგ ბედს შევფურიგდი, ყველაფერი გადავიტანე! — აღელდა და ესპანური გაურია, — სიემპრე ლორავა, მუწო ე სუფურიდო... საქართველოში მეორე სამშობლო ვპოვე, ბედნიერი ვარ, ხომ ხედავ, ორ შვილსა ვზრდი, ქმარიც კარგი მყავს. ბინა არა მაქვს კარგი, ეშველება მაგასაც. ცხოვრებას გაუმარჯოს! ლა ვიდა ეს ბუნენა!

— ვივა! ვივა! — ტაში შემოჰკრეს ქალებმა.

საუბარმა მხიარული. ძალდაუტანებელი ხასიათი მიიღო. ბევრი იხუმრეს, იცინეს, შემდეგ ისევ სერიოზულ საუბარს დაუბრუნდნენ.

— ისწავლი თუ იმსახურებ? — შეეკითხა ლალის ნუნუ.

— ბავშვობიდანვე ექიმობა მიტაცებდა, ამიტომ შევედი სამედიცინო ტექნიკუმშიც. მამასაც ასე უნდოდა.

— ხომ კარგად დაამთავრე ტექნიკუმი?

— მოხვდი ხუთ პროცენტში?

— გამიჭირდა, მაგრამ მაინც მოვხვდი.

— ჰოდა, რაღა გ'შლის ხელს, შეიტანე განცხადება სამედიცინო ინსტიტუტში.

— შევეტან, თუმცა მეშინია, იქ ისეთი კონკურსია!

— უნდა შეძლო, — უთხრა ნუნუმ, — დრო გაქვს, იმეცადინე.

— რა მოხდებოდა, — თქვა არანჩამ, — ინსტიტუტში კონკურსის გარეშე რომ მივიღო?

— არ არის ასეთი წესი.

— როგორ თუ არ არის? თუ საჭირო იქნა, დეპუტატთან წავალ, ვთხოვ!

— შენაიანები რას გეუბნებიან? — შეეკითხა კეკელია.

ლალიმ არაფერი უპასუხა.

— ნეტავ რის მაქნისები არიან? ღვარძლიანად თქვა არანჩამ.

— უთქმელი გოგო ხარ, — წაეხმარა კეკელია, — ნათელა აქეთ-იქით დააბრაშებს, შენ კი შინ ხარ ჩაკეტილი. უნდა გაერთო.

— უ, მაგათი სინსლა გასკდეს! — თქვა არანჩამ, შემდეგ წამოდგა და გიტარა აიღო.

— ვივა გიტარა! — წამოიძახა ნუნუმ და ტაში შემოჰკრა.

— ლალის ხათრით დავუკრავ, — თქვა არანჩამ, — დიდი ხანია ჩვენებური სიმღერები არ გამიხსენებია.

გიტარა მომართა, ერთ ხანს ჩუმად ძალიან ჩუმად უკრავდა, შემდეგ სიმკვამილად ჩამოჰკრა ხელი და დაამღერა:

— კონ ესე ლუნარ,
კე ტიენეს, სიელიტო მით,
ხუნტო ალა ვოკა.
ნოსელი დეს
ა ნადიე, სიელიტო მით...

არანჩას სიმღერა მოთავებული არ ჰქონდა, რომ ზარის ხმა გაისმა. სამი ზარია, მამასადამე, გარდაუხაძეებთან რეკავენ.

ლალიმ კარი გააღო და სახტად დარჩა. მის წინ ოთარი იდგა. ლალი დაიბნა, აღარ იცოდა რა ექნა.

ოთარმა გულღიად გაუცინა:

— გამარჯობათ, ლალი! — უთხრა და დერეფანში შეაბიჯა.

— ჩვენები შინ არ არიან, სადღაც წავიდნენ, არც გასაღები დაუტოვებიათ, — წაილულულა ლალიმ.

ოთარმა კარში გაჩხერილ გასაღებს მოჰკრა თვალი, შემდეგ ლალის შეხება და ტკბილად უთხრა:

— არა უშავს რა, მე თქვენთან მოვინდო, გილოცავთ ტექნიკუმის დამთავრებას, მცირედისათვის ნუ დამძრახავთ, — ჯიბიდან პატარა კოლოფი ამოიღო და გახსნა.

გაოცებულმა ლალიმ კინაღამ შეჰყვირა. საოცარია, საიდან გაიგო ლალის სურვილი. ოთარს ხელში პატარა საყურეები ეჭირა.

ლალი უცბად გამოერკვა, თავშეუკა-



ველობისა შერცხვა. ხომ არაფერი შემამჩნიაო, გაიფიქრა, თავი დახარა, საჩუქარი არ გამოართვა.

— ნუთუ არ მოგეწონათ?

— როგორ გეკადრებათ!

— მაშინ აიღეთ, ნუ გამაწბილებთ.

უცბად ლალიმ კარში გაჩხერილ გასაღებს მოჰკრა თვალი, შერცხვა, გაწითლდა. და ტყუილი რომ რამენაირად გამოესყიდა, ოთარს კოლოფი გამოართვა და თბილად უთხრა:

— გმადლობთ, ოთარ!

— ბედნიერი ვარ, — აღლევებისაგან ხმა ჩაეხლიჩა ოთარს, — დღეს პირველად დამიძახეთ სახელი.

ლალიმ არაფერი უპასუხა. კოლოფი ისე უხერხულად ეჭირა, თითქოს ამძიბებსო.

— არ შემეძლო არ მომელოცა, — უთხრა ოთარმა, — მინდოდა ეს დღე რაღაცით აღმეინშნა.

ლალი გაინაზა. გუმანით მიხვდა, ოთარს ახლა რაღაც უნდა ეთქვა. ამ დროს სადარბაზო კარი გაიღო, დერეფანში სოფიო, გიორგი და ნათელა შემოვიდნენ. ნათელამ ლალი და ოთარი ერთად რომ დაინახა, გაცეცხლდა, მაგრამ არ შეიმჩნია. გიორგიმ ოთარს მიაშურა. ლალიმ ინსტინქტურად მუჭში ჩამალა კოლოფი.

დედა-შვილი ოთარს მიესალმა.

— მობრძანდით, ოთარ, — ნაძალადევი ღიმილით მიმართა ნათელამ, — დედა, შემოიპატიჟე!

ოთარმა სიტყვა გააწყვეტინა.

— გმადლობთ, ერთი წუთით შემოვიარე, ლალის ტექნიკუმის დამთავრება მივულოცე.

— იქნებ სტუმარს არ სურს შემოსვლა, — ჩაილაპარაკა სოფიომ.

— გმადლობთ, მეჩქარება, შემდეგ შემოვივლი, — თქვა ოთარმა და სასწრაფოდ გავიდა.

— ლალი, გელით! — დაუძახა არანჩამ თავის ოთახიდან.

— რად გეძახიან? — შეეკითხა სოფიო.

— ისე, ყველანი დეიდა არანჩასთან არიან შეკრებილნი.

— რისთვის?

— რა ვიცი, — დაიბნა ლალი, — ტექნიკუმში რომ დამთავრე, უნდა მოგილოცოთო.

— უყურე შენ! თურმე ჩვენს კართან დილიდანვე მომლოცავთა რიგი დგას და ჩვენ კი არაფერი ვიცი, — ჩაილაპარაკა ნათელამ.

— ნათელა! — წყრომით გადახედა მას ლალი.

— რა ნათელა, აგეწვა კული?

არანჩა და კეკელია მათკენ წამოვიდნენ, ალბათ ყური მოჰკრეს ამ უსიამოვნო საუბარს.

— თქვენც გვეწვიეთ! — მოიპატიჟა ნათელა და სოფიო არანჩამ.

— გმადლობთ! — უკმეხად მიუგო ნათელამ.

— ნათელამაც დაამთავრა საშუალო, მაგრამ მოლოცვა არავის გახსენებია, — თქვა სოფიომ.

— ნათელას დედა ჰყავს.

— არც ლალია უპატრონო, აქ არა ვართ?

— მაგას ჩვენი პატრონობა რად უნდა, ვიღაც ვაქები პატრონობენ.

— ნათელა, როგორ არა გრცხვენია, — ამოიკენესა ლალი.

— სირცხვილით შენ უნდა იწვოდე, ვაჟს რომ დაინახავ, აღარ იცი რა ქნა.

— ნათელა! — აქვითინდა ლალი.

— რა მოხდა! — მხრები აიჩიჩა არანჩამ, — რას ერჩი ლალის?

— ნათელა, — მკაცრად მიმართა შვილს სოფიომ, — ახლავე შედი შინ. შენც წამოდი! — უხეშად მიახალა მან ლალის.

ლალი თავჩადუნული წალასლასდა. სოფიო და ნათელა უკან მიჰყვნენ.

— საწყალი გოგო! — ჩაილაპარაკა არანჩამ, — მაგათთან არ ეცხოვრება. უ, მაგათი სინსლა გაწყდეს! ბინა რომ მქონდეს, ჩემთან ვაცხოვრებდი.

სოფიომ თავი შინ რომ დაიგულა, მოხსნა პირი და ათჯერ მაინც გაიხსენა

გივი გოგიჩაიშვილი
გაზაფხულიდან გაზაფხულამდე

ოთარის მოსვლის ამბავი. აღარ გაჩერდა, ყველაფერი გააზვიადა. ქაქანით რომ დაიღალა, გიორგის შეუტია:

— ხმა ამოიღე, კაცო, მე ერთი საბრალო დედაკაცი ვარ, ჩემსას ვინ რას შეისმენს! უთხარი ამ გოგოს რამე, ოჯახის თავკაცი ხარ, შენ სიტყვას სხვა ძალა აქვს, თორემ, ხომ ხედავ, სულ წავიდა ხელიდან!

— ჰო, ჰო, ჩემო კარგო, — მშვიდად მიუგო გიორგომ, — დაწყნარდი, რა ქნა ასეთი ლალიმ? ალბათ რაღაც გაუგებრობაა.

ქმრის სიტყვებმა სულ გააცოფა სოფიო:

— რაო, გაუგებრობაო? შენ ამას უთხარი რამე! ვაი, რა უბედური ვარ ამათ ხელში, რა უბედური! ქმარი მე არ მარგია, შვილი და დისწული...

გიორგომ სოფიოს წინააღმდეგობა ვერ გაუწია, შუბლი შეიკრა, ლალის მიუბრუნდა და აყვირა:

— ბოლოს და ბოლოს რას ჰგავს ეს?

ლალის არაფერი ესმოდა, თავი ბალიშში ჩაერგო და ჩუმად ტიროდა.

გიორგომ რაკი დაიწყო, აღარ გაათავა, უმატა და უმატა. ხან რა თქვა და ხან რა... ლალის ისეთი რამეები უსაყვედურა, რაც დედა-შვილსაც კი არ უფიქრია. ნათელა ნაწყენი იყო ლალიზე, მაგრამ მაინც გაუბრაზდა მამას:

— მამა, რას ლაპარაკობ? გეყოფა! — უთხრა გაჯავრებით, მეორე ოთახში გავიდა და კარი მოიჯახუნა.

გიორგის სიტყვა გაუწყდა. ძალიან კარგი, არაფერს იტყვის! მაინც ვერ გაიგო, რაში ადანაშაულებდნენ ლალის.

ლალის საშინლად ასტიკვდა თავი, დეიდა და ბიძია რა ხანია ჩუმად იყვნენ, სოფიო ათჯერ გაბერტყილ ხელებს ხელახლა ბერტყავდა და წმენდდა. გიორგი მაგიდასთან იჯდა, თავი მკლავზე დაედო და თვლებდა.

ლალი წამოდგა, პატარა ოთახში შევიდა და საწოლზე წამოწვა. ნათელას ტანსაცმელი გაეხადა და უკვე ეძინა. ლალისაც ძილი მოერია. თვალები მიეღულა. მაგრამ ძილიც მოუსვენარი ჰქონდა. ძილ-ღვიძილში იყო, სწუხდა და უხაროდა კიდეც რაღაც. ვიღაცას ეთანხმებოდა თუ ეკამათებოდა. უეცრად ძლიერმა ხმაურმა გამოაღვიძა. დიდხანს ვერ მოვიდა გონს, შემდეგ თანდათან გამოფხიზლდა. გარეთ ძლიერი ქარი ქროდა და ხის ტოტებს ფანჯრის დარბაზს ურახუნებდა. ოთახში ბნელოდა. დეიდა და ბიძიაც დაწოლილიყვნენ. როგორ მოენატრა სულო. ნეტავი სად არის, რას აკეთებს, ნუთუ არ ჩამოვა?.. იქნებ მოქანდაკეობას ისევ ექიმობა არჩია?

ხის ტოტი ისევ ეხლება ფანჯარას. ფიქრებში წასული ლალი ვერ ისვენებს, მის ყოველ მოძრაობაზე საწოლი საოცრად ჭრიალებს. ნათელას საწოლიც აჭრაჭუნდა, ჩანს, არც მას სძინავს.

— ნუ დამემდურები! — ჩუმად უთხრა ნათელამ.

ლალის ხმა არ ამოუღია. ცრემლი ახრჩობდა, თავი ბალიშში ჩარგო, რის გამოც საწოლი უფრო აჭრიალდა. ნათელა მიუხვდა.

— კარგი, გეყოფა, — უთხრა დაყვავებით, — მოხუცების ამბავი არ იცი? იყვირებენ, იყვირებენ, გაჩუმდებიან და შემდეგ ყველაფერი დაავიწყდებათ.

თავი მესხე

სულთ ჩამოსულა

ლალიმ საბუთები სამედიცინო ინსტიტუტში შეიტანა. დილით ადრე მოვიდა ინსტიტუტში და მაინც ხუთი საათი მოუხდა რიგში დგომა. ინსტიტუტის რკინის ჭიშკრის წინ უამრავ ხალხს

მოეყარა თავი, თვითულ ახალგაზრდას სამი უფროსი მაინც ახლდა თან. იყო ერთი ყრიაშული და გნიასი. ლალი მარტოა, სრულიად მარტო. არც არავინ მოყოლია, არც არავის იმედი აქვს. რო-



გორც იქნა, მისმა რიგმაც მოაღწია. საბუთები ჩააბარა და ჩათვლის ფურცელი აიღო. ეს ფურცელი პირველი ხელშესახები საგანია, ინსტიტუტთან რომ აკავშირებს. სარკმელს ისე ადევნებულა და სახელაღწილი გაშორდა, თითქოს პირველი გამოცდა ჩაებარებინოს. მიდის და მიუხარია. ირგვლივ ვერაფერს ამჩნევს, ველარაფერს ხედავს. უცბად ვიღაცამ დაუძახა. მობრუნდა და სიხარული-საგან შეჰყვირა:

← სულო!
 სულხანი სირბილისაგან აწითლებულიყო, მძიმედ სუნთქავდა, სახეზე ოფლი წურწურით ჩამოსდიოდა. ლალის რომ მიუახლოვდა, დაიბნა. ვეღარ მიესალმა, ვერც ხმა ამოიღო, იდგა და თვალმებაფართობული შესცქეროდა ქალიშვილს.

— გამარჯობა, სულო! — უთხრა ლალიმ, მაგრამ პასუხი ვერ მიიღო და შეუტია, — რა დაგემართა? ხმა ამოიღე!
 სულხანი ძლივს გამოერკვა და ალულ-ლულდა:

— ლალი, გუშინ ჩამოვედი... გამარჯობა, დილიდან დაგეძებ!

— ჩვენთან არ იყავი? მისამართი ხომ იცოდი?

— ვიცოდი.

— გუშინვე ვერ მოხვედი?

— ვერ მოვბედე. დღეს რომ არ მენახე, მოვიდოდი.

— სამედიცინოზე ხომ არ შეგიტანია საბუთები?

— არა, სამხატვრო აკადემიაში შევიტანე. სიცილი დამაყარეს, ექთანს ჩვენთან რა უნდაო?

— მერე?

— დირექტორთან შევედი, ჩემი ნამუშევრები ვუჩვენე. საბუთები მიიღეს, ხვალიდან დღე და ღამე უნდა ვათოო, შემსვლელთათვის დამხმარე ჯგუფებია გახსნილი.

შუა ტროტუარზე იდგნენ და გამვლელ-გამომვლელებს ხელს უშლიდნენ. სულხანს ვერ მოეხერხებინა განზე გამდგარიყო და ლალიც წაიყვანა. ისევ ლალიმ მოიფიქრა, მკლავში ხელი გამოსდო და ნელი ნაბიჯით გაჰყვინენ

გზას. ლალიმ ხელმარცხნივ შეუხვია, პარკში შევიდნენ.

— სულო, შენ ხომ არსად გაგვიანდება?

სულხანს გაეცინა, ლალის ახედა, გამბელაობა მოიკრიბა:

— როდესაც გვერდით მყავხარ, სხვა რა უნდა მახსოვდეს... — სათქმელი არ დაამთავრა და მკაცრი პასუხის მოლოდინში მხრები აიწურა.

ლალის გაეცინა, არც ხელი გაუშვია. სხვა დროს ასეთი სიტყვებისათვის გაუწყრებოდა, მოიშორებდა. ახლა საყვედურიც არ დასცდენია, პირიქით, სულხანის მკლავი უფრო მიიზიდა და ნაბიჯიც შეანელა. სულხანი დაგაქვაცებულა, მაგრამ ისევე მოუქნელი და მორცხვია. ბაღში მყუდრო ადგილი მონახეს, სკამზე ჩამოსხდნენ. ერთ ხანს ხმას არ იღებდნენ.

— რას გაიუმებულხარ? — დაარღვია სიჩუმე ლალიმ, — თქვი რამე!

— რა გითხრა, ტექნიკუმი დავამთავრეთ. ცირას გარდა არავინ დარჩენილა.

— ჰო, ცირას თავიდანვე არ უნდოდა სწავლა.

— მგონი თხოვდება, გამოსაშვები საღამო მოვაწყუთ, ვახშამიც გვქონდა. შენ გვაკლდი, სულ გიგონებდით.

— მართლა? — გაეხარდა ლალის.

— ნოე მასწავლებელმა შენი სადღეგრძელო განსაკუთრებით დალია, ზურაბმა ლექსიც გაიხსენა: „ჩვენი გულის დედოფალო, ჩვენი კურსის დედოფალო, ტექნიკუმის დედოფალო“.

ლალის გაეცინა. კვლავ დადუმდნენ. დუმილი ახლა სულხანმა დაარღვია:

— მე რომ მალაპარაკებ, შენი ამბავი მითხარი.

— რა გითხრა, ტექნიკუმი მეც დავამთავრე. ეს-ესაა სამედიცინოზე შევიტანე საბუთები, იმდენი შემსვლელია, რომ... — უიმედოდ ჩაიქნია ხელი ლალიმ.

— მერე რა გაწუხებს? შენისთანა მოსწავლეს რისი უნდა ეშინოდეს?

— ის აღარა ვარ, სულო, რაც ვიყავ. მამის სიკვდილის შემდეგ გული ვერაფერს დავუდე, ვატყობ, გამიძნელებდა გამოცდების ჩაბარება.

— რას სულელობ! — შეუტია სულხანამა, — თუ მოინდომე, ყველაფერს შეძლებ.

ლალის გაედიმა.

— ყველა რომ შენსავით ფიქრობდეს. კვლავ დადუმდნენ.

— როგორ შეეჩვიე აქაურობას, როგორ ცხოვრობ? — შეეკითხა სულხანი.

— ისე.

— მაინც?

— რა ვიცი, ვცხოვრობ.

მათკენ ქალ-ვაჟი მოდიოდა, მაგრამ როგორც კი დაინახეს, სკამი დაკავებულ იყო, ბაღის სიღრმისაკენ წავიდნენ. ვაჟმა მშერა ლალისაკენ გააპარა. სულხანამა ეს შენიშნა, აიღწეა და თვითონაც შეფარვით გადახედა ლალის. მართლაც როგორ დამშვენებულა ლალი! გაზრდილა, დაქალბეულა. მასთან შეხვედრის სისარულმა ისე დააბნია, არც კი შეუმჩნევია ეს. ლალიმ ცერად შეხედა სულხანს. სულხანი ფეხსაცმლის წვერით გზაზე დაყრილ აგურის ფხვნილს ჩიჩქნიდა.

— რად გაჩუმდი? — შეეკითხა ლალი.

სულხანი გამოერკვა:

— იცი, რაზე ვფიქრობდი? რაღაც სხვანაირი გამხდარხარ.

— როგორ თუ სხვანაირი? — დაინტერესდა ლალი.

— აბა, როგორ ვითხრა, ვერ დაინახე. იმ ბიჭმა თვალებით კინალამ შეგჭამა? ძალიან გამოცვლილხარ, გალამაზებულხარ.

ლალის გაცინა, ესამოვნა შემეხა. წინათ სულხანსაც არ აპატიებდას. ლაპარაკს, დღეს კი უსმენს, რა ემართება ნეტავ? უცებ სულხანს რაღაც მოაგონდა. ყველაზე ადრე ის უნდა ეჩვენებინა, მაგრამ გადაავიწყდა. გულის ჯიბიდან სურათი ამოიღო და ლალის მიაწოდა.

— ნახე, ლალი!

— რა არის?

ლალიმ სურათი გამოართვა, ერთ ხანს უყურა.

— უკუღმა გიჭირავს, გადააბრუნე.

ლალიმ სურათი გადააბრუნა. დიდხანს უტკირა. მერე მიხვდა, რაც იყო, თვალები დაენისლა, შუბლი შეეჭმუნხა, მაგრამ ბოლოს სახეზე მადლობის დიმილმაც გადაურბინა. სულხანს შეხედა. ვაჟი სათქმელს მიუხვდა.

— ჩვენ მოვუარეთ, რკინის ღობეც შევღებეთ, ეს ქვა მე გავთაღე. მეტი ვერ შევძელი. ნამდვილი მოქანდაკე რომ იყო, მაშინ...

ლალიმ კვლავ სურათს დახედა. სურათზე საფლავი მოჩანდა, ირგვლივ შავად შეღებილი რკინის ღობე ერტყა. საფლავი ყვავილებითა და ფერადი კენჭებით იყო მორთული. საფლავის თავთან თეთრი ქვა იდგა. ლალიმ ათრთოლებული მკლავები შემოხვია სულხანს და თავისკენ მიიზიდა. სულხანი გაინაბა.

გზაზე ბერიკაცმა ჩაიარა, ამ სურათს რომ წააწყდა, ბებრული, ხრინწიანი ხმით აჩიფჩიფდა:

— ახლანდელმა ახალგაზრდებმა ნამუსი სულ დაკარგეს. ასე მზისით, დღისით გაგონილა?!

თავი მათი

უთქველი სიტყვა

ვიღაცამ კარზე ზარი სამჯერ დარეკა. ლალი შეკრთა. საოცარია, ვინ უნდა იყოს ამ დროს? ზარი განმეორდა. ლალი მარტოა შინ, სრულიად მარტო, ვაითუ ოთარია! მაინც რად ეშინია მისი? შეიძლება არც იყოს ოთარი. როგორც იქნა

გამოაღო კარი; მის წინ ოთარი იდგა, შავი კოსტუმი ეცვა, ყელსახვევი ეკეთა. იდგა და იღიმებოდა.

— გამარჯობა, ლალი, — მიესალმა ოთარი, — თქვენები შინ არიან?

ლალის ენა დაება. პასუხი ვერ გასცა.



ვერც შინ შეიპატიყ. ოთარმა არაფერი შეიმჩნია, ლალის გვერდი აუარა და ოთახში შევიდა. ლალიც უკან მიჰყვა.

— სად არიან თქვენები? — კვლავ შეკითხა ოთარი.

— არ არიან... — ძლივს ამოიღო ხმა ლალიმ.

— არა უშავს რა, — მშვიდად თქვა ოთარმა, — ხომ მოვლენ? მანამდე კი ჩვენ ვიმუშაიფოთ.

ლალიმ არაფერი უპასუხა.

— რატომ დგახარ? მართალია, აფხაზეთში ხარ გაზრდილი, მაგრამ ეს ჩვეულება ახლა იქაც გადაივიწყეს.

ლალიმ არც ახლა ვასცა პასუხი. სკამზე ჩამოჯდა. რა თავისუფლად უჭირავს ოთარს თავი. ლალის კი გული გამაღებთ უცემს.

— როგორ მიდის საქმე? ემზადები გამოცდებისათვის?

— დიახ.

— გეშინია?

— ძალიან.

— მეტი სითამამეა საჭირო, თუ იქაც ისე უპასუხე გამოცდელებს, როგორც მე მპასუხობ, კარგად ვერ წავიგა საქმე, — გაეხუმრა ოთარი.

ლალის გაელიმა.

— თამამად უნდა შეხვიდე, საკითხი კარგადაც რომ არ იცოდე, მაინც რიხით დაიწყო, ნუ შეფერხდები. სითამამე ცხოვრებაში მთებსა ძრავს, გაბედულება გამარჯვების პირველი საწინდარი! — თქვა ოთარმა და უცბად მიხვდა, რომ გადაამლაშა. ნუთუ მეტი ვერაფერი მოიფიქრა? მაინც საიდან მოადგა ენაზე ასეთი სიტყვები?

„როგორ კეკელიასავით ლაპარაკობს, რა მოუვიდა?“ — გაიფიქრა ლალიმ.

ოთარი დაჩუმდა. საუბრის ძარღვი გაუწყდა. ლალიც დუმდა. ოთარი წამოდგა, გაიარ-გამოიარა, ფანჯარასთან მივიდა და თქვა:

— რა შესანიშნავი დარია!

— დიახ, არ ცხელა.

— შემოდგომით ყოფილხარ თბილისში?

— არა.

— შემოდგომა თბილისისა!

— რატომ, ზღვაზეც კარგია შემოდგომა.

— კახეთშიც კარგია, იმერეთშიც, მაგრამ თბილისში მაინც სხვაა!

საოცარია ეს კაცი, შორიდან რომ უყურებს, თვალებით ჭამს ლალის. ახლაკი მარტონი არიან და ისე თავაზიანად, შინაურულად ექცევა, რომ ლალიც გაუთამამდა და უკვე ძალდაუტანებლად ლაპარაკობენ. ოთარი ხომ შესანიშნავი მოსაუბრეა! ყველაზე საოცარი მაინც ის არის, რომ ოთარი ლალის თანატოლივით ეპყრობა. მასზე ბევრად უფროსია. სახელმძღვანელო კაცია და ლალის კვალს კი დაეძებს. არ იცის ლალიმ, კარგია ეს თუ ცუდი, არც არავინ ჰყავს ისეთი, ჭკუა დაარიგოს, ურჩიოს, როგორ მოიქცეს. სადღაც ეამაყება ოთართან ყოფნა, მაგრამ თავსაც ადანაშაულებს ასეთი სითამამისათვის.

ოთარმა ბევრი ილაპარაკა და ბოლოს სიტყვა სიყვარულზე ჩამოაგდო.

— კაცმა არ იცის, რა არის სიყვარული. ზოგი ამბობს, სიგიჟეაო, ზოგი — ბედნიერებააო.

„ისევ კეკელიასებურად დაიწყო,“ — გაელიმა ლალის.

— სიყვარული მრავალგვარია, — განაგრძო ოთარმა — შენ რას იტყვი?

— არ ვიცი... — დაიბნა ლალი.

— ნუთუ სიყვარული არ გამოგიცდია?

ლალი გაწითლდა, თავი დახარა. ძალიან იწყინა შეკითხვა, ხმა არ გასცა, შუბლი შეიკრა.

— მაპატიე, ლალი, — თავი იმართლა ოთარმა, — ცოტათი უხეშად გამომივიდა. რასაკვირველია, შენ ჯერ კიდევ პატარა ხარ.

ახლა ეს იწყინა ლალიმ. განა ასეთი პატარაა? და თუ ასეა, რად უყურებს ოთარი თვალებანთებული ასე დაჟინე-

გივი გოგიჩაიშვილი
გაზაფხულიდან გაზაფხულამდე



ბით. არა, ლალის არ უნდა, რომ იგი ბავშვად მიიჩნიონ, მაგრამ არც ის უნდა, ასეთ რამზე ელაპარაკონ.

ოთარი მიუხვდა ლალის.

— რა ვიცი, — ყოყმანით უთხრა მან. — თანატოლივით გელაპარაკები, გწყინს; პატარა ხარო, გეუბნები და გწყინს. როგორ მოვიქცე?

ლალის გაეცინა.

— არა, ნუ იცინი, სერიოზულად გეუბნები. განა ასე არ არის?

— შეიძლება, — თავი იმართლა ლალიმ, — რა გითხრათ, არასოდეს მიფიქრია ამაზე. სად თქვენ და სად მე?

უცბად დადუმდა და უფრო მეტად დაირცხვინა.

— განა ჩვენს შორის იმდენი განსხვავებაა? წინათ თურმე ცამეტი წლისანი თხოვდებოდნენ.

„ცამეტი და ხუთი — თვრამეტი, — გულში გაივლო ლალიმ, — დავბერებულვარ!“

— წინათ შინაბერასაც კი დაგიძახებდნენ, — თქვა ოთარმა, თითქოს ფიქრს მიუხვდაო.

ლალიმ ღიმილი ვერ შეიკავა.

— ბევრ ქალიშვილთან ვამხანაგობ, მაგრამ არასოდეს მიგრძენია, რომ მათზე უფროსი ვარ.

— ვიცი, — ჩაიჩურჩულა ლალიმ, — ვხედავ.

— ჰოდა, — სავარძელში ჩაჯდა ოთარი, — გეფიცები, არასოდეს არავინ მყვარებია. განა არ ვეძებ, სანთლით დავეძებ, არ ჩანს, პატიოსნებას გეფიცები, აი, პირველად რომ გნახე... როგორ გითხრა...

სათქმელი არ დაამთავრა. ლალი სულ დაიბნა. გული გამალებით უცემდა. მას ახლა ერთადერთი სურვილი ჰქონდა, გულში ჩუმად ემუდარებოდა ოთარს, ეხვეწებოდა, ისეთი არაფერი ეთქვა, რაც არასოდეს, არც ერთი ვაჟისაგან არ გაუგონია.

სადღაც შორიდან მოესმა ოთარის ხმა. სმენა დაძაბა, გაიტრუნა.

— არ ვიცი, როგორ გითხრა, — ამბობდა იგი, — შენ რომ პირველად გნახე, ისეთი დიდი სიხარული ვიგრძენი...

„არა, ნუ, ნუ!“ — ფიქრობდა ლალი.

— მიგხვდი, რომ შენ ხარ ის გულწრფელი ოთარი, ამდენი ხანი რომ დავეძებ და გადავწყვიტე შენი მეგობრობა დამემსახურებინა. ა, რას იტყვი, ლალი?

რა უნდა ეთქვა ლალის? გულში მადლიერი იყო, რომ ოთარმა ამაზე მეტი არაფერი უთხრა. ოთართან მეგობრობა საამაყო უნდა იყოს, მაგრამ ამას ხმამაღლა ხომ ვერ იტყვის.

— ნუთუ ჩემთან მეგობრობას თავილობ?

— როგორ გეკადრებათ!

— მაშ, რატომ მიქცევი ასე ცივად?

ოთარი ჩუმად შესცქეროდა ლალის. ამ დროს სამჯერ დარეკეს ზარი და ლალი კარის გასაღებად გაიქცა. ოთარი წამოდგა და სავარძლიდან სკამზე გადაჯდა. ლალიმ კარი გააღო. კართან სულხანი იდგა.

— შემოდი, სულო, შემოდი! — გჯერადდა ლალის.

ოთახში შევიდნენ. სულხანი შეერთა, ოთახში უცხო ვაჟი რომ დაინახა, კართან შეჩერდა და ლალის გადახედა.

— სულო, გაიცანი, ოთარ ჩადუნელია!

— ოთარ ჩადუნელი, მოქანდაკე?! — კინლამ შეჰყვირა სულხანმა და მისკენ გაეშურა.

ოთარს გაეღიმა, ესიამოვნა ასეთი ყურადღება.

— ეს კი სულხანია, — უთხრა ლალიმ ოთარს, — ჩემი სკოლის ამხანაგი. სამედიცინო ტექნიკუმი დამთავრა, მაგრამ საბუთები სამხატვრო აკადემიაში შეიტანა, მოქანდაკე უნდა გამოვიდეს.

— კარგი ერთი, — დაიმორცხვა სულხანმა.

— რა გვარი ხართ? — შეეკითხა ოთარი და წამოდგა. სულხანი ოთარზე მალაღია, მაგრამ ტანწვრილი. ოთარის გვერდით მისი ჩაქმულობა სასაცილოდ მოჩანდა.

„მინც რა ჩაუცვამს, — გაიფიქრა ლალიმ. როლისაც ისინი ერთმანეთს შეადარა, — როგორ ეტყობა, რაიონიდან რომ არის.“

ოთახში სიჩუმე დადგა. სულხანმა შე-

კითხვაზე პასუხი არ გაცა. ოთართან შეხვედრამ დააბნია. ლალიც ხმას არ იღებდა. დუმილი კვლავ ოთარმა დაარღვია:

— საბუთები შეიტანეთ აკადემიაში? — შეეკითხა იგი.

— დიახ. კონკურსია, ერთ ადგილზე ხუთი კაცი მოდის.

— შენ რა გიჭირს, — ამოიხსრა ლალიმ, — ჩვენთან უფრო მეტია.

სულხანის შემოსვლამ ლალის სითამამე შემატა, ენაც ამოიღვა.

— დაგეხმარებით, — უთხრა ოთარმა სულხანს, — მეგობრები მყავს.

— როგორ გეკადრებთ? — თვალი თვალში გაუყარა სულხანმა, — თუ ღირსი ვარ, მიმიღებენ, არა და...

„უყურე შენ, როგორი ყოფილა ეს ექთანი, როგორ ამაყად უჭირავს თავი! დახმარებაც არ სურს“.

— სულხანი ისეთი ნიჭიერია, — დაიწყო ლალიმ, — აი, გულქანდა რომ ნახეთ, მისი ნახელავია.

„ვაიმე, ჩემი გულქანდაც კი უჩვენებია,“ — გაიფიქრა სულხანმა.

— ჰო, მახსოვს, მახსოვს...

— სულხანი ნიჭიერია, — არ ცხრებოდა ლალი, — არ შეიძლება, არ გაიმარჯვოს.

— რა საჭიროა, — გააწყვეტინა სულხანმა, — როგორ პატარძალივით მამკობ?

— რატომ? — თქვა ოთარმა, — რწმენა დიდი რამეა. ყველაზე მეტად დედას და მეგობარ ქალიშვილებს სწამდათ,

რომ ნიჭიერი ვიყავი და წარმოიდგინეთ, გავამართლე მათი იმედი.

— მთავარი მაინც შენშია, — მტკიცედ თქვა სულხანმა, — მახლობლები ხშირად ცდებიან.

„უყურე შენ! — მოეწონა ოთარს სულხანის ნათქვამი, — ნუთუ ეს ექთანი მიღწევს რამეს? ასეთი რწმენა მეც კი არასოდეს მქონია. სადღაც მშურს კიდევ ამ ბიჭის.“

ოთახში სოფიო, გიორგი და ნათელა შემოვიდნენ. ერთად ყოფილიყვნენ სტუმრად. საუბარმა ჩვეულებრივი ხასიათი მიიღო. ყველაზე მეტს სოფიო ლაპარაკობდა, ნათელა დედის ნათქვამს ადასტურებდა. გიორგი კი ჩუმად იყო და ფიქრს მისცემოდა.

ჯერ სულხანი წავიდა, შემდეგ ოთარი. შინაურები დასაძინებლად მოემზადნენ. ნათელამ ჩქარა დაიძინა, ლალი კი ფხიზლობდა. თვალს რული არ ეკარებოდა. არ იცოდა, რა ექნა, როგორ მოქცეულიყო. ვისთვის ეკითხა რჩევა. დეიდას ვერაფერს ეტყოდა, ვერც ნათელას. ძია გიორგი ხომ ამ შემთხვევაში სათვალავში ჩასაგდებიც არ იყო. სულხანი მისი ახლო მეგობარია, მაგრამ მასთან ამის შესახებ საუბარი როგორ შეიძლება!

არა და რა იცის ლალიმ ამ ცხოვრებისა. ჯერ არც ერთი ვაჟი ასე არ მოქცევია. მართალია, ოთარმა დღეს არაფერი უთხრა, მაგრამ ხვალ ეტყვის, ზეგ ეტყვის. „ოჰ, რა ძნელია ყველაფერი ეს, რა ძნელია ავისა და კარგის გარჩევა!“

თავი მეთერთმეტი
ერთადერთი ქულა


ოჩამჩირედან წამოსვლისას სოფიო ყველას შეპირდა, ლალის სამედიცინო ინსტიტუტში მოვაწყობთ, ჩემი ქმარი ვილაც-ვილაცეებს ეხმარება და ჩემს დისწულს როგორ არ მოეხმარებაო, მაგრამ ლალი თბილისში ყოფნის პირველ დღეებშივე მიხვდა, დეიდა ამ საქმეში ვერ დაეხმარებოდა.

ნათელა გაგრაში წავიდა დასასვენებლად. ბევრი იზუბდუნა სოფიომ, ფული არ გვაქვს შენს გასამგზავრებლადო, მაგრამ ნათელამ თავისი გაიტანა. ივლისის ბოლოს დიდი სიცხეები დაიჭირა, ჰაერი არ იძვროდა. ქუჩაში ახალგაივი გოგონაშვილი გაზაფხულიდან გაზაფხულამდე

გაზრდობის ქრიამული აღარ ისმოდა. ბავშვებიც კი არ დარბოდნენ, მხოლოდ მამაკაცები თუ ჩაივლიდნენ, ან ბაზარში მიმავალი ქალები. მეზობლებიც გაიკრიფნენ თბილისიდან, ბავშვები ავარაკზე წაიყვანეს. სამზარეულოში მხოლოდ კეკელია დაფუსფუსებდა. არანჩა წალვერში იყო, ნუნუ — ქობულეთში. სოფიო სულ ვერ იტანს სიცხეს. ოთახში პერანგისამარა დადის, სულს ძლივს იბრუნებს, სუნთქვა უჭირს. ლალი მარტომ-მარტომ მეცადინეობს. ერთ ხანს სულხანი აკითხავდა. ამ ბოლო დროს კი იშვიათად მოდის. მასაც თავისი საზრუნავი აქვს. ერთად ვერ იმეცადინებენ, სხვადასხვა საგნები აქვთ ჩასაბარებელი. ოთარიც წასულა თბილისიდან, არა ჩანს. ნატომაც დაივიწყა. ტექნიკუმის დამთავრებისთანავე კომკავშირის რაიკომში გამოუძახეს, იქ დაიწყო მუშაობა.

ლალი დილით ადრე დგება, ჯერ შინ მეცადინეობს. მზე რომ ამოვა, პარკში მიდის და რატომღაც იმ სკამს მიაშურებს, სადაც პირველად ოთარი შეხვდა. სკამი მყუდრო ადგილას დგას, ხელს არავინ უშლის. ნასადილევს ცოტათი წაიძინებს და შემდეგ გვიან დამემდეგ კვლავ სახელმძღვანელოებს ჩაჰკირკიტებს. დეიდა თუმცა ბუზღუნებს, მაგრამ თავისებურად მაინც უწყობს ხელს, ჩანსაც კი არ ადგმევიანებს ნავთქურაზე, არ გაცდევო.

მოულოდნელად მოახლოვდა გამოცდები. სამედიცინო ინსტიტუტის დარბაზები ახალგაზრდებით აივსო. ყველა აღელვებული იყო, რატომღაც ჩურჩულით ლაპარაკობდნენ, სიცილიც კი არ ისმოდა. ზოგს ხელში კონსპექტი ეჭირა, ზოგს — სახელმძღვანელო. ნერვიულად დადიოდნენ დერეფნებში. განვლილ მასალას იმეორებდნენ. ერთმანეთს ეკითხებოდნენ. პირველი გამოცდა ქართულ წერაში აქვთ. დასდნენ საწერად. საოცარი სიჩუმე დადგა. მხოლოდ გამომცდელები იყვნენ დამშვიდებულნი და ზედმეტად მკაცრნი. თავიდანვე გააფრთხილეს ახალგაზრდები, „შპარგალკები“ თუ გაქვთ. გადაყარეთო. საწერად სამი თემა იყო შერჩეული. ლალიმ „გალაკ-

ტიონ ტაბიძის ლირიკა“ აირჩია.  უშველა ნატოს მიერ ნაჩუქარმა წიგნმა ბევრი არ უფიქრია, წერა დაიწყო. გამომცდელმა აუდიტორიიდან ოთხი ვაჭი და ორი გოგონა გაიყვანა, „შპარგალკა“ უბოვა. მიუხედავად იმისა, რომ გოგონები ქვითინით პატიებას თხოვდნენ, არ აპატია. პირველ დღესვე აბიტურიენტი მასწავლებელს რომ მოატყუებს, იგი არაა ღირსი სტუდენტის სახელი ატაროსო. თემა კარგად დაიწყო ლალიმ. ბევრი ლექსი ახსოვდა ზეპირად, დროზე დაამთავრა წერა და ნაწერი გამომცდელს ჩააბარა.

მეორე დღეს ლალის საგამოცდო ბილეთში პირველი ხუთიანი გაჩნდა. ამან თითქოს ფრთები შეასხა გოგონას. მესამე გამოცდის შემდეგ მათი ჯგუფი ძლიერ შეთხელდა, ხუთ სხვა ჯგუფს შეუერთეს და მაინც იმდენი ვერ შეგროვდა, რამდენიც გამოცდის პირველ დღეს იყო. ყველაფერი კარგად მიდიოდა, მხოლოდ უკანასკნელ დღეს წაიფრთხილა ლალიმ — ქიმიში ოთხიანი მიიღო.

— არაფერია! — ამშვიდებდა ყველა, ვინც ამ ამბავს გაიგებდა, — ოთხი ხუთი და ერთი ოთხი კარგი ნიშნებია, უსათუოდ უნდა მოხვდე.

ლალიც დამშვიდებული იყო. უნდა მიიღონ, უნდა ეყოს ნიშნები, ასე უსამართლოდ, ალბათ, არ გასწირავს ბედი. დედამაც კი შუბლი გაიხსნა. თურმე ამ მუდამ მობუზღუნე ქალს კეთილი გული ჰქონია. იმ დღეს, ლალიმ უკანასკნელი საგანი რომ ჩააბარა, სოფიო კეკელიას შეურთვდა, დისწულის ქებით ყური გამოუჭედა. არ ელოდა ლალისაგან ამას და გოგონას ასეთი წარმატებით ამაცობდა.

— ყოველგვარი დახმარებისა და პროტექციის გარეშე ჩააბარა ასე ბრწყინვალედ, რა ვუყვით, ერთი ქულა თუ აკლია, ერთადერთი ქულა! არავინ ყოლია დამხმარე, აბა!

წუხელ აღფრთოვანებულმა სულხანამ მოიბრინა. თუმცა ოთახში გიორგი და სოფიო იყვნენ, არ მოერიდა, იყვირა:

— მომილოცე, ლალი, მიღებული ვარ! — შემდეგ თავისი გამბედაობისა

შერცხვა, უცხად დადუმდა, კითხვებზეც კი ვერ პასუხობდა ხეირიანად და მხოლოდ თავს აქნევდა. სოფიომ ოფლში გაღვარული სულხანი პირსაზანთან მიიყვანა და პირი დააბანინა. თუ წინათ არც კი ამჩნევდა, ახლა დედობრივი მზრუნველობით მოეკიდა. როგორც იქნა, თანდათანობით ათქმევინეს სულხანს გამოცდების ამბავი: თურმე პროფესორს, სახელგანთქმულ მოქანდაკეს, მოსწონებია მისი ნამუშევარი. მისი კონსულტანტი კი ადრევე უწინასწარმეტყველებდა გამარჯვებას.

— ნეტავი შენ! — უთხრა ლალიმ სულხანს.

— შენ რაღა გაწუხებს? — გაოცდა ვაჟი, — მიღებული ხარ და ისაა!

— მიღებული კი არა და, — უბასუხა ლალიმ და რატომღაც დაუმალა, რომ ხვალ უნდა გამოეკრათ სამედიცინო ინსტიტუტში მიღებულთა სია.

სოფიო სულხანს ჩაით გაუშასპინძლდა. ზამთრისათვის გადანახული ბლის მურაბა გამოიღო, ნაყენიც გამოიტანა.

ხუთი დღეა ინსტიტუტში აღამებს ლალი. არ იქნა და არ დაადგა საშველი ინსტიტუტში ჩარიცხულთა სიის გამოკვრას. ნეტავი ამდენს რას თათბირობენ, რას აზუსტებენ? სულხანი წუხელ წავიდა ოჩამჩირეში. მეცადინეობის დაწყებამდე ათიოდე დღეა დარჩენილი, დაისვენებს, მოემზადება და ბარგი-ბარხანით ჩამოვა. ლალი იმედიანადაა, მაგრამ ეჭვი მინც ღრღნის. ვინ იცის, რა იქნება! ეგებ საბედისწერო ვახდეს ზოლო გამოცდაზე დაკარგული ქულა. მეექვსე დღეს, ინსტიტუტს რომ მიუახლოვდა, შორიდანვე დაინახა, რომ სია უკვე გამოეკრათ. ლალიმ სასწრაფოდ იქით მიაშურა, გული გამაღებით უცემდა. დიდხანს იცადა, სანამ პირველ რიგში გაძვრებოდა.

თავიდან შეუდგა სიის კითხვას: „ავალიშვილი დასაწყისში იქნება. ადამიშვილი, ავალიანი, აივაზიანი, — კითხვას მოუჩქარა — არაბული, აბულაშვილი, კიდეც კიდე და აი, ბაკურაძე.“ შედგა, სული

მოითქვა. ჯერ ვერ გაიგო, რატომ არ იყო მისი გვარი სიაში. ახლა უკვე დინჯად დაიწყო კითხვა. „ადამიშვილი, ავალიანი, აივაზიანი“, — ჩამარცვლით კითხულობს ლალი. ავალიშვილი კი არ არის და არა!

ახლა მთელი სია გადაიკითხა, იქნებ სხვაგან მოხვდა ჩემი გვარიო, მაგრამ ამაოდ. ტანში ჟრუანტელმა დაუარა, შებარბაცდა. ერთხელ კიდეც ჩაიკითხა სია და საბოლოოდ დარწმუნდა, რომ მიღებული არ იყო.

„ვაიმე, მამიკო! — დაიკვნესა გულმა. — მამიკო! მამიკო!“

აღარ ახსოვს, როგორ გაარღვია განცხადებების დაფასთან შეგვრფული ხალხი. ჯერ ნელა წალასლასდა, შემდეგ ფეხს აუჩქარა.

მიდიოდა, მაგრამ არ იცოდა, საით. წინ იცქირებოდა და მინც ვერაფერს ხედავდა. ზაფხულის თაკარა მზე უწყალოდ აცხუნებდა. მღელვარებისაგან სახეზე აღმური ასდიოდა. ანგარიშმიუცემლად მიჰყვებოდა გზას.

უცხად წინ ვიღაცა გადაუდგა. ლალიმ ახედა და ვერ იცნო.

— ლალი, საით? — თითქოს შორიდან ჩაესმა ვაჟის ხმა.

ლალი დუმდა.

— ლალი, — ხელი მოჰკიდა ვაჟმა, — ლალი, რა მოგივიდა?

ხელის შეხებამ თითქოს გამოაფხიზლა ლალი. მაგრამ შეკითხვა ვერ გაიგო და ვერც ოთარი იცნო.

— ლალი! — შეჰყვირა ოთარმა, — ლალი!

— ჰოო!.. — როგორც იქნა ხმა ამოიღო ლალიმ და ირგვლივ მიმოიხედა. ვაკის ახალ პარკთან მოსულიყო. ჰაუ, რამოდენა გზა გამოუვლია შემუშინებულად, საით წამოუყვანია ფიქრებსა და დარდს. სად უტარებია ნალველსა და მწუხარებას. ნეტავი აქეთ რას მოიჩქაროდა, რა დაკარგა, რას დაეძებდა?

— რა მოხდა? — ისევ შეეკითხა შემფოთებული ოთარი.

ლალიმ შუბლი მოისრისა, თვალებზე გვიგო გოგიჩაიშვილი

გაზაფხულიდან გაზაფხულამდე

ხელი გადაისვა. გონება თანდათან გაუ-
ნათლდა, ოთარს შეხედა. გაშავებულა,
ზღვაზე თუ იყო. ვაჟს თეთრი ხალათი
იცვამ, გული გაღვლილი ჰქონდა.

— თქვი, რა მოხდა?

— რა უნდა მომხდარიყო? — ალულ-
ლულდა ლალი, — ბევრი არაფერი, ხომ
იცით, სამედიცინოზე ვაბარებდი.

— მერე?

— დღეს სია გამოაკრეს, სიაში არა
ვარ... — ისე თქვა, გულიც თან ამოა-
ყოლა.

— ჰოო, აი თურმე როგორ ყოფილა
საქმე! — ცოტა ხანს შეჩერდა ოთარი,
სანუგეშო სიტყვას ეძებდა, ვერაფერი
მოიგონა და კვლავ შეეკითხა: — ბევრი
დაგაკლდა?

— ერთი ქულა.

— მაშინ, იცი რას გეტყვი? სამედი-
ცინო ინსტიტუტში წავიდეთ. — მტკი-
ცედ უთხრა ოთარმა.

— რისთვის? — ვერ მიხვდა ლალი.

— როგორ თუ რისთვის! მიდი დი-
რექტორთან, აუხსენი მდგომარეობა, ყვე-
ლაფერი უთხარი, რაც წელს გადაგხდა,
არაფერი დაუმალო. იქნებ, როგორც გა-
მონაკლისი, მიგიღონ. ბოლოს და ბო-
ლოს ერთი ქულა გაკლია, მეტი ხომ
არა?

ლალიმ ოთარს პირდაპირ შეხედა.
მის თვალეში თანაგრძნობა ამოიკითხა.
ეს ამჟამად ყველაზე მეტად ესაჭიროე-
ბოდა ლალის. რასაკვირველია, ოთარი
რომ არ შეხვედროდა, დირექტორთან
შესვლას ვერც გაბედავდა. ახლა კი, მარ-
თალია, გაუჭირდება, იქნებ გამბედაო-
ბამაც უღალატოს, მაგრამ ცდის მინც.

— სცადე. — უთხრა ოთარმა, — ცდა
ბედის მონახევრეა, ვინ იცის, როგორ
მოტრიალდეს საქმე.

— მეშინია! — ძლივს ამოიღო ხმა
ლალემ.

— წამოდი, წამოდი, — აღარ
ლაპარაკი ოთარმა, წყნეთიდან მომავა-
ლი ტაქსი გააჩერა, ლალი ჩასვა და
თვითონაც გვერდით მოუჯდა.

ავტომანქანა ნელა მისრიალებდა და
ოდნავ ირწოდა. ლალი თანდათან
დამშვიდდა. ოთარის ხმაც ნუგეშით
უთბობდა გულს, ძალას მატებდა, იმედ-
სა და რწმენას უნერგავდა.

ოთარი დღეს ჩამოსულა გაგრიდან.
აქვე ცხოვრობს, ეგერ, იმ ახალ სახლში.
ჰო, გაგრაში ნათელა უნახავს, სულ
ორჯერ შეხვედრია, თურმე ისიც აპი-
რებს წამოსვლას. ბევრი ხალხი ისვენებ-
და გაგრაში, დიდძალი ახალგაზრდობა
იყო. გაგრაში დიდხანს არ დარჩენილა.
ოჩამჩირეში წასულა, ლალის ოჩამჩირე-
ში. დგებუაძეებთან მისულა. ლალის
მშობლების საფლავიც უნახავს. კარგად-
მოვლილია, როგორც ჩანს, ყურადღებას
არ აკლებენ. „სულხანის მიერ გამოთ-
ლილი ქვა? არა უშავს რა, კარგია. ის
ვაჟი აკადემიაში მიიღეს? არ მოველო-
დი... ჩაბარება ერთია, აკადემიის დამ-
თავრება კი სხვაა. ღმერთმა ქნას, დიდი
მოქანდაკე გამოვიდეს ის სულხანი. გა-
მეხარდება, ერთი ნიჭიერი კიდევ მოემ-
ტება სამშობლოს“.

ამ ლაპარაკში სამედიცინო ინსტიტუ-
ტის შენობასთან მივიდნენ. ავტომანქა-
ნიდან ჩამოვიდნენ. ოთარმა ლალის ხე-
ლი ხელში ჩაიჭირა, მოუაღერსა, ლალის
ხელი არ გამოურთმევია. ძლიერია ოთა-
რის მარჯვენა, იმედიანი, ვაჟკაცური.

— აბა, შენ იცი! — გაამხნევა ოთარ-
მა, — მე აქ დაგელოდები, გაბედულად
შედი!

თავი მეთორმეტი

შარი

დეკანი მაღალი, ხმელ-ხმელი კაცი.
კეთილი გული აქვს, მაგრამ დღეს გარე-
მოებამ აიძულა პირქულად და უგულოდ
მოაჩვენოს ყველას თავი. მარტოკაა დარ-

ჩენილი ინსტიტუტში, დირექტორი დი-
ლით იყო და მაშინვე წავიდა. მათ წუ-
ხელ მოათავეს ყველაფერი: ჯერ სტაჟ-
გამოვლილები ჩარიცხეს, შემდეგ სამა-

მულო ომის მონაწილენი, დანარჩენებს მხოლოდ უმაღლესი ნიშნები უნდა ჰქონოდა. აბიტურიენტს ერთი ქულაც რომ დაკლებოდა, ინსტიტუტში ვერ მოხვდებოდა.

ღირექტორმა ამ დილით მოაწერა ხელი პირველ კურსზე მიღებულთა სიას; მოაწერა და წავიდა, თავი აარიდა ახსნა-განმარტებებს, ჩხუბსა და დავიდარაბას. დეკანს კი უბრძანა, დარჩენილიყო. და აი, დილიდან ზის ღირექტორის კაბინეტში ეს ხმელ-ხმელი კაცი. კარს იქით კი ხმაური არ წყდება. მომსვლელთა რიცხვი სულ უფრო და უფრო მატულობს. მოკრძალებით შემოდის თვითიული მათგანი. ჯერ ემუდარება, ეხვეწება, შემდეგ ედავება, უფრო გულადი ეჩხუბება, მაგრამ დეკანი მაინც არ გამოდის წონასწორობიდან.

აი ამ გოგონასაც, რიდით რომ შემო-ალო კარი, თვალები სეჭდიანი აქვს. ჩანს, მხოლოდ დღევანდელი დღის გამო არაა ასე მოღრუბლული. ალბათ თავისი ცხოვრების მანძილზე დიდი მწუხარება უნახავს. ერთი ქულა, ერთადერთი ქულა დაკლებია. ობოლი ყოფილა, არც დედა ჰყოლია, არც—მამა. მამა წელს გაზაფხულზე გარდაცვლია. ახლაც რომ აგონდებდა, ლაპალუბით ჩამოდის ცრემლი. დეკანს რომ რაიმე შეეძლოს, ახლავე შესრულებს თხოვნას, მაგრამ ახლა უკვე აღარაფერი არ ეშველება.

გოგონას კი ადგომა უნდა და ვერ ამდგარა, წასვლა უნდა და ვერ წასულა. დეკანიც არაფერს ეუბნება. დაე, აქ იყოს, გული მაინც მოიხოს.

— რა ვქნა, ბატონო? — მეთედ ეკითხება გოგონა.

— არაფერია, ქალიშვილო, ღმერთმანი, არაფერია. არა ღირს ამდენი ნერვიულობა. გაისად მობრძანდით, აუცილებლად მოხვდებით. პრაქტიკა მიღებული გაქვთ, ეგებ კონკურსიც ნაკლები იყოს.

— მაგრამ ერთი წელი?

— რა არის თქვენთვის ერთი წელი?

— არა, ბატონო, ერთი წელი ჩემთვის დიდი დროა. დამენმარეთ, მიშველეთ!

რა იცის ამ გოგონამ, რომ დეკანს ამჟამად არაფერი ეკითხება. ჩვეულებ-

რივ, უგულო სიტყვებს ისევ სიმართლედ ამაჯობინა.

— იცით რა, ქალიშვილო? — ნელა ხმით დაიწყო მან, — მე ღირექტორი არა ვარ. მე მხოლოდ მის ოთახში ვზივარ, ესაა და ეს...

ლალიმ გაოცებით შეხედა მოსაუბრეს, მცდის თუ თავიდან მიშორებსო. მაგრამ დეკანი გულწრფელად ლაპარაკობს. არა, შეუძლებელია, ასეთი კაცი ტყუოდეს. მით უფრო, ლალის არც უჩხუბნია. მაშ, ტყუილუბრალოდ გადაუშალა ამ კაცს გული?

— ასეა, ჩემო კარგო, — განაგრძო დეკანმა, — თქვენ წახვალთ, სხვა მოვა, მე კი ახლა ვეღარაფერში დაგეხმარებით.

ლალის მწარედ გაეღიმა, ადგა, დეკანიც წამოდგა, გოგონასთან მივიდა, მამაშვილურად თავზე ხელი გადაუსვა, ერთხელ კიდევ ანუგეშა, კარი გაუღო და გაისტუმრა. ლალი ნელი ნაბიჯით დაეგია კიბეზე. განცხადებების დაფასთან უნებურად შეჩერდა. იქ ორიოდ ახალგაზრდა იდგა და პირველ კურსზე მიღებულთა სიას კითხულობდა. ლალიმ ერთხელ კიდევ გადაავლო თვალი სიას, იქნებ რაიმე ცვლილება ვნახოო, მაგრამ ამაოდ.

ქვემოთ ოთარი ელოდა. ლალის რომ შეხედა, ყველაფერს მიხვდა.

— არაფერია, — ტკბილად უთხრა მან, — გულს ნუ გაიტეხ, გაწყენს ამდენი ნერვიულობა.

ლალი გაოგნებული იყო, მაგრამ გულში მაინც მწარედ გაეღიმა.

— ღირექტორი არ იყო, კაბინეტში სხვა ვიღაც იჯდა, არაფერი შემიძლიაო, მითხრა.

ოთარი გაბრაზდა.

— ეს რა თავის აგდებაა! დამაცადე, მე მაგათ ვუჩვენებ სეირს! — უთხრა და ინსტიტუტისაკენ გასწია.

ლალიმ ხელი მოჰკიდა.

— არ გინდათ, ოთარ. საქმეს მაინც არ ეშველება. ის კი კარგი კაცი იყო.

— ვინა ვარო?

გვიგოგინაშვილი
გაზაფხულიდან გაზაფხულამდე

— მაგას რა მნიშვნელობა აქვს? —
ნაღვლიანად თქვა ლალიმ, — ნახვამდის,
ოთარ, შინ წავალ, თავი მისკდება!

— გაგაცილებ.

— არა, ნუ შეწუხდებით.

— რა შეწუხებაა!

— გმადლობთ, ისედაც გაგაცილებთ
მარტო წავალ. ასე მირჩევნია.
პასუხს არ დაელოდა და წავიდა.
არი უკან არ გამოდევნებია. ერთ ხანს
უყურა მიმავალს, შემდეგ მიბრუნდა და
ნელი ნაბიჯით გადასჭრა ქუჩა.

თავი მცხამება

ნათელას დაბადების დღე

ნათელა სექტემბრის ჩვიდმეტსაა და-
ბადებული და გარდაფხაძეების ოჯახი,
ჩვეულებისამებრ, მისი დაბადების დღეს
იხდის. ნათელას თავისი ხელფასიდან
კაპიკიც არ შეაქვს ოჯახში, ჩაცმა-და-
ხურვას ახმარს. ის კი არა, ამისთვისაც
არ ჰყოფნის და ხშირად ერთ ამბავს ას-
ტებს სულ რამდენიმე მანეთის გამო,
გარდაფხაძეების ოჯახს რომ გათვალის-
წინებული არ აქვს და ნათელას კი აუ-
ცილებლად სჭირია. აბა, საამშენებლო
კანტორის ბუღალტერს, გიორგი გარდა-
ფხაძეს რა ისეთი შემოსავალი აქვს,
ოჯახიც არჩინოს, ნათელაც მოდის შე-
საფერისად ახალ-ახალი ტანსაცმლით
მორთოს, მოყვარე გაახაროს და მტერ-
საც თვალი დაუყენოს?

მაგრამ ნათელას დაბადების დღე კი
უთუოდ უნდა გადაუხადონ. თბილისში
ყველა იხდის დაბადების დღეს და რო-
გორ შეიძლება ნათელამ არ გადაიხა-
დოს! საქვეყნოდ თავი მოეჭრება. სულ
ერთია, ჩვიდმეტ სექტემბერს მასთან
მანც შეიყრებიან ნაცნობ-მეგობრები და
სირცხვილი რომ არ ჰქაოს, წესიერად
უნდა მოაწყოს ყველაფერი. უკვე პირ-
ველ სექტემბრიდან ემზადებიან ამ
დღისთვის. წვითა და დაგვიტ შემონახუ-
ლი ფული თოვლის ფიფქით დნება.
ნამდვილი ციგე-ცხელება დღეობის წინა
კვირას იწყება. მთელი ოჯახი დილი-
დან საღამომდე ფეხზე დგას. სოფიო
თბილისის ყველა ბაზარს ჩამოივლის,
რომ უფრო იაფად იშოვოს სანოვაგე.
სამი დღე კერძების მომზადებას უნდე-
ბიან: იწყება გოჭები და წიწილები,
იხარშება ისპანახი და ლობიო, ხაშლამა

და ინდაური, ცხვება მჭადი და ხაჭაპუ-
რები.

ერთი დღე ოთახის დალაგებას ჭირ-
დება. დიდი ოთახიდან პიანინოს, სასა-
დილო მაგიდისა და სკამების გარდა,
ყველაფერი პატარა ოთახში გადააქვთ
და იქ ერთიმეორეზე აწყობენ. სკამებს,
ჭურჭელსა და დანა-ჩანგალს მეზობლე-
ბისაგან თხოულობენ. კარგად ხვდებიან
გარდაფხაძეები სტუმრებს, სუფრას არა-
ფერი აკლია, წელს განსაკუთრებით ემ-
ზადებიან ნათელას დაბადების დღისა-
თვის. ნათელას ოთარ ჩადუნელი ჰკავს
დაპატიკებული, თვალი უნდა დაუყენოს
გოგოებს!

ერთი კვირა ფეხზე დგომით ჩამოწ-
ყდა ლალი. სოფიო ადრიან დილით რომ
წამოაყენებს ბაზრებში სასიარულოდ,
საღამო ხანს თუ მოლასლასდებიან შინ.
ასე ცოტაცოტაობით მოზიდეს სანოვაგე.
მისი დამზადება ხომ ათჯერ უფრო
მომქანცველი გამოდგა.

ოჯახში ლალისაც სხვანაირი თვალით
დაუწყეს ყურება; ცოტაც რომ მოგენ-
დომებია, ინსტიტუტში მოხვდებოდით,—
ხშირად საყვედურობს სოფიო. ჯერ არ
აკრძნობინებენ, მაგრამ ხედავს ლალი,
რომ ის აქ ზედმეტი ბარგია, გამოცდე-
ბამდე დეიდა ზოგჯერ ღიმილს მანც გა-
იმეტებდა, ახლა სულ ებუზღუნება. მისი
აღარაფერი მოწონს: არც ჩაცმა-დახურ-
ვა, არც სიარული და არც სიცილი. ნათე-
ლაც მტრული თვალით უყურებს. ერთხელ
ოთართან მიმავალი ნახა და ცეცხლი მო-
ედო. ეჭვი არ გამოუშვლავნებია, მაგრამ
გულში ჩაიხვია და ყოველ ნაბიჯზე ცდი-



ლობს დაამცროს, აბუჩად აიგდოს ისე-
დაც განაწამები გოგონა.

ჩვიდმეტი სექტემბრის დილაკ გათენ-
და. იმატა ნერვიულობამ. ნათელა დღეს
სამსახურში არ წასულა. არც არაფერს
აკეთებდა, დადიოდა და მზრძანებლობ-
და: ეს ასე უნდა გააკეთოთ, ის იხე,
დღეს რომ შვერცხვე, ყველაფერს დავ-
ლეწავ და დავამსხვრევო! სოფიო ამშვი-
დებდა, ტყუილუბრალოდ ნუ ღელავ,
სირცხვილს არ გაქმევო. სოფიო ჯარა-
სავით ტრიალებდა, არც თვითონ ისე-
ნებდა და არც ლალი მოასვენა.

შვიდი საათისათვის დასახმარებლად
ნათელასთან დარო და გულსუნდა მოვი-
დნენ. დღეში სამჯერ ებუტებიან და
ურიგდებიან ერთმანეთს. ახლაც უფრო
სეირის საყურებლად მოსულან. ერთ
საათში სტუმრები უნდა მოვიდნენ. სხვა
რა შეუძლიათ, სუფრას აწყობენ, ალაგე-
ბენ. სახელეწილი ნათელა ღელავს და
ქალიშვილებს აჩქარებს:

— თქვენი ჭირიმი, გოგოებო. არაფე-
რი გამოგრჩეთ, საცაა მოვლენ!

— რა მოვივიდა, რას წუხნარ?

— მოვლენ და მოვიდნენ! — ამშვი-
დებენ ნათელას.

სუფრა გააწყვეს. ნათელამ კერძებს
გადახედა, რაღაცეები ხელახლა გადა-
აწყ-გადმოაწყო.

— გოგოებო, ხომ იცით, მე სუფრას-
თან უნდა ვიჯდე. თქვენი ჭირიმიეთ, დე-
დას კერძების შემოტანაში დაეხმარეთ.

— დავეხმარებით, ნუ გეშინია.

— ჯერ საცივი შემოიტანეთ, — უხს-
ნის ნათელა, — შემდეგ გოჭი. თავი არ
მომჭრათ და ხილი ადრე არ გამოაჩი-
ნოთ!

— ვიცით, ვიცით!

დარომ გულსუნდას გადახედა, თვალი
ჩაუკრა, შემდეგ ნათელას მიუბრუნდა
და უთხრა:

— ფიქრი ნუ გაქვს, მოვუფლით.

ოთახში ოფლადგაღვარული სოფიო
შემოვარდა.

— გიგი! გიგი! — დაიძახა ხმამაღლა.
ხმა არავინ გასცა.

— ღმერთო ჩემო, — შეიცხადა ქალ-

მა, — კიდეც ძინავს? გიგი! — უფრო აუ-
წია ხმას.

პატარა ოთახიდან მთქნარებ-მთქნა-
რებით გიორგი გამოვიდა. ცდილობდა,
თავი ფხიზლად მოეჩვენებინა, მაგრამ
ვერ შეძლო, ეტყობოდა, მაგრად ეძინა
და ბურანიდან ჯერ კიდეც ვერ გამორ-
კვეულიყო. ერთ ხანს შედგა, სუფრას
გადახედა, სახე გაუნათლდა. გოგონებს
მიესალმა და ცოლს მიმართა:

— რა იყო, ოქრო, რა გაყვირებს?
ჯერ არ დავყრუებულვარ!

სოფიოს გოგონებისა მოერიდა და ხმა
დაითაფლა:

— წადი, დაგენაცვლე, ჩვენს გასტრო-
ნომში მკავე კიტრია, მოიტანე.

გიორგიმ ხელმეორედ გადახედა გაშ-
ლილ სუფრას, მჭადი გატეხა, მხალი
დააყოლა, ღვინო დაისხა.

— მამა, სუფრას რად აფუჭებ? —
შეუბღერია ნათელამ.

გიორგიმ ქალიშვილს ყური არ ათხო-
ვა, ღვინით საგსე ჭიქა ასწია:

— შენი სადღეგრძელო იყოს, ჩემო
გოგონა! — უთხრა და გადააჭრა.

— ჩქარა, კაცო! — გაჯავრდა სოფიო.

— რა ღვინოა! — გიორგიმ გოგოებს
თვალი დაუკრა და შემდეგ სოფიოს მი-
უბრუნდა, — ფული მომეცი!

— რაო?! — ველარ შეიკავა თავი სო-
ფიომ, — გუშინ არ მოგეცი ხუთი მანე-
თი?

— დედა! — შეაჩერა იგი ნათელამ.

— გუშინდელს გუშინდელი ხარჯი
ჰქონდა, ჩემო კარგო, დღევანდელს კი
დღევანდელი აქვს, — მშვიდად მიუგო
გიორგიმ.

სოფიო გაბრაზდა, მაგრამ თავი შე-
იკავა. ეს გოგოები არ იყვნენ, უჩვენებდა
სეირს!

— აჰა კიდეც ხუთი მანეთი, — კბი-
ლებში გამოცრა მან, — ქილა მანეთი და
ორმოცდაშვიდი კაპიკი ღირს. სამი ქილა
გამოართვი, სამი აბაზი ხურდა მომი-
ტანე, სხვა კი, ჯანდაბას, შენი იყოს!

— ცხრა კაპიკი! — უცბად გამოიან-
გარიშა გიორგიმ.

გივი გოგიჩაიშვილი
გაზაფხულიდან გაზაფხულამდე

— ცხრა კაპიკი ახლა კარგი ფულია.
— ეჰ, ქალებო, ქალებო, — ამოიხრა გიორგიმ, — ვინ გაგაჩინათ ამ ქვეყანაზე?

სასაცილო არაფერი უთქვამს გიორგის, მაგრამ დარომ და გულსუნდამ გულიანად გადაიხარხარეს. გიორგი გავიდა. საკმაოდ დიდი ნაჭერი ხაჭაპური დაითრია. სოფიოც სამზარეულოსაკენ გაემართა. ნათელა ისევ სუფრას დასტრიალებდა თავს!

უცბად ვიღაცამ სადარბაზო კარის ზარი სამჯერ დარეკა.

— ვაიმე, — დაფაცურდა ნათელა, — სტუმრები მოვიდნენ, მე კი ჯერ ჩაცმულიც არა ვარ. სანამ ჩავიცვაძმდე და გამოვიდოდე, თქვენ იდიასახლისეთ, — უთხრა გოგონებს და გაიქცა.

დარომ კარი გააღო. ოთახში ორი ვაჟი შემოვიდა. თეთრ ქალაღღში გახვეული საჩუქრები მოიტანეს. დარომ საჩუქრებს ქალაღღი მოაცალა. ერთი ლარნაკი იყო, მეორე — საფერფლე.

სტუმრები თანდათანობით იკრიბებოდნენ. უმეტესობა ვაჟები იყო, საჩუქრები მოჰქონდათ. საოცარია, თითქოს პირი შეუკრავთო, თითქმის ყველას ერთნაირი ლარნაკები ეყიდა. ყოველი ახალი ლარნაკის დანახვზე დაროსა და გულსუნდას სიხარული ემჩნეოდათ. ლარნაკებს პიანინოს თავზე მწკრივად ალაგებდნენ. ასე ჩამწკრივებული ერთნაირი ლარნაკები სასაცილო შთაბეჭდილებას ახდენდა.

— ბიჭებო, ბიჭებო, — არ ისვენებს გულსუნდა, — ქალაქში ამ ლარნაკის მეტი არაფერი იყო, ყველას ერთნაირი რომ გიყიდიათ?

ვაჟები ხმას არ იღებდნენ, თავს უხერხულად გრძნობდნენ. დღეს პირველად გამოიტანეს მალაზიაში ეს ლარნაკები და საჩუქრად რატომღაც ყველას ეს აერჩია.

— ჰა, რას დამუნჯდით, ხმა ამოიღეთ! — ახლა დარომ მიმართა ვაჟებს.

— ჩვენი რა ბრალია, რა ვიცოდით, — თავი გაიმართლეს ვაჟებმა.

— ბარემ თქვით, იაფი და ლამაზიათქო. — გაიცინა გულსუნდამ.

უხერხულობა რომ გაიფანტა, ვაჟებმა ნათელა მოიკითხეს.

— ჩვენი დიასახლისი სად არის? — ნათელა! — დაიძახა ერთმა და სხვებს მიმართა, — აბა, ერთად, ერთად! — და ხელი აიქნია.

— ნათელა! — შესძახეს ერთხმად. ამ დროს კარი გაიღო და ნათელაც შემოვიდა.

— აი, ისიც! — ნათელას ახალი კაბა ეცვა, ლამაზად ედგა ტანზე, უხდებოდა.

— მოგილოცავს! — ქალიშვილები კოცნიდნენ, ვაჟები ხელს ართმევდნენ. ნათელა იღიმიებოდა, ყველას მაღლობას უხდიდა.

უცბად პიანინოს თავზე ჩამწკრივებული ერთნაირი ლარნაკები დაინახა, გაბრაზდა, მაგრამ თავი შეიკავა, დარო და გულსუნდა განზე გაიხმო.

— ესენი აქ ვინ დააწყო? — ჩურჩულით უთხრა მათ.

— აბა, — საწყლად თქვა დარომ, — მოიტანეს და დააწყეს, თითქოს გამოფენა იყოს.

— უკან ხომ არ გავატანდით? — დაემოწმა გულსუნდაც.

ნათელა თვალებით ვიღაცას ეძებდა. — არ მოსულა?

ქალიშვილები ვითომ ვერ მიხვდნენ. — ვინ?

— ვინ და ოთარ ჩადუნელი. — როგორც ხედავ, არ მოსულა! ოთახში სოფიო შემოვიდა.

— გამარჯობათ, ყმაწვილებო! — მიესალმა ახალგაზრდებს. ვაჟები ხელზე ეამბორონენ მას.

სოფიომ სუფრას გადახედა, შემდეგ ოთახს მიმოავლო მხერა. ერთად დაწყობილი ლარნაკები რომ დაინახა, გაკვირვება ვერ დაფარა და ხმამაღლა წამოიძახა:

— ეს ლარნაკები აქ საიდან გაჩნდა, დაგენაცვლე.

ვაჟებმა წაუყრუეს. ნათელა დედას მივარდა.

— დედა, სირცხვილია, გაჩუმდი! — უჩურჩულა.



სოფიომ ჩურჩულითვე კბილებში გამოსცრა:

— დაბატიყე ახლა ამისთანა ღორები! დაგსდეთ, რაღას ელოდები?

— ცოტა ხანს დავიცადოთ, დაგიძახებ, — უთხრა ნათელამ და დედა სამზარეულოში გაისტუმრა.

სტუმრებს შორის ორი ვაჟი გამოირჩეოდა, მათ ყველანი განსაკუთრებული ყურადღებით ექცეოდნენ; ერთი ახალგაზრდა პოეტი იყო, დაბალი და მსუქანი, მეორე — ახალგაზრდა მსახიობი, ხმელ-ხმელი და მაღალი. თითქოს პირი შეუკრავთო, სხვებს ქედმაღლურად ექცეოდნენ. გურამ ალაგიძე ოცგვერდიანი პატარა წიგნის ავტორი იყო, მირიან გვილავას სამიოდე ეპიზოდური როლი თუ ეთამაშა სცენაზე, მაგრამ თავს მაინც არაგის უტოლებდნენ. ახალგაზრდები ხმაძალია საუბრობდნენ, სიტყვა-პასუხში ერთმანეთს ეჯობებოდნენ, ცეკვავენდნენ, ბოლოს ანეგლოტებიც შემოეღიათ. ხუმრობაც ერთფეროვანი გახდა, ცეკვაც მოსწყინდათ და მაღმალ გაწყობილი სუფრისაკენ აპარებდნენ თვალს.

მირიანმა გურამს გადაუჩურჩულა:

— ნეტავი რას უცდის ჩვენი მომხიბლავი დიასახლისი?

ნათელა დღლაგდა, ოთარი არ ჩანს. უმიხოდ სუფრას რა ლაზათი ექნება.

ბოლოს, როგორც იქნა, ოთარიც მოვიდა.

ნათელამ სიხარული ვერ დაფარა. ოთარი სტუმრებს გააცნო. ვაჟებმა შურის თვალთ გადახედეს ახალმოსულს. ზოგი იცნობდა მას, ზოგიც ახლა გაეცნო. ქალიშვილები თვალებს ნახავდნენ და შურით შეცქეროდნენ ნათელას.

ოთარმა ნათელას საჩუქარი გადასცა. თვალთ ლალის დაუწყო ძებნა, შეკრებილთა შორის ვერ ნახა, ერთ ხანს მოიწყინა. ნათელას არაფერი შეუმჩნევია, ოთარისათვის არ ეცალა. სტუმრებს სუფრაზე ებატიყებოდა. ვიდრე სტუმრები სუფრას მიუსხდებოდნენ, გიორგიმ მოასწრო და შეუმჩნევლად პატარა ოთახში შეიპარა.

ის-ის იყო სუფრისკენ წავიდნენ, რომ ვიღაცამ ზარი დარეკა. გულსუნდამ კა-

რი გააღო. დერეფანში სულხანი იდგა. ძლივს შეიყვანა ოთახში შემკრთაღი ბიჭი. ამდენი ხალხი ერთად თავშეყრული რომ ნახა, სულხანი სულ დაიბნა.

— მე, მე ბოდიშს ვიხდი, ლალი მინდოდა.

ოთარმა ლალის სახელს ყური მოჰკრა, სულხანთან მივიდა. იცნო.

— ო, ახალგაზრდა მოქანდაკეს ვახლავარ, მობრძანდი, გვეწვიე! რა ქენი, მოეწყე აკადემიაში?

— დიახ.

— ყოჩად, მომილოცავს!

ყველამ სულხანს შეხედა. ნათელაც მივიდა მასთან. სულხანი სულ დაიბნა, არ იცოდა, რა ეთქვა, რა მოემოქმედა. ვერც წასვლა მოახერხა და ვერც დარჩენა გაბედა.

— ლალის ნახვა გინდათ? — გაიმეორა გულსუნდამ.

— დიახ, ბოდიში, ცუდ დროს მოვედი!

— ჰო, პატარა ზეიმი გვაქვს, — უპასუხა ნათელამ.

ოთარმა დაროს თვალთ კარისაკენ ანიშნა, ლალი მოიყვანეო. დარო აფუსფუსდა:

— ახლავე დავუძახებ ლალის, ნუ წახვალთ!

— ნახვამდის! — წაილულულა სულხანმა, — წავალ, მერე ვნახავ.

ოთარმა ხელი მოჰკიდა, შეაჩერა.

— დაიცადე, ლალი ახლავე მოვა, ეწყინდა, რომ არ დახვდები.

ნათელა გაბრაზდა, მაგრამ ოთარს ვერაფერი გაუბედა და დუმილი არჩია. ამ დროს ლალიც გამოჩნდა. არ აპირებდა აქ მოსვლას. დარო შეუჩნდა, ძალით წამოიყვანა. საშინაო კაბა ეცვა, მაგრამ ვაჟებს მაინც ძალიან მოეწონათ იგი.

— ლალი, შენი მეგობარი მოვიდა. — შეეგება ოთარი, — თხოვე დარჩეს, ნათელაც თხოვს.

მეტი რა გზა იყო, ნათელამაც მოიპატიჟა სულხანი.

— მობრძანდით, გთხოვთ, — შემდეგ

გივი გოგიჩაიშვილი
გაზაფხულიდან გაზაფხულამდე

სხვებს მიმართა, — სუფრასთან მობრძანდით!

სუფრასთან დაჯდომა ყველას ერქარება, მაგრამ, როგორც წესია, ერთმანეთს უყურებენ, ადგილებს თავაზობენ.

— ოთარ, — მიმართა ნათელამ, — გთხოვთ, თამადის ადგილი დაიკავოთ. ოთარი შეყოყმანდა.

— რატომ მე? აქ თითქმის არავის ვიცნობ.

— ხომ იცით, — მტკიცედ უთხრა ნათელამ, — დიასახლისის თხოვნის გაწეობა არ შეიძლება. თქვენს გვერდით მე დაჯდებით.

— რა გაეწყობა, — დაეთანხმა ოთარი, — თუ თამადად დამნიშნეთ, მე ვიქნები განმკარგულბეღელი და ყველანი უსიტყვოდ უნდა დამემორჩილოთ, თუ არა და თამადობაზე ხელი ამიღია.

ოთარმა დაროს გადაუჩურჩულა:

— მომეშველეთ, ლალი და ის ყმაწვილი ჩემს გვერდით დასვით.

— ფიქრი ნუ გაქვთ, — გაეცინა დაროს.

— ლალი, — მიმართა ოთარმა, — მობრძანდით და თქვენი მეგობარიც მოიყვანეთ.

ისინი განზე დგანან. დარო და გულსუნდაც იქვე არიან.

— თამადა ვეძახით, არავითარი არა! —

უთხრა დარომ და შემდეგ სტუმრებს მიმართა, — ეს ნათელას დეიდაა, გვერდით, გთხოვთ, გვეწვიოს.

სუფრიდან შეძახილები გაისმა:

— მობრძანდით!

— ნუ გაგვაწბილებთ!

— მობრძანდით!

— მე იქ საქმე მაქვს, — ყოყმანობდა ლალი.

— მართალია, — დაუმოწმა ნათელამ, — წადი. ლალიცო, დედას მიეშველე, ცოდვია მარტოკა!

— დაჯექი, ლალი, — უთხრა გულსუნდამ, — დეიდა სოფიოს ჩვენ დავემარებით.

— საქმეს ჩვენ გავწვდებით, — დაუდასტურა დარომ, — შენ კი სუფრა დაამშვენე!

ოთარმა ისე მოახერხა, რომ ლალი გვერდით მოისვა, სულხანი ლალის შემდეგ დაჯდა. ოთარის ხელმარჯვნივ ნათელას ადგილია. როგორც იქნა, დასხდნენ.

— რა ლამაზია!.. — მოისმა აღტაცებული შეძახილები, ყველა ლალის უყურებდა.

ლალიმ სულხანს გადაუჩურჩულა:

— შენ იჯექი, მე უნდა წავიდე.

— თუ წახვალ, იცოდე, იმწუთსავე ავდგები, — ჩურჩულით მიუგო სულხანმა.

თავი მეთოთხედი

რუსთაველის ძეგლთან

ოთარი წამოდგა, დიდი ჭიქა ღვინით აავსო. სხვებმაც აივსეს სასმისები.

— მეგობრებო!

სუფრა დადუმდა.

— ჩვენი სუფრა პოეზიისა და სიმღერის სუფრა იქნება. ამიტომ სადღეგრძელოებს ნუ გავაჭიანურებთ. ნება მომეცით, პირველად ჩვენი მომხიბლავი დიასახლისის სადღეგრძელო შევსვა. დღეს მისი დაბადების დღეა. მას შეუსრულდა... — ოთარი შეჩერდა, დაროს შეხედა.

— ოცდაშვიდი წელი! — არ დააყოვნა დარომ.

ნათელამ ბრავით შეხედა დაროს, მაგრამ სახე წამსვე შეიცვალა.

— ოცდაშვიდი წელი, — განაგრძო ოთარმა, — ოცდაშვიდ გაზაფხულს მოსწრებია და ვუსურვოთ კიდევ ოცდაშვიდჯერ ოცდაშვიდი ენახოს ჩვენთან ერთად. აბა, ერთად, მეგობრებო!

ყველანი ფეხზე ადგნენ.

— იცოცხლე და იბედნაერე!

როცა ყველამ დასცალა ჭიქა, გურამმა სიტყვა ითხოვა. თამადამ ნება დართო.

— ნება მომეცით, დღევანდელი დღის აღსანიშნავად, ჩვენს მშვენიერ დიასახლისს ლექსი მივუძღვნა.

— გთხოვთ! გთხოვთ! — გაისმა აქეთიქიდან.

გურამმა ჩაახველა, ხმა დაიწმინდა და დინჯად დაიწყო:

სილიან ნაპირზე იღვა გოგონა,
წვივები მზისგან გაშეებოდა.
როგორც მადონა
იღიმებოდა.

დაამთავრა და ჭიქა სულმოუთქმელად დასცალა. ტაში კანტიკუნტად გაისმა. სულხანმა ლალის რაღაც გადაულაპარაკა. ოთარმა მორიგი სადღეგრძელო შესვა და ვაჭებს გადახედა:

— აბა, სიმღერა, მეგობრებო!

ვაჭებმა არ დააყოვნეს.

„წყალტუბოდან ქუთაისში მიმავალო ქარო“, — წამოიწყო ერთმა, მას სხვებიც აჰყვნენ.

სიმღერამ თითქოს ჭერი აზიდა, ფანჯრები შეაზანზარა.

ლალის სადღეგრძელო განსაკუთრებით შესვეს. ჯერ ოთარმა ილაპარაკა, შემდეგ სხვებსაც აღმოაჩნდათ სათქმელი. ისე გამოვიდა, თითქოს ეს დღეობა ლალისა ყოფილიყო. ნათელას თავი დაეხარა, სიბრაზისაგან სახე უხურდა.

ოთარი ნათელას და ლალის შუა იჯდა, მაგრამ ნათელას სრულებით არ აქცევდა ყურადღებას. ლალის ესაუბრებოდა და გოგონას რომ არ შერცხვენოდა, სულხანსაც გადაულაპარაკებდა რამეს.

ნათელა გაქვავებული იყო. ჩაუშხამდა ეს დღეობა. არ უნდოდა ლალის აქ გამოჩენა, მაგრამ დარომ და გულსუნდამ ძალით მოიყვანეს, ძალით დასვეს სუფრასთან! მაინც რა არის ეს ლალი, ასე რომ ევლებიან თავს. განა ეს სუფრა ლალის საპატივცემულოდაა გაშლილი? თვითონ თითქოს არც კი ყოფილა აქ. ოთარი სულ ლალის ესაუბრება. ნეტა-

ვირაზე ლაპარაკობენ ოთარი და ლალი? ოთარი და ლალი ხმადაბლა საუბრობენ.

— იცი, ლალი, — უცბად შეაპარა ოთარმა და ხმა გაეზარა.

ლალი გაიტრუნა. ასე იცის ოთარმა, სიყვარულზე რომ ჩამოუგდებს საუბარს, მღელვარებისაგან ხმა ეზარება.

— როგორ ვითხრა, — ნაწყვეტ-ნაწყვეტად ამბობდა იგი, — შენ ხომ ამათთან ცუდად ცხოვრობ, ჰოდა...

ლალი ჩუმად იყო, თავი დაეხარა და თეფშს დასცქეროდა.

— დასტოვე აქაურობა, — ამბობდა ოთარი, — წამოდი ჩემთან.

— სად? — ვერ გაიგო ლალი.

— ჩემთან, მუდმივად, სულ...

— ოთარ! — ხმა ჩაუწყდა ლალის, გაწითლდა, გაფითრდა, ისე გაწითლდა. სტუმრები მხიარულობენ, მღერიან, ცეკვავენ, ამიტომ არავინ ყურადღებას არ აქცევს ლალისა და ოთარს. მათ მხოლოდ სულხანი და ნათელა უთვალთვალევენ.

— რა გინდა აქ? — ეჩურჩულება ოთარი, — ჩემთან იქნები, იმეცადინებ, გაისად ინსტიტუტში მოეწყობი, ვიცხოვრებთ ერთად, სულ ერთად!

ლალი კვლავ დუმდა.

— ჩემო ლალი, ჩემო გულჩიორა!..

გურამი ვიღაც გოგონებს ლექსს უკითხავდა:

ო, ჩემო კარგო,

სიყვარულის დრო დადგა დიდი,

მე გულს არ ვყიდი,

მე არც სულს ვყიდი.

— გენიალურია! — კვერს უკრავდნენ გოგონები და აღტაცებით შესცქეროდნენ თმაშლილ ვაჭს.

დარო და გულსუნდა ერთად ისხდნენ და გესლიანად ჩურჩულდნენ:

— ნათელას შეხედე, — უთითებს გულსუნდა, — როგორ გაქვავებული ზის!

— გულზე სკდება.

გივი გოგინაშვილი
გაზაფხულიდან გაზაფხულამდე

— ოთარი მხოლოდ ლალის ელაპარაკება.

ოთარი კი ლალის არ ეშვება:

— დღეს რუსთაველის მოედანზე გიციდი, ძეგლთან... სამი დღე და ლამე რომ მომიხდეს დგომა, ფეხს არ მოვიცვლი. რომელი საათიც არ უნდა იყოს, სანამ არ მოხვალ, არ წავალ! მოდი, ჩემო გულჩიორა, გაბედე, დატოვე აქაურობა, წამოდი, ჩემთან, ნუ გეშინია!

„მოიტაცეს თამარ-ქალი აფხაზეთში, დიელოდაა...“ — დააგუგუნეს ვაჟებმა სიმღერა.

— გესმის, ჩვენ გვიმღერიან, — წაუჩურჩულა ოთარმა ლალის.

„ღურჯა ცხენი შეუკაზმეს აფხაზეთში, დიელოდა...“

— წარმოიდგინე, ვითომ ჩვენი ქორწილია, — თვალანთებული ეუბნება ოთარი ლალის, — ღურჯა ცხენზე ზიხარ, მე კიდევ შავ ტაიჭზე. უკან დარახტული მხედრობა მოგვეყვება სიმღერითა და ყიყინით. თეთრი, თოვლივით თეთრი ტანსაცმელი გაცვია. შენს თავსაფარს ნიაგი ათამაშებს. ყველანი შემოგვანატრიან. ჩვენ კი მივდივართ ასე ერთად, სულ ერთად, ბედნიერებისაკენ...

თენდებოდა, სუფრიდან რომ აიშალნენ. გამოეთხოვეს დიასახლისს. განსაკუთრებით ლალის ემშვიდობებთან. ოთარმა წასვლისას ერთხელ კიდევ წაუჩურჩულა:

— რა დროც არ უნდა იყოს, მოდი, გელოდები.

გურამი მთვრალია, სულხანისათვის მკლავში ხელი გამოუდვია, ბარბაცით მიყვება გვერდით, რაღაცას უმტკიცებს. სულხანი უხმოდ მიაბიჯებს, ფხიზელია, ბევრი არ უსვამს. სტუმრები წავიდ-წამოვიდნენ. პატარა ოთახიდან ფეხაკრეფით გამოვიდა გიორგი და სუფრას მიუჯდა.

სუფრა ნაომარ ველსა ჰკავდა: საცივის წვენი, პაპიროსის ნამწვავები, გამობრული ძვლები ერთმანეთში არეული ეყარა. გიორგიმ სუფთა თევში მონახა, საცივი გადმოიღო, ღვინო დაისხა.

— შენი სადღეგრძელო იყოს, ჩემო გოგონა! — თავისთვის თქვა და მუხუცამოსცალა.

ოთახში ლალი შემოვიდა. სუფრის ალაგებას შეუდგა. გიორგიმ ხელახლა დაისხა ღვინო და ლალის მიუბრუნდა:

— შენი სადღეგრძელო იყოს, ლალი, ოქრო!..

— გმადლობთ, ძია გიორგი! — მიუგო ლალის.

გიორგიმ ლალის ახედა:

— თვალები ამოღამებული გაქვს, ეს უძილობისაა, თუ?..

— არ ვიცი.

— არ მომწონს შენი თვალები, გაწუხებს რამე?

ლალი დუმდა.

— ეჰ, ჩემო ოქრო, მე ცხოვრებას სხვაგვარი თვალით ვუცქერი. — ღვინომ ენა აუდგა გიორგის, — ცხოვრებაში მუდამ კარგი უნდა ეძიო. ცუდსაც თავისი კარგი მხარე აქვს, ამიტომ ვცდილობ, არ ვიდარდო. ვარ ჩემთვის, არავის ვაწუხებ, არავინ მაწუხებს. ჩემზე ამბობენ, უნებისყოფო კაციაო. შენც ასე ფიქრობ. არა, ჩემო ოქრო?

ლალის არაფერი უპასუხა.

— იმიტომ რომ, არავის ვაწუხებ, — გაიმეორა გიორგიმ და კვლავ გადაჰკრა ღვინო, — გულს დარდი არ უნდა მიაკარო. აი, მე დღეს ჩემმა ერთადერთმა ქალიშვილმა სუფრასთან არ დამსვა. სხვას ეწყინებოდა, მშობელი მამისა ერთცხენებო. მე კი, ჩემო ოქრო, არ მწყენია, ამისათვის გავიხეთქავ გულს, აბა!

ლალის მაგიდიდან ღვინის ჭიქა გადმოუვარდა. დაიმსხვრა. გოგონამ შეჰკივლა. ასეთი ჭიქა თორმეტი ცალი აქვს დეიდას და ამისთვის ერთ ამზავს ატეხს.

— არაფერია, — ანუგეშა გიორგიმ, თან თვალი კარისაკენ გააპარა, ხომ არავინ გვიყურებსო, — ეს სიხარული-საა, — შემდეგ ლალის ნამსხვრევების აკრეფაში მიეშველა.

— ნუ შეწუხდებით, ძია გიორგი. მე თვითონ...

— დამაცა, ჩემო ოქრო, — უთხრა გიორგიმ, — აქ მომეცი!

ჭიჭის ნამსხვრევები გამოართვა. ქა-
ლადღში გაახვია და ჯიბეში ჩაიღო.

— წავიღებ და გადავყრი. შენც ნურა-
ფერს იტყვი, იყო და არა იყო რა...

ოთახში ნათელა შემოვიდა. ამხანაგე-
ბი გაცილებინა. სოფიომაც სწორედ ამ
დროს შემოაღო კარი. ნათელა ლალის
მიუახლოვდა და შეჰყვირა:

— საზიზღარო! სამადლოდ ჩვენს პურს
ჭამ და მევე მეცილები? არამი იყოს!

ყველანი გაშეშდნენ. ლალიმ სახეზე
ხელი აიფარა.

— მამიკო! — ასლუკუნდა, ძალა მოი-
კრიბა, წამოხტა და ქუჩაში გავარდა.

— ნათელა! — მკაცრად უთხრა გიორ-
გიმ. — ეს რა ჰქენი?

— ნათელა, რა მოხდა? — შეშფოთე-
ბით წამოიძახა სოფიომაც.

— ეჰ, ნათელა, ნათელა, — თავი გაი-
ქნია გიორგიმ, — ისეთი რა დაგიშავა
სასწრაფოდ ჩაიცივა და ლალის გამოე-
დევნა.

ნათელა ერთ ხანს გაქვავებული იდგა-
შემდეგ მოცელილივით დაჯდა სკამზე და
მწარედ აქვითინდა ..

ლალი გამოერკვა, რუსთაველის ძეგლ-
თან მისულიყო.

— რომელი საათია? — გაიფიქრა რა-
ტომღაც და საათს დახედა: ექვსი სრულ-
დებოდა.

ქუჩა ცარიელი იყო. მოპირდაპირე
მხრიდან ზისკენ ოთარი მოეშურებოდა.

გივი გოგიჩაიშვილი
გაზაფხულიდან გაზაფხულამდე

დასასრული იქნება



მიჩიან მიჩნელი

სიყვარული

ჩნდება ტკივილით, ჩნდება თავისით
და გზებს მიჰყვება იგი ბოლომდის,
ყველა კეთილის არის საწყისი
და დასასრული — ყველა ბოროტის.

ქვეყნად მეორედ მოსვლას ვიწამებთ,
ოღონდ ძახილი მისი მოგვესმას,
ის ერთადერთი არის მიწაზე,
ვერ დაატყვევებ წუთით რომელსაც.

თუ არ მოსულა —
ისე მოველით,
როგორც აპრილი ელის იელებს,
ის ერთადერთი არის, რომელიც
ავსებს ყოველგვარ სიკარიელეს.

შუქივით ადგას სულის სანახებს,
ერთხელ იღვიძებს
და არ იძინებს
და ფოთოლივით როცა ცახცახებს,
ტვირთს ეზიდება ქვეყნის სიმძიმეს.

გზაზე, ბილიკზე ნერგად იხარა
და ღვრის შარბათად ღამეს უძილოს
და საიდუმლოს ისე ინახავს,
როგორც სიბნელეს — ორმო უძირო.

შორი ტალღები ხელებს ართმევენ,
მოაქვს ხმაური უცხო ნაპირთა,
მერე გვასწავლის ახალ გაფრენებს
და აგვისრულებს — რასაც დაგვირდა.

ყველა შეტევა, ყველა კეთება
ქვეყნად იწყება მისი ბრძანებით,
დილის მზესავით გზებზე ენთება
და გადადიან ხილზე მგზავრები.



გაბრიელ ჯაბუხაძე

მიძღვნა მდინარე ასასადმი

სათავეს ჩემსავ არხოტში იღებ, —
იქ ასეც გქვია: — არხოტის წყალი;
მერე დაურღვევ ღიღლოს და ღიღღველთ
მიჯნას
და წვერსაც მათსავით ქლალი
ინით იღებავ, —
ხეობებს მისდევ,
შენ — ქართველ-ხევისურს —
ღიღღველ-თათრები
მიგავიწყებენ იმ საწყალ ქრისტეს
და ახალ რჯულზე მოინათლები.
დაბადებული არხოტს არავგად
სახელსაც იცვლი, ღიღღურ გაგებით
ასავ, არავგი, ვიცი, არა ხარ,
მაგრამ მე მაინც შეარავებო.

☆

ღიღღოსადმი

სიზმარში მაინც მახსენებ შენს თავს
თალხი მთა-ხევით და ბინდბუნდებით...
რა ვუყოთ მერე:
მანთე
და მშანთე.

დაგთმე

და აღარ დაგიბრუნდები!..

შენ მგოსნის გული გაუყავ არხოტს

და ჩამიწურე სულში მტევნები,

ნღ მწირავ:

ჩემში ქართლის მზეს წარხოც,

თუმც შთაგონებად დამედევნები...

ჩვიდმეტი წელი ერთი წამია, —

სამშობლოს ცა კი სიცოცხლეს უდრის;

ამაოდ მაწვევ,

აღარ წამოვალ,

აწ დავიწყების იწყება მწუხრი.





მოთხრობა

1

ნახალწლევს ჩვენს ოჯახში კვლავ დაიწყეს სანადიმო სამზადისი. მეზობლებიდან ქვაბები, თევშები, სუფრები და ათასი სხვა რამ ინათხოვრეს. სანთიობო ოთახის იატაკი დააკრიალეს და წისქვილში საფქვავეი ორი ურმით წაიღეს. ნიკო ბაბუამ ერთი კვირის სამყოფი შეშა დაჩეხა. ეზოში თომა ყასაბმა ჩვენი ბერწი ძროხა წამოაქცია და მისი სისხლით თოვლი გააწითლა. სამზადში ქალები თონის გახურებასა და ლავაშების ცხობას ვერ აუდიოდნენ. ჩვენი კარის მეზობელი ცა-როც კი დაიხმარეს. მართალია, ენასავით მოქნილი მკლავი არა ჰქონდა, მარა მცხოვლად მაინც ვარგოდა.

შაბათ საღამოს ფირანა ბიძია კობტად გამოეწყო, თეთრი ჩოხა და შავი ახალუხი ჩაიცვა, ფეხზე უძიროები შემოიწვევრტა, წელზე ვერცხლის ბალთე-ბიანი ქამარ-ხანჯალი შემოირტყა და თავზე ნაცრისფერი კრაველია ქუდი დაიხურა.

მოჭენდა ათიოდე ცხენოსანი. მამამ თქვა, ესენი სიძის მაცურები არიანო. სახელდახელო სუფრა გაშალეს, შემოუსხდნენ, ცოტა ხანს წაიჭიეთეს და აიშალნენ.

ბიძიამ გრძელბეწვიანი შავი ნაბადი მოისხა და მაცურებს ეზოში გაჰყვა.

ცხენებზე შესხდნენ და ჭიშკარი სიმღერით გაიარეს. ბიძიამ გვერდით მეორე ცხენიც გაიყოლა. იმ ცხენს რაღაც სხვანაირი უნაგირი ედგა, ზედ არავინ იჯდა.

— რომ დავინახე, ვეცი ბაბუას:

— ამ ცარიელ ცხენზე მე შევეჯდები, რა?!

— არ შეიძლება, შვილო. იმ ცხენით ბიძიამ ბიცოლა უნდა მოგიყვანოს.

— ვინ ბიცოლა?! ამ ცხენის გაჭენება მინდა, ბიცოლას რას დავეძებ. არ მინდა მე ბიცოლა!

— შენ რომ არ გინდა, ბიძაშენს უნდა! — ბაბუამ უღვაშებში ჩაიცინა. ხელი დამავლო. ციმციმ ამიტაცა და შინ შემეიყვანა.



იქ დიდხანს ვჭუჭყუნებდი, ჩემს მოსასმენად არავის ეცალა. მაყრები რომ წავიდნენ, სხვა ხალხი გვეწვია. ისინიც ლამაზად იყვნენ მორთულ-მოკაზმულნი, ოღონდ ცხენები არ ჰყავდათ. მე კი ცხენიანი სტუმრები უფრო მახარებდა. უფროსები დარბაისლურად ჩამოსხდნენ ავიზიზებულ ბუხართან და ტკბილი სასუბარი გააჩაღეს. გოგო-ბიჭებმა ცეკვა-თამაში გაახურეს. დაგა-ღუგი გაუდიოდა და დირას. საჯალაბო პალატში სუფრები ერთმანეთს გადააბეს. სუფრებს საგანგებოდ გაკეთებული გრძელი სკამები მიუდგეს.

დედა ჯარასავით ტრიალებდა, ცარო ეხმარებოდა. რა დამაძინებდა, თვალი ჭინკასავით მქონდა დაჭყეტილი. ხალხი ცხენოსნების დაბრუნებას ელოდა და მეც მარაქაში ვერიე. წამდაუწუმ ვიხედებოდი ვარეთ. თოვლი მოდიოდა. სხვა არავინ ჩანდა. შუალამისას სადღაც ახლოს თოფმა იქუხა. მერე სიმღერაც დასჭექეს:

მოვდივართ, მოვციხარია,
მოგვეყავს დედალი ხოხობი...

— მოჰყავთ, მოჰყავთ! — აყრიამულდნენ გოგო-ბიჭები.

მე სახტად დავრჩი. ამბობდნენ, ბიძია ბიცოლას მოსაყვანად წავიდაო და ეს რა არის? ბიცოლას მაგივრად ხოხობი მოჰყავს? ამ ღამეში სანადიროდ იყო? მოატყუა ხალხი? თუმცა, რა გასაკვირია, მე რამდენჯერ მოგუტყუებია, ვინ იცის! განელებული დაირა ბუხრის პირთან გააფიცხეს, აადუგლდუგეს და შეწყვეტილი ცეკვა-თამაში ისევ გახურდა. ზოგმაც ყავრის ჭინჭილიები აანთო და ეზოს მიაშურა. მეც იმათ გავყევი. ძალიან მინდოდა ბიძიას ნანადირევი ხოხობის დანახვა.

ჭინჭილებმა გააჩირადნა ეზო და გზა. ისევ თოვდა. ცა თეთრი პეპლებით იყო საგვე. ზოგი პეპელა ჭინჭილის ეცემოდა და მაშინვე დნებოდა. ჭიშკართან ისევ ისროლეს თოფი და ცხენოსნები ჩამოხტნენ. ახლა მეტი იყვნენ.

— აპა ჰე, გზა დაუსცალეთ! — ყვიროდა ერთი თეთრყაბალახიანი კაცი.

მე ბიძიას დაუწყევი ძებნა და თვალი მალე მოგვკარი. ხელში არც ხოხობი ეჭირა, არც სხვა ნანადირევი. ცხენიდან მარდად ისკუპა და მერე გვერდით ამომდგარ ცხენოსანს მიეშველა, უნაგირიდან ფრთხილად ჩამოსვა, ნაბადი მოახურა და იმასთან ერთად ყველაზე წინ წამოვიდა.

არც ვაციე, არც ვაცხელე, დავკარი ფეხი, ნაბადქვეშ შევეძვერი, ავხტი და კისერზე ჩამოგვეკიდე. ის ვილაც მეორე განზე გავაგდე. კარვად ახლალა დავინახე: გრძელსაყურეებიანი ქალი იყო, სულ თეთრი კაბა ეცვა, თავზე ჩიხტიკობი ედგა და რალაც სიფრიფანა ეხურა. მერე გავიგე: თურმე იმ სიფრიფანას სადედოფლო ლეჩაქი ერქვა. ბიძიას ნაბადიდან რომ გავაგდე, იმ თეთრკაბიან ქალს გაეცინა:

— ეს რა ჭინკა ბიჭი გყოლიათ, ჯერ თქვენს სახლში არ შემოვსულვარ და ახლავე ხელი მკრა?!

რაკი გამიცინა, ადვილად შევეურიგდი. ბიძიამ ქალი ისევ შემოიხიზნა. ნაბადი სამივეს გვეყო. ჩიხტიკობიანმა ბიძის კისრიდან მომგლიჯა და თვითონ ჩამიხუტა გულში. ასე მივადექით კარს. ზღურბლს ფიცრები აღარ ეკრა. ის ღორი, ამ კარში შემოსვლას რომ ცდილობდა ხოლმე, უკვე ღორად იყო ქცეული. ზღურბლზე გადაბრუნებული პატარა თეფში დაგვხვდა. ბიძიამ დაარტყა მარჯვენა ფეხი და თეფში ნატეხებად დაიხზა. გვანცა ბეზიამ ქალს პირში შაქრის ნატეხი ჩაუდგა, მერე ბიძიასაც მიაწოდა, ჩემთვის კი აღარ დარჩა, მე პირდაღებული დამტოვა. ეს კი აღარ მომეწონა, ბეზიას ჩემზე უფრო ის უცხო ქალი თუ ეყვარებოდა, ამას ვიფიქრებდი?

— ვაჟით მოდის დედოფალი. ვაჟით! — იგრიალა ხალხმა.

— ღმერთმა ნუ მოუშალოს ამ ოჯახს ვაჟიანობა! — დასჭექა ერმალოზამ და ნელა წამოიწყო:

აკაკი გეწაძე
ორი დღე

ღმერთო, ნუ მოშლი ამ სახლში
ლიხნსა და გახარებასა,
ვყეების ქორწინებასა,
ქალების გათხოვებასა,

ათამაშებდა და უღვამის სულაც არ
უგდებდა ყურს, თავისთვის მგერიდა
სახლურსა

ღედოვალის მაყრებით
არ ვართ სხვაზე ნაკლებით...

აჰყვა ხალხი შინ და გარეთ, გაძლი-
ერდა სიმღერა და ბოლოს ისე დაიგუ-
გუნა, მეგონა, ამ ხალხიანად სახლი
ცაში გაფრინდა-მეთქი.

სიმღერა რომ მიიწურა, საოცარი სი-
წყნარე ჩამოვარდა, ზიძია ფირანასა და
იმ ქალის გულისცემდა ისმოდა. თეთრ-
ყაბალახიანმა მაყარმა იძრო დამბაჩა,
მიუშვირა ჭერს და უბუთქა. სხვენში
კატამ ერთი საწყლად დაიჭყავლა და
მიჩუმდა. უბედური! ალბათ სიმღერას
უგდებდა ყურს და არ ჩაშხამდა?! მერე
რა მოხდა, აღარ გამიგია, ძილმა კისე-
რი მომწყვიტა.

გავიღვიძე ჩემს ლოგინში და საჭიატო
სარკმელს ვეცი. ცა ისევ საგსე იყო
თეთრი პებლებით. დედამ ახალი ტან-
საცმელი ჩამაცვა და ბუხრიან ოთახში
გამიყვანა. სუფრის თავში ზიძია და
ღედოვალი ისხდნენ. წინ შემწვარი
ქათამი ედოთ, ხელუხლებელი. ხშირად
უქნევდნენ თავს სტუმრებს. ქეიფს რამ-
დენიმე კაციღა შერჩენოდა. ზოგს იქვე
ეძინა სუფრაზე თავმიდებულს და ძილ-
ში ბურღლუნებდა. გრძელუღვამა, წარ-
ბებგაფარჩხული კაცი სულ ღიღინებდა:

მე არ მინდა აბაზიო,
ცოლი მინდა ლამაზიო,
ოხოხოია
მრავალყაში
ჟამი, ჟამიეუე,
ოხოხოია,
ოხოხოია,
თქვენი ჰირიმეეე!

ღიღინებდა და თან გვერდით მჯდომ
კაცს ხელს ლოყაზე უტყაპუნებდა, ამყე-
ვიო. მეზობელი კი თავს რეტიანივით
აქნევდა. მართალია, პირს აღებდა,
მაგრამ იმ პირიდან ხმა არ ამოს-
დიოდა. ვერც იმას გაიგებდით, ეძინა
თუ ეღვიძა. ერთი რამ კი კარგად დავი-
ნახე: თვალეები დახუჭული ჰქონდა.

მოღიღინე კაცის პირდაპირ გულგაღე-
ლილი ჭაბუკი ქანაობდა. თითს მალდა

ერთი ისე შექანდა, მამა რომ არ მიშ-
ველებოდა, სოხანეზე გაიშხლართაოდა.
ეზოში გავედი. თოვლი სულ დატკპ-
ნილი დამხვდა. კარის ყანაში თმებ-
აშლილი ჭაბუკი დარბოდა. ხელში ნაჯა-
ხის თუ წალდის ტარი ეჭირა. ვიცანი:
წუხელი დამბაჩა რომ ისროლა, ის იყო.
ოღონდ ახლა არც დამბაჩა ეკიდა და
არც ლამაზი თეთრი ყაბალახი ეხვია.
რუჟან ქათამს გაგულისებული დასდევ-
და, ტარს ესროდა, აცილებდა და მაინც
არ ეშვებოდა.

— რაქდენა, რა დაგიშავა მა უბე-
დურმა ქათამმა? — გასძახა სახლიდან
გამოზანცალეებულმა მაყარმა.

— ქათმის კურტუმო მიყვარს, ბიჭო.
კურტუმო. ვიდრე ამ ქათმის კურტუმოს
არ შევჭამ, აქედან ფეხს არ მოვიცვლი.—
რაქდენამ ქათამს ჭოლოკი ესროლა.
როგორც იქნა, გაუმართლა. ფეხმოტე-
ხილი ქათამი ფაფუკ თოვლში ჩაეფლო.
გამარჯვებულმა მაყარმა ხელი დაავლო
და სამზადისკენ წაარბენინა.

შინ რომ შევიედი, სუფრა სულ დაც-
ლილი იყო, აღარავინ ქეიფობდა. ტახ-
ტად გაკეთებულ სკამებზე სამი კაცი
იწვა და ერთმანეთს ხვრინვაში ეჯიბრე-
ბოდა.

ჩემს ოთახს მივაშურე. გავაღე კარი
და რას ვხედავ: ზიძია და მისი ბოყვა-
ნილი ქალი აქ არიან. სუფრა პატარა
ტაბლანზე გაუშლიათ და უჩემოდ ქეი-
ფობენ. იქვე ზის ორი უცნობი ქალი-
შვილი — ქერა და შავგვრემანი. სუფრა-
ზე ორი ქათამი დევს, კანდაბრაწული.
არ მიკითხავს არაფერი: მივედი სუფ-
რასთან და ქათმის ბარკალს დავაგლე
ხელი. ზიძიამ მოზრდილი ძვალი აიტაცა
და მაჯაზე დამარტყა, ბარკალი თეფშ-
ზევე დამაგდებინა. მეტკინა მაჯა, კი-
დევე უფრო ზიძიას ასეთი სიმკაცრე მეწ-
ყინა და სუფრის კიდეზე ცრემლები და-
ვაბნეი.



— სიძის კაკალო, სიამე ნუ ევიჩვე-
ნებ, თუ არა, პატარძალს უკანვე წავი-
ყვანთ! — სიცილით უფხრა შავგვრემანმა
ქალიშვილმა.

ქერამაც შეუტია:
— რას ერჩი?! ბავშვს არ უნდა აწყე-
ნინო, დაგიმახსოვრებს!

რაკი ქომაგები გამომიჩნდნენ, ქვედა
ტუჩი ჩამოვადე და ნაძალადეგად ავ-
ტირდი.

დღღოფალმა მუხლზე დამისვა და და-
მიყვავა:

— არა, გენაცვალე, არა, ნუ სტირი!
ა, შენ ბარკალი! რა გატირებს, გეხუმრა
ბიძია.

ბიძიას ჯიბრზე ბარკალს ისევ დავა-
ლე ხელი, წუთში შემოვაცილე ხორცე
და ძვალი სუფრაზე დავაგდე.

დაღამდა. შავგვრემანმა სანთობო
ოთახში ანთებული ჭირაქი შემოიტანა და
სკამზე დადგა. ქერამ სუფრა გაიტანა.

— ახლა, ჩემო ყარამან, მე და შენ
წავიდეთ აქედან! — მითხრა შავგვრე-
მანმა და ხელი მკლავში ჩამავლო.

— სად უნდა წავიდეთ, ბოშო?! —
წაფართვი შავგვრემანს მკლავი. — ეს
ჩემი სახლია, შენ თუ გინდა, წადი რა!

კუთხეში მიმკუნჭა და ჩამჩურჩულა:
— ბიძიას და ბიცოლას ეძინებათ.

— ბიძიას თუ ეძინება, გეიხადოს და
დაწვეს. ბიცოლაც დაწვეს, ოღონდ აქ
კი არა, თავის სახლი ხომ აქვს, იქ წა-
ვიდეს! ეს ჩემი და ბიძიას ლოგინია! —
ვოქვი და ტახტს გადავხედე. ახალა
შევაძინე! ჩემი არეული ლოგინი ვიდა-
ცას კოხტად დაელაგებინა, ზედ ახალი
საბანი ეფარა, ვარდისფერი.

— შენ დღეიდან ბაბუასთან დაგაძი-
ნებენ, — ისევ იღუმლად მამცნო შავგ-
ვრემანმა.

— ბაბუასთან ბიცოლა დააძინონ, თუ
კარგია! — ვტიკე ცივი უარი და დავს-
ძინე: — ბაბუამ ისეთი ხვრინვა იცის,
ბუხრის კრულეგს ხმას არ აღვინებს.

ბიძია და ბიცოლა აქამდე ჩუმად
იყვნენ, თითქოს ხმის ამოდებისა რცხვე-
ნითო. ბიცოლა ფანჯარაში იცქირებო-

დადა, მგონი, კიდევ ტიროდა. ბიძია
ტახტთან თავჩადუნული იჯდა. ეს რომ
ვოქვი, სიცილი წასკდა ორივეს. ოღონდ
ბიძიას არც ახლა აუღია თავი. არც
ბიცოლა შემობრუნებულა. იფრთქვინა
შავგვრემანმა ქალიშვილმაც და ოთახი-
დან სიცილით გავარდა.

მაშინვე დედამ მომაკითხა:

— წამო, ყარამან!

— არსადაც არ წამოვალ! — ვოქვი
და ტახტს ორივე ხელით მოვეჭიდე.

— დღეიდან, იცოდე, ბაბუასთან დაწ-
ვები!

— ბაბუასთან თუ გინდა, შენ დაწე!
ისევ წასკდათ სიცილი ბიცოლასა და
ბიძიას.

დედამ ცალყბად გაიღიმა, მერე უცებ
შეიკრა წარბი და სევდიანად ჩაილაპა-
რაკა:

— ეჰ, შვილო, რა ბედნიერი ხარ, ამ
ქვეყნისა რომ არაფერი გაგებება!

მე უცებ გავიძრე ქალამნები და
ახალ ლოგინში ტანსაცმლიანად შევეკო-
დი.

— აი, ფეხსაც არ მოვიცვლი, არ მო-
ვიცვლი, არა, არა!

დედამ ხელი დამავლო და გადმომა-
ფარცხუნა:

— ჩაიცვი ქალამნები და წამოეთერი!
ეჰ, ვაწყობ, აღარც ხუმრობენ! თუ
აქამდე სულ ბიძიასთან მეძინა, დღეს
ვითომ რა მოხდა? რატომ უნდა გამაგ-
დონ აქედან? გული მომდის.

ჩემი გულის კვნესა არავის ესმის. ბი-
ძია მაინც რატომ არაფერს მეუბნება?
ვინ არის ეს უცხო ქალი, ასე რომ
შეაკვლევიანა გუნება?

გაცეცხლებული ვეცი ბიცოლას და
მუშტები დავუშინე:

— წადი აქედან, წადი, შე ოხერო!
თვითონ ხმა არ ამოუღია, არც ბიძიას
დაუძრავს კრინტი.

— უუჰ, შე ჭკუაფურაკო! — მეზღვრა
დედა, ციმციმ ამიტაცა, ბუხრიან ოთახ-
ში გამიყვანა და ბაბუას ტახტზე დამაგ-

აკაკი გეწაძე
ორი დღე

დო. — ფეხი არ მოიცვალა, თუ არა მამაჩემს აქვს ცხოვნება, მე შენ ამბავი დაგაწიო! თოვლში უქალამნოდ გაგაგდე და სამ დღეს შინ აღარ შემოვიშვებ!

მე ახლაც უქალამნოდ გახლდით, წინდებისამარა.

ავტირდი, ავტირდი მდულარე ცრემლით. ბაბუა ყველაზე მეტად მიყვარდა, ძილი კი ბიძიასთან მერჩივნა. ასე ვიყავი დაჩვეული და რა ჩემი ბრალი იყო? ეს იყო ჩემი ბედნიერება, წამართვეს და არ მეტირა?

ბაბუას უკვე ეძინა. ბებია მტანაცმელი გამხადა და ჩამიხუტა. მე მაინც ვსლუკუნებდი. ბებია ბალიშის ქვეშედან პატარა ქისა გამოიღო, თასმა შეხსნა, ხელისგული გამაშლევინა და ზედ ვერცხლის ფული დამიდო:

— ნუ სტირი, ჩემო ბიჭო, ნუ! ამდენი ცრემლი თვალს დაგწვავს. ამ აბაზით ხვალ თემირას დუქანში შექარყინული და ნამცხვარი იყიდე. ხომ გიყვარს?

— კი, მიყვარს... შექარყინული უფრო მიყვარს!

— გიყვარს და ჭამე, რამდენიც გენებოს, ოღონდ ახლა აღარ იტირო! ხომ არ იტირებ? ეს ფული რომ გაგითავდებ, სხვა აბაზიანს გაჩუქებ.

— მე არ მინდა აბაზი, ქალი მინდა ლამაზი! — უცებ მომადგა ენაზე და ტირილნარევი ხმით ვუთხარი ბებიას.

— რაო, რაო? რა თქვი, ბიჭო, რა მინდაო? — ყურს არ დაუჯერა ბებიამ.

ძალიან მომეწონა ქორწილი, მაყრების სიმღერა, დამბაჩისა და თოფის სროლა, ნაბღებიანი კაცები. ცეკვთამაში, ბევრი ხალხის სტუმრობა. ყვირილი და ჟრიაშული. რაყდენა რომ გაიძახოდა, კურტუმო მიყვარსო, ისიც საამოდ ჩამრჩა გულში. რაღაც კარგი იყო. მინდოდა, ყველაფერი გაემეორებინათ. ეს ფიქრი ამეკვიცა და ამოვიჩიემე: ხვალ ცოლი მეც მომიყვანეთ-მეთქი.

რომ აღარ გავჩუქდი, ბებია ჩაიციინა და ისე მითხრა:

— ეპე! შენ მგონი აღარც ხუმრობ! რად გინდა, ბიჭო, ცოლი?

— რად მინდა და... ერთ ქათამს მარტო ჩემთვისა და ჩემი ცოლისთვის შეწვავენ, მერე იმ ქათამს ბიძისა უნას სულ არ ვაჭმევ!

— შე კაი კაცო, ცოლი მარტო მაგისთვის თუ გინდა, ერთ ქათამს ხვალვე დაგკლავ და საკუთრად შეგაჭმევ, მაგის ჯავრი გაქვს?

— არა, ბებო, ცოლი კიდევ იმიტომ მინდა, ჩემ ცოლთან ბიცოლას დავაწვენ, მე კი ბიძიასთან დავიძინებ.

— კაი, კაი! ახლა დაიძინე, გვიანია, ამაღამ საქორწილო მომზადებას მაინც ვეღარ მოვასწრებთ და ხვალ უეჭველად მოგიყვან ცოლს, აბა, რაფა იქნება! ოღონდ ეს მითხარი, ციციანი გირჩენია თუ ყიფიანი?

მე ცოტა ხანს დავფიქრდი, ვერ გავიგე რას მეკითხებოდა. რაც ენაზე მომადგა, ის ვუთხარი:

— ყიფიანი მირჩენია, ბებო.

— ჰო, კაი, შვილო, ყიფიანი იყოს. მაგის ჯავრი გაქვს? დაიძინე ახლა, დაიძინე!

ბებია მზანდუკზე დადებული ტრაქი ჩაქრო. სიბნელეში ყოფნას მე მიჩვეული ვიყავი, მარა ეს მაინც არ მესიამოვნა, რატომღაც თავზე საბანი გადავიფარე, თითქოს ღამეს ვემალებოდი და ბებიას უფრო მაგრა ჩავეხუტე.

— ბებო!

— რა გინდა, შენი ტირიმი?

— ზღაპარი მომიყვიე!

— რა დროს ზღაპარია, შე ტინკა, თვალზე სამი ურემი ძილი მკილია.

— მომიყვიე, თუ არა გიკბენ!

— კაი, კაი, მოგიყვიე, რომელი გინდა?

— ახალი, სულ ახალი!

— კი, გენაცვალე, მაგაზე გაწყენინებ? ერთხელ დღე და ღამე გაეჯიბრნენ, ვინ ვის გაასწრებსო. გარბოდა ღამე, მისდევდა დღე. დაწვია და გაუსწრო. მერე ღამე მოეკიდა დღეს, დაწვია და გაუსწრო. იმ დროიდან სულ ასე ეჯიბრებიან ერთმანეთს. ხან ერთი გარბის წინ და ხან — მეორე. ყარამანა, მიგდებ ყურს?

— ჰა, ჰა?!

— მიგდებ ყურს?

— კი, კი, მერე?

— ღმერთმა დღეს მზე აჩუქა, ღამეს — მთვარე. მერე ისინი გაეჯიბრნენ ერთმანეთს. მზე რომ გადაირბენდა ერთ მთას, მთვარე მაშინ ამოდოდა მეორე მთაზე. ვერ ეწეოდა მზეს და სული ელეოდა, პატარავდებოდა. მერე ღმერთი ისევ აესებდა მთვარეს და მთვარე კვლავ მისდევდა მზეს, ასე ბრუნავდა წუთისოფლის ბორბალი...

მერე მომესმა, თითქოს თბილი თოვლი შრიალეზდა გარშემო და მეტი აღარაფერი მახსოვს. მესიზმრა: თეთრი ნაბაღი მესურა და ბიძაჩემივით მეც ცოლი ნაბაღში გახვეული მომყავდა. იმ ნაბაღში არავინ შემომხტომია, არც სროლა აუტეხია ვინმეს. თოვლი კი მოდიოდა, თბილი, ძალიან თბილი. ფანტელები ათასფრად ირეოდა, ქვეყანას ცისარტყელად ეფინებოდა.

ასეთი ლამაზი სიზმარი პირველად ვნახე. მეთრე დღეს ცოლის მოყვანა აღარ გამხსენებია. მე და ბიცოლა ედუკია შევრიგდით. იმდენი შექარყინული მომცა, მთელ დღეს მეყო სახრამუნოდ. ამ ქალს ყველა ეფერებოდა და მარტო მე ხომ არ დავუწყებდი ჩხუბს?

ჩვენმა ძაღლმა წარბუამ სამზადიდან ბატის შაშხი მოიპარა. გაწყრა ბეზია. წარბი შეიკრა დედამ. ედუკია ბიცოლა აქამდე სულ თვალეზში შესცივინებდა ბიძიას, არაფერი ეწყინოსო. ახლა იმანაც უსაყვედურა:

— შე დალოცვილო, ეს წუწუკი ძაღლი შაშხზე სანადიროდ მოიყვანე? მომამოორე, თუ კაცი ხარ! სხვა რომ არაფერი იყოს, ოთახში რწყილებს გამიჩენს.

— მერე რა, რწყილებს თუ გაგიჩენს. — არხეინად მიუგო ბიძიამ. — ღამე ფხიზლად იქნები, მეღა ქათამს ვერ მოგპარავს!

შაბათს წარბუამ ჭადი კეცვივე ამოჭამა, კვირას კი ქვებიდან ლორი დაითრია. დედამ ძაღლს თავში ჯოხი სდრუნა.

ბიძია გულმოსული პირველად ვნახე.

— ელისაბედ, ეგ ძაღლი რომ მომიყვალა, ღმერთმანი, გაწყენინებ. მაგისთანავე მიძებარს საღა ვიშოვი. ისეთი ყველა იცის, კურდღელს კი არა, ქვას წამოახტუნებს.

— სხვაგან რას წამოახტუნებს, არ ვიცი, აქ კი ერთობ უნამუსოდ იქცევა. გუშინ ჭადი შეჭამა, დღეს ლორი მოიტაცა, ხვალ ქათამს გაჰკრავს კბილს. ზეგ კვერცხებს ამოსვლებს სასუდრიდან და ვუყუროთ ასე, ვიშ, რა კარგია! — გაფიცდა დედა.

— შე ქალო, გუშინდელ ხმელ ჭადს დღეს ყელის ჩასაღბობად ლორი დააყოლა. — სიცილ-ქირქილით ჩაილაპარაკა მეძებრის ქომამა.

დედას კრინტი არ დაუძრავს. ისე გაშორდა თავშეუდებელ კაცს.

ბიძია სუფრას რომ მიუჯდებოდა, ერთ ლუქმას პირში თვითონ იღებდა, მეორეს კი იქვე დადარაჯებულ წარბუას სთავაზობდა.

ძაღლი ჩადგა ძმებშუა და... იმ ერთმა უნამუსო ძაღლმა მთელი ოჯახი ააყეფა. გაგიყავით. მამამ და ბაბუამ ფირანა ბიძიას კარის ყანაში ახალი ოდა წამოუჭიმეს. მამაჩემს სასუფროსოდ არგუნის ძველი სახლი და დიდი ქვევრი.

ცოტა რომ წამოვიზარდე, ბაბუამ პატარა თოხი გამიკეთა. ვენახს ერთად ვთოხნიდით. წყალზედაც ხშირად მაგზავნიდნენ და სამწყვსურშიც ყველაზე უფრო შემოდგომა მიხაროდა, ბაბუა საწინახელში ჩადგებოდა და კანკები მტრედის ფეხებივით უწითლდებოდა. იმ წელიწადს რთველზე წვიმა დაგმესწრო და ყურძენს გემო ვეღარ ჩავატანე. აცივდა. ცამ ერთი პირი თოვლიც კი ჩამოყარა და მთაზე გადმოფინა. მერე უცებ იჭიატა, მზემ გამოიხედა, თოვლი სირცხვილით დაადნო და ისე ჩამოთბა. გეგონებოდათ, ზაფხული შემობრუნდაო. ამ მზემ ყველაზე მეტად მოხუცები გაახარა. ბოლო ხანს ძაღლიან შეუყვარდათ მზეში ყოფნა და მუსაიფი. ეზოში

აკაკი გეწაძე

ორი დღე



სამფეხა სკამებს გამოიტანდნენ, განიერად დაჯდებოდნენ და თვალმოჭუტულნი ცას მისჩერებოდნენ, ბებერი ძვლებს ითბობდნენ. ერთობ გაუგებრივლად მზე. ბაბუას ნაჯახი ეკავა და ხან თოხის ტარსა ჩლივნიდა, ხან უღელსა თლიდა. მე ცხვირაწეული ცივაც კი გამიკეთა.

არც ბებიას ელეოდა საქმე. ბუმბულსა წეწვავდა, ტაროს ფშვნიდა, ჭკუტა ვაშლს ჩირავდა და გასაშრობად გრძელ ყავარზე ყრიდა. უფრო ხშირად კი ხელში წინდისჩხირები ეკავა და ქსოვდა. როცა კალთიდან გვრიჭა გადაუგორდებოდა, იქვე დადარაჯებული კატა დაეტაკებოდა და ნალიამდე მიაგორებდა. მისდევდა ბებია, იჭერდა და სცემდა. კატა მაინც არ შორდებოდა, ფიხებთან გაუგორდებოდა და ხან ეძინა, ხან გემრიელად იზომრებოდა.

მე ეზოში ხბოსავით დავბორიალობდი. ხან კიდევ ფისუნას ვაჭყავლებდი. კატაზე მეტად ბებიას მოსდიოდა გული და მიწყრებოდა:

— დაღლარა, გაჩერდი, თუ არა, დედა არ მომიკვდება, გაგლახავ!

კარგად ვიცოდი: ბებიას აღარც ახსოვდა. დედა როდის მოუკვდა. დარწმუნებული ვიყავი, გასალახავად ვერ გამიმეტებდა და არ ვეპუებოდი. ფისუნას უფრო ვაწვალებდი, ჯოხს თავში ვურახუნებდი და მწარე დღეს ვაყრიდი.

— გადამრევს ეს ბიჭი! — ბოლოს და ბოლოს გამოვიდა მოთმინებიდან ბებია.

— აქამდე არ იყავი, თუ? — ბაბუასავით გავედროჯე მე.

— ღმერთო ჩემო, ამასაც მოვესწარი! შეჩვენებულო, შენი ენის ადგმა იმიტომ გამიხარდა, ბოლოს სულელი მიძახემეთქი? არა გრცხვენია, თავქარიანო? — ბებიას ცრემლი მოადგა თვალზე. არ ვიცო, ეს ცრემლი კატის ფრჩხილებმა გამოადინა თუ ჩემმა მკვახე სიტყვამ.

— კაი ახლა, რა გატირებს, ბოშო! შეჩვენებული ენა აქვს, თუ არა, ისე, გულით, ნამდვილი ანგელოზია. მართლა კი არ უთქვამს, გეხუმრა. შე ქალო. — ნამუსი მომხადა ბაბუამ.

— დაუღეძი ვექილად. თუ არა, მე კი

არ ვიცო, რაც არის! — მოლბა ბებია ჩემს კალთაში გაზრდილი ბიჭი. შენ მიყვები? დაღლარია, მოდი ერთი. ბაბუაშენის ჯინაზე მაკოცე!

მივედი და ჯვარედინად გადავკოცენ.

— თავშეუღებლო, სულ ეშმაკობაზე რომ გიჭირავს თვალი, ერთხელ მაინც მომიჯექი გვერდით და მიყურე, რას ვაკეთებ! — შემომჩივლა ბაბუამ.

ხელი აგდებულად ავიქნიე:

— ერთი კვირაა, ურმისთვალსა თლი. რა ყურება გინდა?

— უყურე და ისწავლე, ყოველთვის სხვა კი არ გაგითლის!

— აგერ არ მყავხარ შენ?!

— სულ არც მე გეყოლები, ბიჭო. ვერ მამჩნევ, რომ ვიკუტები? ეჰ, ნეტავი კი შეიძლებოდა ახალგაზრდობის დაბრუნება!

— ბაბუ, ახალგაზრდობისას შენ სჯობნიდი თუ კეჭოუკას ბაბუა? — ეს სიტყვა როგორღაც უცებ მომადგა ენაზე.

ნიკო ბაბუას ყურს არ აკლდა, განგებ წამიყრუა. ვკითხე მეორედაც. არც ახლა გამცა ხმა.

— კაცო, ბავშვის ენით ანგელოზი ლაპარაკობს, დაუგდე ყური! — შეუტია ბებია.

— როცა შენ გიყს გეძახდა, მაშინ შეჩვენებული იყო... ასე წუთში რამ გახადა ანგელოზი? — ძველი სახრე გადაჰკრა ბაბუამ ბებიას.

— კაი, ჰო, ყველაფერს შენს კულს ნუ გამოაბამ! ბავშვი რაღაცას გეკითხება და გაეცი პასუხი!

— ყარამანა ბიჭო, რა მკითხე იმისთანა, ბებიაშენი რომ ამიჯანყე? — მომიბრუნდა ბაბუა მე.

— აი, ახალგაზრდობისას შენ სჯობნიდი თუ კეჭოუკას ბაბუა?

— რით, შვილო, ვაჭკაცობით, ჭკუით თუ ღონით? — შემომიბრუნა კითხვა ბერიკაცმა. — ღონე ფიდოს მეტი ჰქონდა, მე უფრო მოხერხებული ვიყავი.

ის შემოდგომა ბაბუამ ასე გამატარებინა, სულ ჭკუის გასალეხ ამბებს მიყვებოდა.



მზე რომ გაცივდა, შეშა ბლომად დაჩხბა, ჯირკები მარაგად შრამელში შეაგორა და ბუხართან გადაბარგდა. ზამთარი ცალ-ცალკე გავატარეთ, მე სულ ცივას დავასრიალებდი, ის მოღუღუნე ჯირკს უჯდა. მხოლოდ ღამით გვეძინა ერთად.

გაზაფხულზე მზე რომ გავემრივლდა, ვენახს მიაშურა: ვაზი გასხლა, ლერწის კონხები ღობეს დააჯარჯა და მერე ხარდანი გაჩეკა. ხარდანი ვაზს მე მიფურჩეე, ჩასმის დროსაც ვეხმარებოდი. ხარდნის ჩასასობ ადვილას დოქით წყალს ვუსხამდი, მიწას ვულბობდი. ბაბუა ზოგჯერ ისე ჩაჰკრავდა ხარდანს, ნაგუბარიდან წყალი ორივეს გვეშეფეროდა. წამდაუწუმ ისვენებდა. ჩამოჯდებოდა და მძიმედ სუნთქავდა. იმდენი ჯიბე ჰქონდა, ყალიონს რომელში იდებდა, ვეღარ იმახსოვრებდა და სულ იმას ეძებდა.

საკვირველი იყო სწორედ: რაც ბაბუას ყრმობასა და სიჭაბუკეში გადახდენოდა თავს, კაკალ-კაკალ მიყვებოდა, ერთი არაფერი გამორჩებოდა, ეს უბრალო რამ კი ავიწყებოდა. არც გუშინდელი ამბები ახსოვდა. სიარულის დროს მუხლები ეკეცებოდა, მერე უძილობაც დასჩემდა. შუალამისას სამჯერ გამაღვიძა მისმა ბურდლუნმა. ერთხელ მივაყურე და უცნაური რაღაც მომესმა:

— არ გეძინებათ, ჩემო თვალებო, ხომ? ჭირი მომჭამეთ და სატიკიარო! — უწყრებოდა თავის თვალებს ძიღგატეხილი ბაბუა, — არ გეძინებათ, ოხრის-შვილებო, ხომ? აბა, ადექით და წაეთრიეთ მთაში, თოხნეთ ყანა!

წამოხტა ბაბუა, ჩაიცივა შარვალხალათი და შინიდან ბარბაცით გავიდა. ბებიას არაფერი გაუგია. სამი დღის მერე კვლავ გამაღვიძა ბაბუას მუქარამ:

— არ გეძინებათ, თქვე მიწადასაყრელებო, ხომ? ადექით და სათიბის ვასაწმენდად წაბრძანდით!

ადგა ბაბუა და წაკანკალდა. გამეღვიძებდა დილით და სად არის ზაბუა: შუალამისას ვენახში წასულა. გაედგძება ბებიას და სად არის ბაბუა: მიჯარიანში შეშის საჭრელად წასულა. ძიღ-

გამტყდარ კაცს საქმე არ ელეოდა. ასე სჯიდა თავის თვალებს, რაკი არ აძინებდნენ! აღარ ვიცოდი, რომელი უფრო შემცოდებოდა, გაუტეხელი ბაბუა თუ მისი ჯიუტი თვალები.

2

აი თურმე როგორი ყოფილა სიბერე! ბაბუას მთლად გაუფრთხო ძილი, ხოლო ბევრმა ღამისტეხამ ბერიკაცს ხელფეხი სულ აუკანკალა. მთაში სიარული ვეღარ შეძლო და ავადმყოფი ლოგინად ჩავარდა. ყველაზე დიდ სატანჯველად ბაბუას ის ექცა, რომ ეღვიძა და ტახტიდან კი ვეღარ დგებოდა.

— რა მოვიგოდა, კაცო? — სწუხდა გვანცა ბებია და ავადმყოფის თავსასთუმალს არ შორდებოდა.

მამა საშოგარზე იყო წასული.

კვირა დილით დედამ ახალი კაბა ჩაიცივა, ეს შენიშნა ბაბუამ და ჰკითხა:

- რძალო, საით გავიწვიო?
- ონში მივიღვიარ.
- ონში დღეს რა გინდა?
- იქნებ ბავშვს სანდლები ვუყუარო.
- მამამისმა რომ გამოუჯგავნა, იმის დახვევა როდის მოასწრო?

— ბავშვის ამბავი არ იცი? მგელივით დარბის. ამდენ ხანს სანდლები კი არა, რკინის ქალამნებიც არ გაუძღებდა.

— სულ ფეხშიშველა დატანტალობს და სანდლები როდისდა დახია ნეტავი?

— აბა, ვიგონებ ახლა მე?

— ერთი შენს გახარებას, თვალებში ჩამხედე!

დედამ ბაბუასკენ მიიხედა.

— აშკარად გეტყობა, მატყუებ, შვილო. ბევრი რამ დამავიწყდა, მარა ონში ბაზრობა პარასკეობით რომ იციან, ეს ჭკუიდან ჯერ არ გადამვარდნია. ნუ წახვალ! რამდენჯერ უნდა გითხრა: არ მინდა აქიმი, არა! ვიცი, ისეთ რაღაცას დამაღვივინებს, პირს გამომშხამავს. ერთი შენს გახარებას, ნუ დამზარდები, ეს დოქი გამომართვი, მარანში შეირბინე, პატარა ჭურუკას თავი მოხადე და ღვი-

აკაკი გეწაძე
ორი დღე

ნო მომიტანე! აქიმი იმაზე უკეთესს რას დამალევიანებს?!

დედამ დოქს მოკიდა ხელი და შეანჯღრია.

— მამა, ჯერ ესეც არ გამოგიცვლია და...

— ეგ თქვენ დალიეთ, ქალებმა. მე ცივი მომიცუნსულე. გული აბილია კარგი და ღვინო — ცივი.

დედამ ბევრჯერ დააპირა მკურნალის მოსაყვანად წასვლა, ბაბუამ არ გაუშვა. ავადმყოფს ღვინიანი დოქი მუდამ ედგა თავსასთუმალთან. ბაბუას ხშირად უყვარდა თქმა: თუ ღვინო არ დავაყოლე, ლუკმა ყელში გამეჩხირებო. ავად რომ გახდებოდა, ღვინოსა წრუბავდა ცოტ-ცოტას: ეს დალოცვილი ყველაფრის წამალია. უსრულდებოდა სიტყვა: მართლაც, მალე მოიკეთებდა. ამ ავადმყოფობას კი ლოგინიანად ადვილად ვერ წამოუდგა. მარიამობის თვეში ძლივს მომჯობინდა, დაჩიავებული წამოდგა, კედელ-კედელ გაუყვა და ეზოში ყავარჯენით გავიდა.

ნაავადმყოფი ყურები ისე ჰქონდა გათხელებული, შიგ სინათლე იხედებოდა...

ჰაერზე გასვლა მოუხდა, ჭამის მადა მოემატა და მუხლშიც მომაგრდა.

— ახლა ხომ ხარ, ბაბუ, კაჭივით? — ვკითხე გასამხნევებლად.

— ეპ, შვილო, სიბერე რომ კარგი იყოს, ბაბუაშენთან კი არ მოვიდოდა! რაღა ჩემი ყოფა, ზეზე ვარ, დაჯდომა მიჭირს, დავჯდები, ადგომას ვეღარ ვახერხებ. მთიბავად აღარ ვარგივარ და მიწის მუშად. ტყეში ერთი დიდი მუხაა. რა ხანია მისი მოჭრის ჯიბრი მჭირს და ვერ მოვიცალე. დარდად მიწყევბათან! არ მეგონა, თუ ასე მალე მომიწერაფდებოდა... ადამიანი რომ ასე გახდებოდა, მისი სიცოცხლე აღარ ღირს. მარა, რას ვიზამთ, ტკბილია ეს დალოცვილი მზე და ვერ ვეღვივით.

აქამდე ბაბუას წუწუნის არ გამეგონა და ნამეტანი შემეცოდა. რატომღაც ხელი მოვიკიდე, თითქოს ამით რამეს ვუმედი.

ერთ საღამოს, მზე რომ ჩავიდა და

მთვარი ამოკაკარდა, ბაბუა დაგვეკარგა იქით ვეცით, აქეთ ვეცით, მივიკითხეთ მოვიკითხეთ: არავის უნახავს.

— ვაიმე, ავადმყოფობამ ისე მოაძულა ყოფა, აღბათ რიონს მისცა თავი! — დაქვიდა ბებია. — ჰო, ჰო, ასე იქნება, კი! ამასწინათ მითხრა: ნუ გეშინიათ, თუ მოვევლები, ხარჯი თქვენ არ გადაგხდებათ, თავს მევე დავიმარხავო. ვაიმე! თავს დაიხრჩობდა ის უბედური!

— ბებო, ეზოში ურემი არ ჩანს. — დავიყვირე უცებ მე.

ბოსელში შევევარდი, იქ ხარება აღარ დამხვდნენ.

— ღმერთო დიდებულო! აღბათ მთაში წავიდა შეშის მოსატანად! სულ გამოჩურჩულდა საწყალი, — ისევე აქოქოთდა ბებია.

— ცოცხალი ყოფილა და კიდევ სტირი? — გაფუწყერი მე. — შეშას აუ ვერ მოიტანს, თვითონ მაინც შეჯდება ურემზე და ისე მოვა. რა ქნას კაცმა. მოენატრა ტყე და...

— ამ ღამით მგლები შემიჭანენ იმ უბედურს, მგლები! ვაი ჩემს მოსწრებას!

— ნუ გეშინია, — დავაიმედე ბებია, — ხორცი აღარა აქვს და რას შეჭამენ მგლები?

გათენდა დილა, არ გამოჩნდა ბაბუა. მოშუადღევდა, ჭიშკარმა ჩრდილი შეიცვალა, ბაბუას ჭაჭანებაც არსად იყო.

— ბიჭო ყარამანა, შენთვის აქამდე ხომ არაფერი მითხოვნია? — მითხრა ბებია.

— რავა არ ვითხოვნია?! ჩურჩხელეებს ნუ მომპარავ და ორჯერ მეტს ჩემით მოგცემო, შენ არ მეუბნებოდი?

— მერე მისრულებდი? — გამოღმა შემომედავა ბებია.

— რა ვქნა, ბებო, რაც მართალია, მართალია, ვერ ვისრულებდი. ჩემი ბრალია, მოპარულ ჩურჩხელას და ნაჩუქარს ერთი გემო რომ არა აქვს?

— ჰოდა, ერთი თხოვნა მაინც შემისრულე, ღმერთი დავიმაღლის. წამყვი ტყეში, მომაძებნინე ის საცოდავი! აღბათ, სადღაც ჩაკვდა, არ გეცოდება, ბიჭო, ბაბუა?

ეს ისე თქვა, ქვა რომ ქვაა, იმასაც ცრემლს გადმოავადებინებდა. იმ წუთშივე ბებიას ხელი ჩავკიდე და ერთად აფუყყით ტყისაკენ მიმავალ გზას.

— ბეკო, ჩემი კაცი ხომ არსად დაგინახავს? — ჰკითხა ბებია მღურგალს. იგი უზარმაზარ ცაცხვსა ჰკრიდა.

— შენი კაცი ეზოში ძლივს დაბანდა-ლობს და ტყეში ანგელოზები ხომ არ გამოაფრენდნენ?! — გაიკვირვა ბეკომ.

ბილიკით დელეში ჩავეშვით. იქ ყრუ სეფელიკა დაგვხვდა: დიდ ლოდზე იჯდა და ხის ჯამებსა თლიდა.

— სეფელა, ჩემი აბუასთვის არსად მოგიკრავს თვალი? — ჩავყვირე ყურში.

— ჯამები გინდა? — მკითხა ყრუმ და თვალბში შემომჩაჩერდა.

მე თავი გაჰიქნე.

— კოვზები გინდა? — გაიმეორა დამხედურმა.

ხელით ვანიშნე, არა-მეთქი. ყრუმ მხრები აიჩჩია:

— აბა რა გინდა? კალათუნებს აღარა ვწნავ, არა!

თავი დალუნა და ბასრი დანით ჯამის გულს დაუწყო თლა. არ მოვეშვი, შემოვაბრუნე. ჯერ თავზე ხელები რქებივით დავიდგი, მერე ცერა თითი მკერდზე მივიშვირე.

— ძროხა დაგეკარგა? — თვალები გაუფართოვდა ყრუს.

ხან რა ვანიშნე, ხან — რა, ბოლოს ბებიაც მოვიშველიე. ყრუ თავისას გაიძახოდა, ჩვენ — ჩვენსას. ვერაფერი გავაგებინეთ და მივაშურეთ წიფლნარს, საიდანაც ნაჯახის კაკუნი გვესმოდა.

გორაკზე რომ შევედექით, თავზე ყორანმა გადაგვიქროლა. ეს ბებიას ავის-მომასწავებლად ენიშნა და ღონემიხდილმა ჩაიკეცა. ძლივს მოვასულეირე. ვინ არ ვნახეთ, ვის არა ვკითხეთ!

ბაბუა ვერც ტყეში ვიპოვეთ, ვერც — ღრეში. ბებია სულ ჩვრად იქცა. ილიაში ყავარჯენივით შევედექით და შინისკენ ძლივს გამოვაბრუნე. გულაფორიატებულმა იმდენი ივიშვიშა, მეც ამიჩვილა გული და ბებია-შვილიშვილმა თემშარა სულ ცრემლით მოვთესეთ.

ქანცვაცლილები ჭიშკარში შევლას-ლასდით და...

— ვაი! აგერ არ არის ბაბუა?!

ხარები ბოსლის წინ წვანან და გუნე-ბიერად იცოხნიან. ურემი შუა ეზოში დგას. ურემზე უშველებელი მორი დევს, მუხის მორი.

დაფიქრებული ბაბუა მორზე ზის, მიწას ჩასცქერის, ყალიონს აპლაკუნებს და გვერდზე აპურჰყვებს.

— უიი, შენი კუბო კი ვნახე მალე! სად იყავი, შე თავგზააბნეულო, სად?! — მიაძახა ბებია.

— ა, მოვიტანე, — მიუგო ბაბუამ. — ამისაგან სულ აკვნები გამოთალეთ და... თუ რამე გადარჩეს, ოთხიოდე ფიცარი ჩემთვისაც გაიმეტეთ! რაკი ამის ჯავრი ვიყარე, აწი რალა მომკლავს!

თურმე მოხუცებსაც ბავშვებივით უბრალო რამეზე სცოდნიათ წაჩხუბება და გაბუტვა, ოღონდ ისინი ბავშვებივით არ ამბობენ: „ბუტე, ბუტე, გაგებუტე“. დაღვრემილნი და დაფიქრებულნი, თავთავისთვის ჩუმად დადიან, ეგ არის და ეგ არ ვიცი, რაზე აედავენ ერთმანეთს. ბაბუა გაებუტა ბებიას. სწორედ იმ დღეებში წითელა შემეყარა. დედამ სულ ჩემ ლოგინთან მიფინ-მოფინა, რაც წითელი ფერის ფალასფულასი გააჩნდა. ბებია თავსასთუმალთან მეჯდა და ვიღაც უხილავს ხან ლოცავდა, ხან ემუდარებოდა, დღე და ღამე ჩურჩულებდა და ჩურჩულებდა:

— მხიარულო ბატონებო, ვარდო ბატონებო, თქვენი გზა დაილოცება, დიდო ბატონებო! თქვენსა გზასა ვფენდი ვარდსა, ჩემო ბატონებო. ამ ბატონების ჩარდახში ლხინი არის და თამაში, დიდო ბატონებო. უდგიათ, ოქროს აკვანი, ვარდო ბატონებო. შიგ ყმაწვილი უწვევნიათ, ოქროსქოჩორიანი.

ბაბუაც ტახტთან ტრიალებდა, ენამოჩლეკით მეტიტინებოდა და მეფერებოდა. ოღონდ ის არ მომწონდა, ბებიას რომ არა სცემდა ხმას. უცებ მომაგონ-

აკაკი გეწაძე
ორი დღე

და, ბატონებთან ბავშვს ყველა სურვილს უსრულებენო, თავი აყვინჩე:

— ბაბუ!

— რა გინდა, შემოგველოს ბაბუა?

— ერთი რამე რომ გთხოვო, შემისრულებ?

— კი, შენი ჭირიმე, კი, შენ გენაცვალე! რაც ფიქრად მოგივიდეს, მთხოვე, ერთი კი არა, ათასი იყოს, მაგის ჯავრი გაქ? შემომჭიკჭიკე, შენი ჭირიმე, შემომჭიკჭიკე!

— რატომ ემდური ბებიას?

— ბებიას ვემდური?! აღარ ვემდური, ჩემო მერცხალო, არა! რა მაქვს მოსამდურებელი?!

— ბებო, არც შენა ხარ გაბუტული?

— არა, ჩემო სიცოცხლე, გაბუტული კი არა, ისე წავიმასხრეთ ცოტა, შენს ბატონებს ვენაცვალე, ჩვენი უბრად ყოფნა ვინ თქვა!

— აბა, გადაეხვიეთ ერთმანეთს და აკოცეთ!

— ვაკოცო?! კი, შენი ჭირიმე.

— კი, შენს ბატონებს შემოვევლე!

ბაბუამ და ბებიამ ერთმანეთი ჯვარედინად გადაკოცნეს.

— კიდევ ვაკოცო, ბაბუ? — გადმომხედა ბერიკაცმა.

— ახლა ერთ სკამზე დაჯექით! — ვბრძანე ამაყად.

— ცოტა ჩაიჩოჩე, ბოშო! — უთხრა ბაბუამ ბებიას და გვერდით მიუჯდა.

— ხომ ეტყვიან ორივე? — გაგხედე მოხუცებს და კვლავ გავიდიმე.

— ვეტყვიან, აბა არ ვეტყვიან! — შუბლი გაიხსნა ბებიამ, — გაიხარონ შენმა ბატონებმა, შენს კეთილ ანგელოზებს ვენაცვალე, სიკეთედ გავგიჩნდა შენი თავი, სიკეთედ! ია და ვარდი ჰყვინია შენი ბატონების გზას!

— ახლა მიმღერეთ რამე! — ვბრძანე ახალი სიტყვა.

ბებიამ „იავნანა“ დაიწყო და მოხუცები ისე ტკბილად აღლინდნენ, ეს თაფლიანი სიმღერა როდის დაასრულეს, აღარ გამიგია. ამ ლილინმა სადღაც სასურველად ქვეყანაში გამიტყუა, ფრთები შემასხა და სამოთხის ჩიტად მაქცია. ისე გემრიელად ჩემს სიცოცხლეში აღა-

რასოდეს მიძინებია, არც ისეთი სიზმარი მინახავს.

საქართველოს
საბავშვო ჟურნალი

მე მალე წამოვდექი ლოგინიდან, მარა ბაბუა ჩაწვა ისევ. ბებიას ავადმყოფის თავსასთუმალთან ჯდომა არ მოეშალა. დედას ძველებურად მოჰქონდა დოქით ღვინო.

ბაბუა ნამეტანი უდიდამოდ წრუპავდა, ღვინოც აღარ სიამოვნებდა. ბერიკაცი დღითიდღე დნებოდა და ილეოდა. მუხლები ხშირად უცივდებოდა და ფეხებზე ცხელ კეცს ადებდნენ, ძველ ახალურში გახვეულს. გინახავთ აკვანში მწოლიარე მოხუცი? ბაბუა ლოგინში იმნაირად დაჩივდა, ღმერთმანი, აკვანში რომ ჩაეწვინათ — ჩაეტეოდა.

— ბაბუა, ასე რამ დაგაპატარავა? — ვკითხე ერთხელ.

— მიქელ-გაბრიელმა, შვილო, მიქელ-გაბრიელმა. სიკვდილი აპატარავებს ადამიანს.

— ყველას?!

ბაბუამ პირი დააღო, პასუხი კი ვერ გამცა. ბებიას ვარამმა ითმინა, ითმინა და თვალისგან ცრემლად გადმოჟონა. ბაბუას ბეგრმა რამემ უმტყუნა, თვალს კი არ უღალატნია, ცოლის თვალზე კურცხალი მაშინვე შეამჩნია და შეუტია:

— ბოშო, არ ვარგა ავადმყოფის ლოგინთან ტირილი. საცრემლო რა მჭირს, ორიოდ დღეც ვიკოტრიალებ, მოვრჩები და რაც აქამდე ქვეყნად ვიჩალიჩე, ერთს ამდენს კიდევ ვიცოცხლებ, აგერ ნახავ, თუ გატყუებ. კაი ახლა, შე ქალო, სოხანე ნუ ამიტალახე. გეყოფა ცრემლის ღვრა, გვანცა არა ხარ შენ, ქალო? რა მოგივიდა, ცოცხლეულად მტირი? ისე, ბიჭებს თუ შეატყობინებთ ჩემს ამბავს, კარგს იზამთ, ნამეტანი მომენტრინენ, დარდი მკლავს.

ერთი კვირის თავზე მამა და ფირანა კავკავიდან მოჭენდნენ. საწყალმა მოხუცმა შვილები რომ დაინახა, სულ აკანკალდა.

— რავე ხარ, მამა, რავე? — ჰკითხეს შვილებმა.



— ასე იყოს თქვენი მტერი და ორგული, რაეც ახლა მე ვარ. მიქელგაბრიელი ევერ მიცდის, ე, კარს უკან. წუთისოფელი ორი ძმისაა: ერთი აკენებს აკეთებს, მეორე კუბოებს. ეს ორი ძმა კიდევ სულ ერთად ცხოვრობს, გაიკეთ? ჰოდა, თუ გაიკეთ, რაღას მეკითხებით, რაეა ვარ. ცას ხომ არ გამოვეკერები? გიტოვებთ ამ პატარა ეზოს და დიდ ქვეყანას, აბა თქვენ იცით, ამ ეზოკარში აკენის მადლსა და ჭრიალს თუ არ მოშლით. კუბო კი მერე თავისთავად გაითლება. ჰო, ჰო, კუბოს აკვანი თლის, აკვანი! ასეა ცხოვრება გარიგებული, ასეა წუთისოფელი აკებული. უჰუ, უჰუ, უჰუჰ! მთავარია აკვანი, აკვანს მოუარეთ, ამღერეთ და აცინეთ აკვანი. უჰუჰ! კარგი ახლა, კურცხალი არ დამანახოთ, რა გაქვთ სატირალი? თქვენ მეცოდებით ამ უსწორმასწორო ქვეყანაში სატანჯველად და სადავიდარაბოდ რომ გტოვებთ, თუ არა, მე რა მიშავს? დასასვენებლად სამოთხეში მივიღივარ. მაქვს ამის იმედი, აბა არა მაქვს?! ცრემლივით წმინდა კაცი ვიყავი. მზიანეთში შავი გულით ერთ დღესაც არ გამოვლია და მე თუ არ შემისვებენ სამოთხეში, აბა სხვას ვის გაულებენ კარს? აახ! გამათავა ამ ოხერმა ხველამ, ამომავლიჯა გული, მეტი აღარ შემიძლია! — ბაბუამ იმდენი ახველა, სული ძლივს მოიბრუნა, მერე ისევ თავის სიტყვას დაუბრუნდა — შეილო ამბროლა, კარგია, თვალგახელილს რომ მომისწარი. ანდერძი უნდა დამწერა. ჩემი ზანდუკის კუთხე გაჩხრიკე, გასანთლულ ქალაღში ფული მაქვს გახვეული, ჩემი ალალი შრომით, წვითა და დაგვით ნაგროვები ფული. ჩემი და დედაშენის სამარხად შევიანახე. შეგარცხვინე იმისთანა კაცი, ვინც ამ ქვეყანაზე ცოტა სიკეთეს მაინც არ დატოვებს და თავის დამარხვის ხარჯსაც შეიღოს ან სოფელს აპყიდებს კისერზე. ის ფული შუაზე გაყავი, ნახევარი დედაშენს შეუნახე.

კიდევ კარგი, გვანცა ბებია ამ დროს სამზადში ფუსფუსებდა, ბაბუას სიტყვები რომ მოესმინა, ტირილით მოკვდებოდა. ბებია როგორ გავამტყუნო, მეც

კი მომერია ცრემლი და თვალები დავმალე. ნამგზავრ ძმებს სუფრა დედაჩემმა გაუშალა. ას წელს იცოცხლო, შვილებმა მამა ადღეგრძელეს და ღვინო გადაპკრეს. ბაბუამ კი, თითქოს შვილების მოსვლას და ამ სადღეგრძელოს ელოდაო, ის დღე წვალებით დააღამა. მზის ჩასვლას ერთხელ კიდევ მოჰკრა თვალი და ნავახშმევს მოითავა თავისი წუთისოფელი.

დაღლილ სოფელს ძილი არ დაუფრთხესო, — ოჯახი ჩუმად ატირდა. ვიდრე ცოცხალი იყო, ბაბუასთან შეხვედრა ყველას სიამოვნებდა და ახლა მკვდარს სოფლის შემაწუხებლად რატომ გავხდიდით? ასე დაიბარა თვითონ: თუ ღამით დავლიო სული, დილაზე ნუ აკვილდებით, სოფელი შეწუხდებო. ბაბუას სიკვდილი ხმამაღლა მაშინ შევიცხადეთ, ფანჯარაში შუქმა რომ შემოიხედა. ქალების კვიღმა ერთად გაადვიდა დილა და სოფელი, თითქოს ეს დილა სიკვდილის ყვიღმა გაათენაო. მე იმ დროს ეზოში გავედი და შევნიშნე, იმ ყვიღმავე დააფრთხო ჩვენს კახამბალზე შემომჯდარი ჩიტები. ერთბაშად იფრთხინვეს და გუნდად სადღაც შორს გაფრინდნენ. ისინი რაღამ შეაშინა?

ჩვენს უბანს სანახშო წისქვილის ახლოს აქვს. შუადღისას იქით გავიარე. სანახშოზე ბერიკაცებს მოეყარათ თავი. ფიცრის გრძელ სკამზე ისხდნენ და მხიარულად ბაასობდნენ. საასეთო რა გაიგეს-მეთქი, გამიკვირდა და ყური მივუგდე.

— ბიჭებო, თქვენ რას იტყვიო, საწყალმა ნიკომ ცოტა ადრე ხომ არ დაგვიკრა თავი? — იკითხა ნესტორა მეწისქვილემ.

— რას იზამ, ზოგი ადრე კვდება, ზოგი — გვიან, — გაეპასუხა ბიჭტორა, — თავის დროზე სიკვდილს კი არაფერი სჯობია. აბა, კირაკოზა რომ ჩიფჩიფებს, საუკუნეს გადაეაბიჯეო, მაგის სიცოცხლეს კიდევ სიცოცხლე ჰქვია? კაცი თავის პერანგს ველარ ერევა.

აკაკი გეწაქე
ორი დღე

ჯალაბსაც აწუხებს და თავსაც იჯახი-
რებს. ნიკო სწორედ კარგ დროს მოკვდა,
კარგ დროს, აცხოვნოს ღმერთმა!

— ახლა ვინ დგას რიგში: პორფილე,
ლასიმე, ბიქტორა თუ ლადუა? — ნაღვ-
ლიანად გაიცინა იაგორამ, კბილებში
ჩხირი ჰქონდა გაჩრილი, რაკი ყალიონს
არ ეწეოდა, თავს იმ ჩხირით ირ-
თობდა.

— სხვისკენ რას იყურები, გეტყობა,
პირველი შენ გაჰყვები ნიკოს კვალს, —
თუთუნის კვამლით შეყვითლებულ თეთრ
ულვაშებში ჩაიღიმა ლადუამ.

იაგორამ ყავარჯენი გაშეშებულ ფეხ-
თან შეათამაშა:

— შე კაი კაცო, მე ხომ მხედავ,
კოჭლი ვარ, შენ გამასწრებ.

ყველამ გულთანად გაიცინა. თვი-
თონ ლადუას ყალიონი ხელიდან გაუ-
ვარდა, ისე გადაფიჩინდა. ძირს დავარდ-
ნილი ყალიონი ლოდს ცერად მიეყუდა.

— ე, ბიჭო ლადუა, ვერ არის კარგად
შენი საქმე, შეხედე! — ბიქტორამ ლა-
დუას ცერად დამდგარი ყალიონი დაა-
ხანა.

— ა, ლადუამ უკვე დააყუდა ყალი-
ონი! — წამოიძახა იაგორამ და პირი-
დან ჩხირი გამოიღო.

— ილიკო, შენ რავე ხარ, ცოლი საი-
ქიოდან ჯერ არ გითვლის, მარტო ყოფ-
ნა მომეწყინაო? — ჰკითხა ნესტორამ
ილიკოს, კისერზე მუშტისხელა მეჭექი
რომ მოუჩანდა.

— კი მითვლის, მარა, ჯერ არ მცა-
ლია, შენი წისქვილის ქვები მაქვს მო-
საკოდი, — ჩაიხვიხვინა ილიკომ; — მე
დამთმობი კაცი ვარ, წინ ბიქტორას
გავუშვებ,

— მერე იქ შენს დედაკაცს არშიყობა
რომ დაუწყეო, არ გეშინია? — სიტყვა
მოუჭრა ბიქტორამ.

— თუ შენ კიდევ მაგასაც შეიძლებ,
ალალი იყოს! — გაიბადრა ილიკო, — აქ
ჭირივით ეჯავრებოდი და იქ შეგიყვა-
რებს?

— საიქიოში ყველაფერი შებრუნე-
ბით არის! — ექომავება ბიქტორას იაგო-
რა.

იცინიან და იცინიან, თითქოს ქორ-

წილში წასასვლელად ემზადებან და
თავს ოხუნჯობით ირთობენო. აი ასეთი-
ბი ყოფილან მოხუცები. იქნებ მართლაც
არ არის სიკვდილი საშინელი? გამოცია,
ზოგიერთი თავაშვებული ჭაბუკი სიკ-
ვდილს სულ არ უფრთხისო, მარა ახალ-
გაზრდები მოხუცებივით სიკვდილს არა-
სოდეს არ დასცინიან. რატომ? მოხუცის-
თვის სიკვდილი სხვაა და ჭაბუკის-
თვის — სხვა? იმ დღეს ბერიკაცების
საუბარმა ძალიან ჩამაფიტრა. მოხუცები
გუნებოვრად ბაასობდნენ, წისქვილი კი
თავის საქმეს აკეთებდა, ფქვაგდა და
ფქვაგდა.

შინ კვლავ ტირილი და მოთქმა დამ-
ხვდა. ხალხი ეხვია ჭირისუფლებს.

ბაბუა ტახტზე იწვა, სუდარაგადაფა-
რებულნი. გულმა არ მომითმინა, სუდა-
რა გადაწვიე და დაგხედე. მკვდარ ბა-
ბუას პირი ღია ჰქონდა, სიცოცხლეში
კი არ იყო პირღია. ხალხმა გვიან ღა-
მით მიგვატოვა და ქალებმა მოთქმა-
ტირილი მაშინვე შეწყვიტეს.

ოჯახში ისეთი დუმილი დასადგურდა,
თითქოს სიჩუმის ანგელოზებმა ჩამოი-
რესო.

— რა გქნათ, დედი, დურგალს რომე-
ლი ხის კუბო გავაკეთებინოთ? — დუმი-
ლი დაარღვიეს ფირანამ და მამამ.

ცრემლგამაშრალმა ბებიამ მშვიდად
მიუგო:

— ვითომ მიწისთვის სულ ერთი არ
არის?

— მიწისთვის კი, მარა...

— ახლა ჩემთვისაც სულ ერთია, შევი-
ლებო, ოღონდ ერთს გეტყვი: სულნა-
თელი მუხაკაცი იყო და მუხის კუბო
უფრო დამვენდება, სოფლის თვალს
ეამება.

მეორე დღეს ბაბუა ბერიკაცებმა ბავ-
შევივით თბილ წყალში გაბანეს და ახალ
ჩოხა-ახალუშში გამოაწყვეს, წელზე
ვერცხლის ქამარ-ხანჯალი შეაბეს. მერე
კუბოში ჩააწვინეს აკვანში ჩასატევი
კაცი. კვლავ ატყდა მოთქმა და ვაი-
უშეგლებელი.

მესამე დღეს ბაბუას კუბოს უამრავი
ხალხი მიჰყვებოდა უკან. ჩუმად, ძალიან
ჩუმად ვაკვირდებოდი ამ ხალხს და მე-



გონა: ყველას ჩემი საყვარელი ბაბუას დარდითა აქვს ჩაკიდებული თავი-მეთქი. ეს ამბავი გულის კუნჭულში მიხაროდა კიდევ. სასაფლაოს გაღავანში რომ შევედი, ხალხი დამფრთხალივით გაიბნ-გამოიბნა, ყველამ თავისიანის ჯვარს მიაშურა და მთელი სასაფლაო მოთქმა-გოდებად იქცა. ცოტა გულიც მომივიდა: ამდენ ხალხს თავისი მკვდრების ტირილი ჩემმა ბაბუამ მოაგონა-მეთქი?

ვიღაც გაღმასოფლელმა გამოიარა და იკითხა:

— ძმობილო, ვის ტირიან?
 პასუხი ლუკიამ ვასცა:
 — ყველა თავის თავსა და თავის მკვდარსა ტირის.
 ბეკომ სხვანაირად ჩაილაპარაკა:
 — არავის არ ტირიან, ცრემლს იძლევიან სესხად...

გაუკვირდა მგზავრს:
 — ცრემლის გასესხება სად გაგონილა, დალოცვილო?!

— თუ არ გაგონილა, ახლა გაიგონე, — მიუგო დურგალმა, — სხვას რომ ვტირით, ცრემლს ვავალებთ. იმედი გვაქვს: რომ მოგვედებით, ამ ვალს მერე გადაგიხდინან. კაცი თავის თავსა ჭირისუფლობს წინდაწინ, ჩვენ კი გვეჩვენება, ცრემლს სხვისათვის აწევსო.

იმ მოთქმა-ზრიალში ამ პაექრობისა ბევრი ვერაფერი გავიგე, გულზე კი დამებუქდა სამუდამოდ.

ნიკო ბაბუა იყო პირველი ჩემიანი, მზეგადასულთა სოფლამდე რომ მივაცილე. იმან ჩამწყვიტა პირველად გულა, ამაცრემლა ჭეშმარიტი ცრემლითა და უცნაურადაც დამაფიქრა.

წინადლით მაგრა იწვიმა, მერე მზემ გამოიჭიატა, თუმცა აქამდე ქვეყნის მთლიანად გაშრობა მაინც ვერ მოასწრო. სასაფლაო აყალომიწიანი იყო და წაღა-ქაღამენებს ისე ეკეროდა, ხალხს ფეხის გადადგმა უჭირდა, თითქოს მკვდრები ცოცხლებს მიწიდან უხილავი ხელებით ებღაუჭებინან, თავის საუფლოში ჩათრევას უპირებენ, ოღონდ ბოლომდე ძალა არ ჰყოფნიითო.

მთავარ ბილიკზე ხალხი ჯგროდ იღვა.

მე რატომღაც ყველას დავავიწყდი და ჩემთვის ვიდექი ცალკე. ძლივს მესმოდა ბებუას ხავილი, მამაჩემისა და ბიძისა ქვითინი, დედისა და ბიცოლას მოთქმა. აქა-იქ სხვებიც სლუკუნებდნენ.

— კმარა! — დაიძახა ნესტორამ, — საფლავს ცრემლით ვერ ამოავსებთ, მიწის ჩაყრა უნდა!

ბაბუა მზეგადასულთა სოფელში დატოვებულ და ჩვენ მზის შემეყურე სოფელს დაეუბრუნდით.

დაკვირვებული ვარ, დედაბერი რომ მოკვდება, მისი თანამეცხედრე მალე მიჰყვება საიქიოს, უქალოდ დიდხანს ვეღარ სძლებს. ხოლო თუ ბერიკაცმა დაასწრო სიკვდილი, მისი მეუღლე კიდევ დიდხანს დაფრატუნობს ცისქვეშ. გვანცა ბებუას ნიკო ბაბუა ისე უყვარდა, მეტი აღარ შეიძლება, მარა, საფლავში არ ჩაჰყოლია. სამუდამო სახლამდე რომ მიაცილა, იქ წელზე ხანჯალი შესხნა და შინ წამოიღო.

— მამა, ეს რა ჩაიდინა ბებია? — ვკითხე მე, — ბაბუა უხანჯლოდ რატომ გაუშვა საიქიოს?

— ასე უნდა, შვილო. ჭირისუფალმა კუბოდან რამე უნდა ამოიღოს და შინ წამოიღოს. ამას ხელისქცევა ჰქვია. თუ ასე არ გააკეთე ჭირისუფალმა, მიცვალებული თავისი ოჯახიდან მალე წაიყვანს ვინმეს, მიხვდი?

წუთისოფლის ამდენმა გამოცანამ თავბრუ დამახვია. ბებია ვიდრე კუბოს ხედავდა, ბაბუას ჰპირდებოდა: მალე მოგივალ, მარტო არ დატოვებო. ქმარს გულზე მიწა რომ მიყარა, მერე იმას ჩასძახოდა: მეც რომ ახლავე წამოგყვე, საკურთხს ვინ მოგიმზადებს და შენს საფლავს ჩემსავით ვინ მოუვლისო. ბებუას კიდევ უნდოდა სიცოცხლე და ეს სიცოცხლე რაიმით ხომ უნდა გაემართლებინა? თავს იტყუებდა და ბაბუასაც ატყუებდა: შენთვისლა ვცოცხლობო.

ბებუას ქმრის სიკვდილის მერე ნამეტანი მალე დააკლდა ყურს.

— ბებო, მამამ დამაბარა, სადილს

აკაკი გეწაბე
 ორი დღე

ვენახში ნუ გადმომიტანთ, მე თვითონ მოვალ შინაო, — ვეუბნები ხმაძალა.

— რას ამბობ, თავქარიანო, რას? ბალმა გაგამწარა? ახლა რა დროს ბალია?!

ვუმეორებ, მაინც არ ესმის.

— ეჰ, სულ გამოფერუვდი, ცოტა ხმაძალა მითხარი, ყარამანა!

გყვირი, რაც შემოძლია:

— მამამ დამაბარა, სადილს ვენახში ნუ გადმომიტანთ, შინ მოვალო!

— ჰოოო! ეგრე ვიზამ, ეგრე.

ღმერთმა ესეც არ აკმარა, თვალისჩინიც დაუკარგა. ხანდახან, როცა ცხოვისას მე არ ვეხმარებოდი, ჭადის გუნდას კეცის მაგივრად ყვერფის ქვაზე აკრავდა. ეზოში რომ გავიდოდა, მთელ დღეს სახლში შესასვლელ კარს ეძებდა. ხან ბოსელს მიადგებოდა, ხან სამზადს. ერთხელ საღორეშიც კი შევიდა. ზოგჯერ კუნძზე ჩამოჯდებოდა, ერთი ფეხის წვერს მეორე ფეხის ქუსლს გამოსდებდა და დილიდან საღამომდე ასე ერთობოდა: იხდიდა და იცვამდა ჩუსტებს.

ბოლოს ჩაწვა და იძახდა:

— ბეჩა, ბეჩა, ბეჩა! ჩემი კაცი საშოვარიდან ამდენ ხანს რატომ არ ბრუნდება? უნდა ავდგე და ვაშლები წავუღო, ძალიან უყვარს.

ბეზიამ სული ისე დალია, მის ხელში ვაშლი სულ არ დამინახავს.

ეჰ, მიცვალეზულის გაცოცხლება რომ ვინმეს შესძლებოდა, გვანცა ბეზიას არასოდეს გავაჯავრებდი, ყველაფერს გავუგონებდი, ტკბილად მოვეფერებოდი, საკარცხულში ჩავსვამდი, ხელში ქარვის კრიალოსანს დავაჭერინებდი და ისე ვამყოფებდი, ღმერთმანი. ცივ ნიავს არ მივაკარებდი!

იმ დღეს გავიგე პირველად, რომ გვანცა ბეზია მარტო ჩემი კი არა, მთელი სოფლის ბეზია ყოფილა, პირველად მის მკლავებზე გაგორებულა ნახევარი საკივარა.

ეს კი, ცოტა არ იყოს, მეწყინა. აქამდე მარტო ჩემი ბეზია მეგონა. იმ დღეებში სხვა რამეც გავიგე. ბეზიას კუბო სახლიდან რომ გაჰქონდათ, მამა

და ფირანა ბიძია უწყრებოდნენ, უკან აღარ მოიხედო.

საწყალი გვანცა ბეზია რომ შიშვედა, თვალის ჩინი დაკარგული ჰქონდა. ჰოდა, გამიკვირდა, ამას რას უჩიოდნენ?!

დედას ვუთხარი:

— თუ უნდა, მოიხედოს ბეზიამ, რა უშავს? მაინც ხომ ვერაფერს დაინახავს?

— კი, დაინახავს, შეილო, — მოჩივო დედამ.

— ბრმა რომ არის?

— სიკვდილიც ბრმა, მარა, ყველაფერს ხედავს.

— საიქიოს გზას რომ დაადგა, ახლა აეხილა თვალი?

— ჰო, შეილო. მკვდარს სხვანაირი თვალი აქვს, ყველაფერს ხედავს. ამიტომ არ გვინდა, რომ გვანცა ბეზიამ უკან მოიხედოს: მკვდარი ვისაც მოჰკრავს თვალს, თან წაიყვანს მალე. გაიგე?

გავიგე და ვერც გავიგე, თავი კი დავაქინე.

— დედი, მკვდარს იმიტომ უხუჭავენ თვალს? — ვკითხე მაშინვე.

— არა, ეგ თვალი აღარა თვალობს, ხომ ვითხარი? მკვდარს თვალს იმიტომ უხუჭავენ, მძინარეს რომ დამეგვანოს.

— ჰოო?!

ოჯახში რომ დედაბერი მოკვდება, თურმე იქიდან კატაც გადაიკარგება. ბეზია რომ გავასვენეთ, მისი საყვარელი ფისუნია ტყეში გაგვექცა და დაიკარგა.

ერთი კვირა რომ გავიდა, დედამ ლოგინი გამიშალა სწორედ იმ ტახტზე, ბეზიამ სული რომ დალია. მერე ბუნრის ცეცხლი ნაცარში გაახვია, ფიტონზე შემოდებული ჭრაქი ჩააქრო და თვითონაც დაწვა. შავი ფიქრები დამეხვივნენ და გამიტაცეს, თვალს რული ვერ მივაკარე.

შულამისას საჭიატო სარკმლიდან რალაც შუქი შემოკიაფდა და პალატში აბორიალდა, თითქოს ბანჯგვლიანი რალაცეები დაბობღავდნენ სახლის კედლებზე. მთელ ტანზე ჭიანჭველები დამესივნენ. შევყვირე შეშინებულმა. გაიღვიძა დედამ:

— რა მოგივიდა, შვილო?! ცული სიზმარი დაგესიზმრა?

ვერ გავამხილე, ნამდვილად რამაც შემაშინა, დავეთანხმე:

— ჰოო, რაღაც არეული სიზმარი ვნახე.

ადგა, წყალი მომირბენინა:

— ჰა, დედა გენაცვალოს, მოსვი სამჯერ!

— სამჯერ?

— ასე უნდა. ბევრს ნუ დაღევ ერთ-ბაშად.

წყალი სამჯერ გადავყლუზე და დოქი დედას მივაწოდე.

— საბანზე ხომ არ დაგედვარა?

— არა.

დედამ მაჯაზე მომიკიდა ხელი:

— რამ ავაცახცახა, შვილო? მგელი დაგესიზმრა თუ დათვი?

მე თვითონ არ ვიცოდი, რა მაშინებდა, ისე ვთქვი:

— დედი, კედლებზე რაღაცა დაბობღავს!

— ეგ, შვილო, შუქი შემოდის საჭიატოდან. ალბათ ღრუბლებში მთვარე ყვინთაობს და აქ მისი შუქი თამაშობს, სხვა კი არაფერია. დაიძინე, გენაცვალოს დედა, დაიძინე!

— დედი, შენთან დავწვიები, რა!

— კი, შვილო, მაგის ჯავრი გაქვს? ა, მოგიწვიები აგერ და დავიძინოთ...

— არა, ამ ტახტზე არა, იქ მინდა, შენთან!

— კაი, ეგრე იყოს, შენ შემოგველე! — დედამ ხელი თავზე ალერსით გადამისვა და გამშორდა. — კაცო, გძინავს?

— ჰა, ჰა?! რა გინდა, ქალო?

— ყარამანა სიზმარს დაუფრთხეა, ჩემთან დაწოლა უნდა, ადე, იმ ტახტზე გადაწვიქ!

— რა ხართ, რა, ასეთები? შვილი სიზმარ-ცხადში სულ უნდა იყოთ? — ჩაილაპარაკა ნამძინარეგმა მამამ, ადგა და ჩემს ლოგინში ჩაწვა.

მე დედას ჩავეხუტე. იქ უკვე აღარაფრის შემშინებია. მაინც რა იყო ის შიში, ჰა? ვითომ მარტო შუქჩრდილებს დავაბრალე? თითქოს სიკვდილი შემოგვეჩვიაო, ერთი თვის მერე დედულის ბებიაც დაეტირეთ. სულო ცოდვილო! სასაფლაოდან რომ გამოგბრუნდით, უცებ გავიფიქრე, რომ ამიერიდან საბძელში და სახლის სხვენზე ვაშლს აღარავინ შემინახავდა, სკივრში ჩალაგებულ ჩურჩხელებს წყვილ-წყვილად ვედარავის მოვპარავდი და ცრემლი ხელახლა წამსკდა.

— ნულარ სტირი, შვილო, არ ვარგა, შეიმშრალე თვალი! სასაფლაოდან ცრემლს ნუ შემოაბრუნებ შინ. — მომეფერა დედა და კურცხალი თვითონ მომწმინდა: — რას იზამ, შვილო, ასე ბრუნავს წუთისოფლის ბორბალი: ბებიები უნდა წავიდნენ და შვილიშვილები დარჩნენ.

ეგჰ! თურმე ზოგჯერ ცრემლიც მატყუარა ყოფილა. დედის სიტყვამ გულში შემარცხვინა. ჩემს ცრემლში ის ბებიას გლოვასა და დიდ სიკეთეს ხედავდა, მე კი... ცხარე ცრემლით დავტიროდი ტკბილ ბავშვობას, ბებიებსა და ბაბუებს მოუსვლელ გზაზე რომ გაჰყვა.

— მშვიდობით, ჩემო ტკბილო ბავშვობავ, მშვიდობით!

აკაკი გეწაძე
ორი დღე



შექსარი

სონეტები

10

სჯობს აღიარე, რომ არ გიყვარს ქვეყნად არავინ,
თუ დასაღუბად საკუთარი თავიც გასწირე.
ბევრმა გაჩუქა სიყვარული დაუფარავი,
მაგრამ შენ თვითონ ტრფობა არვის გაუნაწილე.
დაგუფლებია ბოროტების გრძნობა საზარი,
თითქოს გახარებს საკუთარი სულის გოდება,
გინდა დაღეწო სილამაზის წმინდა ტაძარი,
შენი მარჯვენით განახლებას რომ ელოდება.
გონს მოდი დროზე! სიყვარული სამტრო რად არი?!
სიძულვილი თუ არ განდევნე, ცოდვას დაიდებ,
დე სულიც გქონდეს მაგ ლამაზი სახის სადარი,
და სხვა თუ არა, შენი თავი მაინც დაინდე.
ასე თუ წახველ, ჩვენს მომავალს რაღა დარჩება?
შვილი დასტოვე სილამაზის გადასარჩენად!

14

სამყაროს ბედი ვარსკვლავებით ვერ შევიცანი,
და მაინც ვფიქრობ, მეც ვარ ერთი ვარსკვლავთმრიცხველი,
თუმცა ვერ ვიტყვი, მზე გველის თუ კუბოს ფიცარი,
ჭირი გაჩნდება თუ დადგება გვალვა ფიცხელი.
ხვალის ამინდის გამომცნობიც ველარ გავხდები,
არ ვიცი, რისი დღე დადგება, წვიმის თუ სეტყვის,
არ ვიცი, როდის დაემხოვა მეფეთ ტახტები,
ვიცი, რომ ზეცა მომავალზე ვერაფერს მეტყვის.

მაგრამ მაგ თვალთა ვარსკვლავების კითხვა მინდება,
კიდევ ვისწავლე შიგ ფარული აზრის გარჩევა:
არ დაშორდება სილამაზე ჭეშმარიტებას,
სიკვდილის შემდეგ თუ სანაცვლოდ მოდგმა დაგრჩება.
თორემ იცოდე შენი გრძელი დღე დამოკლებდა,
ჭეშმარიტებაც სილამაზის გვერდით მოკვდება.

15

როდესაც ვფიქრობ, ხანმოკლეა სრულყოფილება,
დრო რასაც შექმნის, თვითონ დროვე გააჩანაგებს,
ვინც კი ცხოვრების გამოფენას მოეფლინება,
იმის ბედ-იღბალს ვარსკვლავების ძალა განაგებს.
როდესაც ვფიქრობ, რომ ცა გვივლის, როგორც მცენარეს,
მესაფლავედაც ჩვენ იგივე ცა გვიგულებს,
და სიჭაბუკით სავსე დღეებს, მოუსვენარებს,
ბოლოს ზამთრით და დაგიწყებით შეცვლის ბუნება.
შენს ბედზე ვწუხვარ, რადგან ვხედავ ჟამი აფთრდება,
სურს სიყმაწვილის საგანძური დაგიზიანოს,
დრო მუხანათი სადმე ღამით ჩაგისაფრდება,
რომ შენი ყრმობის გარიჟრაჟმა ვერ იმზიანოს.
და რადგან ვიცი შენს სიბერეს ვერ გადავიტან,
მე ჩემი ლექსით სიჭაბუკეს გამყნობ თავიდან.

16

რადგან ვერ უძლებ ამ მუხანათ დროჟამთან ჭიდილს,
რადგან მშვენებას ემუქრება საფრთხე მარადჟამს,
სხვა იარაღით უნდა დაცვა უსუსურ ჩითილს,
თორემ ეს ლექსი არ ივარგებს ნამდვილ დარაჯად.
როცა ცხოვრების მწვერვალზე ხარ ახლა ასული,
მხატვრის ნახატმა ვერ ასახოს შენი მსგავსება,
ნერგს გაგიხარებს სიხარულით ყველა ასული
და ქვეყნად შექმნის შენს სანაცვლო ცოცხალ არსებას.
შენი სიცოცხლე თუ დაიცვა შენმა მოდგამმა,
მაშინ ეგ სახე სრულყოფილი ძეგლად დარჩება,
დროის ფუნჯი და ჩემი ლექსი არ გამოდგება
შენი სიცოცხლე თუ დაიცვა შენმა მოდგამმა,
სხვა თუ შექმენი, ის გახდება შენი სახატე,
სხვამ რატომ გხატოს, შენი სახე თვითონ დახატე.

19

დროვ უღმობელო, ისევ მიწას დაავგრევინი
მისგან შობილთა მომავალი და სიჭაბუკე,
ლომი დაკოდე, ვეფხვს კბილები დაათხრევინი,
ფენიქსის გულიც მის საკუთარ სისხლში დაბუკე.
ატირე ზეცა, მზე აცინე ათასფერება,
ნება გაქვს მთელი დედამიწა ააქვითინო,
რაც გინდა უყავ წუთისოფლის ბედნიერებას,
ოღონდაც ერთი მძიმე ცოდვა არ ჩაიდინო:
მაგ ბებერ კალმით არ დახაზო სატრფოს მშვენება,

მის სილამაზეს ააცდინე ცელი ბუნების,
მას ნუ დააჰკნობს აწყვეტილი შენი ჭენება,
მომავალს დარჩეს ვით ნიმუში დიდებულების.
მაგრამ თუ გინდა, შენი ცელით ყველა გათიბე,
ეს ჩემი ლექსი გადაარჩენს მის სინატიფეს.

24

მხატვრებად იქცნენ ეს თვალეები, გნახეს ასული,
და მკერდში ფუნჯით ჩამახატეს შენი სურათი,
ჩემი სხეულის ჩარჩოში ხარ ახლა ჩასმული
და შიგ დარჩები თვით სიცოცხლის დასასრულამდი.
მხატვარს შემხედე, მე ვარ შენი გამომკვეთელი,
დღეს ჩემი მკერდის სახელოსნოს ევ სახე შეგნის,
გულში დავუთმე შენს სახეებას მთელი კედელი
და მკერდს სარკმლებად დავუყოლე თვალეები შენი,
ჩვენი თვალეები ერთმანეთის ვალში არ რჩება?
ჩემმა თვალეებმა შენ დაგხატეს ათასფერებად,
შენი თვალეები გამომადგა მკერდის ფანჯრებად,
შიგ მხეც შემოდის შენი სახის მოსაფერებლად.
თვალეებმა მაინც სამსახური ვერ გამიწია,
სახეს ხატავენ, გულისა კი არა იციან.

25

ვინაც ბედნიერ ვარსკვლავზეა დაბადებული,
დე ახარებდეს დიდკაცობის დიდი წოდება,
თუმც არაფერი ქვეყნად არ მაქვს საბადებელი,
მე სიხარულში მაინც ვერვინ გამიტოლდება
ტახტის მონა და მოყვარული ღვინით ინთება,
თუ მოახერხა მეფის გულში დასადგურება,
მაგრამ ასევე მალე კვდება მისი დიდება,
ერთი მრისხანე გამოხედვით განადგურდება.
გამარჯვებებით ცნობილია მხედართმთავარი,
მაგრამ თუ ერთხელ შეემთხვევა ბრძოლის წაგება,
არავის ახსოვს მისი დაშნის ძველი ჯავარი,
მის გაღმერთებას წამსვე შეცვლის მისი ძაგება.
მე კი წოდებას ვინ წამართმევს კუბოს კარამდის,
მიჯნური მყავს და მიჯნური ვარ აწ და მარადის.

36

დროა გავიყოთ, ჩვენი გზებით ცალკე ვიაროთ,
ფიქრით კი გულში სამუდამოდ ჩაგისახლდები,
ჩემი ცოდვები აღარ მინდა გაგზიარო,
ჩემი სირცხვილის მონაწილე აღარ გახდები.
ერთი გრძნობა გვაქვს ჩვენ ორივეს ნასათუთები,
მაგრამ ორივეს საკუთარი დაგვაქვს ვარამიც,
ჩვენ იგივე ვართ, მაგრამ ტრფობის წმინდა წუთები
ჟამთა სიავეს არ დარჩება მოუპარავი.
დღეიდან შენი შეხვედრისას ველარ ვილაღებ.

ველარ გავბედავ შენთვის ხელის გამოწოდებას,
შენც უცნობივით ჩამიარე, თუ დამინახე,
სახელი რომ არ შეგიბღალოს ჩემმა ცოდვებმა.

ეს მსხვერპლი იყოს ჩემი გრძნობის გამომსახველი,
შენც ჩემი ხარ და ჩემი არის შენი სახელიც.

39

შენი ღირსების ქებათ-ქება გამიჭირდება,
რადგანაც ჩემი ნაწილი ხარ განუყოფელი,
რაში მჭირდება საკუთარი სულის დიდება,
თავი რად ვიქო მთელი ჩემი წუთისოფელი.
ამიტომ მინდა გავიყაროთ, გავხდეთ უბრები,
მინდა შორიდან დავინახო შენი მშვენება,
შენს ღირსებაზე მთელს ქვეყანას ვესაუბრები,
შენი სიშორე შენს ქებაში შემიშველება.
ამ განშორებით გულმოკლული მე არ ვიქნები,
ეს სიმართლვე სატანჯველად მე არ მექცევა,
მე უშენობას შემეცნებენ შენზე ფიქრები,
ციცი შევიძლებ ოცნებებით თავის შექცევას.

განშორებისთვის საყვედური მაინც არ მითხრა,
მე უკეთ ვუმღერ შენს მშვენებას, რადგან გაღმით ხარ.

44

ერთხელ ფიქრად რომ გადაიქცეს ჩემი სხეული,
ჩემთვის მანძილი არ იქნება ყველა ტრამალი,
ვერ მომქანცავენ გზები გზებზე გადახვეული
და უცხო მხარეს უმალ შენთან მოვალ ფრთამალი.
ფიქრი რომ ვიყო, სულ ერთია სადაც ვიქნები,
თუ გინდა შენს თავს მაშორებდნენ მთა და მინდვრები,
ზღვასა და ხმელეთს არ უფრთხიან ლალი ფიქრები,
გაფიქრება და — სადაც გინდა გადაფრინდები.
ერთი ფიქრი მკლავს — ვიცი, ფიქრს ვერ დავემსგავსები,
შორით წასულო, ფრთები შენთან ველარ გამაჩენს,
წყლისა და მიწის ნაერთი ვარ ჩემი არსებით
და მოვალე ვარ დავმორჩილდე დროის განაჩენს.

რადგან მიწა ვარ, ცად ვერ ავალ სევდით დაღლილი,
რადგან წყალი ვარ, წყლად დავრჩები ცრემლად დაღვრილი.

46

ჩემს გულს და თვალებს ერთმანეთში დიდი ომი აქვთ,
მეტოქეებმა ვერ შეიძლეს შენი გაყოფა,
ჩემმა თვალებმა რომ გიმზირონ — გულს არ სდომია,
გულს კი თვალები უკრძალავენ შენთან ლაღობას.
გულმა ისურვა შენი სრული დასაკუთრება,
რამეთუ გულის ცხრაკლიტულში ხარ ჩაკეტილი,
თვალნი თავს თვლიან მაგ მზეინების ნავსაყუდრებად,
რადგან თვალებში ჩანს ეგ სახე გამოკვეთილი.
ამ სამსჯავროზე მოსამართლედ დადგა გონება

და მოდავენი უკვე დავითაღარ სცოდავენ,
შენი მშვენება განაწილდა როგორც ქონება
და მესაკუთრედ აღიარეს ორივე მოდავე:
ჩემს თვალებს ერგო ეგ თვალები მარად მნათები,
გულს საკუთრებად დარჩა შენი გულისნადები.

47

ჩემს გულს და თვალებს ერთმანეთში აღარ აქვთ მტრობა,
დამეგობრდნენ და ძველი შუღლი არ აგონდებათ,
ხან თვალებს უნდათ მაგ უბრალო მშვენებით თრობა,
ხან გული იწყებს უშენობით ოხვრა-გოდებას,
და თუკი თვალებს წარმოუდგა შენი ხატება,
გულიც ესწრება ამ სანატრელ წუთებს მზიანებს,
თუ სიყვარულით თვითონ გული გელაღდება,
ამ ნეტარებას გული თვალებს გაუზიარებს.
ხან თვალით გიმზერ, ხან კი გულით: რატომ გეძიო,
გინდ შორს წახვიდე, მაინც ჩემთან რჩები მარადჯამს;
საით გამასწრებ, რომ ფიქრებით ვერ დაგეწიო,
ჩემი ფიქრი ხომ განუყრელად გიდგა დარაჯად.
როცა ვიძინებ, შენი სახე თვალით მეხატება,
გულსაც აღვიძებს ღამით შენი გამოცხადება.

48

რადგან შორს მივალ, საგანძურის მალვას ვუნდები,
მშვიდად ვიქნები, როცა განძი სკივრში იდება,
მიყვარს, როდესაც მოგზაური სახლში ვბრუნდები
და ხელუხლებლად მხვდება ჩემი ავლადილება.
მაგრამ, ძვირფასო, როგორ შევძლო შენი შენახვა?!
თუმც მირჩევნისხარ უძვირფასეს თვალმარგალიტებს,
ჩემი ლხენა ხარ, ჩემი დარდიც ახლა შენა ხარ,
გტოვებ და ვიცი, ავაზაკებს ვერ აგარიდებ.
შენს დასამალად თავშესაფარს დიდხანს ვეძებდი,
მკერდში დაგმალე, სანდო სკივრად სხვა რა ვინატრო,
შიგ ხან ნებივრობ, ხან წახვალ და გადიხვეწები,
ან იქნებ ვცდები და ჩემს გულში არც კი ბინადრობ.
მოგიპარავენ! მე ხომ ვიცი ქვეყნად რა ხდება,
შენ თუ გიხილა, ანგელოსიც ქურდი გახდება.

53

ნეტავ ვიცოდე, რისგანა ხარ ნაქანდაკარი,
ძებორციელს ხომ მხოლოდ ერთი ჩრდილი დაყვება?
არავის ახსოვს საოცრება ალბათ ამგვარი —
შენ რომ უთვალავ ჩრდილად დაგდევს შენი სახება.
შენი მნახველის მზერას აღარ ელამუნება
დღეს ადონისის წმინდა სახე მხატვრის ნათალი,
თითქოს ელენეს დააფრქვია მადლი ბუნებამ,
მაგრამ შენა ხარ ელინური მისი ბადალი.
გაზაფხულზე რომ ვერ შორდება თვალი განთიადს,

შემოდგომაზე რომ გვიტაცებს უხვი ბარაქა,
ეს ყველაფერი შენი სახის მკრთალი ლანდია,
თვითონ მშვენივრად შენს სიტურფეს მაინც არა ჰგავს.

შენს გარეგნობას მოსახელე ბევრი ჰყოლია,
შენი გული კი ჯერ არავის გამოჰყოლია.

58

მაღალმა ღმერთმა მე შენს მონად რადგან მაქცია,
დე დამიფაროს, შევამოწმო შენი ცხოვრება,
მუდამ მორჩილად მოგიწონებ ყველა საქციელს,
მე რომ მონა ვარ, ეს ყოველთვის მემახსოვრება.
ნება მომეცი, ავითანო ტანჯვა წყეული,
მე სიმარტოვე მომისაჯა ალბათ ბუნებამ,
დაგელოდები, მოთმინებას შენგან ჩვეული,
და არასოდეს არ გაგებდავ შენს გამტყუნებას.
მე არასოდეს მომინდება შენი დაძრახვა,
ვისთანაც გინდა იქ ატარე ჟამი ნეტარი,
შენ უფლება გაქვს აისრულო ყველა განზრახვა
და აპატიო თავს შენივე ნამოქმედარი.

ჩემი ხვედრია ეს ლოდინი ჯოჯოხეთური.
არ უნდა დამცდეს სამღურავი და საყვედური.

59

თუ არაფერი არ იქმნება ქვეყნად ახალი,
და თუკი ზეცაც არ შეცვლილა დასაბამიდან,
მაშინ სიახლეს რად დაეძებს ფიქრი მაღალი,
ერთხელ შობილი რატომ ვშობოთ ისევ თავიდან.
მივბრუნდეთ უკან, გავიაროთ წლები წარსული,
ხუთას მზის ჩასვლას გადავევლოთ ოცნებით თავზე,
ვიპოვოთ წიგნი სიძველისგან ფერგადასული:
იქნებ იქ ვნახოთ შენი სახე მშვენივრით სავსე.
მაშინ მომითხრობს დამტყვერილი წიგნის ფურცელი,
ვით აღიღებდნენ სილამაზის გასხივოსნებას,
ჩვენი სამყარო ძველებურად დარჩა უცვლელი,
თუ გავასწარით წინაპრების ფიქრს და ოცნებას.
მჯერა, სიტურფეს ბევრი ჰყავდა წინათ გამგები,
მაგრამ ნაკლები სილამაზე იყო ნაქები.

64

როდესაც ვხედავ, დროის ხელმა როგორ დადალა
გარდასულ წელთა საამაყო დიდებულება,
ციხე-კოშკებსაც აცამტვერებს ჟამი ხანდახან,
უკვდავ ბრინჯაოს მრისხანებით ამსხვრევს ბუნება.
ვხედავ, მშიერმა ოკეანემ მიწა დაფარა,
და ტალღებს ვხედავ სამეფოთა თავზე გადავლილს,
ვხედავ, ხმელეთი სტიქიონებს ართმევს ნაპარავს
და ძარცვა-გლეჯით დაგროვილა ქვეყნად ნადავლი.
როდესაც ვხედავ, ქვეყნებს ანგრევს დროის ურჩხული,

ვხედავ უმძლავრეს სახელმწიფოს დაშლა-დაცემას,
მაშინ მომესმის ნანგრევების ჩუმი ჩურჩული:
მოვა სიკვდილი ჩემი სატრფოს გასატაცებლად.
მეც სიკვდილივით მაშინებენ შენზე ფიქრები,
და სული გოდებს, რომ ოდესმე აღარ იქნები.

67

შენ რატომ უნდა არსებობდე ამ ბინძურ დროში?
რომ შეძლო ყველა სიმახინჯის გაბათილება,
ქვეყნის ცოდვები რომ დაფარო მშვენიების დროვით,
ცამ შენი შექმნა ამისათვის ალბათ ინება.
ყალბი ყალბით რატომ ვხატოთ შენი მშვენიება,
მკვდარ ხელოვნებას რა ხელი აქვს ცოცხალ ფერებთან,
ხელოვნურ ვარდებს არ სჭირდება დღეს გაშენება,
არ დაგტყობია ნამდვილ ყვავილს ჯერ დახერება.
ვიცი, რატომაც გაგაჩინა ქვეყნად ზეცამან,
რომ იციაგონ კვლავ ფერებმა წარხოცილებმა,
რომ შენ შემყურე წუთისოფელს ისევ ეწამა
უკვე გარდასულ ხელოვნების აღორძინება.
ახლა შენა ხარ გაძარცული ქვეყნის ქონება,
დიდებით საესე გუშინდელი დღის მოგონება.

72

რომ არ მოგიხდეს ქვეყანაზე თავის მართლება:
რატომ გიყვარდი, ტრფობის ღირსი ჩემში რა იყო,
შენ ნუ მიგლოვებ, დამიტვირონ კუბოს სანთლებმა,
შენი ჩემდამი სიყვარული მიწამ წაიღოს.
რადგან ღირსებებს მოკლებულა ჩემი არსება,
ჩემს ქებას მხოლოდ ტყუილით თუ გაიადვილებ,
მხოლოდ სიცრუე თუ შეიძლებს ჩემს დაფასებას,
თორემ სიმართლე ძუნწად ეტყვის ხალხს სინამდვილეს.
და თუ იფიქრებ, რომ ტყუილით სიყვარულს იცავ,
სიმართლეს აღარ გათქმევინებს შენი ნაღველი,
სხეულთან ერთად ჩემზე ხსოვნაც მიეცი მიწას,
რომ ასე ურცხვად არ შებღალოს შენი სახელი.
არარა ვიყავ და გამკიცხავს ყველა თაობა,
შენც გაგკიცხავენ, რომ გიყვარდა არარაობა.

74

როცა სიკვდილის ცივი სხივი შემომაშუქებს,
ვიცი, ვერაფერ ვერ შეიძლებს გამოსარჩლებას,
მაგრამ წასვლამდე ჩემს სიცოცხლეს ლექსებს ვაჩუქებ,
და ეს სტრიქონი უკვდავების ძეგლად დარჩება.
ვიცი, ამ ფურცლებს ვერ დაფარავს ჟამის სუდარა,
რადგან შენია ჩემი ლექსი — ჩემი ქონება,
მიწად ვიქცევი, მიწას მეტი არა უნდარა,
სხეული მიაქვს, სულს გიტოვებს ჩემს მოგონებად.
შენთვის იცოცხლებს ეს სტრიქონი ათასფერება,

ის, რაც მოკვდება, ჭია-ლუას დარჩეს სათრევეად,
სხეულს მიწიერს არამზადას დაშნაც ერევა,
ამიტომ მისი მოგონება არც გეკადრება.

სხეულს დაჰკარგავ, თუ სიკვდილი მიუახლოვდა,
მაგრამ დაგრჩება სხეულში რომ სული სახლობდა.

80

შენზე წერის დროს მე ყოველთვის შიში მერევა,
რადგანაც ვეცი, ჩემზე დიდი სული გიგალობს,
აღტაცებული სახელს გიმკობს ნაირფერებად,
რომ შენს საქებრად ჩემმა ლექსმა ვერ იგრიგალოს.
თუ შენი სულის ოკეანე ხომალდსაც იტევს,
ჩემი პატარა ნავით როგორ დაიტვირთები,
თუკი მეტოქე სიმღერებით დღედაღამ გიტევს,
ჩემს თავხედ ლექსსაც გაუძლებენ შენი ზვირთები.
ვიცი, გადვიტან სტიქიონის ყველა ქართვეილს,
თუკი, ძვირფასო, ოდნავ მაინც წამეშველები,
ანდა გამრიყავს შენი ტალღა ანძავატეხილს,
ის ხომალდი კი ნაპირს გავა თავის მშვენიებით.

და თუ მეტოქეს შენი ზვირთი არსად ჩასძირავს,
ვიტყვი, რომ თურმე დასალუბად ტრფობამ გამწირა.

81

კინდ შენ მოესწრო ჩემი ცხედრის გამოსვენებას,
კინდ მე მომიხდეს შენს საფლავზე გლოვა-გოდება,
მაინც არასდროს არ მოკვდება შენი ხსენება,
ჩემი სული კი აღარავის მოაგონდება.

შენ თვით სიკვდილი უკვდავებას დაგადგამს დაუნად,
მე კი მოკვდები და არავინ აღარ მინატრებს,
მე ეს ცხოვრება მომიზომავს უბრალო საფლავს,
შენ ხალხის გულში საუკუნოდ დაიბადები.

მე შენ ძეგლს გიდგამ ჩემი ლექსის უკვდავი სიტყვით
და რომ მე და შენ ამა ქვეყნად აღარ ვიქნებით,
შენს სადიდებელს მომავალი თაობაც იტყვის,
გადაეცემა შთამომავალს შენი ფიქრები.

რადგან შენს პოეტს უკვდავების ლექსები უთქვამს,
ყველა სულდგმულის ბაგეებზე დარჩები სუნთქვად.

91

ზოგს წარმოშობა, ზოგს სიმდიდრე ეამაყება,
ზოგს მოსახსამი მოხატული ცისარტყელებად,
ზოგი ტრაბახობს თუკი მკლავში ძალა დაყვება,
ზოგს ბედაური ან მწვერები ესახელება.

ყველას თავისი გასართობი მოუგონია,
ყველას თავისი მიზანი აქვს დასაფიცარი,
მე კი ამქვეყნად სიხარული სხვა რამ მგონია,
ბედნიერება უმაღლესი გამოვიცანი.

შენი ტრფიალი მირჩენია ყველა წოდებას,

მათხოვარია ჩემთვის მეფეც თავის განძებით,
მწვერით გართული მონადირეც შემეცოდება
და ბედნიერი შენი ტრფობით დავიქანცები.
მაგრამ მახვილი შეგიძლია არ ამარიდო,
გრძნობა წამართვა და ერთ წამში გამალარიბო.

93

სამარადისოდ დავიჯერებ შენს ერთგულებას,
მოტყუებულმა ქმრებმაც სწორედ ასე იცინა,
მაგ უნდო გულში ტრფიალება კვლავ მტრულება,
თუმცა-ლა ვიცი, გული სხვისთვის გადაგიცია.
ზოგი თვალები ორგულობის ამბავს ყვებიან,
მოლაღატენი ვერასოდეს თავს ვერ იჭერენ,
შენს გამოხედვას სიძულვილი არ შეხებია,
მეც შენს სიყვარულს ძველებურად მიტომ ვიჯერებ.
შენი შექმნისას ზეცამ ალბათ ასე ინება:

შენს გულის ნადებს სიყვარული ფარავდეს ნიღბად,
ფიქრთა სიშავე მოსპოს თვალთა გამოზრწყინებამ,
თეთრად მოჩანდეს გულიც შავი თვალების მიღმა.

ალარაფერი ამ სიცრუეს არ ეშველება,
ევას ვაშლივით მაცდურია შენი მშვენება.

103

დადუმებულა ჩემი მუზა ოდეს მღელვარე,
შენს სადიდებლად სიტყვა არ აქვს ამოსარჩევი,
რადგან შიშველიც შენი სული ისე ელვარებს,
რომ სამოსელად არ სჭირდება ლექსის ფარჩები.
არ გამამტყუნო, თუკი ხოტბით აღარ გაწუხებ,
სარკეს ჩახედე და მიხვდები მაშინ რაცა ხარ,
შენი მშვენება შთაგონებას ადებს მარწუხებს,
ჩლუნგი ლექსი კი რომ შეგბედო, ყველა დამძრახავს.
სწორედ ამიტომ ვმუნჯდები და ვთავაზიანობ,
რა მოვიგონო უბადრუკმა შენი საქები?!
როგორ შევცოდო, ლექსით როგორ დავაზიანო
ეგ შენი სახე ღვთაებრივად ნაქანდაკები?

ლექსმა ვერ გიქოს ეგ ნაკვთები წარუშლელეები,
შენს სარკეშია ჭეშმარიტი ხოტბა მშვენების.

109

გემუდარები, ორგულობა არ დამაბრალო,
არ დაიჯერო, განშორებავ გრძნობა გასრისა,
არ დაივიწყო, რომ ოდესღაც გული საბრალო
შენივე მკერდში შევინახე შენგან წასვლისას.
შენი მკერდია ჩემი გრძნობის თავშესაფარი,
შინ დაბრუნება იცის თურმე ჩემისთანამაც,
შენზე ოცნებით მოვიარე ქვეყნად მთა-ბარი,
მაგრამ ცოდვების განსაბანი წყალიც თანა მაქვს.
არ დაგიმალავ, მეც სხვებივით ლხენას დავეძებ,

და ახლაც შენთან უტოდველი როდი მოვედი,
მაგრამ არასდროს დაიჯერო — ისე დავეცე:
გადავიწყვიტო შენი სულის სვეტი ცხოველი.
შენს უკეთესი რა შემეძლო ქვეყნად მენახა,
ამ უნაპირო სამყაროში მხოლოდ შენა ხარ.

112

სიკეთით სავსე შენი ტრფობა მალამოდ მექცა,
მოშუშდა სული დაშანთული ცილისწამებით,
საჩრდილობელი შენი ფრთის ქვეშ მარგუნა ზეცამ,
რაც უნდათ ის თქვან, აღარაფრით არ ვეწამები,
ჩემი ცხოვრების მოსამართლე მხოლოდ შენა ხარ,
მე შენი სიტყვით ან ვიხარებ, ანდა ვიწვალე,
სხვა კი ვერავინ გრძნობის აბჯარს ველარ შელახავს,
სხვები მოკვდნენ და მეც ყველასთვის გარდავიცვალე.
უკვე არც ძალმიძს აღარავის აზრის გაგება,
ისე დავიხშე ყველასათვის სმენა გველური,
გულს აღარ ხვდება აღარც ქება, აღარც ძაგება,
ყურს აღარ ესმის წუთისოფლის ხმები ველური.
ასე მგონია, საუკუნოდ ბედმა შეგვყარა.
სამყარო ვაწყდა და მე და შენ შევრჩით ქვეყანას.

113

რაც შენ დაგტოვე, მე გონებით ვჭვრეტ ამ ქვეყანას,
თვალეზს კი ბინდი გადაჰკვრიათ ოხერ-ტიალეზს,
შენი დაკარგვით უბედობა შემომეყარა
ცხოვრების გზაზე უსინათლოდ მოხეტიალეს.
ფრინველებისკენ ჩემი გული აღარ ისწრაფვის.
მას აღარ სწვდება ყვავილებით სავსე ბუნება,
გონების თვალი დანავარდობს ელვის სისწრაფით,
მაგრამ არ ძალუძს დანახულის შენარჩუნება.
ყვავი თუ მტრედი, დღე თუ ღამე, ზღვა თუ ნაძვები,
უსინათლობას ერთ არსებად შეუკონია,
და ყველაფერში მიჩვენება შენი ღაწვები
და რასაც ვხედავ, მხოლოდ შენი სახე მგონია.
სავსე ვარ შენით და.ეს არის დიდი ქონება,
ასე მატყუებს გულმართალი ჩემი გონება.

117

სთქვი, რომ ძუნწი ვარ სიყვარულში შენი მსახური,
ვერ დავაფასე, შენი გრძნობა რასაც მავალეზს,
თუმცა ტრფიალი მე გულში მაქვს შემონახული,
მიტოვებული დამრჩა შენი ჩუმი სავანე.
სხვებთან ვლადობ და სხვა მხარეში რას არ ვედები,
შენი მიჯნური სხვა გრძნობისკენ მივექანები,
შენგან წასული აღმა-დაღმა დავეხეტები
და ქარებს ვანდე ჩემი სულის იალქანები.
აღვირახსნილი ჩემი გული მინდა დალახვრო,

ჩემი ცოდვები შეაჩვენო, ჩემო იმედო,
წარბი შეჰკარი, ოღონდ ზიზღი არ დამანახო,
სიძულელილისთვის არასოდეს არ გამიმეტო.
გახსოვდეს გრძნობამ მაიძულა გზიდან აცდენა
და გლალატობდი შენი გრძნობის გამოსაცდელად.

126

ჩემო ბიჭუნავ, ჯერ შენი გზა კიდევ ვრცელია,
მაგრამ საათი რომ გიჭირავს, ყველას ცელია.
დროს წესადა აქვს ჩვენი ჭკნობით შენი გაფურჩქვნა,
დრო ერთდროულად გვახარებს და გვიგდებს აბუჩად.
დრო სპობს ყველაფერს, მაგრამ ახლა ცდილობს ბუნება
შენი განვლილი დროის უკან შემობრუნებას,
ბუნებას უნდა თავის კვალი დროს დააჩინოს,
წინ აღუდგეს და დაბერებას გადაგარჩინოს.
თუმცა სიკეთის მეტი მისგან არა გინახავს,
მინც უფრთხილდი, სამუდამოდ ვერ შეგინახავს.
დაგვიანებით, მაგრამ მოვა, როგორც სახადი,
და გაღუბდელი არ დაგრჩება გადასახადი.

131

ასე მზაკვრები ნეტავ რად ხართ ლამაზმანები,
მშვენიერებამ ასე რატომ გაგაგულისათ.
მტანჯავ, რადგანაც იცი, მუდამ შენ მეზმანები,
რადგანაც შენ ხარ საგანძური ჩემი გულისა.
თუმც ბევრი ფიქრობს, არ გეკუთვნის ტრფობა ამხელა,
შენი აუგი ხშირად მესმის, ხალხში როცა ვარ,
სხვებთან ვერ ვბედავ შესიტყვებით გრძნობის გამხელას,
გულში კი მხოლოდ შენი ხატი მაქვს სალოცავად.
შენდამი ტრფობას მე ტყუილად როდი ვანაზებ.
ტყუილად როდი მესიზმრება თმა გიშრიანი,
ვიცი, ერთია ნეტარება ამ ქვეყანაზე:
შავგვრემან ქალის შავი თმების შმაგი შრიალი.
თმების სიშავით ნეტავ ვის რა დაშავებია,
მაგრამ ვაგლახ, რომ თმებთან გულიც გაგშავებია.

133

წყვეულმც იყოს ამა ქვეყნად შენი გაჩენა,
გულიც მომიკვდა, ამერია შენით გონებაც,
მაგრამ ტრფილმა მარტო მე კი არ შემაჩვენა,
ჩემი ძვირფასი მეგობარიც შენ გემონება.
საკუთარ თავთან ვერ ვპოულობ უკვე მსგავსებას,
ჩემს მეგობარსაც გული შენით გასწამებია,
ისიც დავკარგე; შენც დაკარგე, ჩემი არსებაც,
სამჯერ დავობლდი, კაეშანიც გამსამებია.
გულში ჩამკეტე, ტყვე ვიქნები შენი მარადჟამს,
ოღონდ მეგობარს დავუდგები შენთან თავდებად,
თუ სამუდამოდ დამაყენებ მასთან დარაჯად,

ჩემი წამება მხოლოდ მაშინ თუ გათავდება.
თუმცა რასა გთხოვ, შენმა გულმა დამაბატიმრა
და აღარასდროს გამომიღევ ალბათ სატირალს.


146

სულო საბრალოვ, ცოდვილ სხეულს როგორ გაგყარო,
ავხორცულ ძალებს შემოსეულს ვერ გადარეკავ?!
დანაცრებულა შინაგანი შენი სამყარო,
შენ კი ამკობ და ალამაზებ კედლებს გარეგანს.
სხეული შენთვის დროებითი საცხოვრისია.
ნუ გენაღვლება, თუ დარჩება დაუდაფნავი,
სხეული არ ღირს ამდენ მოვლად, რადგან სხვისია,
მხოლოდ ჭიებს თუ გაალაღებს შენი საფლავი.
გალადდი, სულო, ღვთაებრივი სხივით იდიდე,
და მიწიერი დაიმონე შენი დიდებით,
შენი იქნება წუთისოფლის მთელი სიმდიდრე,
თუკი გარეგან სამკაულს არ გაეკიდები.
სამარადისო ძალა აღარ შემოგაკლდება
და თვით სიკვდილიც მაშინ ხელში შემოგაკვდება.

ინგლისურიდან თარგმნა რევაზ თაბუკაშვილმა

☆
სტუმრები
☆
საქართველო
☆
სტუმრები





კოემა

პირველი სიმღერა

ზღვის პირას მწვანე მუხა შრიალებს.
 მას ოქროს ჯაჭვი კიღია მკერდზე.
 და ბრძენი კატა, კატა ჭკვიანი,
 იმ ჯაჭვზე თითქოს რაღაცას ეძებს.
 ხან მშვიდად მღერის, ხან თვალებს ნაბავს
 და ყველა რამე უცნაურ ამბავს.

სასწაულები ხდება იმ ტყეში:
 ბუჩქებში ელავს ეშმაკის ეშვი.
 ტოტებზე ზის და იცინის ალი
 და არნახული მხეცეების კვალი
 უცნობ ბილიკებს აზის დაღვივით.
 ქარი კი მწარედ კენესის დაღლილი
 და იქვე ქოხი დგას, მარტოსული,
 ოჩოფებებით ტყეში მოსული
 და იმ წყვილიაში ძლივს გადარჩენილს
 არც კარები აქვს და არც ფანჯრები.
 გარინდულ ქვებზე შიშინებს ქაფი
 და აწყდებიან უკაცურ ნაპირს
 განთიადისას თეთრი ტალღები.
 და ოცდაათი რაინდი მშვიდად

აბჯარასხმული ამოდის წელიდან
ზღვაში შეძენილ ბიძის თანხლებით.
იქ უფლისწული, გზად მიმავალი,
ატყვევებს მეფეს მთელი ამალით.
ხოლო გრძნეული, ქარზე ფრთამალი,
ტყეების ზემოთ გარინდულ ცაზე
მიაფრენს დევგმირს, წუხილით სავსეს.
სიმარტოვეში სწუხს დედოფალიც
და რუხი მგელი, ვით მეგობარი,
ემსახურება, დაუზარელი.
და კუდიანის მძიმე როდინი
კლდიდან მოგლეჯილ შავი ლოდვიით,
ისევ რაღაცას ბოდავს წვალებით.
ხოლო კაშიე, წყვილიადის მეფე,
სიზმარში ხედავს კვლავ ოქროს შხეფებს,
გულში იხუტებს ოქროს ფიალებს...
იქაც რუსული სული ტრიალებს.
მეც მიგემია იმ კუთხის ქარი,
მუხაც მინახავს ზღვის პირას მდგარი,
დამილევია წყალიც და თაფლიც
და იმ ბრძენ კატას უთვალავ ზღაპრით
მეც გავურთივარ. თუმცადა ერთი
დამამახსოვრდა, მკითხველო, შენთვის.

კალმესანდრ კუმბინი ☆ რუსულანი და ლუდმილა ☆

თურმე ძალიან დიდი ხნის წინათ
დიდი თავადი მზე-ვლადიმირი
იხდიდა ქორწილს და იჯდა ლხინად
გაბრწყინებული მზით და ღიმლით.
ის ათხოვებდა უმცროს ქალიშვილს
თავად რუსლანზე და თან ხალისით
გზას ულოცავდა ნეფე-დედოფალს,
ამწყალობებდა ასულს დედობას.
ხოლო წინაპრებს სმაცა და ჭამაც
დინჯი უყვარდათ და ვერცხლის თასებს
ცვლიდნენ ვეება თიხის ჯამები, —
ქაფქაფა ლუდით თუ ღვინით სავსე.
ლხინი კი დუღდა და მთელი ღამე
იტვირთებოდა ხორავით ტაბლა,
მსახური უხმოდ ავსებდა ჯამებს
და თავს უკრავდა მაგიდას მდაბლად.

გამხიარულდა თანდათან ლხინი.
თანდათან ყველას გაეხსნა ენა.
უცებ სიმღერა გაისმა ტკბილი,
და მომღერლისკენ მობრუნდა ყველა.
ხმა კი ირხევა მწვანე რტოსავით
და ბაიანი, ტკბილი მგოსანი,
ნეფე-დედოფალს აქებს და ლოცავს,
ვარდი ამოსდის ყელიდან მგოსანს.

ხოლო რუსლანი ცაცხაებს ვნებით,
ვერ ილხენს, როგორც ილხენენ სხვები.
ნაზი მეგობრის სურვილით იწვის,
ოხრავს და ბრაზობს და აღარ იცის,
ვით შეიკავოს ვნება ძლიერი
და დაბნეული კაცის იერით
იწიწნის უღვაშს და წუთებს ითვლის,
გამოლევია ძალ-ღონე თითქმის.
ზის მაგიდასთან სამი ჭაბუკი,
სამი რაინდი — სამი ქარბუქი,
ზის მაგიდასთან დამწუხრებული,
დავიწყებით სავსე თასებიც
და დიდებულთა ლალი კრებულისც,
აღარ იტაცებთ ლხინი სავსებით.
არც ბაიანის ხმა ეყურებათ,
მთლად მოწამლულა მათი გუნება
სიძულვილის და ტრფიალის შხამით.
სამი მეტოქე შეფთავს რუსლანის,
დრო კი მიხობავს ისევ კუსავით,
წელიწადივით გრძელდება წამი.
და მოღუშული ზის სამეული:
ერთი — როგდაი, გმირი რჩეული,
ხმალს მინდობილი მთელი არსებით,
მან გაუზარდა კიევის საზღვრები.
მეორე რაინდს ჰქვია ფარლაფი,
იგი როგდაის არ ჰგავს არაფრით,
ვერ არის ხმალში კარგი სარდალი,
მაგრამ ქეიფში არ ჰყავს ბადალი.
ხოლო მესამეს რატმირი ჰქვია,
მთლად ყმაწვილია ხაზართა ხანი
და როცა სხვები სასმისებს ცლიან,
მას ლუდმილასკენ გაურბის თვალი.
და ვნებიანი ფიქრებით სავსეს
მწუხრის ღრუბელი აწვება თავზე.
სამივეს ფარავს იმ ღრუბლის ჩრდილი,
გამწარებია სამივეს ლხინი.

და როგორც იქნა დამთავრდა ისიც,
ხმა მოემატა ხორხოცს და სიცილს.
ლუდმილამ მორცხვად დახარა თავი,
ხოლო რუსლანმა სანატრელ ყვავილს
აღტაცებული შეავლო თვალი
და კვლავ მოედო ტრფიალის ალი.
ბნელმა მოიცვა შემოგარენი,
ზეციდან მოწყდა წყვდიადის ზეავი
და თაფლით მთვრალმა ბოიარებმა
მასპინძელს მდაბლად დაუკრეს თავი.
სიძე ზეიმობს, ბედის მლოცველი,
ვნებით დამწვარი და დაქანცული

და ეფერება უკვე ოცნებით
სიმშვენიერეს მორცხვი ქალწულის.
ხოლო თავადმა ფარული სევდით
მამაშვილურად დალოცა წყვილი,
მკერდზე მიიკრა სიძეც და შვილიც,
სხვა არაფერი არ უთქვამს მეტი.

და აი, რუსლანს ლამაზი ცოლი
საწოლზე აპყავს მთრთოლვარე ხელით.
ჩააქრეს ცეცხლი, გაფრინდა ბოლი
და ლამის სანთლებს აჩაღებს ლელი.
აჰა, ასრულდა იმედი ტკბილი,
სიყვარულს მოაქვს თავისი ძღვენი
და ეჭვიანი სამოსი ფრთხილად
ეცემა ნოხზე. გული კი მღერის.
ყური დაუგდეთ, იქნებ თქვენც გესმით,
როგორ იზრდება კოცნა ფიცივით,
თანდათან როგორ სუსტდება კვნესა
ბოლო სიმორცხვის... აი, ისინი
მინებდნენ ვნებას. და სწორედ მაშინ
გამოჩნდა ელვის ცახცახა თითი,
იჭექა მეხმაც და შემკრთალ სახლში
გადაეფარა ყველაფერს ბინდი.
მოწყდნენ ღრუბლები, როგორც მხედრები,
შიშით ათრთოლდნენ სახლის კედლებიც
და გაირინდა ბნელში რუსლანიც,
თვალს არ აჰყეტდა მთვარე ბუსავით.
უცებ დაბნელდა, როგორც ღუმელში,
ჩაკვდა ყოველი, შეწყდა ხმაური
და იმ წყვდიაღში და სიჩუმეში
ორჯერ გაისმა ხმა უცნაური.
და უცებ, კვამლში გამოხვეული,
წამით გამოჩნდა შავი სხეული
და ყველაფერი დაწყნარდა ისევ,
რუსლანს კი ოფლმა დაასხა პირზე.
ხელს აფათურებს წყვდიაღში თრთოლვით,
ოფლი ჩამოსდის, შემკრთალს, წურწურით.
საწოლი მოჩანს, როგორც კუნძული,
მაგრამ... ოხ, ღმერთო! ლამაზი ცოლი
მოუტაციათ და როგორც კვამლი
გამქრალა მისი გზაცა და კვალიც.
მოუტაცია უჩინარ ძალას,
სარკმელში მხოლოდ ხეები ჩანან.
ოხ, მეგობრებო, მართლა ძნელია,
როდესაც ვიწვით ამაო ვნებით.
ცხოვრებაც თუმცა მოსაწყენია,
მაინც ვარსებობთ ბუნების ნებით.
მაგრამ მე სიკვდილს ვარჩევდი ისევ,
თუ ჩემი ცრემლის და სევდის მიზეზს

★
კალმასანდრ კუმბინი
★
რუსლანი და ლუდმილა
★

ამდენი ტანჯვის და ძეზნის მერე
ბოლოს და ბოლოს მოგზვევდი ხელეზს;
მაგრამ მაშინვე თუ დაკარგავდი
მას, რაც ოცნება იყო აქამდის,
ოხ, მეგობრებო, მაშინ უდავოდ
მეც დაგხუჭავდი თვალს სამუდამოდ.

ხოლო რუსლანი კვლავ ცოცხალია,
თუმცა სიკვდილი უნდა ძალიან.
მთელი სასახლე ფეხზე დამდგარა,
კრიჭა შეკვრია დიდს თუ პატარას.
„სად არის ჩემი ლუდმილა, სადა?“
ყვირის თავადი და სიძის გარდა
მთელ ეზოს ესმის. „შვილებო, ძმებო!
სინდისი ახლაც არ მოგცემთ ნებას,
რომ მომიწამლოთ ბებერს გუნება,
ნუ დაივიწყებთ ძველ ერთგულებას,
თქვით, ვინ იქნება თქვენში მდევარი,
ვის გიჭრით თვალი და სატევარი.
და რადგან ქმარმა ვერ მოუარა
მე ჩემს ლუდმილას ვნახავ თუ არა,
კვლავ ვაქორწილებ და ახალ სიძეს
ჩემი მამულის ნახევარს მივცემ.
შვილებო, ძმებო, ჩქარა მდევარი!
ვის გიჭრით თვალი და სატევარი!“
„მეო!“ — რუსლანმა თქვა, სევდით სავსემ.
„მეცო!“ — სამივემ იყვირა წამსვე
და აუყვავდა იმედის ვარდი
ტანბრგე როგდაის, ფარლავს და რატმირს.
ახლავე ცხენებს მოვახტებითო
ჩვენი სურვილით, ჩვენი ნებითო,
ნუ დაიბრმავებ ცრემლითო თვალეზს
თავადის ქალსო მოგგვრითო მალე.
თავადს იმედი მიეცა ისევ,
გადაფინა სინათლე პირზე
და იდგა მათკენ ხელგაშვერილი,
ასე უძრავად იდგა ძელივით.

ოთხივე ცხენებს მოახტნენ მყისვე.
ხოლო დაბნეულ რუსლანს კი ისევ
უცებ დაკარგულ სატრფოზე ფიქრი
უჯიჯგნის სხეულს და უხმოდ მიჰქრის.
ფიცხი ცხენები მიჰქრიან მტვერში,
ცხენების ფეხქვეშ მინდორი ხვწმის.
მიჰქრიან დნებრის ნაპირის გასწვრივ.
უჩინარდება ცხენიც და კაციც
და აღარც ჩანან უკვე სრულებით.
მაგრამ თავადი ისევე იცდის

და თავის თავიც იქ ეგულება.
ფიქრით რაინდებს მიყვება ისიც.

გაოგნებული და დაბნეული
რუსლანი სმენად იყო ქცეული.
ფარლავი რუსლანს უკან მისდევდა
და თუმცა ხეპრე იყო ისედაც,
მთლად ამრეზილი უცქერდა ახლა.
მტერით ჰქონდა სავეს ცხვირიც და ხახაც.
და თან ამბობდა: „როგორ გგონიათ;
მალე შევხვდები, ნეტავ, გოლიათს?
მაშინ იქნება აბა, სეირი,
სისხლი დადგება ველზე ტბორებად.
ჩემო ქურანავ, ჯერ არხეინად
ირბინე, გზები ნუ გეშორება.“
რატიმირს იმედით გული ევსება
და ფიქრში უკვე ეალერსება
ლამაზ ლუდმილას და მთვრალმა ამით
უნაგირზედაც იცეკვოს ლამის.
ჯერ ყმაწვილია ხაზართა ხანი,
არ ყოფნის ქვეყნის სიგრძე და განი.
ხან თთხით მიყავს ფეხმარდი ცხენი,
ხან ერთ ადგილზე აწვალებს დაღლილს,
ყალყზე აყენებს ძლიერი ხელით.
უფრო და უფრო უმოკლებს აღვირს,
მერე კი მისი ულაყი, სწრაფი.
ქედებზე ისევ ქარივით გარბის.
ხოლო როგდაი მოღუშულია,
ფიქრს მისცემია იგი სრულიად.
აფიქრებს ბნელით მოცული ბედი,
მისჩერებია სივრცეში წერტილს.
კვლავ მორევია ეჭვი და შხამი
და თავადისკენ გაურბის წამით
ზიზღით და რისხვით აღვსილი თვალი.
სახეზეც აზის წუხილის კვალი.
მთელი დღე ერთად მიდიან ასე
ერთი გზის. მგზავრნი და მეტოქენი.
გამუქდა დნეპრის ცისფერი ხაზი,
ბინდმა აავსო ღრუბლის დოქები.
უკვე წყვდიადი გამეფდა სრული.
დროა, ცხენებმაც მოითქვან სული.
და აი, ძველი და გაცვეთილი
გამოჩნდა კიდევ გზაჯვარედინი.
„აქ გავიყაროთ და ყველამ ჩვენთვის
ვეძებოთ ჩვენი გზაცა და ბედიც.“
თქვეს და ცხენებმაც მეტი ხალისით
ამოირჩიეს გზები თავისით.
რუსლან, რას ფიქრობ ან რას მოელი
ამ სიჩუმეში და სიბნელეში?

ალექსანდრ კუშკინი ★ რუსლანი და ლუდმილა ★

ვერ მოიმწყვდევ ბედი ხელეზში,
იქნებ სიზმარი იყო ყოველი.
ისწორებ ჩაჩქანს, მაგარს და მძიმეს,
და ხელზე იხვევ მოშვებულ ალვირს,
სულში კი ცეცხლი უქრება იმედს,
რწმენაც გამაქრალა და უკვე დაღლილს
ნაბიჯით მიგყავს მინდორზე ცხენი.

მაგრამ უეცრად განათდა ბნელი,
გამოჩნდა მღვიმე და ტინის თალი,
ბუნების გამრჯე ხელით ნაკვეთი
თავზე დაადგა სასოწარკვეთილს.
და მან შენიშნა ჯერ სანთლის ალი,
მერე კი მოხუცს შეასწრო თვალი.
წიგნს კითხულობდა მოხუცი იგი,
წინ ედო დიდი და ძველი წიგნი.
თვითონ კი, ჩუმი და წვეროსანი,
ზღაპრული იყო გარემოსავით.
„მობრძანდი, შვილო!“ — მოხუცმა რუსლანს
ასე მიმართა. ხმა ჰქონდა თბილი.
„წელს ოცი წელი შესრულდა ზუსტად
რაც აქ ვარ, მაჰკნობს სიბერის ჩრდილი.
მაგრამ გავძელი და შენდა ბედად
ასრულდა, რასაც მიგრძნობდა გული.
ჩვენ მხოლოდ ბედმა შეგვყარა ერთად,
დაჯექ და კარგად დამიგდე ყური.
ჩვენ ერთნაირი გვქონია ბედი,
არც შენ ყოფილხარ მთლად ბედნიერი,
შეგცვლია სულიც, ხმაც და იერიც,
რადგან ლუდმილა აღარ გყავს გვერდით.
მაგრამ სიცოცხლეს ნუ ეთხოვები,
ბედმა გიმუხთლა მხოლოდ დროებით.
რაც გწამდა, ისევ იწამე იგი
და შენი მძლავრი ხმლითა და მკერდით
გააბე ბნელი და წყვიდადს იქით
იხილე შენი კუთვნილი ბედი.

შენი შერცხვენა, ჩემო რაინდო,
ავი გრძნეულის ბრალთა მხოლოდ.
ის თვალშეუწვდომ კლდეებში ცხოვრობს
და, რა თქმა უნდა, არც შენ დაგინდობს.
სადმე ლამაზი ქალი თუ ნახა,
თავის საზარელ კლდეებში აჰყავს.
ჩერნომორია მისი სახელი,
მისი მომრევი ანდა მნახველი
ჯერ არ მინახავს, მაგრამ შენ ბოლოს
ნახავ იმ ბებერ ჯადოქრის სოროს
და შენი ხელით მოკვდება ისიც.
მეტს კი არ გეტყვი, თუმცა რაც იცი,

საკმარისია. და ნუ გადადებ,
შენ გაბარია ბედის სადავე.“



ჩვენი რაინდი მოხუცის ფერხით
გახარებული დაეცა მყისვე.
გულიც გაცოცხლდა და ლაღად შეხტა,
მზე ამოვიდა თვალბშიც ისევ.
მოითქვა სული, მაგრამ მაშინვე
სევდის ღრუბელი მოაწვა თვალებს...
„მე ვიცი, შვილო, შენ რაც გაშინებს,
მაგრამ მაგასაც მოგიჩენ მალე.“ —
თქვა და განაგრძო მოხუცმა ისევ:
„მე მივხვდი შენი შეკრთომის მიზეზს.
შენ შეგაძრწუნა გრძნეულის ვნებამ,
მაგრამ, ძვირფასო, მომეცი ნება,
რომ დაგამშვიდო, რადგან სრულიად
ის ამ საქმისთვის უსუსურია.
მას შეუძლია ჩაყლაპოს ქარი,
ისე დაუსტვენს, რომ თვითონ მთვარეც
აცახცახდება. მაგრამ ბუნება
წველა გრძნეულზე უფრო მკაცრია.
ისიც ამაოდ ედიდგულება,
რადგან ცვედანი რაღა კაცია.
რა შეუძლია ჭაღარა ცვედანს
ეჭვის და შურის და ზიზღის გარდა
და ისიც ბრაზით ცახცახებს კართან,
თავის მშვენიერ ტყვეებს რომ ხედავს.
ის არის მხოლოდ მტანჯველი მათი...
მაგრამ, ძვირფასო, ეს ღამეც გადის
და ამ საუბარს ჯობია ძილი,
რომ საბრძოლველად მზად იყო დილით.“

რუსლანი ხავსზე გულაღმა წვება
ჩაფერფლილ ცეცხლთან და ცდილობს ძილში
გადაივიწყოს განცდილი შიში,
მაგრამ რაღაცა არ აძლევს ნებას.
ამაოდ წვალობს, ბორგავს და შფოთავს,
ბოლოს კი ამბობს: „იქნება ვცოდავ.
მაგრამ არაფრით არ მეძინება
და თუკი შენმა გულმაც ინება,
მომეცი ნება, რომ კვლავ აეგუბა
გული და სული შენს ტკბილ საუბარს.
და თუ შემინდობ კადნიერ კითხვას,
ისიც მითხარი, რაც ჯერ არ გითქვამს.
რა გქვია, ვინ ხარ ასე კეთილი,
ან რატომ ხარ გამოკეტილი
ამ ბნელ ღვიმეში. ან უდაბნოში
ვისი ან რისი ნებით აღმოჩნდი“.

★ კლემასანდრ კუმბინი ★ რუსლანი და ლუდმილა ★

ამოიოხრა მოხუცმა მწარედ
 და სთქვა: „არსებობს პირქუში მხარე
 და მას სახელად ჰქვია ფინეთი,
 შორსაა იგი და არც იმედი
 აღარ მაქვს მისი ხელახლა ნახვის,
 იქ იყო ჩემი ზეცაც და სახლიც.
 იქ ფეხშიშველა ვმწყემსავდი ნახირს
 და ჩემი იყო მუხნარის ჩრდილიც
 და ნაკადულიც, სუფთა და გრილი...
 უკან დამსდევდა ქარი მწივანი
 და სიღარიბის ყველა წვრილმანი
 იქ განვიცადე. მიწის ალერსიც
 იქ განვიცადე ყველაზე მეტი.
 მაგრამ ცხოვრება იმ სიწყნარეში
 ძალზე ხანმოკლე აღმოჩნდა ჩემთვის.

ერთ ჩვეულებრივ სოფელში მაშინ
 ცხოვრობდა ნაზი გოგო ნაინი, —
 ვით სიმარტოვის უცხო ყვავილა,
 ოცნებასავით ცხოვრობდა ხალხში.
 და ერთხელ, როცა ისევ მთელი დღით
 მივსდევდი ნახირს და მივდენიდი,
 მიშრიალებდა ჩემს წინ ნაკადი, —
 მე ის დღე ნათლად მახსოვს აქამდის.
 მდინარის პირას იჯდა ლამაზი
 და გვირგვინს წნავდა თვალმშვენიერი.
 ბიძგი ვიგრძენი გულში ძლიერი
 და მოვინდომე მზესთან თამაში.
 ნაინი იყო ის ტურფა ქალი,
 ელარ მოვწყვიტე თავხედი თვალი.
 ფერი არ ჰქონდა მის ხელში ყვავილს
 და სამუდამოდ დავლუბე თავი.
 სამაგიეროდ სულით ვიცანი
 გრძნობა დიადი და საფიცარი.
 სულში გაჩაღდა ვარსკვლავთ კრებული
 და სამუდამოდ დამედო ჯაჭვი:
 სიხარულით და მზით დაწყებული,
 დამთავრებული დარდით და ტანჯვით.

ასე გავიდა წლის ნახევარი.
 ვთვალე წუთები და საათები.
 ვერ მომიჩინდა ტკივილს ვერაეინ
 და მეც გავანდე გულში ნადები.
 მან მოუსმინა ჩემს შემკრთალ ტკივილს,
 მაგრამ ამაყი იყო ბუნებით,
 თავს იღმერთებდა და მითხრა ცივად:
 „მე არ მიყვარხარ, მწყემსო, სრულებით!“

გამიველურა სული წუხილმა,
 წაღმა დაბრუნდა ჩემი ზორბალი.

ველარ მშველოდნენ ძველი მუხები
და ვერც მწყემსური თამაშობანი.
მე გულს მიჭკნობდა სევდის ნაღველი
და გადავწყვიტე, დამეგდო მალე
ჩემი მშობელი კუთხე და მხარე,
მისი მინდვრები და სანახები.
გადამეცურა ზღვათა მორევი,
შემომეკრიფა გარს მეომრები,
შემეკრა რაზმი მძლავრი და ძმური
და მუხთალ ბედთან არდარიდებით
შემემკო თავი გმირის დიდებით
და მომეხიბლა ნაინის გული.
ბევრი აღმოჩნდა ხალხში ჩემფერი,
ხიფათისა და ოქროს მძებნელი.
სისხლმოწყურებულ ხმალთა ქღრიალი
და თავაწყვეტილ ნავის ჭრიალიც
პირველად მაშინ გაისმა ჩვენში.
კვლავ დამიბრუნდა იმედის შუქი.
ავხსენით ლუზა. ჩაგბერეთ ბუკი
და ზღვაც დაგვენებდა ოხვრით და ხვნეშით.
ჩვენ ათი წელი ვიქნით ხმალი,
მტრის სისხლით ვღებეთ თოვლი და წყალი.
ხმა ირხეოდა, რომ ჩემი შიშით
ძრწოდნენ მეფენი ტახტების ჩრდილში.
და ყოყლოჩინა მათი რაზმებიც
თავგზას კარგავდნენ ჩვენთან სავსებით.
ჩვენ კი ვიბრძოდით ლაღად და გულით,
ძღვენსა და ნადაგლს ზუსტად ვიყოფდით,
დამარცხებულებს ვიღებდით ძმურად,
გვერდით ვისვამდით და ვქეიფობდით.
მაგრამ ეს სული, ნაინით სავსე,
ღრეობისა თუ ბრძოლის ღრიალშიც
ჩუმად ნაღვლობდა მშობლიურ ცაზე,
იტანჯებოდა ტრფობის იარით.
და ვთქვი: გვეყოფა, ნულა დავრჩებით,
სხვევსაც ვაკმაროთ სისხლი და შიში
და ჩამოვკიდოთ მძიმე აბჯრები
ჩვენი ქოხების სანატრელ ჩრდილში.
ვთქვი და ამღერდნენ წამსვე ნიჩბები,
წამოიშალნენ ჩემი ბიჭები
და სიხარულით გულდაშხეფილნი
მშობელ ყურეში ლაღად შევეფრინდით.
დასრულდა ბევრი მშფოთვარე ღამე,
სხეული გაძდა გზით და იარით
და პაემანის ნანატრი წამი
ჩემთვისაც დადგა გულის ფრიალით.
სანატრელს ფერხით დავუგდე ხმალი,
რომელსაც ადრე ძვლებზე ვლესავდი,
მივართვი ოქრო, ვერცხლი და ლალი,

★ კლემასანდრ პაუპოინი ★ რუსულანი და ლუდმილა ★

მე კი, სურვილით და ვნებით მთვრალი,
მის წინ ვიდექი მორჩილ ტყვესავით.
შურით დაბერდნენ სოფლის ქალები,
მთლად დაებრიცათ საწყლებს თვალები,
ის კი ამაყი იყო ბუნებით,
დაძლია ყველა ფანდი ცდუნების
და საკუთარი სინათლით სავსემ
ისევ უგულოდ მომიგო ასე:
„მე არ მიყვარხარ, გმირო, სრულებით!“

რუსლან, უცხოა შენთვის ტრფიალი
უარყოფილი და განდევნილი.
ათვალწუნების მკაცრი იარა
სულში ფათურობს ტლანქი ხელივით.
შენ კი ნამდვილად გქონია ბედი:
მასაც უყვარხარ, — რა გინდა მეტი.
მოყოლის თავი აღარ მაქვს, შვილო,
ანდა რა გითხრა მე ამის გარდა.
ახლაც კი, თუმცა ჩრდილი ვარ, ჩრდილი,
უკვე მისული სამარის კართან,
იმ სატანჯველით ვცხოვრობ აქამდის
და როცა წარსულს ვიხსენებ ხოლმე,
ჩემი ცხოვრების დამღლეღს და მომრევს,
წვერებზე დამდის ცრემლის ნაკადი.

მგრამ მისმინე: ჩემს სამშობლოში,
ზღვისა და ქარის ცივ საუფლოში,
მეცნიერება არსებობს ერთი.
იქ მარადიულ სიჩუმეს ერთვის
ტყეთა წყვედიადი, ქარი კი ხენეშის
და ისმის დამბალ ნეშოს სისინი.
კუდიანები ცხოვრობენ ტყეში,
ეუფლებიან სიბრძნეს ისინი.
დაფარფატებენ, როგორც ჩრდილები,
სმენაგახსნილნი და თვალსწრაფები,
და მათ სურვილებს ემორჩილება
გულიც და კუბოც და ყველაფერი.

და უარყოფილ ვნებებით სავსემ
მეც გადავწყვიტე, რომ ჯადოქრობით
გამეხსნა სატრფოს გულის ბოქლომი
და მიმედწია მიზნისთვის ასე.
მეც მივაშურე ტყეების წყვედიადს,
ქვეყნის სულივით ვრცელსა და დიადს.
სხვა ყველაფერზე ავიღე ხელი
და ჯადოქრების კერიის ბოლით
მეც გავიმშურე და ბევრი წელი
ვმეცადინობდი ჯადოქრებს შორის.
და აი, დადგა ნანატრი წამიც,

მკაცრ საიდუმლოს ჩავწვდი ბუნების,
გამომეცვალა ხმაც და გუნებაც,
შევიგრძნე ძალა წყველის და შხამის.
ნაინი უკვე ჩემია, ჩემი!

ასე ვფიქრობდი და გულის ცემით
ჩემს დიდ სიყვარულს ვადგამდი გვირგვინს,
მაგრამ მაცდური აღმოჩნდა იგი.
წამიერ შვებით განათებული
მივინებდი სურვილს მთელი სხეულით,
მაგრამ ნამდვილად გამარჯვებული
კვლავ ბედისწერა იყო, წყვეული.

და ისევ მთვრალი ჩემი ოცნებით,
აღტაცებული განსაცდელ ტრფობით,
ვეძახდი სულელებს და ვერცკი ვგრძნობდი,
რას მიმზადებდნენ ეს შელოცვები.
მე ვბუტბუტებდი ლოცვად ქცეული,
ნამდვილ კუდიანს როგორც შეპყვრის.
მეც ვაგზბდი მკაცრი და მტაცებელი
და ჩერნომორის ძმა, ღირსეული.
მაგრამ ჩავუთქვი ფიქრი თუ არა,
ტყეებს ქუხილმა გადაუარა,
ქარბუქმა მორთო ვაი და ვიში
და ფეხქვეშ მიწაც ათრთოლდა შიშით,
ვაჩნდა გრივალის, ზღვებზე ნარბენი,
და დამისკუბდა წინ დედაბერი.
ძლივს უფარავდა ტანს ძონძეული,
თვითონაც ლანდად იყო ქცეული,
ზურგზე მოეგდო ვეება კუში,
ცივი თვალებით ჩამხედა სულში.
შიშის მომგვრელი იყო სურათი,
მეც უკვე სიმწრის ოფლში ვცურავდი.
და ვაცეცხვდი თვალს აქეთ-იქით, —
ნაინი იყო, რაინდო, იგი.

ისევ გამეფდა სულში წყვდიადი,
ავთრთოლდი, როგორც ქარში ფურცელი,
თან არ მჯეროდა, როცა ვუსტქერდი,
მერე ავტირდი და ავღრიალდი.
ო, ნუთუ შენ ხარ ჩემი ნაინი,
მიუწვდომელი და მშვენიერი!
რომელმა ძალამ ან რანაირად
დაგიმახინჯა ასე იერი.
ნუთუ ამდენი წელი გავიდა,
რაც ამოვიგდე შფოთი თავიდან
და ჩემი ვნების უარმყოფელი
დავტოვე სატრფო, მზე და სოფელი.
„ბევრიო?... თუმცა ადვილად ითქმის,
უკვე ორმოცი წელია თითქმის“, —
თქვა დედაბერმა ღვარძლით და გესლით, —

„სამოცდაათი წლისა ხარ, გესმის?
ასე ერთბაშად გაფრინდნენ წლები,
ჩამოჰკენენ ჩვენი გაზაფხულები
და ჩვენც დავბერდით ბუნების ნებით,
მაგრამ არ ვდარდობ მაინც სრულებით.
მე, რა თქმა უნდა, ის აღარა ვარ,
შენ ვისი ჩრდილიც ვედგა კარავად.
ის აღარა მაქვს, რაც ადრე მქონდა
და კუზიანიც ვარ, ალბათ, ოდნავ.
მე აღარ შემჩრა უცხო თვალისთვის
არც სილამაზე და არც ხალისი.
სამაგიეროდ, უჩუმრა გეტყვი,
კუდიანი ვარ, წყვდიადის ეტლი!“

და ასეც იყო, რად გინდა ფიცი,
მხოლოდ სიკვდილის ვიყავ მსურველი
და მთელი ჩემი ჭკვითა და სიბრძნით
მის წინ ვიდექი, როგორც სულელი.

და რატომ მოხდა, ახლაც არ ვიცი,
მისნობამ მაინც შეძლო თავისი.
სულ არ გამეგო იგი ნეტავი,
რადგან ჭაღარა ღვთაება უკვე
ვნებით აღვსილი იყო ჩემდამი
და მიშტერებდა გაყინულ გუგებს
ხმაგათოშილი სამარის თოვლით,
მეფიცებოდა სიყვარულს თრთოლვით,
მე კი ვიდექი გაოგნებული,
სულს მიკაწრავდა ხრინწი ბებრული,
კალთას მიჭერდა ხმელი ხელებით
და თან თავისას ფქვავდა ხველებით:
„პირველად ახლა ვიგრძენი გული,
ჩემო ერთგულო, და მწამს, რომ ისიც
სიყვარულისთვის ფეთქავს და იცის
ტრფიალის ფასი და ტრფობის წყლული
მასაც აწვება, ვით მძიმე ლოდი.
მიშველე, ჩემო ძვირფასო, მოდი!“
გადმომიშალა გულში ნადები,
ჩამომახია ჯუბის კალთები
და თან, მიწიერ აღერსს უჩვევი,
კოცნას ცდილობდა მყრალი ტუჩებით.
შიშმა დამიხშო სმენაც და თვალიც,
გულში გამიჭრა იმედის კვალი
და რომ ვერ შევძელ მეტის ატანა
გამოვექეცი ბებერ სატანას.
გამომეკიდა ფეხდაფეხ ისიც,
ქვეყანა შესძრა წყევლით და რისხვით:
„პოი, უღირსო, მიჯნურად გთვლიდი,
შენ შემინფოთე სამყარო მშვიდი,

შენ შეაშფოთე ჩემი სანთელი
და სიქალწულის ზეცაც ნათელი.
გაზიდე ჩემი სულის მადანი
და ახლა ვნების ქარით ნაცემი
აღარ გინდივარ? — აი, კაცები,
ღალატით სუნთქავს ყველა მათგანი.
შენ შემაცდინე უმანკო კრავი
და მეც შენს ნებას მივანდე თავი.
მაგრამ აქამდე თუ მაწვალებდი,
ახლა მიფრთხილდი! ქურდო ქალების!”

ასე დავშორდით და იმის მერე
ვცხოვრობ ამ მტანჯველ სიმარტოვეში
და ამქვეყნიურ ხმეზსა და ფერებს
დიდი ხანია უკვე მოვეშვი.
უკვე მეძახის ჩემი საფლავიც,
მთავრდება ჩემი მწარე ამბავიც.
მაგრამ დედაბერს იმ ძველი გრძნობის
სულში აქამდე შემორჩა კვალი
და სიყვარულის ნათელი ალი
ბოლოს შეცვალა ზიზლით და მტრობით.
შენც მოერიდე იმ გრძნეულს ყველგან
და მეტს, ძვირფასო, ნურაფერს მკითხავ.
წუხილიც წავა როდისმე ჩვენგან,
ქვეყნად წუხილიც არ რჩება დიდხანს.“

ჩვენი რაინდი ისმენდა ხარბად
კეთილ მოხუცის მწუხარე ამბავს.
არ აშორებდა თვალებს შუქიანს
და ღამის წასვლა არც გაუგია.
და აი, ისევ ბრჭყვიალებს დილა,
მზეც ამოსულა და უკვე თბილა,
მთლად გამოცვლილა ქვეყნის იერი...
რაინდიც ადგა და მადლიერი
მოხუც ჯადოქარს გადაეხვია.
მერე უნაგირს, მკერივს და კეხიანს,
მოახტა სწრაფად და დაუსტვინა
და ცხენიც თითქოს პატრონს უცდიდა,
ჭენებ-ჭენებით გავიდა ველზე,
მზემ კი სხივები ჩაკიდა დეზებს
და წამოწია თავი ბექობმა,
ხოლო მოხუცმა ჭაბუკ მეგობარს
ხმა დაადევნა: „გზა მშვიდობისა!
შენი სიმართლე ატარე ფარად
და შენი ცოლი გიყვარდეს მარად.“

თარგმანა ოთარ ჭილაძემ



ვახუჟაძის პერიოდი

წლების საბაზისობა

„თანამედროვე ქართული პოეზიის ბიბლიოთეკის“ სერიას შეემატა ხუტა ბერულავას ლექსების წიგნი „ეს ოცი წელი...“ წიგნში თვალნათლივ აისახა ის დაძაბული და ნაყოფიერი შემოქმედებითი მუშაობა, რასაც პოეტი ორი ათწლეული წლის მანძილზე ეწევა.

დაუვიწყარია ის პირველი თრთოლვა და აღმაფრენა, როცა მეოცნებე ჰაბუკი ყველაზე ძვირფას ფიქრებს „თავის დელას“ — პოეზიას გაანდობს. სიჭაბუკეში ბევრს გამოუხატავს თავისი განცდები ლექსად, მაგრამ შემდეგ მათ ეს ამბავი ან სრულიად ავიწყდებათ. ან ნაკლებად აღელვებთ. ეს პირველი შთაბეჭდილება მხოლოდ ნამდვილ პოეტს არ უნელდება და მის სულში ანთებული პოეზიის ცეცხლი სიკვდილამდე არ ქრება.

სიყვარულით და გატაცებით იხსენებს ხუტა ბერულავა იმ ძვირფას წუთებს, რაც მას პირველი ლექსის დაბადებამ, ოცნების პირველმა ფრთამსხმამ განაცდევინა („ეს ოცი წელი და გაოცება“). ამ ლექსში ხუტა ბერულავა ერთგვარად აჯამებს და გონების თვალით ზომავს განვლილ პერიოდს. პოეზიაზე

ფიქრს შეუძრავს პოეტის მთელი არსება; პოეზია მას ია-ვარდებით მოფენილ გზად როდი ესახება:

არა მაქვს ძილი, მყუდრო და მშვიდი,
რაც დაიბადე ჩემდა მტანჯველად.

ამ სტრიქონების დამწერმა კარგად იცის — ეს ტანჯვა ერთადერთი გზა არის ხელოვნებაში და ნამდვილი ხელოვანისათვის ამ ტანჯვაზე დიდი ნეტარება არ არსებობს. პოეზია რწმენა, სიმართლე და სიტყვის უერთგულესი სამსახურია. მისი ღალატი ისევე არ შეიძლება, როგორც რწმენას და სიმართლეს ვერ უღალატებ. და პოეტიც ერთგულად, თავდადებით ემსახურება ამ ზეგარდმო ნიჭს, ამ ყოვლისშემძლე ძალას.

• და ბრწყინავ, ბრწყინავ, როგორც შუქურა,
და ნიშანს მაძლევ: იარე ჩქარა,
არ მოგადუნოს ზღვათა გუგუნმა,
გზათა სიშორემ, მრისხანე ქარმა!

არა და არა! მე ისევ მე ვარ
და არასოდეს არ შევიცვლები.
გულის ჩემის და პლანეტის რყევას
ავიტან, დედის ხმას გეფიცები!

ჩემი სიზმრებით, ჩემი ფიქრებით,
ვით ეს მაისი და გოცნება,
შენთან ვიქნები, ჩემთან იქნები,
პირველ ცეცხლს, წვავ და ოცნება!

ბავშვობის შთაბეჭდილებები, ბავშვობაში ნანახი და განცდილი სამუდამოდ რჩება ადამიანის მეხსიერებაში. სწორედ ბავშვობის შთაბეჭდილებათა მძლავრი ნაკადის გავლენით არის დაწერილი ხუტა ბერულავას ერთ-ერთი საუკეთესო ლექსი „კოლხური მელოდიები“. ამ შთაბეჭდილებებმა პოეტს ბიჭი მისცა ლექსში გაეცოცხლებინა კოლხეთის მომხიბლავი მშვენიერება, განუმეორებელი კოლორიტი, რითაც ძველთაგანვე გამოირჩეოდა საქართველოს ეს ლეგენდარული კუთხე; წლების შემდეგ დავაჟაკებული პოეტი მამისეულ კერას მონახულებს. მისთვის აქ ყველაფერი უსაზღვროდ საყვარელი და ნაცნობია, ესმის მშობელი მიწის ძახილი, გრძნობს შორეული წინაპრის ფესვს, მის გულში ოდესღაც გაგონილი კოლხური სიმღერის ჰანგები ჟღერენ:

ვარ გათანგული ნაცნობ მოტივით,
როგორც ვარშემო ბუნება მთელი,
და ენგურს მისი მცირე ტოტივით
ჩემს თვალწინ ერთვის სიმღერა ძველი.

აი, ეს ხმა ყველაზე ადრე
რომ დამათიცა რუსთველის ენა,
უკვდავი სიტყვის მასწავლა ყადრი
და მომანიჭა სიცოცხლის რწმენა.

აი, ეს არის, ყველაზე მეტად
მე საქართველო რომ შემაყვარა,
რომ შემაყვარა მშობელი დედა
და ყველა დედის წმინდა ჰალარა.

ეს უბრალო და მღელვარე პოეტური აღსარება ყველა მაღალფარდოვან ფრაზაზე უკეთ გამოხატავს სამშობლოს საყვარულს, მისთვის თავდადების უკვდავ გრძნობას.

„კოლხური მელოდიებს“ ენათესავება (ოლონდ უფრო კონკრეტულ მასალაზე და განსხვავებული მეტრით არის დაწერილი) გამჭვირვალე და მეტად მუსიკალური ლექსი „ქარიატა“. აქაც გად-

მოცემულია მონატრებულ მშობლიურ სოფელში ჩასვლა. ყოველ სტრიქონში სითბო და უნაზესი საყვარელი გამტრის, იგრძნობა სევდა შეუმჩნეველად გამქრალ ყრმობის წლებზე, პირველ გატაცებაზე:

აწ სად უსმენს ხეთა შრიას ის ცქრიალა გოგო?
ხოშია თუ ხეთაშია ის ცქრიალა გოგო?

ეს ჰაეროვნება და მიმზიდველი პოეტური თქმები ლექსს თავიდან ბოლომდე გასდევს. ლექსის ნახევარი მოგონებებს, ძველ შთაბეჭდილებათა აღდგენას ეთმობა, ხოლო შუა ნაწილიდან ცოცხალი შთაბეჭდილებები, გარემოს ახლად აღქმა იწყება. პოეტი მშობლიური სოფლის მიწაზე დგამს ფეხს და მისი თვალი ყოველ უმნიშვნელო ცვლილებასაც კი უმაღლეს აჩნევს. მის გულში ოდნავაც არ განელებულა აქაურობის საყვარელი. ამ საყვარულს, ბავშვობის წმინდა მოგონებებს პოეტი ყრმობის წინადაც კინძავს:

მე კი როდი შევიცვალე დროის მღელვარე ქარში,
და ისევე ყმაწვილი ვარ, როგორც ვიყავ მაშინ.

ისეთივე მეოცნებე და ამაყი დავრჩი,
ისევ გაუტყუელი ვარ ავდარში თუ დარში.

წლები, როგორც მეგობრები, მახვევიან ირგვლივ,
მათს ჩურჩულში იბადება ჩემი ყრმობის წიგნი.

და ამ წიგნში, როგორც სხივი, ეს მიდამოც შედის,
როგორც ერთი მოწაწილე ჩემი ნათელ ბედის...

ხუტა ბერულავას ლექსებში უმთავრესად გაზაფხულის ფერები სჭარბობს. ეს ბუნებრივიც არის პოეტისთვის, ვინც მთელი არსებით და გატაცებით უმღე-

ემზარ კვიტიციანი
წლების სამახსოვროდ

რის მიწიერ სილამაზეს, სიცოცხლის მარადიულობას.

„დაფარული აზრი გაზაფხულისა მხოლოდ და მხოლოდ გაგრძობაა სიცოცხლისა“, — წერდა ვაჟა-ფშაველა და ამ ცხოველმყოფელ აზრს მთელ თავის შემოქმედებაში ატარებდა.

„მიწის პოეზია არასდროს არ კვდება“, — ასე იწყება ჯ. კიტსის ერთ-ერთი ცნობილი სონეტი. ეს და მომდევნო სტრიქონები გამოხატავს დედამიწაზე სიცოცხლის მარადიულობას. სიცოცხლის ჰიმნს ბუნება ყველაზე ხშივრად გაზაფხულზე ამბობს, ამბობს ყოველთვის განსხვავებულად. განახლებული ძალითა და ფერებით. სწორედ ამ სილამაზეს მოუჯადოვებია და განუცვიფრებია ავტორი:

შარშანდელს არ ჰგავს ამ ბრილა აპრილის
სუნთქვა,
არ იმეორებს, რაც ოდესმე თვითონვე
უთქვამს.

არც ერთი ბგერა გავიწილი და შარშანდელი,
მინც სადა აქვს ამ დალოცვილს ძალა
ამდენი!

აქვე უნდა ითქვას, რომ პოეტს განყენებულად არ იზიდავს და ადღეღვებს ბუნება, წარმტაცი პეიზაჟი. როგორც იტყვიან, იგი არ არის სილამაზის პასიური მკვრეტელი. ხუტა ბერულავას ლექსებში ბუნება ყოველთვის ადამიანთან არის დაკავშირებული. ადამიანი ავსებს და ამშვენიერებს ბუნებას. იგი მისი ღვიძლი შვილი და გარდამქმნელია.

ყველა ჩვენგანს ეამაყება ჩვენი სამშობლოს წარსული და დღევანდელი დღე. განსაკუთრებით გვსიამოვნებს, როცა საქართველოში სტუმრად ჩამოსული მოკეთე აღტაცებული რჩება მისი სილამაზით. ამ კარგ გრძნობაზე ხუტა ბერულავას რამდენიმე ლექსი დაუწერია. მათგან აღსანიშნავია: „ფასანაური, მაისის ღამე“. ლექსი მიძღვნილია საქართველოში სტუმრად ჩამოსული ლიტველი მეგობრებისადმი. სტუმრები მოხიბლა ჩვენი სამშობლოს

ერთ-ერთი ულამაზესი და მეტად თავისებური ადგილის ნახვამ. მასპინძელმა გულსა და გონებაში სამუდამოდ აღბეჭდილა ლიტველებთან გატარებული ეს დღე და ამ დღის განუმეორებელი სილამაზე ლექსად გადმოუცია. დიდი ადამიანური სიყვარული, შთაგონება და ხალხთა ურღვევი მეგობრობა ათქმევიწინებს პოეტს:

წავა დღეების თამამი წყება
და შეიცვლება მრავალი რამე,
მაგრამ არასდროს დამავიწყდება:
ფასანაური, მაისის ღამე...

დღიდან პოეზიის გაჩენისა უამრავი ლექსი დაწერილა საყვარელ არსებაზე, ეს თემა მთავარი და მამოძრავებელია ყველა შემოქმედისათვის. ქართული პოეზია გულუხვად უხდის ხარკს ამ უწმინდეს და უჟკდავ გრძნობას. ასეთი ხასიათის ლექსებიდან განსახილველ წიგნში განსაკუთრებით ერთმა მიიქცია ჩვენი ყურადღება. ამ ლექსში კარგად არის შეხამებული რაინდული თავდაპყრილობა და სატრფოს შორს ყოფნით გამოწვეული ოდნავ სევდანარევი ტონი:

მინდა შევიძიო თმები გვირილით,
მაგრამ შორსა ხარ ჩემგან ძალიან.
ჩემი სიცილი, ჩემი ტირილი —
იცოდეს ყველამ — შენი ბრალა.

ცხოვრება მიჰქრის ქარიშხალივით
და ჩემთვის თითქოს არა სცალია...
მკვია მდიდარი? მკვია ღარიბი?
მიზეზი შენ ხარ, შენი ბრალა.

ზოგჯერ ხელიდან ისე მეცლება,
მინდა შევიკრა ოქროს ვალია,
მე თუ ვმალდები, მე თუ ვეცემი,
განა არა გრძნობ, შენი ბრალა.

გადაუარეს ბაღებს ქარებმა,
და ჩემს წინ ისევ ქარიშხალია...
ჩემი სიმშვიდეც და მღელვარებაც
მხოლოდ და მხოლოდ შენი ბრალა!

არც ერთი არაჩვეულებრივი სახე თუ მოულოდნელი შედარება ამ ლექსში არ არის. იგი აგებულია პოეზიის უძველეს და მარად მოუძველებელ ხერხ-



ზე — კონტრასტზე და თითქოს ერთი ამოსუნთქვით არის დაწერილი. ერთი შეხედვით მოჩვენებითი მონოტონურობა ნაწარმოებს უაღრესად ექსპრესიულს ხდის; აღმავალი რიტმი ბოლო სტროფში უმაღლეს წერტილს აღწევს და ეფექტიც სასურველი იქნება. ლექსში ერთი მთავარი აზრი და განწყობილება არის გაბატონებული — პოეტი შორიდან ეთაყვანება და ოდნავ საგრძნობი საყვედურით გულს უხსნის იმ ადამიანს, ვინც მის ცხოვრებას შინაარსს და სილამაზეს აძლევს.

ხუტა ბერულავა რამდენიმე ცნობილი ეპიური ნაწარმოების ავტორია („რუსული გული“, „სიმღერა ვარსკვლავებზე“). მაგრამ იგი მცირე ზომის ლირიული ლექსების შესანიშნავი ოსტატიც არის. წიგნში მრავალი ასეთი ლექსი გვხვდება. ერთი მათგანი პოეტს ნაცნობ ქალიშვილზე დაუწერია, ვისი ბავშვობაც თვალსა და ხელს შუა გაპარულა და ვისი სუფთა გულიც სასიყვარულოდ გაშლილა. თუმცა ავტორი გმირის გარეგნობაზე ერთი სიტყუიაც არ მიგვანიშნებს, მაგრამ ჩვენ თვალწინ გვიდგას მეოცნებე ქალიშვილი, აღრიანი გაზაფხულის დღესავით რომ ეცვლება გუნება:

შენი ბავშვობა ჩემად წავიდა
(ასე კაცს ხელში თოვლი ადნება),
და შენ ბავშვობას იწყებ თავიდან,
როდესაც ვინმე შეგიყვარდება.

შენი ბავშვობა ჩემად წავიდა,
არ დავანებეს ცრემლი დარდებმა,
და შენ ტირილსაც იწყებ თავიდან,
როდესაც ვინმე შეგიყვარდება.

იმდენად სადა, თავისუფალი და მელიოდითურია ეს პატარა ლექსი, რომ იგი სასიამოვნო ლირიული სიმღერის მთაბეჭდილებას ახდენს.

აღსანიშნავია ხუტა ბერულავას ერთი უსათაურო ლექსი („კაცი ხანდახან ბურუსში მიდის“), სადაც ავტორი კონკრეტული მაგალითით მიუთითებს პოეტის, ხელოვანის როლსა და დანიშნულებას; ზოგჯერ ადამიანს გაურკვეველი სევდა შემოაწვება, წამით მის გონებას ბინდი ეკვრება, წამით შეიძლება

ცხოვრების აზრიც ვერ დაინახოს და ნაბიჯის გადადგმა გაუჭირდეს. სწორედ აქ უნდა გამოჩნდეს ხელოვანი, პოეტი, გაფანტოს წამიერი ბურუსი და საკუთარი გულის შუქით გზა გაუნათოს მოძმეს. ლექსში ეს მომენტი თვალსაჩინო მხატვრული დამაჯერებლობით არის გადმოცემული:

თითქოს დაეხშო სამშვოს კარი,
თითქოს მის ბარბაცს ქვეყანა ხელავს,
წამით არ ემის სიცოცხლის ზარის
და ნაფოტივით მიჰყვება სევდას...

კაცი ხანდახან ბურუსში მიდის,
როგორც იტყვიან, ხელის ფათურით,
სადა ხარ მამინ, რომ გასჭრა ბინდი
და წინ წარუძღვე, ვით სანათური.

პუმანიშვილის სულისკვეთებით გამოთბარ ამ ლექსში ჩანს ჩვენი ხალხის, ჩვენი საზოგადოების უმაღლესი მორალური პრინციპი: ადამიანი ადამიანის ძმა და მეგობარია.

მდიდარი და მრავალფეროვანია ხუტა ბერულავას პოეზიის თემატიკა, მისი პოეტური სამყარო; პოეტი ხან ხეესურ მელექსეებს ეჯიბრება კავიის თქმაში, ხანაც საინგილოს გზაზე მომხრიალე კაკლის ხეებს ებაახება მინდიასავით, ტრიალ მინდორზე გმირულად დაცემული უცნობი მეომრის აღსარებას ისმენს და კიდევ ერთხელ რწმუნდება, თუ რამ გადაარჩინა მისი სამშობლო, მადლობას სწირავს „დავითიანის“ გადამრჩენელს და სანთელივით უნთებს ლექსს თავისი დიდი წინაპრის — ანთიმოზ ივერიელის ხსოვნას. აქვე ვხვდავთ ცოტნე დადიანისა და პეტრე ბაგრატიონის გოლიათურ აჩრდილებს — გმირობის და ვაჟკაცობის სიმბოლოდ რომ გვესახებოან. ყველაზე გატაცებით ხუტა ბერულავა ჩვენს თანამედროვეობას უმღერის. იგი „ამ ცხოვრების მემატიაენა“.

სამშობლოს სახელოვანი წარსული, მისი ბედნიერი დღევანდელი დღე და ნათელი მომავალი იმთავითვე იქცა ხუ-

ემზარ კვიტიანიშვილი
წლების სამახსოვროდ

ტა ბერულავას შემოქმედების ორგანიზაციის მიხედვით. მისი ლექსებში ყოველთვის მძლავრი იყო და არის პატრიოტული ნაკადი, ურომლისოდაც ნამდვილი პოეზია არ არსებობს.

შეუძლებელია არ გადმოგედოთ დიდი შინაგანი მღელვარება და სულიერი სითბო, როცა სამშობლოს სიყვარულით განათებულ სტრიქონებს კითხულობთ:

შენი სიცოცხლე შორით იწყება,
შორიდან მოჩანს სიმაღლეც შენი,
შენ არაფერი არ გავიწყდება
და ყოველივე კეთილი გშვენის.

ღღებები ღღებებს, ლოდები ლოდებს,
ომები ომებს ეჯახებოდნენ,
სულს მოითქვამდი დალილი ოდეს,
შენი ღროშები ზეცას წვდებოდნენ.

არა ცხრებოდნენ შენი ფიქრები,
ხან გამხელილნი, ხანაც უთქმელნი,
იბადებოდნენ ბრძენი წიგნები,
მწველი პანგები და ჩუქურთმები.

ცეცხლში, გრივალში და სისხლისღვრაში
იფრებოდა შენი სახელი,
ცის კაბადონზე, როგორც რიყრაყი,
იწერებოდა შენი სახელი.

პოეტს ეამაყება, რომ მისი სამშობლო უმარავ განსაცდელს გადაურჩა, რომ საუკუნეთა ქართველობაში საქართველოს სახელი არ წაიშალა — ჩვენი უძველესი ერი მძლავრად დგას ფეხზე და მოძმე ხალხების მხარდამხარ კაცობრიობის დიად მომავალს აშენებს.

პოეტის სიტყვას, ძალასა და ფერს ხალხის სიყვარული აძლევს; ვინც მხოლოდ საკუთარ თავში ჩაიკეტება, ვინც ხალხის სათქმელს ვერ იტყვის, მას მალე დაფარავს დავიწყების მტვერი. პოეტი მთელი არსებით ხალხთან არის დაკავშირებული, თვითეული ადამიანის ტკივილსა და სიხარულს განიცდის; იცის, რით სუნთქავს და არსებობს მისი მშობელი ერი. ამ დიდი მოქალაქეობრივი შეგნებითა და პათოსით არის გამსჭვალული ხუტა ბერულავას ლექსი „ასე სრულიად საქართველოში“. ლექსის დასაწყისში პოეტი სიყვარულით ახსენებს სხვადასხვა პროფესიის მქონე

და სხვადასხვა კუთხეში მცხოვრებ თანამემამულეებს, გვიხატავს ვაჭარების ცოცხალ სურათებს. ჩვენ ვგრძნობთ, რაოდენ ძვირფასი და ახლობელია მისთვის ეს ხალხი:

ასე, მამულის ყოველ კუთხეში,
მე ძმათა ჩემთა ძახილი მესმის,
ჩემი იმედის, ჩემი ნუგავის
და შთაგონების რომ არის ფესვი.

ვერ გავიხარებ, ვერ გავნათლები,
ვეღარ ვიცოცხლებ მშვიდად უმათოდ,
თუ ვერ ვიგრძენი მათი სათქმელი,
ქვეყანას თვალი ვით გავუმართო!

ყველა მათგანი არის ნაცნობი,
ყველას შეგხარი, ვეალერსები
ჩემი სიცოცხლით, ჩემი კაცობით
და შვილებივით ვაზრდილ ლექსებით!

სიყვარულსა და მეგობრობაზე, სიცოცხლის მარადიულობაზე არის დაწერილი კრებულის ყველაზე ვრცელი ნაწარმოები — „თეთრი ლექსი“. თავისი აღნაგობით იგი ლირიული პოემა უფროა. „თეთრ ლექსში“ ჩვენი ყურადღება განსაკუთრებით ერთმა ადგილმა მიიქცია. აქ დახატულია არნახული სილამაზის ქართული ქალიშვილი — უბერებელი, უჭკნობი მშვენება, რაც, ვფიქრობთ, მარადქალურობის პრობლემის — ხელოვნების ამ მარადიული და ურთულესი თემის საინტერესო გამოძახილია. ნაწარმოებში გამოყვანილი შეუდარებელი გარეგნობის ქართველი პირიზე გვესახება, როგორც მთელი ერის სულიერი სილამაზისა და უკვდავების სიმბოლო.

...ცხოვრობს ამქვეყნად ერთი პირიზე,
ჩვენი პლანეტის ვარსკვლავთა შორის,
ვით ნატერისთვალი ქართველ ასულთა
და დედოფალი სილამაზისა.
წლები მიჰქრიათ შეუჩერებლად,
ვით ნიღვრები მიეგზს მოსხლეთილნი,
და მათი სრბოლის მსახვრალი ხელი
ვერაფერს აკლებს მშვენებას მისას.

დასასრულ მოკლედ ვიტყვი პოეტის წერის თავისებურებებზე. როგორც არაერთხელ აღუნიშნავთ, ხუტა ბერულავას ლექსი კლასიკურ ნორმებს მის-

დევს. მის პოეზიაში თვალნათლივ ჩანს ფორმისა და შინაარსის სრული ჰარმონია. პოეტი არსად არ ჩრდილავს და არ ამძიმებს მთავარ აზრს მეორეხარისხოვანი დეტალებით. მისი სახეები ყოველთვის საჭირო, ზუსტი და ნათელია. მაგალითად, თოვლზე არაერთი ბრწყინვალე ლექსი დაწერილა, არაერთი დაუვიწყარი სახე შეუქმნიათ. სულ სხვა თვლით დანახა და დახატა ბუნების ეს მოვლენა ხუტა ბერულავამ. პირველი თოვლის მომხიბლაობა და სისპეტაკე პოეტმა დიდი ოსტატობით გადმოსცა:

და იყო ისე თეთრი, კრიალა,
რომ ზედ რჩებოდა გამვლელთა ჩრდილი.

ამ სურათით გაცოცხლებულია ზამთრის წყნარი დღე; ფერმიხდილი, ძალაგამოლეული მზე ანათებს ქათქათა თოვლით დაფარულ ნაცნობ ქუჩას, სადაც ხანდახან გამვლელთა სილუეტები გაივლებენ.

ილია ჭავჭავაძეზე დაწერილ ლექსში ხუტა ბერულავას ერთი მეტად მოხდენილი თქმა აქვს:

ასე ებრძოლი ცხოვრების ივავს
ყვარლის მთებიდან წიწამურამდე.

ამ ორ სტრიქონში პოეტს სიპზოლოურად მოუქცევია დიდი ილიას სახელოვანი ცხოვრების გზა — დაბადებიდან მის ტრაგიკულად დაღუპვამდე.

ზემოთ მოყვანილი ორიოდე მაგალი-

თიდანაც ჩანს, თუ რა ზომიერებას და სიზუსტეს იჩენს ხუტა ბერულავა ტური სახის აგების დროს.

ნოვატორულად, შემოქმედებათად უდგება ხუტა ბერულავა ქართული ლექსის ისეთ მნიშვნელოვან კოჰპონენტს, როგორც არის რითმა. მისი რითმების უდიდესი ნაწილი აზრობრივია — პოეტს თითქმის ყველგან დაძლეული აქვს გრამატიკული ერთგვაროვნება. ამ წიგნში ნახმარი ზოგიერთი რითმა თამამად შეიძლება მივიჩნიოთ ჩვენი დღევანდელი სალექსო ტექნიკის მიღწევად. კერძოდ, ბგერითი შედგენილობითა და ოსტატობით დღევანდელ ქართულ პოეზიაში სამაგალითოდ და საუკეთესოდ ასეთი სარითმო წყვილულები: ოქროპირს — ბობოქრობის, იფანთა — იფანდა, ნაოცნებარი — საოცრებანი და სხვ. ზოგჯერ ხუტა ბერულავა არათანაბარმარცვლიან სიტყვებს რითმავს (ვიდრე — მომერიდე, ბურჯი — გადავურჩით). მაგრამ მუსიკალობა ყველგან ცაყულია.

ლექსების წიგნი „ეს ოცი წელი...“ სტილისტური მთლიანობითა და თემატური მრავალფეროვნებით გამოირჩევა. ხუტა ბერულავა ამჟამად შემოქმედებითი სიმწიფის გზაზე დგას. მას კიდევ ბევრჯერ მოელის ლექსებით მონიჭებული სიხარული, იმ ლექსებით, წლების სამახსოვროდ რომ რჩება პოეტს.

ემზარ კვიციანი
წლების სამახსოვროდ



ლიბიჯი ქაშისპილი

ერთი კოვზი კუპრი

მამია ვარშანიძის პირველი ლექსები ამ ოცდაათი წლის წინათ დაიბეჭდა, რის შემდეგაც იგი აქტიურად მონაწილეობს ლიტერატურულ ცხოვრებაში. 1962 წელს ბათუმის „სახელმწიფო გამომცემლობამ“ გამოსცა პოეტის ლექსების ახალი კრებული „ქუქუნა წვიმა“.

კრებულში დაბეჭდილი ლექსები თემატურად მრავალფეროვანია, პოეტს თემის მიგნებისა და გადმოცემის თავისებური, ორიგინალური მანერა ახასიათებს, მისი ბევრი ლექსი მკვეთრი ინდივიდუალობით არის აღბეჭდილი, მაგრამ ჩვენი შენიშვნა მამია ვარშანიძის ლექსების კრებულის ერთ დამახასიათებელ თვისებას შეეხება, რადგან ეს თვისება, უფრო სწორედ ნაკლი, რამდენადმე განსაზღვრავს მთელი კრებულის შინაარსსა და შემეცნებით ღირებულებას.

მამია ვარშანიძის ამ წიგნში მრავალი ისეთი ლქსია, რომლებშიც ლაპარაკია ღმერთზე, ანგელოსზე, სანთელზე, კელაპტარზე, ხატებზე, ჯვრებზე და წმინდანებზე. ბევრი ლექსი ღვთისადმი სა-

სოებით მიმართული ლოცვა-ვედრებაა. ჩვენის აზრით, კრებულში ძალზე ხშირადაა ნახსენები ღმერთი და ანგელოსი. მოვიყვანოთ რამდენიმე მაგალითი. ლექსში „შენი წერილებიდან“ ასეთ სტრიქონებს ვკითხულობთ:

ღმერთო, შემინდე, თუ ლაფიან ბილიკს
ვეფარე...
შენ გაიხარე, შენ გწყალობდეს მალაღი
ღმერთი...
და თუ ასეა, ღმერთო, შემინდე!...

ლექსში „ჩემო ლამაზო, თოვლი მოვიდა...“ ასეთ სტროფს ვხვდებით:

შენ მის წინაშე ხელებს აღაპყრობ,
ილოცავ, ვითარც წმინდა მორწმუნე,
ამოიგმინებ, ჰოი აღარ არს,
ღმერთოო, მისი ხილვა მომწყურდა!

ლექსში „ქუქუნა წვიმა“ ასე მიმართავს პოეტი ღმერთს:

შენ დამიფარე, დიდო უფალო!

ერთ-ერთ თსათაურო ლექსში მამია ვარშანიძე კვლავ ღმერთს მიმართავს:

წავალ, ჩამოვხვე სუდარის ლანდესს,
ღმერთო, მშველელის ძალა მიბოძე!



მაგრამ პოეტი თავისი რელიგიური მრწამსის გამომჟღავნებისას არ არის ბოლომდე თანმიმდევარი. ზოგიერთ ლექსში მერყეობა იგრძნობა. მაგალითად, იგი წერს:

მე აქ რა მინდა არამორწმუნეს
და ქრისტესავით რომ ვარ ჯვარცმული?
ვაიმე, შენი ნახვა მომწყურდა,
ხე ვარ გრივალთ შემოძარცველი.

დაფიქრებული ჩუმაღ მოვედი,
კარებთან დგანან აბეზარები.
და მათი მუკი მალიზიანებს.
რეკენ ზარები, წმინდა ზარები.
ზართა ზრიალში მე სულს ვიმშვიდებ...
ო. სულო ნახო, არ შემიშინდე!

მე აქ ავანთე წმინდა სანთელი,
შენთვის უძილოდ აქვე გავათვე.
ხატებს გავანდე ჩემი სათქმელი,
მე ხეაშიაი ხატებს გავანდე.
სული მაქვს შენთვის უფაქიზესი,
სული მაქვს შენთვის ამაღლებული,
ვინ მომივლინოს წამი უტკბესი,
რამ დამამშვიდოს აღელვებული.
მე ფეხაკრეფთ შევიპარებო,
შევიპარებო ნახად ხატებთან,
ვით გაიხსნება სულის კარები,
გზნება ზაფხულის მოემატება.
მე განა ხატებს მოვეფერები,
შენ გელოდები, აბა, რა მინდა,
ვითარც ეკლებზე დავირეკები,
ჰეი, სადა ხარ?! უკვე დაბინდა.

ასეთსავე ექსტაზს განიცდის მამია ვარშანიძე ლექსში „უცებ საიდან შემომეფეთე?“

აღდგომა... სანთლებს ანთებენ დიდ-დიდს.
ვინ ქრისტეს, ვინ ხატს აკოცა გზნებით,
ო, ღმერთო, ღმერთო. მე შენი ბედი
აღრე გავკვეთე... დავგმე ის გზები.
მამ რად მოვედი?! მოვედი ისე,
ჩაცეკერი ხატებს, ცქრიალა ხატებს.
იმ ხატს თვალებით მე ჩავეფისე (!)
ეხატე და ვხატე...

შემდეგ პოეტი წერს:

მე ვარ უფალი, მე ვარ ხელმწიფე,
აბა, ვინ არის აქ ჩემი ტოლი?!

შენ სიყვარულს გენაცვალე,
ვერ დამიშლის ღმერთიც!

მორევში რად შემიტყუე

ნ:

და ერთად ღმერთსაც შევეკიდებით.

შენც ჩემთან წამო

ცოტა არ იყოს უხერხულიც კია,
რომ სერიოზულად გვიხდება ლაპარაკი
ასეთ ვითარებაზე.

რჩება შთაბეჭდილება, რომ ავტორი პოეზიის დანიშნულებას რელიგიის ქადაგებაში ხედავს. ლექსში „შენ, მე და ისინი“ იგი წერს:

რა იქნებოდა პოეზია უანგელოზოდ
ან ანგელოზი უპოეზიოდ.

პოეზიის ასეთი გაგება რამდენადმე აღარიბებს მ. ვარშანიძის კრებულს „ეუ-ეუნა წვიმის“ შინაარსსა და ფორმას, რაც საკმაოდ გამოცდილ პოეტს არ ეპატიება.

მ. ვარშანიძე თავის ვიწრო პირადული განცდების მღვიმეში ჩაკეტილა და თითქოს არ სურს დაინახოს, თუ რა ხდება მის ირგვლივ. ლექსების ნახევარზე მეტი ავტორს სატრჯოსადმი მიუძღვნია. ლექსში „შენ ფერია ხარ უნახესი, ლამაზი ქალი!“ პოეტი წერს:

მე მიჩვენია პატიოსან ქვრივთ ვიხარო(!),
ვუთხრა უქნობი სამიჯნურო სავალობლები.

ეს მოსაწყენი და ერთფეროვანი „სიბრძნე“ უაღრესად მარტივ ჰმატურულ სამოსელში არის გახვეული.

პოეტის რელიგიური აღტყინება, ათეისტისა და მორწმუნე კაცის განცდათა თავისებური ნარევი სიყვარულის თემასაც განსაკუთრებულ იერს აძლევს.

პოეტი ხშირად იმეორებს ერთსა და იმავე გამოთქმებს. მაგალითად:

ბალის მშვენებავ, გაჩენილო ნიუ-დაუნსად
იმ ღამეს.

მე იქ ბაღში ვიპოვე ჩემი ნიუ-დაუნსი.
ჯერ სიმღერა არ მითქვამს ჩემი ნიუ-დაუნსის
მებაღეს.

კენებოდა ჩემი ნიუ-დაუნსი
მებაღეს.

ფრთა-მოკვეთილად დაცემა ნიუ-დაუნსთან
დაწუნარდი, გულო.

დამიტრი ქუმსიშვილი
ერთი კოვზი კუპრი

და ასე შემდეგ.

მამია ვარშანიძის ენა კუთხური გამოთქმებითა და სიტყვებით არის დამძიმებული. აი, რამდენიმე მაგალითი:

მე შემიძლია შენი გულის ცოდვები ვწიკო.
ჰო, აღარ მოხვალ? რატომ? ჟინაზე?

ამ საკითხებს განსაკუთრებული სიმკაცრით იმიტომ შევეხეთ, რომ ჩვენი აზრით მამია ვარშანიძეს შესწევს უნარი თავი აარიდოს მსგავს რელიგიურ სახეებს, მით უფრო, რომ მისი წინანდელი ლექსები ასეთ შენიშვნებს ნაკლებად იმსახურებდნენ. მამია ვარშანი-

ძე ავტორია ისეთი ლექსების კრებულშიც, როგორც არის სანგრებში დაწერილი „მებრძოლის სიმღერები“. ახალ კრებულშიც არის დაბეჭდილი ლექსები — სამშობლოს დიდების ჰიმნი — („ნუ გამიჩენ ჭრილობებს“, „შენი ბაში-აჩუკი ვარ“, „ძაპურებს და წყაროს მასმევს...“). გვხვდება კოლორიტული, ნათელი განწყობით დაწერილი ლექსებიც, მაგალითად, „მენახშირის ბიჭი“. პოეტის ამ ლექსების გვერდით დაბეჭდილი ბევრი ლირიკული თუ რელიგიური წიადსვლა ანაქრონიზმის შთაბეჭდილებას ტოვებს.



პაოლო იაშვილი

პაოლო იაშვილი

მე-20 საუკუნის ქართულ მწერლო-ბაში პაოლო იაშვილი დარჩა, როგორც ნატიფი გრძნობისა და მაღალი შემოქმედებითი ოსტატობის მქონე პოეტი. ხანმოკლე იყო მისი ცხოვრების გზა. პოეტს არ დასცალდა თავისი მძლავრი ნიჭი მთლიანად გაეშალა და არც თუ ისე დიდია მისი მხატვრული მემკვიდრეობა, რომლის გამო კარგად თქვა პოეტმა ირაკლი აბაშიძემ: „პაოლო იაშვილის ლექსი საბადოდან ნიმუშად წამოღებულ ძვირფასი მადნის ნატეხს ჰგავდა, ან მარნიდან საქაშნიკოდ მოტანილ ღვინოს“. მიუხედავად ამისა, პაოლო იაშვილი ამ მცირე „ქაშნიკითაც“ დამსახურებულად ჩადგა ქართული პოეზიის მაღალნიჭიერ ოსტატთა რიგში და მკითხველი საზოგადოების მოწონება და აღიარება მოიპოვა.

პაოლო იაშვილი დაიბადა 1894 წლის 29 ივნისს სოფ. ზოვრეთში (ხესტაფონის რაიონი). ბავშვობა გაატარა სოფელ არგვეთში. იგი მშობლებმა 1903 წელს ქუთაისის კლასიკურ გიმნაზიაში მიაბარეს. პაოლო ბავშვობიდანვე გატაცებით დაეწაფა ლიტერატურას, ჯერ კიდევ გიმნაზიის მოწაფემ

გამოიჩინა პოეტური ნიჭი და მხატვრული შემოქმედებისადმი ინტერესი. იგი აქტიურად თანამშრომლობდა მოწაფეთა სალიტერატურო ჟურნალში, ხოლო 1911 წელს 17 წლის ჰაბუკაფართო სალიტერატურო ასპარეზზეც გამოდის და გაზეთ „კოლხიდაში“ აქვეყნებს ლექსებს.

გიმნაზიის უკანასკნელი კურსიდან პაოლო იაშვილი ქ. ანაპაში გადავიდა და იქ დაასრულა სწავლა. იმ ხანად იგი გაიტაცა მხატვრობამ, გაემგზავრა პარიზს და შევიდა ლუვრთან არსებულ ხელოვნების ინსტიტუტში. პარიზში ახლო მეგობრობა დაამყარა დეკადენტური განწყობილებების გამომხატველ მწერლებთან და ხელოვნების მუშაკებთან, რამაც დიდი კვალი დააჩნია მის შემდგომ ლიტერატურულ მოღვაწეობას.

პარიზში მყოფი პოეტი აქტიურად თანამშრომლობს ქართულ სალიტერატურო პრესაში, რომლის ფურცლებზე აქვეყნებს ინფორმაციული ხასიათის წერილებს, ლექსებს, თარგმანებს. პაოლო იაშვილი ახლო გაეცნო კ. ბალმონტს და მნიშვნელოვანი როლიც

ითამაშა ბალმობტის მიერ „ვეფხისტყაოსნის“ თარგმნის საქმეში.

რევოლუციამდელი ქართველი ინტელიგენციიდან პაოლო იაშვილი ერთ-ერთი პირველი მიესალმა საქართველოში საბჭოთა ხელისუფლების დამყარებას და მხატვრული შემოქმედებითაც და პრაქტიკული საქმიანობითაც მთლიანად რევოლუციის მხარეზე დადგა.

პოეტის მრავალმხრივი საზოგადოებრივი მოღვაწეობა და ჭეშმარიტი პოეტური შემოქმედება ადრევე აღინიშნა მთავრობის ჯილდოთი: იგი 1936 წელს, ქართველ მწერალთაგან ერთ-ერთი პირველთაგანი, დააჯილდოვეს შრომის წითელი დროშის ორდენით.

პაოლო იაშვილი გარდაიცვალა 1937 წლის 22 ივლისს. დასაფლავებულია მწერალთა და საზოგადო მოღვაწეთა დიდუბის პანთეონში.

პაოლო იაშვილის შემოქმედება უაღრესად საინტერესოა როგორც ლიტერატურის ისტორიის თვალსაზრისით, ასევე თანამედროვე მკითხველზე იდუარესთეტიკური ზემოქმედების ძალითაც. მისთვის დამახასიათებელია იდეური სიმკვეთრე და დახვეწილი ფორმა, საზოგადოებრივ საკითხებზე ღრმად ჩაფიქრება და გამომსახველობითი ორიგინალობა.

ართული და წინაღმდეგობებით მოცული შემოქმედებითი გზა გაიარა პაოლო იაშვილმა. იგი სამწერლო ასპარეზზე გამოვიდა როგორც რეალისტი, მალე სიმბოლიზმს დაუკავშირდა. ხოლო ბოლოს მტკიცედ დამკვიდრდა სოციალისტური რეალიზმის პოზიციებზე. ესთეტიკური პოზიციის ასეთი ცვლადობა უმტკივნეულოდ როდი მომხდარა. პირიქით, იგი შედეგი იყო მძლავრი შინაგანი ბრძოლებისა და შეუწყლბელი შემოქმედებითი სწრაფვისა.

პაოლო იაშვილის შემოქმედებისათვის დამახასიათებელი ორი მსოფლმხედველობრივი ნაკადი — სიმბოლისტური და რეალისტური — ერთმანეთისაგან შეიძლება გაიმიჯნოს პოეტის

ცხოვრების კონკრეტული პერიოდებით. რევოლუციამდელი შემოქმედება დალდასმულია სიმბოლიზმით, საბჭოთა პერიოდის ნაწარმოებები ემყარება სოციალისტური რეალიზმის შემოქმედებით მეთოდს. აქვე უნდა შევნიშნოთ, რომ პაოლო იაშვილი შემოქმედების პირველ პერიოდშიც როდი იყო დასრულებული სიმბოლისტი. მის შემოქმედებაში მაშინაც მძლავრად იჩენდა ხოლმე თავს რეალიზმი და სწორედ რეალისტურ ნაწარმოებებში ამჟღავნებდა პოეტი თავისი ნიჭის ძალას.

1911 წელს გაზეთ „კოლხიდაში“ (№ 59) გამოქვეყნდა პაოლოს პირველი ლექსი „ღმერთო, ღმერთო“, რომელშიც 17 წლის ჭაბუკმა პოეტმა საგულისხმოდ გამოხატა იმ დროის საზოგადოებრივი ვითარება და თავისი დამოკიდებულება მისადმი. ამ ლექსში აშკარად ჩანს პოეტის სულიერი ტანჯვა, მაგრამ ეს უკიდურესი მწუხარება განსაზღვრულია ეროვნული და სოციალური ფაქტორებით, რაც ამ ლექსს პატრიოტული ლირიკის რკალში აქცევს. ამით ახალგაზრდა პოეტი ეხმაურებოდა თავის დიდ წინაპრებს — ილიას, აკაკის, ვაჟას და უფროს თანამედროვეებს — დემოკრატ მწერლებს.

საზოგადოებრივი ვითარების შეცვლამ და რევოლუციურ ძალთა ახალმა აზვირთებამ თავისი გამოხატულება ჰპოვა პაოლო იაშვილის შემოქმედებაში და ნათელი ოპტიმიზმით გამსჭვალა იგი. ამ მხრივ ყურადღებას იქცევს 1913 წელს იმავე გაზეთ „კოლხიდაში“ (№ 32) გამოქვეყნებული ლექსი „წითელი დღე“. აქ პოეტი აშკარად გამოხატავს პროტესტს არსებული სოციალური სინამდვილის წინააღმდეგ, ხალხს მოუწოდებს ბოროტების წინააღმდეგ საბრძოლველად და სწამს, რომ ბრძოლა უკეთესი მომავლისათვის აუცილებლად გამარჯვებით დასრულდება.

ასეთი განწყობილებით შემოვიდა პაოლო იაშვილი ქართულ პოეზიაში. მაგრამ ამ პროგრესულმა ნაკადმა ახალგაზრდა პოეტის შემოქმედებაში ვერ

პოვია შემდგომი განვითარება. დამოუკიდებელი, ორიგინალური პოეტური ხმის ძიებით ვატაცებულნი ჭაბუკი კამერულმა მოტივებმა გაიტაცეს, რაც თანდათანობით გადაიზარდა საფრანგეთიდან და რუსეთიდან შემოსულ სიმბოლიზმში. 1913 წელს ყურნალ „ოქროს ვერძში“ (№ 5) პაოლო იაშვილი აქვეყნებს ლექსს „მეორეს“. აქ პოეტი სრულიად ეთიშება სოციალურ პრობლემატიკას, განზე დგება საზოგადოებრივი ცხოვრებიდან და თავის იდეალს სატრფოსთან განმარტობულ განცხრომაში ხედავს.

ამ პერიოდში პაოლო იაშვილი მნიშვნელოვან ყურადღებას უთმობს სატრფიალო ლირიკას. წერს და აქვეყნებს ლექსებს, სადაც გადმოცემულია მხოლოდ ხორციელი ტკობის აპოლოგია. ეს განსაკუთრებით დამახასიათებელია ელენე დარიანის ფსევდონიმით გამოქვეყნებული ლექსებისათვის.

სიმბოლიზმში პაოლო იაშვილის შემოქმედებაში თანდათანობით გამოკვეთილ სახეს იღებს და პოეტი გაუბრის სინამდვილეს, შთაგონებას ლანდებისა და მოჩვენებების სამყაროში ეძებს (ლექსი „ლანდი სიცივეში“).

სიმბოლიზმის პროპაგანდასა და სიმბოლისტი პოეტების პოპულარიზაციას ემსახურებოდა პაოლო იაშვილის მრავალი ლექსი და თეორიული წერილი. იგი, ერთი მხრივ, ქედს იხრის სიმბოლისტი მწერლების წინაშე, ხოლო მეორე მხრივ ბრძოლას უცხადებდა მსოფლიო კულტურის აღიარებულ კლასიკოსებს: დანტეს, შექსპირს, ბეთჰოვენს. ერთ-ერთ ლექსში პოეტი აშკარად ავლენს თავის მემამბოხე ბუნებას: სურს გააჩალოს ცეცხლი და გადაბუგოს ყველაფერი, რაც მის ესთეტიკურ კონცეფციას არ ეთანხმება.

პაოლო იაშვილს მომეწყინა ყვითელი

ვაქებდი შექსპირს, მაგრამ ფარდა, დანტე, შექსპირს უფარი, რა ვქნა, რომ ჩემთვის ბეთხოვენი მხოლოდ ყრუ არი და რომ წარსულმა ვერ გადმოცა მე ანდამატი.

ვფიქრობ ლექსებით ჩაქრი და ხან გველუღით ხანტე, მაგრამ ყოველთვის მირჩვენია ცეცხლსა და სინთება, ჩემი ოცნების ნაპერწკლები ხალხს გადვუფანტე და უკვდავება ცოცხლებით მე მელანდება.

„ცისფერი ყანწების“ მანიფესტში (რომლის ავტორიც თვითონვე იყო) გადმოცემული თეორიული პოზიციის პრაქტიკული განხორციელება სცადა პაოლო იაშვილმა იმ პერიოდის ლექსებში. ლექსში „სევდიანი ზურმუხტი“ პოეტი გვერდს უვლის სოციალურ პრობლემატიკას, თემას ლეგენდების სფეროდან იღებს და მთელ მსჯელობასაც აბსტრაქტულ ხასიათს აძლევს.

პოეტი ზოგიერთ ლექსში ხატავს რაღაც შემზარავ სანახაობას, რომელსაც მოცილებული აქვს კონკრეტული სახე და მკითხველზე ვერავითარ ზემოქმედებას ვერ ახდენს. სინამდვილის ამგვარ წარმოდგენას პოეტი ბუნებრივად მიჰყავს ამქვეყნიური ცხოვრების უარყოფაზე. სურს მოსწყდეს დედამიწას, ზურგი შეაქციოს საზოგადოებას და მიაშუროს ცას. მისი აზრით, ყველაფერი ის, რაც ამ ქვეყანაზეა, „ჩვენ გვიგზავნის ყვითელ სიკვდილს“, მარადიული ცხოვრება კი მხოლოდ ცაშია, ამიტომაც ხოტბას ასხამს „მზის ცხოველებს“, რომლებიც ქვეყნად დადიან და თრგუნავენ დედამიწის მკვიდრთ (ლექსი „წითელი ხარი“).

მიწიერი ცხოვრების უარყოფამ და იდეალის ცაში ძებნამ პოეტი მიიყვანა სიკვდილის აპოლოგიაზე. ოცდაათი წლის ახალგაზრდა უკვე გრძნობს დაღლას და ოცნებობს სიკვდილზე. მისი არსება ნისლში იკარგება, უქრება მომავლის იმედი, ცრუდება იდეალები და ამქვეყნად ყოფნა უაზრო ხეტიალად ესახება. ასეთი განწყობილებები რელიეფურად არის გადმოცემული ლექსებში „თორმეტი წლიდან აღარ მაცილიდნენ“, „მე ვკითხავ ვინმეს“ და სხვ.

ანდრო მირიანაშვილი
პაოლო იაშვილი

ასე გვესახება ძირითადად პაოლო იაშვილის რევოლუციამდელი (ე. წ. სიმბოლისტური პერიოდის) შემოქმედების ერთი მხარე, მაგრამ პოეტის მხატვრული შემოქმედების გულდასმით შესწავლა აშკარას ხდის, რომ სიმბოლიზმი არ არის პაოლო იაშვილის პოეტური ამპლუა. სიმბოლიზმი მისთვის ერთგვარ ნაძალადეგ ნიღაბს წარმოადგენს, რომელშიც ვერ თავსდება სიცოცხლის მოყვარული ადამიანის მღელვარე გული, ბოხოქარი გრძნობა. იგი სამყაროს რეალიზმის პოზიციებიდან აღიქვამდა. სავსებით სწორად წერდა გერონტი ქიქოძე: „უნდა ითქვას, რომ არც პაოლო იაშვილის გარეგნობაში, არც მის სულში არაფერი იყო დეკადენტური: გვეგონებოდათ, ის სიმბოლისტური და დეკადენტური პოეზიის სკოლას უფრო თავით მიემხრო, ვიდრე გულით... ის უფრო აკაკი წერეთლის ანდერძის დამცველად გამოდგებოდა, ვიდრე მის დამრღვევად“¹. და მართლაც, დროდადრო პაოლო იაშვილი უბრუნდებოდა რეალიზმს და რეალური ცხოვრებიდან აღებული თემებზე ჰქმნიდა საუკეთესო ნაწარმოებებს. აქ უკვე ლაღად შლიდა ფრთებს პოეტის ფანტაზია და ლექსის ბუნებრივ მდინარეებში აისახებოდა ავტორის ღრმა მოქალაქეობრივი შეგნება, პატრიოტული სულისკვეთება. აქ პოეტი გვერდს უვლიდა ხელოვნურ, უმიზნო ორნამენტირებას და ცხოვრებისეული ნათელი სახეებით გამოხატავდა მოვლენების არსს.

უნდა აღინიშნოს, რომ ფრანგი და რუსი სიმბოლისტებისაგან განსხვავებით „ცისფერყანწილები“ განსაკუთრებულ ყურადღებას აქცევდნენ პატრიოტულ მოტივს, რამაც გამოხატულება ჰპოვა პაოლო იაშვილის პოეზიაშიც.

პაოლო იაშვილმა თავიდანვე ყურადღება მიიქცია, როგორც საუკეთესო პორტრეტისტი. იგი გამოკვეთილ, ნათელ სახეებში წარმოსახავდა მოვლენე-

ბისა თუ პიროვნების ქვემარტად და რულეებულ სურათს. პაოლო იაშვილმა დავით კლდიაშვილს უძღვნა ლექსი, რომელშიც მოკლე, სულ რამდენიმე მაღალმხატვრული ფრაზით დაახასიათა დავით კლდიაშვილის პიროვნება და შემოქმედება. ვკითხულობთ ამ ლექსს და ჩვენს ცნობიერებაში კვლავ აღდგება დავით კლდიაშვილის ბრწყინვალე ოსტატობით დახატული სახეები.

ასეთივე ზედმიწევნით დასრულებული პორტრეტი დახატა პაოლო იაშვილმა ნიკო ლორთქიფანიძისა. ლექსში კარგად არის გადმოცემული დიდი ქართველი პროზაიკოსის რაინდული სულისკვეთება და კეთილშობილური მოქალაქეობრივი სახე, რაც პოეტის შთავგონების წყაროდ ქცეულა.

მართალია, პაოლო იაშვილის პირველი პერიოდის ნაწარმოებებში ზოგჯერ წინა პლანზეა წამოწეული ერთიანი, მაგრამ მას აქვს ისეთი ლექსები, სადაც მოხდენილ მხატვრულ სახეებში არის გამოხატული სიყვარულის ნაზი გრძნობა, მართლაც კდემამოსილი დამოკიდებულება სატრფოსადმი. ასეთებია ლექსები „მარიამ წერეთელს“ და „სონეტი ელის“.

ამ ლექსებმა პაოლო იაშვილს ნიჭიერი პოეტის რეპუტაცია მოუპოვეს და ქართული მხატვრული სიტყვის ოსტატთა მოწინავე რიგებში ჩააყენეს. სიმბოლიზმი და დეკადენტისტიკა კი მის შემოქმედებაში მხოლოდ ერთგვარ მღვრიე შენაკადად დარჩა.

პაოლო იაშვილმა მნიშვნელოვანი როლი შეასრულა მე-20 საუკუნის ქართული ლექსის რეფორმაციის საქმეში. მან გალაკტიონ ტაბიძის ლექსების ფორმა განახლების გზად მიიჩნია და უყოყმანოდ გაჰყვა მას. ამ გზაზე მას ჰქონდა საგულისხმო ძიებები და მნიშვნელოვანი მიღწევებიც.

ამრიგად, ჯერ კიდევ საქართველოში საბჭოთა ხელისუფლების დამყარებამდე პაოლო იაშვილმა ყურადღება მიიქცია, როგორც ერთ-ერთმა ნიჭიერმა და ორიგინალური პოეტური ხმის მქონე შემო-

¹ გერონტი ქიქოძე, რჩეული თხზულებანი, ტ. I. 1963 წ., გვ. 311.



ქმედმა. მაგრამ საქართველოში საბჭოთა ხელისუფლების დამყარებამ პაოლო იაშვილის ცხოვრებაც და შემოქმედებაც სრულიად ახალ გზაზე დააყენა. მის მოღვაწეობაში იწყება ახალი ხანა, იწყება არა უბრალოდ ახალი შემოქმედებითი პერიოდი, არამედ მხატვრული სიტყვის ჭეშმარიტი ოსტატის ნამდვილი ბიოგრაფია. თუ ადრე პოეტი თემებს მირაჟების სამყაროში ეძიებდა, ახალმა დრომ ახალი პერსპექტივები გადაშალა მის წინაშე.

პაოლო იაშვილი ყოველგვარი დაეკვების გარეშე, პირველ დღესვე აღფრთოვანებული მიესალმა რევოლუციას და უყოყმანოდ დადგა ახალი ცხოვრების მხარეზე. მან 1921 წლის 25 თებერვალს მშრომელი ხალხის გამარჯვების აღსანიშნავად გამართულ სახელდახელო მიტინგზე, თბილისის ყოფილი თვითმართველობის აივნებიდან ბრწყინვალე სიტყვა წარმოსთქვა. ამ სიტყვაში გამოხატა სამშობლოს ბედით ღრმად დაინტერესებული მოწინავე ქართველი ინტელიგენციის აღფრთოვანება უდიდესი ისტორიული მოვლენის გამო და მოუწოდა მთელ ხალხს ჩამდგარიყო რევოლუციის სამსახურში, საბჭოთა რუსეთთან ერთად, ბედნიერი და თავისუფალი ცხოვრების მშენებლობის სამსახურში. პოეტის ეს რევოლუციური სულისკვეთება კარგად არის გამოხატული ექსპრომტად ნათქვამი ლექსის სტრიქონებშიც.

პაოლო იაშვილის ეს სიტყვები ლიტონი განცხადება როდი იყო. ისინი ნათქვამი იყო გულის სიღრმიდან და მავალი მოქმედების პროგრამას წარმოადგენდა. იგი გატაცებით ჩაება ახალი ცხოვრების მშენებლობისათვის გაჩაღებულ პრაქტიკულ საქმიანობაში. მას საბჭოთა ხელისუფლებასთან გულწრფელი თანამშრომლობა მიაჩნდა ყველა მწერლის უპირველეს მოქალაქეობრივ მოვალეობად და აქეთკენ მოუწოდებდა ყველა თანამოკალმეს. ჯერ კიდევ 1921 წლის მარტში პაოლომ წაიკითხა მოხსენება „რევოლუცია და ხელოვნება“, სადაც თქვა: „ამრიგად, ხელოვნება ითანამგზავრებს რევოლუციასთან ერთად და იქნება საგანძო, რომლის სადარაჯოზედაც ყოველთვის ცდილობდნენ მდგარიყვენ ქართველი პოეტები, რომლებიც მიისწრაფოდნენ შეენახათ რევოლუციის ყველა მონაპოვარი“¹. მის შემოქმედებაშიც წინა პლანზე წამოიწია მოქალაქეობრივმა მოტივებმა. პოეტს აღაფრთოვანებს ახალი დროის გმირული სულისკვეთება და რევოლუციური პათოსის გამოხატვაში ხედავს მხატვრული სიტყვის უპირველეს დანიშნულებას. იგი თანამოკალმეებს მოუწოდებს შემოქმედებითი გადახალისებისა და დროის შესაფერის გარდაქმნისაკენ. საბჭოთა ხელისუფლების პირველსავე დღეებში არის აგრეთვე დაწერილი პაოლო იაშვილის შემდეგი სტრიქონები:

აზიის კარო! ფერად ბალებით,
 ლურჯი ცის თაღით ხარ დაფარული!
 ხარობს გმირული ბაირალებით
 შენი წარსული ლეგენდარული!
 არ გაშინებდა ბილწი მონობა,
 მზემ მოგაფინა ოქროს ფარჩები;
 შენ არ გინდოდა სხვის პატრონობა,
 თავისუფალი მუდამ დარჩები.
 შენს ჯვაროსნობას ჩვენ ვეთანხმებით,
 შენი გმირობით ვართ ავსებული.—
 მაშ ავაფეთქეთ ახალ ნაღმებით
 ძველი ქვეყანა დახავსებული.
 მზად არის თოფი! მზად არის ხმალი!
 მტერს ჩვენ ვეყოფით მარტო კბილებით.
 დავაგვირგვინოთ ჩვენ მომავალი
 წითელ რუსეთის დამპობილებით.

ვინც გაიტაცა ახალ ძიებამ,
 ვადაქცეულან რკინის კაცებად.
 ნუთუ პოეტებს გვეპატიება
 აზნაურული გაზარმაყება.
 ამხანაგებო, ნუ გეზარებათ
 ჩამოცილება ძველი ფესვების,
 დროა გადიქენ ოქროს ზარებად
 აცრემლებული ჩვენი ლექსები.
 პოეტი და ადამიანი

ამ გულწრფელი სიტყვებით პოეტმა თითქოს ანგარიში გაასწორა წარსულთან, როცა რეალურ ცხოვრებაზე გულ-

ანდრო მირიანაშვილი
 პაოლო იაშვილი

¹ გაზ. „კომუნისტი“, 1921 წ., 30 მარტი.

გატეხილი, მოჩვენებების სამყაროში
ეძიებდა თავშესაფარს.

პაოლო იაშვილის პოეზიაში ამაჯიერად
უკვე განსაკუთრებულ ადგილს იკავებს
პატრიოტული მოტივი, რაც სოციალის-
ტური პოზიციებიდან არის წარმოსახუ-
ლი. პოეტი თამამად იჭრება საზოგადო-
ებრივი ცხოვრების გულში და თავისი
სიცოცხლე სურს სამშობლოს კეთილ-
დღეობას მოახმაროს.

პაოლო იაშვილმა ნამდვილი საბჭოთა
პოეტის სულსკვეთება გამოხატა 1924
წელს ლენინის გარდაცვალების გამო
დაწერილ ლექსში „ლენინ“. ახალი
ცხოვრების გულწრფელი მომღერალი
პოეტი მხატვრულ სახეებში გადმოს-
ცემს მთელი მსოფლიოს მშრომელი
ხალხის ღრმა მწუხარებას კაცობრიო-
ბის ბრძენი ბელადის გარდაცვალების
გამო და მას უერთებს თავის გულითად
სევდასაც. მაგრამ მწუხარე ხმები ვერ
ჩრდილავს ლექსის საერთო ოპტიმიზმს,
რომელიც ემყარება რწმენას, რომ უკე-
დავია ლენინის საქმე, რომ მშრომელთა
ბედნიერებისათვის ბრძოლის გზაზე
არასოდეს ჩაქრება ლენინის გენიის მი-
ერ ანთებული ჩირაღდანი. პოეტს სწამს,
რომ ლენინის გარდაცვალებით გამოწ-
ვეული სევდა ახალი მძლავრი სტიმული
გახდება კომუნისტური საზოგადოები-
სათვის ბრძოლის დიდ გზაზე და წუთით
ჩამდგარი ოქტომბრის ქარი უფრო
მძლავრად დაჰბერავს. ლენინის გლოვა,
ეს ნათელი დადასტურებაა ლენინის
იდებების განხორციელებისათვის მზად-
ყოფნისა. ამის გამო პოეტი ამბობს:

ლენინის კუბოს მინდა ახლა შემოვსიონ
ჩემი ლექსები, ვით მტირალი ჩემი
ბავშვები.
ამხანაგებო, ჩადგა წუთით ოქტომბრის ქარი,
ვიმღვროთ ერთად, პოეტებო, მარში
გლოვისა.

ამ ლექსით პაოლო იაშვილმა ქართულ
პოეზიაში ერთ-ერთმა პირველმა ასახა
ლენინის სახე. ლენინის თავდადებული
ბრძოლა მშრომელთა კეთილდღეობისა-
თვის გადმოცემულია, აგრეთვე, ცოტა

უფრო გვიან დაწერილ ლექსში
ვის ბულული“.

ჩვენს ქვეყანაში სოციალიზმის წარ-
მატებით შენებამ კიდევ უფრო გააძლი-
ერა და განამტკიცა პოეტში მებრძოლი
განწყობილებები და უფრო მეტი პო-
ლიტიკური სიმკვეთრე მისცა მის პოე-
ზიას. მას აღარ აკმაყოფილებს გუშინ-
დელი მიღწევები და ახალ-ახალი საგმი-
რო საქმეებისაკენ მიუწევს გული. მან
იცის, რომ „გუშინ ნაშენი დღევანდე-
ლისთვის უკვე ძველია“. თუ ასე არ მი-
უდგა პოეტი თავის საქმესაც, მისი „სი-
ტყვეები რჯინის“ გადაიქცევა „აყალო მი-
წად“. პოეტის ვალია უმღეროს ახალ
ცხოვრებას და უშუალო მონაწილეობა
მიიღოს მის შექმნაში: მან მართალი სი-
ტყვა უნდა მიიტანოს მშრომელებამდე
და ენთუზიაზმი გააძლიეროს მათში.
მხოლოდ მართალი სიტყვაა საჭირო,
მხოლოდ იგი დარჩება დიდხანს.

სიტყვა მართალი გულმოდგინებით
ვთქვათ და ეს სიტყვა დიდხანს დარჩება.
პოეზიის ინჟინრებს

სოციალისტური ინდუსტრიის მშენებ-
ლობა აღაფრთოვანებს პაოლო იაშვილს.
იგი წინასწარ შეჰხარის იმ ნათელ დღე-
ებს, „როდესაც მაღალ ქარხნის მილი-
დან იფეთქებს გუნდი შავი შაშვების“.
და „მდინარეების ყოველი წვეთი გადა-
იქცევა წკრალა შუქად“. ყოველივე
ამისთვის კი საჭიროა თავდადებული
შრომა, ყოველდღიური გარჯა; ბედნი-
ერება დამკვიდრდება მხოლოდ მაშინ.
თუ ყველა ერთი სურვილით იბრძო-
ლებს მისთვის „და ჩვენს დღეებში არას-
დროს ერთი დღეც არ ჩაივლის ხალხის-
თვის უქმად“. მხოლოდ ამის შემდეგ
მოხდება „დამბალ ყარაიაში ციების კო-
ლოს გადაშენება“, და „მცხეთას მიაბ-
ჯენს სახლებს ჩვენი თბილისი“.

პოეტი ნათლად ხედავს, რომ ამ
ბრწყინვალე მომავლისათვის ყოველგვა-
რი პირობები უკვე არსებობს, ნათელ
მომავალს სჭედავს თავისუფალი შრომა.
პაოლო იაშვილი მხოლოდ პოეზიით
ცხოვრობდა. მისი სათუთი გრძნობა და



მშფოთვარე სული მხოლოდ პოეზიაში
პოეზება შევბას. ლექსში „პოეზია“ პო-
ეტი წერდა:

გაგიჟება სჯობს, თუ გათავდა სიტყვის
მადანი,
და თვალთა დათხრა, თუ მზეს ქებით ვეღარ
დახვდები,
ლექსო, გულიდან ხორცად რომ ხარ
გამონატანი,
თუ უნაპიროდ, სამუდამოდ არ გაჩაღდები.

არის მკვლევლობა, არის ომი, არის ხანძარი,
მიწის ძვრა, ჭირი, ტყეში ყოფნა მარად
თულეზად.
მაგრამ არ არის ტანჯვა უფრო უზარმაზარი,
როგორც პოეტის შთაგონებით დასწეულება.

ამიტომ იყო, რომ იგი ასე სათუთად
უფრთხილდებოდა „სიტყვის მადანს“
და უდიდესი პასუხისმგებლობით ეკი-
დებოდა ყოველ ლექსს, ყოველ სიტყვას,
გულმოდგინედ მუშაობდა მასზე და
მხოლოდ შემდეგ გამოჰქონდა მკითხ-
ველთა სამსჯავროს წინაშე. აკი თვი-
თონვე ამბობდა:

რამდენი თვალი უნდა მქონდეს, რომ ყველა
ვნახო,
რამდენი გული უნდა მქონდეს, რომ ვიგრძნო
ყველა,
რამდენი სახე მე თვით უნდა გავაპარტახო,
რომ ერთი ლექსი დამრჩეს წმინდა, როგორც
პეპელა.

ყოველდღიურად კიდევ უფრო იხვე-
წებოდა პაოლო იაშვილის შემოქმედება,
კიდევ უფრო ახლო მიდიოდა პოეტი
საბჭოთა სინამდვილესთან და მთელი გა-
ტაცებით უმღეროდა ხუთწლედების
გმირ საბჭოთა ხალხს. ამის გარეშე მას
სიცოცხლე ვერც წარმოედგინა.

აი აქ არის, მეგობრებო, ის ასპარეზი,
რაც ზედმა მისცა ამაღლებულ ვონებას
ჩარჩოდ.
არც უკეთესი, ჩემო ძმებო, არც უარესი.
არ გვიძებნია ახალგაზრდა სულსთვის
სარჩოდ.
მწვერვლებიდან

მას სწამდა, რომ ახალმა დრომ არნა-
ხული გაქანება მიიღო და მისი შეჩერე-
ბა შეუძლებელია. ამ მხრივ ძალზე სა-

ყურადღებოა ლექსი „მწვერვლები-
დან“, რომელიც მთავრდება ასე:
ცხოვრების სადიდებელი ჰიმნით:

ასეთ ცხოვრებას ვერ დაუდებს საათი ვადას,
და ასეთ მკერდასაც ვერ შებოჰავს
დაბეჩვება,
შრომაში, ომში, ქარიშხალში — ვიქნებით
სადაც,
ყველგან სიცოცხლის ქადაგებად უნდა
ჩავებათ.
მწვანე ფოთოლი, ფრინველის ხმა, წყაროს
წყარუნი,
ქალის წამწამი — ხომ სულ მცირე
სანუკვარია,
მაგრამ როდესაც იტაცებს მათ სიხარული,
ყველა მათგანი მარადიულ ციხის კარია.

პაოლო იაშვილი ყოველთვის დროუ-
ლად ეხმაურებოდა სოციალისტური
ცხოვრების ყოველდღიურ მოვლენებს.
მის შემოქმედებაში აისახა იმ დროის
თითქმის ყველა მნიშვნელოვანი მოვლენ-
ა, რასაც კი ადგილი ჰქონდა ჩვენი სამ-
შობლოს ცხოვრებაში. პოეტი შთაგონე-
ბული ლექსებით უმღეროდა ჩვენი ხალ-
ხის გმირულ შრომას და პრაქტიკული
საქმიანობითაც გვერდში ედგა მოწინა-
ვეებს.

ერთ ლექსში პაოლო იაშვილი წერდა:
„ლექსად იქცევა, რაც გამიტაცებსო“.
მისი გატაცების საგანი კი მხოლოდ თა-
ნამედროვეობა იყო, მისი ოცნება მხო-
ლოდ ახალ გმირულ სინამდვილეს დას-
ტრიალებდა. სოციალისტური მშენებ-
ლობით აღფრთოვანებული პოეტი გატა-
ცებით ხატავდა სამშობლოს ეკონომიუ-
რი და კულტურული წინსვლის სურა-
თებს. ამის ერთი საუკეთესო ნიმუშია
1935-37 წლებში შექმნილი ლექსების
ციკლი „ახალი კოლხიდა“, რომელშიც
მაღალმხატვრულ პოეტურ სახეებში და-
ხატულია საქართველოში სოციალიზმის
გაშლილი მშენებლობის შთამბეჭდავი
სურათები.

პაოლო იაშვილის მძაფრი პატრიო-
ტიზმი ორგანულად არის შერწყმული
პროლეტარულ ინტერნაციონალიზმთან.

ანდრო მირიანაშვილი
პაოლო იაშვილი

ამის თვალსაჩინო მაგალითებია ლექსები: „ოვანეს თუმანიანი“, „უკრაინელი ქალის სიმღერა“, „წინ, ესპანეთის გმურული ხალხო“ და სხვა. პოლიტიკური ლირიკის საუკეთესო ნიმუშია მისი „ანდრე ჟიდს — მოლაღატეს“.

მაღალი მხატვრული ოსტატობით არის დაწერილი პაოლო იაშვილის წმინდა ლირიკული ლექსები. მათში შესანიშნავად ჩანს მხატვრული სიტყვის დიდი ოსტატი, თავისი ძლიერი განცდებით და კემპარიტად ადამიანური გნებებით. ეს ლექსები წარმოადგენენ თავისებურ ეტიუდებს, სადაც მძაფრი ლირიზმით არის გადმოცემული ბუნების მშვენიერების პოეტური განცდა და ადამიანის სულის მოძრაობის ცალკეული მომენტები.

სიცოცხლის უკანასკნელ წლებში პაოლო იაშვილმა წარმატებით დაიწყო მუშაობა საბავშვო თემატიკაზე. მან ამ დარკში სულ რამდენიმე ნაწარმოები შექმნა, მაგრამ ისინი დღესაც დიდი პოპულარობით სარგებლობენ პატარა მკითხველებში. „მედეას ლექვი“ და „ოთარ შოფერი“ ქართულ საბავშვო ლიტერატურაში გამოირჩევა ბავშვის რთული ბუნების ღრმა ცოდნით და შთაბეჭდავი პოეტური სახეებით.

პაოლო იაშვილი ძირითადად ლირიკოსი პოეტია. მისი მშფოთვარე ბუნება თითქოს ვერ ეგუებოდა ეპოსს, მაგრამ შემდგომ მის შემოქმედებაში თანდათანობით იჩინა თავი ეპიურმა საწყისებმა. პოეტი თემებს იღებს სოციალიზმის გაშლილი მშენებლობის სინამდვილიდან, რომლის ყოველმხრივი გაშლა და სრულყოფილი ასახვაც პატარა ლირიკულ ლექსში ძნელია. ამიტომ იგი ქმნის ლექსების ციკლს, ხოლო შემდეგ ეპოსი მის პოეზიაში დიდ ადგილს იჭერს. ამის თვალსაჩინო მაგალითია ლექსი „სამასი არგვეთელი“, რომელშიც უკვე ნათლად ჩანს პოემის ხასიათი, პოემისათვის დამახასიათებელი სიუჟეტი და პერსონაჟები. ამ მხრივ ეს ლექსი შეიძლება ერთგვარ ლირიკულ პოემადაც მივიჩნიოთ.

პაოლო იაშვილი აპირებდა პოეტიკა დაწერას ალიოშა ჯაფარიძის რეკოლმაციურ მოღვაწეობაზე, მან გამთავსებდა პოემის „გზა მშვიდობისა“ ნაწილი.

პაოლო იაშვილმა ჯერ კიდევ ადრე სცადა კალამი პროზაშიც. პოეტის ლიტერატურულ მემკვიდრეობაში შემორჩა ორი მოთხრობა „სამი ტკივილი“ და „ფერადი ბუშტები“. ისინი დაწერილია ფსიქოლოგიური სიმძაფრით და პროზაიკოსის ნიჭზე მეტყველებენ.

სამწერლო ასპარეზზე გამოსვლიდან დაწყებული სიცოცხლის უკანასკნელ დღეებამდე პაოლო იაშვილი ორიგინალურ შემოქმედებით მუშაობასთან ერთად გატაცებით ეწეოდა მთარგმნელობით მოღვაწეობასაც. მან ქართულ ლიტერატურას შესძინა რუსი და უცხოელი მწერლების ნაწარმოებთა უდავოდ მაღალი ოსტატობით შესრულებული თარგმანები. პაოლო იაშვილმა რუსული მხატვრული სიტყვის დიდი გენიის პუშკინის ნაწარმოებებს მოუძებნა შესაფერი ქართული ფორმა და ქართველ მკითხველს მშობლიურ ენაზე გააცნო პუშკინის მრავალი ნაწარმოები.

პაოლო იაშვილის შემოქმედებისათვის დამახასიათებელი იყო უდიდესი ვაჟკაცური სული და გმირობის აპოლოგია.

როგორც ადრის ტკაცუნი,
მოვარდნილი ზღვიდან,
ისეთი ვაჟკაცური
გაქროლება შინდა, —

წერდა პოეტი და ახალი ვაჟკაცური გაქროლებისათვის ემზადებოდა. მაგრამ მან თავისი სიცოცხლე ტრაგიკულად დაასრულა მაშინ, როდესაც შემოქმედებითი სიმწიფის პერიოდში იყო. ადრინდელი ნაწარმოებები თვით პოეტს უფრო დიდი შემოქმედების ერთგვარ შესავალად მიაჩნდა. შემთხვევითი არ იყო, რომ პაოლო იაშვილს სიცოცხლეში არც ერთი წიგნი არ გამოუცია. იგი ემზადებოდა ახალი შეტევისათვის პოეზიის ფრონტზე, ამას უზარმაზარი გეგმები ჰქონდა დასახული.



ამ განუხორციელებელი გეგმების გათვალისწინება კიდევ უფრო ამძლავებს ჩვენს თვალში პაოლო იაშვილს, კიდევ უფრო მეტი მწუხარებით განვიცდით, რომ ჩვენი ეპოქის დიდი მესიტყვე მსხვერპლი გახდა გაუგონარი რეპრესიებისა 1937 წელს, „როცა საქართველოზე კენის სულის აღზევებამ გადისრიალა“ (ირ. აბაშიძე).

პაოლო იაშვილის პორტრეტი არ შეიძლება სრული იყოს, თუ მხედველობის გარეშე დარჩა მისი პირადი ცხოვრება. გ. ქიქოძე წერდა: „პაოლო იაშვილი ძველი დროის რაფსოდებს და ტრუბადურებს ჰგავდა: მისი პოეტური ნიჭის დაფასება არ შეიძლება მარტოდენ დაბეჭდილი ლექსების მიხედვით.

ის იყო იმპროვიზაციის ჯადოქარი რომელიც უწინარეს ყოვლისა აუდიტორიის სმენას ზიზღავდა. მას ვერავინ შეედრებოდა დიდ სადღესასწაულო სუფრაზე, მისი სიტყვები შინაარსიანი და გონებამახვილი იყო ერთსა და იმავე დროს, აქ ის თითქოს თავისთავს ქაობობდა“.

პაოლო იაშვილი თანამედროვეთა ხსოვნაში დარჩა და შთამომავლობას გადაეცა როგორც დიდი ადამიანური ღირსებებით შემკული, ბავშვივით უცოდველი გულის პიროვნება. მისი შემოქმედება კი ქართული საბჭოთა პოეზიის ძირითად ფონდში დამკვიდრდა.

ანდრო მირიანაშვილი

პაოლო იაშვილი



პოეტი და მებრძოლი

მირზა გელოვანის ნაწარმოებთა კრებულის გამოცემის გამო

მირზა გელოვანმა ოცდაშვიდ წელზე ნაკლები იცხოვრა. მისმა გულწრფელმა, თვითმყოფადმა ლექსებმა, მოუსვენარმა ცხოვრებამ და ტრაგიკულმა დასასრულმა ერთი მთლიანი გამოკვეთილი სურათი შექმნა ჰემარიტ პოეტზე. გულწრფელი და მძლავრი გრძნობით სუნთქავს მისი სიტყვა. ეს იყო გამოწვეული არა მხოლოდ მისი ნიჭით, არამედ შეუხელებელი შემოქმედებითი ძიებებით.

მირზა გელოვანმა სამწერლო მოღვაწეობა დაიწყო ჯერ კიდევ სრულიად ახალგაზრდამ. პირველი მისი ლექსები დათარიღებულია 1933 წლით, ხოლო უკანასკნელი — 1944 წლით. ამ დროის განმავლობაში იცვლებოდა მისი შეხედულება ცხოვრებასა და ადამიანებზე, ვითარდებოდა და იზრდებოდა თვითონ პოეტი. სამაჟლო ომის მესამე წელს ბრძოლაში დაეცა იგი გმირული სიკვდილით, როგორც სამშობლოს მოსიყვარულე და თავდადებული შვილი.

მირზა გელოვანის ლექსები — ეს არის პოეტური სიმღერები ახალგაზრდობაზე, მეგობრობაზე, გმირობაზე, სიყვარულსა და სამშობლოსადმი თავდადებაზე. მ. გელოვანის ლექსები გვახარებენ ცხოვრების მოვლენების მრავალფეროვანი და ღრმა წარმოდგენით, პოეტური სახეების სიმდიდრით და ორიგინალობით. მისი ლექსები დაწერილია ბუნებრივად, ყოველგვარი სიყალბის გარეშე, მას ახასიათებს რომანტიკული პათოსი, სახეების სინათლე, ლაკონიზმი, ხაზგასმული ვაჟკაცური ტონი. იგი თავისი პოეზიის შინაარსით არ არის შეზღუდული, არც ინტონაციით არის ერთფეროვანი. მისი პოეზია თავისუფალია წვრილმანისაგან, შემთხვევითობისაგან, მის ლექსებში ვგრძნობთ მაღალი პოეზიის ძალას.

მირზა გელოვანის შემოქმედება გამოირჩევა ტემპერამენტით და ფერადოვნებით. დრამატიზმის გრძნობა, აზრის კონკრეტულობა, ექსპრესია და ემოციურობა — აი, მისი სტილის და-

მახასიათებელი ნიშნები. იგი უწყვეტად იმყოფებოდა მოძრაობის, აღმავლობის, ზრდის პროცესში. ეს იყო გზა პოეტი-მოქალაქის მომწიფებისა. დადებითი გმირი ამ ლექსებისა არის ახალგაზრდა, რომელიც შეყვარებულია ცხოვრებაზე და რომლის წინაშეც გადაშლილია სინამდვილე მთელი თავისი მრავალფეროვნებით.

მ. გელოვანის პირველი ლექსები დაიბეჭდა ახალგაზრდობის ლიტერატურულ-მხატვრულ ჟურნალში „ჩვენი თაობა“. ამის შემდეგ იგი ხშირად აქვეყნებდა თავის პოეტურ ნაწარმოებებს სხვადასხვა პერიოდულ გამოცემებში.

ამ წლებში დაწერა მ. გელოვანმა თავისი საგულისხმო პოეტური ნაწარმოებები — „ხევსურული ნანა“, „აონი“, „ილიას ობელისკთან“, „აქ შეეჯახა სააკაძეს არაგვის ლომი“, „ასეთი იყო ქართლის ხეობა“, „თორღვა“, „შავლევა“, „გალაკტიონ ტაბიძეს“, „უკუას ეზოში მოკლული ჩხიკვი“, „ფანდუზი“, „სამშობლოს“, „შავნაბადა“. „ბალადა ვარძიის მშენებლისა“.

1939 წლიდან მ. გელოვანის ცხოვრებაში იწყება ახალი ხანა, ამ წელს ვიწვით იგი ჯარში, ზუთ წელზე მეტი ვაატარა ლაშქრობაში. იყო ბესარაბიის განთავისუფლების მონაწილე (იხ. მისი „სამხედრო შოფრის დღიურიდან“). შემდეგ — უკრაინაში, ბელორუსიაში. ყველგან გარს ერტყა ტყვია და ცეცხლი. მ. გელოვანს ჰქონდა საშუალება ზურგში დარჩენილიყო მაგრამ არ ისურვა და ისევ ფრონტს მიაშურა. დისადმი მიწერილ წერილში იგი აღნიშნავდა: „აი, დეკემბერი თავდება და მესხეთე წელი მიდის, რაც დაგშორდით თქვენ, თბილისს, პოეზიას, ასე მგონია ზოგჯერ: ახალგაზრდობაც გაივლის და გამოვფხიზლდები ნახევარ გზაზე ჩემი ცხოვრების და დამენანება ჩემი წლები — ჩემი დაუწერელი წიგნები, მოუცლელობით რომ ვერ დავწერე. „ყოველთვის მოცლას ვუსციდი, ნეტამცა არ მომეცადა“, —

გახსოვს გურამიშვილი?“ (მ. გელოვანი — „უბის წიგნიდან“, 1964 წ. გვ. 267). მ. გელოვანი ჭეშმარიტი პოეტი თავისი შემოქმედებით, თავისი ინტერესებითა და ცხოვრებით.

ახალგაზრდა პოეტი სერიოზულად ეკიდებოდა პოეზიას და დიდი მომთხოვნი იყო თავისი თავისადმი. „ჩვენი ლექსები ვერ მაკმაყოფილებენ მე და ალბათ მივატოვებ მათ წერას, ვიდრე ვერ ვიპოვნი გასაღებს, რომელიც გახსნის ჩემს მგრძნობიარე გულს და აჩვენებს მომავალ თაობებს, როგორ გარბოდნენ გულზე დღეები, ღამეები და სტოვებდნენ კვალს, მილიონებისათვის ნაცნობს“ (იქვე, გვ. 167).

ფრონტზე მყოფი მირზა გელოვანი მაინც ნახულობდა დროს დაეწერა ლექსები და ხშირად მიეწერა წერილები მშობლების, დებისა და მეგობრებისათვის. ეს წერილები — ძვირფასი ადამიანური დოკუმენტები — მებრძოლი პოეტის განცდებისა და შეხედულებების ერთგვარი შეჯამებაა.

ჯარში ყოფნისას მირზა გელოვანი ოცნებობდა შეექმნა წიგნი, რომელიც „იქნება გამომშვიდობება ყველაფერთან, რაც ასე აღელვებდა ჩემს ახალგაზრდობას, რომელსაც ექნება ჩემი თაობის ყველა ხასიათი და იდეა“ (იქვე, გვ. 242), მაგრამ დროს უქონლობის გამო მან განზრახვა ვერ შეასრულა. მაინც, იმ მცირე დროს, რომელსაც იგი პოულობდა, ლიტერატურულ შრომას უძღვნდა. „ვწერ დასვენებაზე, ვწერ ძილის წინ, ან კრებებზე, თუკი ისეთ ადგილას მოვახერხე დაჯდომა, თავმჯდომარემ რომ ვერ შემნიშნოს. ვწერ დღიურად დგომისას — დაღლილი და უძილო“ (იქვე, გვ. 242).

მ. გელოვანი მტკიცე რწმენის ახალგაზრდა იყო. მას სჯეროდა თავისი შემოქმედებითი ძალისა, შემოქმედებითი შესაძლებლობისა. მიუხედავად ჯარისკაცის მკაცრი ცხოვრებისა, იგი მაინც იმედით შეჰყურებდა თავის მო-

შალვა რადიანი
პოეტი და მებრძოლი



მავალს: „მე მაქვს იმედი, რომ არასოდეს დავიკარგებ ისე, რომ ჩემი კვალი არ დარჩეს. ესეც ბედია, ზოგი წიგნიდან სწავლობს ცხოვრებას და მაინც შორიდან წუხს განცილებულზე, მე კი ყველაფერი ჩემი ძარღვებით ვადამაქვს მუდამ და მაინც იმედიანი ვარ, ისინი სკოლებს ამთავრებენ, მე ცხოვრება მასწავლის თავად. პროპორცია სხვადასხვაგვარია, მაგრამ მაინც — თანასწორი. იქნება ჩემმა გადასძლიოს“ (იქვე, გვ. 232). მართლაც, მ. გელოვანი ფლობდა ცოცხალ შთაბეჭდილებათა ამოღ-წურავ მარავს, გრძნობათა დაუხარჯავ ძალებს.

მირზა გელოვანი დაეცა ბრძოლის ველზე 1944 წლის ივლისში ჩვენი ჯარების დასავლეთის დვინაზე გადასვლის დროს, დაუსაფლავებით გზის პირას, ტყეში, სოფელ ქვემო კრივინოს მახლობლად. 1952 წელს კი სხვა დამატებულ მებრძოლებთან ერთად იგი გადაუსვენებიათ სანიკის (ვიტებსკის ოლქი, ბეშენკოვიჩის რაიონი) ძმათა სასაფლაოზე.

ყოველი წლის 22 თებერვალსა და 9 მაისს ბელორუს პიონერებს მის საფლავზე მიაქვთ ყვავილები, როგორც სამშობლოს თავისუფლებისა და დამოუკიდებლობისათვის ბრძოლაში დაცემული გმირისათვის.

მ. გელოვანმა ვერ მოასწრო თავისი დიდი ლიტერატურული მიზნის განხორციელება.

ფრონტიდან გამოგზავნილი ლექსები ბრძოლის ეპიზოდებთან ერთად გვაცნობენ მ. გელოვანის მგზნებარე სულისკვეთებას, უდრეკ ნებას. იგი ასე მიმართავს მეგობარ პოეტს:

ამაღამ მტერთან მომიწევს შეხლა,
და იქნებ ტყვიას ვერ გაღურჩები.
ამაღამ ჩემი სევანური მუხლი
მე შემახვედრებს მტერთა ბლინდაეებს.
დღეს ჩემი იყო საღამოს მწუხრი,
ხვალ იქნებ ჩემთვის არც იბიერაეებს.
...და ვისაც ყოფნის მტკიცე იმედი,
არ შორდებოდა ძალღონემიხდლის,
ვინც იწვა თოვლში სიკვდილის გვერდით
და მტრის საფარში გზავნიდა სიკვდილს.

ვინც მომავლად მას განშორდა ქარსს
სახეს უსისხლოს და განაოცებს,
ვინც იარაღთან მოვიდა ბეჭედი,
და ახლა შებლზე ითვლის ნოკებს, —
მას შეუძლია ბეჭეშობის ზიარს
გისაყვედუროს, გაგვიცხოს შორით,
თუ სიტყვა შენი არა ჰგავს ტყვიას,
ამ სასტიკ ომში ჩვენგან გასროლოლს.

ეს განწყობილება განსაზღვრავს მ. გელოვანის მთელ პოეტურ ხმას. თავის ლექსებში მას მრავლად შეაქვს საბრძოლო-ავტობიოგრაფიული ფაქტები და შემთხვევები.

მ. გელოვანი მკითხველს იტაცებდა გრძნობათა სიმდიდრით და ესთეტიკური გამომსახველობის სიახლით. მისი „ომის ლირიკა“. ციკლი ლექსებისა ომზე, მებრძოლის ცხოვრების, ბრძოლის, ადამიანური გაცდების დრმა გამოთქმელია.

ქემარიტი, მაღალი პოეზიის სიმბოლოდ მ. გელოვანს მიაჩნია ფანდური. მისი თქმით, ამ გავრცელებულ ხალხურ საკრავზე ამღერებდნენ თავიანთ ლექსებს ჩვენი სახელოვანი წინაპრები. ქართული სიტყვის გამოჩენილი ოსტატები. ახალგაზრდა პოეტიც მიმართავს ფანდურს. მან კარგად იცის, რომ ფანდური ეს „ხალხის გულია“ და მასზე ლექსის დამღერება მოითხოვს სიწმინდესა და კეთილშობილებას. ფანდურს უნდა შეეხებოდ მამინ, როცა გულში ვიგრძნობთ „ჩანჩქერებად სიმღერებისა და ლექსთა მრავლობას, რომ იმ ფანდურებს, ჩვენს სახსოვრად ხალხს რომ დარჩება, მოკრძალებულად უცქეროდეს შთამომავლობა“.

მ. გელოვანის სიმღერები მიძღვნილია სამშობლოსადმი. მშობელი ხალხისა და ქვეყნის სახე მას განუშორებლად თან დაჰყვება. „ზღვა მეღნად და რკინა კალმად უნდა გქონდეს, საქართველოს სიყვარულზე ლექსები რომ ვწეროთო, — უთხრა მან ერთხელ ლადო ასათიანს“ (ნ. აგაშვილი — „ქაბუკები დარჩნენ მარად“. გვ. 130). ბრძოლის ველზე პოეტს ესმის სამშობლოს ხმა, ყველა სახალხო და გმირული საქმე დაკავშირებულია სამშობლოსთან

ლექსებით, რომლებიც მიძღვნილია სამშობლოსადმი, მ. გელოვანი დაკავშირებულია ქართული ლიტერატურის საუკეთესო ტრადიციებთან. ხალხის, მისი ცხოველყოფილი ინტერესების სამსახურში ხედავს პოეტი თავის მოწოდებას; სხვა ლექსებში იგი აცოცხლებს წარსულში ქართველი ხალხის მიერ შექმნილ სახეებს. ამ ხასიათის ნაწარმოებებში მას მდიდრად აქვს გამოყენებული ხალხური ლექსის ფორმები, პოეტური თქმები. იგი ბუნებრივად ნახულობდა კავშირს წარსულსა და თანამედროვეობას შორის.

აწლგაზრდა პოეტისათვის ბუნებრივი თემაა სიყვარული. მირზა გელოვანი უმდერის სიყვარულს, როგორც ისეთ ძალას, რომელსაც ადამიანისათვის მოაქვს ძვირფასი, ამაღლებული განცდები. ბედნიერება, სიხარული. პოეტის ცხოვრებაში არ ყოფილა ისეთი მომენტი, რომ იგი გულგრილი ყოფილიყოს ამ მარადიული გრძნობისადმი. ჯერ კიდევ მაშინ, როდესაც მ. გელოვანი აწლად იწყებდა შემოქმედებას, იგი უკვე შთანთქმული იყო სიყვარულის სტიქიით („გზაში“, „თხოვნა ხეებს“, „სიმწვანის მხარეში“, „ხრეშად დაცვივდა სიტყვები“, „თეთრი მიწა“, „სახლი № 8“, „იჯექ წყნარად“); შემდეგაც, დავეყვაცების ხანაშიაც, ეს გრძნობა მისთვის ორგანული და ძლიერი იყო („მთვარე“, „მწყემსის მუქარა“, „უცნობ წუხილს გვახვევდი“, „შემოღამება საბადურზე“, „აჰა, ძვირფასო“, „მანსოვს“, „ექვსჯერ ჩამოჭრა მწვანე საათმა“); სიყვარული-საგან გამოწვეული პირადი განცდები არ ტოვებდნენ პოეტს მძიმე ვითარების პირობებშიაც. სამამულო ომის ფრონტზე („ჩემს მიწურ ქოხში“, „მელოდე“, „ო, მამატიეთ“, „კვლავ ცოცხალი ვარ“, „მე მინდოდა იავნანა“, „სადგურზე“); მისი ერთ-ერთი უკანასკნელი ლექსიც სწორედ სიყვარულს შეეხებოდა („მე ეს გრიგალი ვერ წამაქცევდა“). ამ ლექსების უმრავლესობაში საუბარია ტრაგიკულ, უარყოფილ სიყვარულზე. მაგრამ თავისი ნებისყოფის მეოხებით პოეტი მზად არის გაკრუებული სიყვა-

რულის განცდები გადახარშოს საკუთარ გულში. ხოლო ადამიანებს ელაპარაკება გმირობაზე და ცხოვრების სილამაზე.

მ. გელოვანი ხშირად მიმართავდა ბალადას. „აონ“, „შავლეგო“, „თორღვა“, „ბალადა ვარძიის მშენებლისა“ ტიპური ბალადებია თავისი შინაარსით და ფორმით. მაგრამ ისინი არ არიან დაკავშირებული რომანტიკულ ბალადებთან, რომლისთვისაც ნიშანდობლივი იყო ელეგიური ტონი, ფანტასტიკა, კავშირი ლეგენდებთან. თანამედროვე პოეზიაში ბალადა მატარებელია გმირული შინაარსისა; გამსჭვალულია მებრძოლი პათოსით.

თავისი შემოქმედების განვითარების გზაზე მ. გელოვანი ორგანულად იყო დაკავშირებული ქართული ხალხური შემოქმედების ტრადიციებთან. მრავალმის ლექსში მკითხველი შეიცნობს ხალხური შემოქმედების ცხოველყოფელ ძალას. საკმარისია დავასახლოთ მისი ისეთი ლექსები, როგორცაა „თუშის ქალი წყაროზე“, „გზაში“, „ხეგსურული ნანა“, „შავლეგო“, „შავნაბადა“, განსაკუთრებული სიღრმით მან აითვისა ხალხური ლექსის, ხალხური სიმღერების ფორმა, ლექსიკა, სტილი. იგი ღრმად ჩაწვდა ცოცხალ ქართულ სიტყვას, იმ სისადავეს და ბუნებრიობას. რაც დამახასიათებელია ხალხური შემოქმედებისათვის. ამასთანავე არ ბაძავს ხალხურ ლექსს. ეს ნაწარმოებები გვიჩვენებენ პოეტის უნარს ხალხური ლექსის სულის გადმოცემისა, მაგრამ ამავე დროს იგი უარყოფს უბრალო სტილიზაციას. სისადავე, ბუნებრივი ინტონაცია შეადგენს ამ ლექსების ღირსებას.

მ. გელოვანის შემოქმედების თავისებური მხატვრული მანერა განისაზღვრება მისწრაფებით, იდეური შინაარსი გახსნას რომანტიკულად გამახვილებული სახეებით. იგი გაურბის საერთო ფრაზეოლოგიას. მას არ ახასიათებს განზრახ გართულებული, გაუგებარი

შალვა რადიანი
პოეტი და მებრძოლი

შედარებები. დაუვიწყარი და დასრუ-
ლებული მხატვრული სურათია:

წინ გადაუდგა მორბენალს ხევი.
და კლდებს შერჩათ ჩოხის ნახევი.

ასე მოკლედ და ეფექტურად გად-
მოგვეცემს პოეტი ადამიანის დაღუპვას.
ასევე მდიდარია მხატვრული სახეებით
ეს ლექსიც:

მთვარე წყალზე დასაღვეად ჩავიდა,
მავრამ ვერ-კი დალია.
და ჩვენ ორნი, წამოსული ფშვიდან,
მოვადექით დარიალს.
ახლა მთაზე მხოლოდ ჯიხენი არიან,
შუქს ელიან შუნები.

იქ დამიციდი, მე ხეეს ჩავალ ქარიას,
ჩემი დანიშნულებით.
ქარი კივის, ქარი შავად ფაფარს შლის,
ხანაც ტირილს აპირებს.
მე ხეეს ჩავალ, მთვარეს წრიაპს ჩავაწვდი,
აღმართს გაიადვილებს.

მირზა გელოვანის ნაწარმოებთა კრე-
ბული ნათელი დადასტურებაა ჭეშმა-
რიტი ნიჭისა. რომ დასცლოდა, პოეტი
ბევრ კარგ ლექსს შემატებდა ქართულ
პოეზიას და მთელი სისრულით გამო-
ამყლავნებდა თავის შემოქმედებით ძა-
ლას.



მოთა გუბაბიძე

„ორმოცდაათიანელთა“ სექტის იდეოლოგიის რეაქციული არსი

რელიგიას კაცობრიობის შორეულ წარსულში აქვს გადგმული ფესვები. რელიგიისა და რელიგიური დღესასწაულების წარმოშობის მიზეზი იყო პირველყოფილი ადამიანის უძლურება ბუნების სტიქიური ძალების წინაშე.

პირველყოფილ ადამიანს ბუნების მოვლენების ნამდვილი მიზეზები არ ესმოდა და მათ ზებუნებრივ თვისებებს მიაწერდა.

ყველა ძველ, წარმართულ რელიგიაში ვხვდებით მზის, მთვარის, ცეცხლის, მცენარეების, ცხოველების, ბუნების სხვა საგნებისა და მოვლენების გაღმერთებას.

სწორედ პირველყოფილი ადამიანის მიერ ბუნების ძალების გაღმერთება და ამ ძალების თაყვანისცემის ცერემონია წარმოადგენს ქრისტიანული რელიგიური სწავლების წარმოშობის წყაროს.

ლოცვა-ვედრების გარდა ქრისტიანობამ ძველი სარწმუნოებიდან შემკვიდრობით მიიღო მსხვერპლთშეწირვისა და სხვა რიტუალური წეს-ჩვეულებანი. ჯერ კიდევ საკმაოდ არიან ისეთი ადამიანები, რომლებიც ეკლესიაში არ დადიან და არც რაიმე რიტუალს ასრულებენ, მაგრამ რელიგიური ცრურწმენით არიან შეპყრობილნი.

ვინ არიან ეს ადამიანები?!

თბილისში, ბარათაშვილის ქუჩაზე მეცამეტე ნომერში ერთ ჩანებულზე ოთახში რამდენიმე კაცს მოუყრია თავი. ოთახის შუაგულში მაგიდას მისხდომიან ტიმოთე ბიზაევი, არაქელ ხემჩიანი, ალექსი სლივკოვი და „ძმა“ ქალაქ სმოლენსკიდან. ერთ მათგანს ხელში შეეყლიანი წიგნი უჭირავს, დანარჩენები სულგანაბული მისჩერებინ მას. „ორმოცდაათიანელთა“ სექტის ერთ-ერთი ხელმძღვანელი ტ. ბიზაევი ხრინწიანი ხმით იწყებს კითხვას. დამსწრენი, რომლებიც კედლების გასწვრივ სკამებზე სხედან, მთელი მონდომებით იმეორებენ მის სიტყვებს.

გადის დრო... ბიზაევის ჩახლჩილი ხმა გაბმულად ისმის საერთო ღაღადში. გაურკვეველ, საერთო ბურტყუნს შიგადაშიგ ტირილი ერევა. რამდენიმე ადამიანი მუხლებზე ეცემა და უაზროდ გოდებს. ისინი თითქოს დამუხჯდნენ და სიტყვების ნაცვლად რაღაც გაურკვეველ ცხოველურ ბგერებს გამოსცემენ. შემოწილი, არაადამიანური სახეები... უაზრო მოძრაობები...

ეს რელიგიური ფანატიკოსები „ორმოცდაათიანელები“ არიან.

რა არის სექტანტობა?

ქრისტიანობა, ეგუებოდა რა სხვადასხვა ისტორიულ, საზოგადოებრივ და

პოლიტიკურ პირობებს, მრავალ მიმდინარეობდა დაიყო. მორწმუნეთა რელიგიურ გაერთიანებებს, რომლებიც ამას იმ ქვეყანაში გაბატონებულ ეკლესიას ან რელიგიურ მიმართულებას გამოეყვნენ, სექტებს უწოდებენ.

სექტები ყველა მსოფლიო რელიგიაში არსებობს: ქრისტიანობაში, ისლამში, ბუდიზმში. მათი წარმოშობის მთავარი მიზეზები კლასობრივ წინააღმდეგობებში უნდა ვეძიოთ, რაც მთელ ექსპლოატატორულ საზოგადოებას, მათ შორის რელიგიურ ორგანიზაციებს მტრულ ჯგუფებად ყოფს. სექტების წარმოშობა გარეგანი იდეოლოგიური გამოხატულებაა იმ სხვადასხვა სოციალური ჯგუფების კლასობრივი დაპირისპირებისა, რომლებიც ერთსა და იმავე რელიგიას აღიარებენ.

სექტაში მოხვედრის დღიდანვე ხდება სექტის ახალი წევრის „დამუშავება“. სექტის ახალმა წევრმა უნდა გაიაროს საკონტროლო ვადა. როდესაც პრესვიტორი დარწმუნდება ახალი წევრის რელიგიურ ფანატიზმში, მხოლოდ მაშინ ხდება მისი „განბანვა ცოდვებისაგან“. ამის შემდეგ იგი სექტის წევრად ითვლება. განბანვა ხდება მდინარეში, ზღვაში ან რომელიმე წყალსაცავში. ამ დროს პრესვიტორი ლოცულობს, რათა განბანოს უფალმა ახალი წევრის ცოდვილი სული ცოდვებისაგან. უნდა აღინიშნოს, რომ ეს ცერემონიალი ზამთარში ტარდება.

„ორმოცდაათიანელები“ ერთ-ერთი ყველაზე რეაქციული და აკრძალული რელიგიური სექტაა ჩვენს ქვეყანაში. ჩვეულებრივი მორწმუნეებისაგან განსხვავებით, ისინი უარყოფენ ჯვარს, არ ცნობენ ეკლესიას; ღვთის სამსახურის ადგილი თვით ჩვენს გულბშიაო, — ამბობენ ისინი. „ორმოცდაათიანელები“ ოთახებში ლოცულობენ, უარყოფენ მღვდელს. მათ ხელმძღვანელს ჰქვია პრესვიტორი; იგი სამოქალაქო ტანსაცმელს ატარებს.

„ორმოცდაათიანელები“ უარყოფენ მთელ რიგ რელიგიურ დღესასწაულებს და რიტუალებს. ისინი, რა თქმა უნდა,

საერთოდ დევრ უარყოფენ რელიგიურ კულტს, რადგან რელიგიური კულტის გარეშე არ არსებობს რელიგია.

მთავარ რელიგიურ დღესასწაულად ამ სექტას მიაჩნია „სულიწმინდის“ მოსვლა, ანუ „სულიწმინდის მოფენა“. ბიბლიური მითოლოგიის მიხედვით ქრისტეს მოწაფეებს თითქოს ქრისტეს აღდგომის ორმოცდამეათე დღეს მოევილინათ „სული წმინდა“, რომელმაც მათ ყოველივე გაანდო. „ორმოცდაათიანელები“ სწამთ, რომ ხანგრძლივი და გულმხურვალე ლოცვით შეიძლება მორწმუნე სექტანტს ასევე მოევილინოს „სული წმინდა“, ანუ როგორც ისინი ამბობენ, შეიძლება მასში „ჩასახლდეს სული წმინდა“. აქედან წარმოსდგება სექტის სახელწოდებაც.

„ორმოცდაათიანელთა“ ლოცვა ადამიანთა ფიზიკურ და გონებრივ ტრავმას იწვევს. ექსტაზში შესული სექტანტები ტრიან, კვიან, ოხრავენ, ბორგავენ, ზოგი კედელს ახლის თავს. ამ დროს ისინი თითქოს „უცხო ენაზე“ ლაპარაკობენ, მაგრამ რას წარმოადგენს ეს უცხო სიტყვები, არავინ იცის.

1907 წელს ამერიკის შეერთებულ შტატებში შეიქმნა ეგრეთ წოდებული „ორმოცდაათიანელთა“ სექტა. იქიდან სექტა ვავრცელდა ნორვეგიაში, შვეციაში და ევროპის მთელ რიგ ქვეყნებში.

1913 წელს ფინეთიდან „ორმოცდაათიანელთა“ სექტა რუსეთში შემოიჭრა. „ორმოცდაათიანელთა“ სექტის ერთ-ერთი ფუძემდებელი ჩვენს ქვეყანაში იყო ვინმე ვორონაევი, რომელიც 1927 წელს ოდესაში „ორმოცდაათიანელთა“ პირველ ყრილობაზე თავმჯდომარედ აირჩიეს.

ოქტომბრის სოციალისტურ რევოლუციას „ორმოცდაათიანელთა“ უმრავლესობა მტრულად შეხვდა. „ორმოცდაათიანელების“ კულაკთა ნაწილი თეთრ-გვარდიელებთან ერთად იარაღით ებრძოდა საბჭოთა ხელისუფლებას.

„ორმოცდაათიანელთა“ სექტის მესვეურები სექტაში ახალ წევრთა ჩათრევისას ითვალისწინებენ ადამიანთა ეკონომიურ და მორალურ მდგომარეობას.



ბას. თუ ადამიანს უჭირს, ანდა რაიმე უბედურება შეემთხვა, მაშინვე იქ გაჩნდებიან ეს ბნელეთის მოციქულები, ანუგეშებენ გასაჭირში ჩავარდნილს, ეხმარებიან მას ეკონომიურად და შემდეგ თანდათანობით ითრევენ სექტაში. პირველ ხანებში ადამიანი, ჩვეულებრივ, მერყეობს, ორქოფობს, სწორედ ამ დროს სჭირდება მას დახმარება.

დიდ სამამულო ომამდე „ორმოცდაათიანელთა“ გავლენა მკვეთრად შესუსტდა, ბევრმა ჯგუფმა სრულიად შეწყვიტა არსებობა.

მხოლოდ სამამულო ომის წლებში (1941—1945 წწ.) „ორმოცდაათიანელთა“ სექტები ზოგ ადგილას ისევ ამოქმედდნენ. პიტლერული ჯარების მიერ ჩვენი ტერიტორიის დროებითი ოკუპაციის დროს „ორმოცდაათიანელები“ კვლავ გამოძვრნენ იატაკქვეშედან და ყოველნაირად ცდილობდნენ დახმარება გაეწიათ გერმანელებისათვის. მაშინ, როცა საბჭოთა ხალხის საუკეთესო შვილები სამშობლოს დასაცავად იბრძოდნენ, „ორმოცდაათიანელთა“ პრესვიტორები ქადაგებდნენ, რომ ხალხს იარაღი არ აეღო ხელში. ღმერთის სახელით ისინი გერმანელ ფაშისტთა გამარჯვებას ქადაგებდნენ.

„ორმოცდაათიანელთა“ სექტას, როგორც კანონი, ხელმძღვანელობენ ყოველმხრივ გაზარწნილი ადამიანები. „ორმოცდაათიანელთა“ მორალური სახე ძირითადად ამტკიცებს მათ ქადაგებათა ჭეშმარიტ არსს.

მაგალითი: ყოფილი პრესვიტორი არაქელ ხემჩიანი სამამულო ომის დროს გაწვეულ იქნა წითელ არმიაში. პირველი შესაძლებლობისთანავე იგი გერმანელ ფაშისტთა მხარეს გადავიდა, სადაც დაამთავრა ესესელთა უმაღლესი სადივერსიო სკოლა, რის შემდეგაც აქტიურ მონაწილეობას იღებდა საბჭოთა და პოლონელ პარტიზანთა წინააღმდეგ ჩატარებულ ღონისძიებებში. სამამულო ომის დამთავრების შემდეგ სამშობლოს ღალატისათვის მას მიესაჯა 15 წლით თავისუფლების აღკვეთა.

1956 წელს არაქელ ხემჩიანი შეწყნა-

რებულ იქნა ჭუმანური საბჭოთა კანონების მიერ და საშუალება მიეცა ეცხოვრებინა, როგორც მილიონობით საბჭოთა ადამიანი ცხოვრობს. მაგრამ ის, როგორც გამოუსწორებელი ელემენტი, თავისი ბოროტი ზრახვების განსახორციელებლად სათავეში ჩაუდგა მორწმუნე, გონებადაჩლუნგებულ ხალხს. ბევრი ახალგაზრდა ჩაითრია სექტის შავბნელ საქმიანობაში. ანტისაზოგადოებრივი მოქმედებისათვის იგი იზოლირებულ იქნა ჩვენი საზოგადოებისგან ქ. რუსთავეისა და თბილისის 26 კომისრის სახელობის რაიონის მშრომელთა მოთხოვნით 1961 წლის 20 სექტემბერს. ასეთი თითქმის ყველა პრესვიტორის ბიოგრაფია, რომელთაც მრავალი უდანაშაულო ადამიანის სიცოცხლე დაუსახიჩრებიათ, თავიანთი ქადაგებით სწორი გზიდან აუცილდნიათ ისინი და ზშირად ფსიქიურ აშლილობამდე მიუყვანიათ.

პრესვიტორები, როგორც წესი, არსად არ მუშაობენ, არ ეწევიან საზოგადოებრივად სასარგებლო საქმიანობას, ცხოვრობენ სხვისი შრომით.

„ორმოცდაათიანელები“ უარყოფენ მართლმადიდებლური თუ კათოლიკური ეკლესიის წესებით ნათლობის ცერემონიას, საერთოდ კი ნათლობას არ უარყოფენ. მათი მსჯელობის თანახმად, — სახარების თითქოსდა სწორი, ახლებური გაგების თანახმად — უნდა მოინათლოს მოზრდილი ადამიანი, როცა მას შეუძლია განმარტოს ამ რელიგიური აქტის მნიშვნელობა.

„ორმოცდაათიანელებს“ აქვთ აგრეთვე ერთ-ერთი ძირითადი რელიგიური დღესასწაული — ეგრეთ წოდებული „პურის გატეხვის“ რიტუალი. „წინასწარმეტყველი“ იღებს პურს, ტეხს მას ნაწილებად და ურიგებს „ღებსა“ და „ძმებს“, რომლებმაც უნდა შეჭამონ პურის ნატეხი და ზედ ღვინო დააყოლონ. პრესვიტორი ამტკიცებს, ეს პური ქრისტეს ხორცია, ღვინო კი სისხლი.

ოთარ ტურაბელიძე

„ორმოცდაათიანელთა“ სექტის იდეოლოგიის რეაქციული არსი

ამ რიტუალის ჩატარების დროს პრესვიტორი წელს ზემოთ შიშვლდება, წელზე შემოირტყამს თეთრ ნაჭერს და ვარცლში ფეხს ბანს სექტანტს; ეს უკანასკნელი შეორეს და ა. შ. ერთმანეთის ფეხს ბანვა „და-ძმობის“ დამამტკიცებლად ითვლება. შემდეგ კი იწყება კოცნა, ლოშნა, რაც გახრწინლების საწინდარია. ხშირად პრესვიტორი აიძულებს თავის წევრებს დაანგრეონ ოჯახი, ანდა პირიქით, დაამყარონ ცოლქმრული ურთიერთობა, მიუხედავად ქალ-ვაჟის სურვილისა.

„მაშინ მე და ჩემი მეუღლე ანატოლი ეგოროვი, — იწერება „ორმოცდაათიანელთა“ სექტის ყოფილი წევრი ნადია ზაკომორკინა, — ქ. გაგრაში ცვხოვრობდით და აი, დადგა საბედისწერო დღეც. ჩემმა დედამთილმა ელენე ეგოროვამ გვიან ღამით გამოგვიცხადა, გაგრიდან ღნებროპეტროვსკში უნდა გადავსახლდეთო.

მან აგვიხსნა, რომ ეს იყო თვით მამა-ზეციერის ნება-სურვილი, რაც ლოცვის დროს „სული წმინდის მოფენით“ შეიტყო მათმა „წინასწარმეტყველმა“.

სხვა ოჯახებთან ერთად ჩვენი ოჯახიც გადავიდა ღნებროპეტროვსკში. გვიან შევიტყვე, რომ ასეთი გადასვლები ადგილიდან ადგილზე სექტანტებისათვის არ იყო ახალი და უცხო. ეს გადასვლები მხოლოდ „წინასწარმეტყველთა“ სიტყვებზე დაყრდნობით ხდებოდა.

ჩემი ქმარი ანატოლი ეგოროვი, რომელიც ფანატიკოსი „ორმოცდაათიანელი“ გახდა, დედამისის ელენე ეგოროვას გავლენით მოითხოვდა, რომ მეც სექტაში შევსულიყავი. ბოლოს და ბოლოს ქმარმა თავისი გაიტანა. მე სექტის წევრი გავხდი, თუმცა ნათლობა არ მიმიღია. ფეხმძიმე ქალი მთელი საათობით ვისმენდი შეშლილთა ლოცვებს. ქმარი და დედამთილი ჩემგანაც მოითხოვდნენ გამალეზულ ლოცვას, ვითომდა მხოლოდ ამით უზრუნველყოფდი ჩემი შვილის ბედნიერებას. ყოველი პარასკევი და კვირა სექტანტების ლოცვის დღეები — მარხვის დღეები იყო. ვგრძნობდი, რომ ყოველივე ეს დამღუპველად მოქმედებ-

და ჩემს ჯანმრთელობაზე. ერთხელ დალილსა და ძალაგამოლეულს ვაზე გულიც კი შემიწუხდა. ბურტყუნით გალენჩებულ სექტანტებს ყურადღება არც კი მოუქცევიათ ჩემთვის, ალბათ ეგონათ, რომ მე ამ დროს, იატაკზე დამსობილს, „სული წმინდა“ მომეველინა.

ერთადერთი იმედი ჩემი მომავალი პირშმო იყო. იმედი მქონდა, რომ ის მაინც იმოქმედებდა ჩემს მეუღლეზე და აუხელდა მას თვალებს, მაგრამ მოგტყუვდი. როდესაც დედამთილმა და ქმარმა მტკიცედ მომთხოვეს პატარა ირინკასთან ერთად მევლო სექტის შეკრებაზე, მე უარი ვთქვი. ჩემი ქმარი ძალით ფიქრობდა ჩემს დაყოლიებას, ფიზიკური შეურაცხყოფაც კი მომაცენა. რათა გაედევნა ჩემგან „ავი სული“ და ისე ჩავეთრიე სექტაში. მე იძულებული გავხდი მიმეტოვებინა ოჯახი და გაგრაში დავბრუნებულიყავი.

ჩემი გოგონა ახლა „დედას“ თავისუფლად ამბობს, მაგრამ მან არ იცის სიტყვა „მამა“. სად არის ირინკას 22 წლის მამა ანატოლი ეგოროვი? იგი „წინასწარმეტყველის“ სიტყვების თანახმად ღნებროპეტროვსკიდან ვორონეჟში გადავიდა, იქიდან ბორისოვლებში. თავის უკანასკნელ წერილში ანატოლი მარწმუნებს, რომ თუ მინდა ბედნიერება, მაშინ გაგრაში მოქმედ „ორმოცდაათიანელთა“ სექტაში უნდა ვიარო. რაც შეეხება მის დაბრუნებას კანონიერ მეუღლესთან და შვილთან, ამაზე ლაპარაკიც კი ზედმეტია. მან მოურიდებლად შემატყობინა, რომ ახლა ცხოვრობს ისეთ ქალთან, რომელიც თურმე მასთან ერთად „ელაპარაკება ღმერთს“.

აი, რა არის სექტა. მან აუტანელი ტკივილები მომაცენა, უღროოდ დამაბერა, ახლად შექმნილი ოჯახი ძირშივე დამინგრაია“.

გაგრის პანსიონატის თანამშრომელი დაბ. 1937 წ.

„ორმოცდაათიანელები“ უმტკიცებდნენ სექტანტებს, „მეორედ მოავლამდე“ სულ ცოტა დროა დარჩენილიო.

ამიტომ ილოცეთ, იტანჯეთ, რომ არ იწვალოთ „იქ“, იმ ცხოვრებაში. სადამდის მიჰყავს ადამიანი ამგვარ ქადაგებას, შეიძლება განესაჯოთ შემდეგი მაგალითით.

ამ ცოტა ხნის წინათ ქალაქ ფრუნზე-ში „ორმოცდაათიანელთა“ თემი მოუთმენლად ელოდა ადგილობრივი წინასწარმეტყველის მიერ დანიშნულ საათს „ქრისტეს მეორედ მოსვლისა“ და აი, ის წუთიც დადგა, მორწმუნეებმა დატოვეს ოჯახები და გალობით გასწიეს მთებისაკენ, რათა პირველნი შეხვედროდნენ ქრისტეს. ისინი საღამომდის ლოცულობდნენ, ევედრებოდნენ ღმერთს გამოცხადებულიყო, მაგრამ ამაოდ. დაღლილი და მშვიერი სექტანტები გვიან საღამოს დაბრუნდნენ სახლებში. იმედგაცრუებულთა გასამხნეველად „წინასწარმეტყველი“ „მეორედ მოსვლის“ სულ ახალ და ახალ ვადებს ნიშნავდა.

„ორმოცდაათიანელები“ რამდენიმე დღეს მარბულობენ. ეს იწყებს ორგანიზმის დასუსტებას და როდესაც იწყება ვეღური ლოცვები, დაუძლურებული ორგანიზმი მთლად იფიტება.

„ორმოცდაათიანელთა“ ლოცვა-ქადაგებანი იწყება სახარების კითხვით, რის შემდეგ ისინი გალობენ ფსალმუნებს. შემდეგ ყველანი ეცემიან მუხლებზე და გულშემზარავად ყვირიან, ლოცულობენ — თვითეული მათგანი სთხოვს ღმერთს ჯანმრთელობას, ცოდვების მონანიებას, ევედრება — საქმეში ხელი შემოიწყევო. მორწმუნენი თანდათან ვარდებიან რელიგიურ ექსტაზში; ყველას მოიკავს კოლექტიური ფსიქოზი, ისმის კივილი, ქვივინი. მორწმუნეებს ჰკონიათ, რომ ამ დროს სხეულს ტოვებს სული, და ღმერთს სულის დაბრუნებას თხოვენ.

რიგითი „ორმოცდაათიანელების“ უმრავლესობას სწამს, რომ ლოცვის დროს „მათ ეფინება წმინდა სული“. აქ სექტანტებს, როგორც ფსიქოლოგებმა და ფსიქიატრებმა დაამტკიცეს, ეწყებათ პალუცინაციები, რაც ფსიქიური აშლილობის შედეგია.

ასეთი ლოცვის დროს, როდესაც ერთ-

ერთ სექტანტს „კეთილი სული მოეფინა“, იგი ყვირილით გამოვარდა გატყევილი და მდინარეში გადაეშვა; მისდა სპონტანურად მდინარე ღრმა არ აღმოჩნდა, იგი ასე იჯდა წყალში თითქმის ერთს საათს და რაღაც გაუგებარ სიტყვებს გაიძახოდა. ალბათ დილაძედ ასე იქნებოდა, მილიციელს რომ არ ამოეყვანა წყლიდან. ამ სექტანტს ფილტვების ანთება დაემართა, რისგანაც პენიცილინიზი გადაარჩინა.

ასე ახშობენ „ორმოცდაათიანელები“ ადამიანის გონებას, ხდიან მას მორჩილ ყმად, უნერგავენ ყოველგვარ უაზრობას. ერთმა „წინასწარმეტყველმა“ დაარწმუნა რიგითი სექტანტი, რომ მას შეუძლია „სასწაული მოახდინოს“. სექტანტმა ეს დაიჯერა და ადიდებული მდინარის გადაცურვა მოისურვა, მაგრამ დაიღრჩო.

უამრავი ფაქტები მოწმობენ „ორმოცდაათიანელთა“ ანტისაზოგადოებრივ და ანტისახელმწიფოებრივ მოქმედებას.

ისინი უნებისყოფო და გონებასუსტ ადამიანებს უქადაგებენ, რომ არ მიიღონ მონაწილეობა საზოგადოებრივ საქმიანობაში, არ დაესწრონ კინოსა და თეატრს, არ წაიკითხონ წიგნები, არ გაბედონ ჯარში წასვლა, არ შევიდნენ კომკავშირში, პარტიაში.

სექტანტებს — „ორმოცდაათიანელებს“ აკრძალული აქვთ ლამაზად ჩაცმა, მათ სიცილიც არ შეუძლიათ. ასეთია მათი მდგომარეობა, ადამიანი მთლიანად მოწყვეტილია მიწიერ სიხარულს და სიამოვნებას. სექტანტი თანდათან მიუკარებელი ხდება, არა აქვს თავისი აზრები და თავისი „მე“. ამ ბოლო ხანებში სექტანტებმა ზოგიერთი აკრძალული ჩვევა შეცვალეს. მაგალითად, მთელ რიგ სექტანტში წვერებს ნება დართეს ატარონ საათი, ქალებს კი ნება მიეცათ ჩაიცვან მოკლე სახელოებიანი კაბები და მაღალქუსლიანი ფეხსაცმელები. „ორმოცდაათიანელებმა“ ნება დართეს

ოთარ ტურაბელიძე

„ორმოცდაათიანელთა“ სექტის იდეოლოგიის რეაქციული არსი

სექტანტებს, ისარგებლონ რადიოთი, მხოლოდ უნდა უსმინონ „ამერიკის ხმისა“ თუ „ბიბისის“ რელიგიურ გადაცემებს.

განსაკუთრებით ცუდ გავლენას ახდენენ სექტანტები ბავშვების ფსიქიკაზე. სექტანტი მშობლები შვილებს თავიანთ ყაიდაზე ზრდიან. ბავშვებს გაორებული ცხოვრება აქვთ: გაკვეთილებზე პასუხობენ ერთს, საღამოთი კი სამლოცველო სახლში სხვას აკეთებინებენ. ისინი პატარაობიდანვე ეჩვევიან ორპირობას, ტყუილს, ეგოიზმს, მლიქვნელობას.

„ორმოცდაათიანელები“ სპეციალურად მოზარდებისათვის სექტაში აყალიბებენ ეგრეთ წოდებულ „კვირის სკოლებს“, სადაც მათ უკითხავენ ათასგვარ რელიგიურ ზღაპრებს. ასეთი აღზრდის შედეგად ბავშვებს თანდათან უჩლუნგდებათ გონება, ისინი უინიციურობენ, უსიცოცხლონი ხდებიან.

სექტანტი მშობლების აზრით მათმა ბავშვებმა სკოლაში მანამ უნდა იარონ, სანამ კითხვას ისწავლიან და ბიბლიის წაკითხვა შეეძლებათ; მეტი განათლება მათთვის არ არის საჭირო.

აი, კიდევ ერთი მაგალითი. „მამა სამამულო ომში დამეღუპა, — ყველა ნიკოლოზ გამრეკელი, დაბადებული 1940 წელს. — მე და დედა ომის მძიმე წლებში გორიდან დაბა აგარაში გადავედით საცხოვრებლად. დედამ შაქრის ქარხანაში დაიწყო მუშაობა. მე მაშინ პატარა ბავშვი ვიყავი. სწორედ აქ დაუკავშირდნენ ჩვენს ოჯახს ქარხანაში მომუშავე სექტანტები და იგი სექტაში ჩაითრიეს. დროებითი სიძნელეებით გატეხილი ქალი სექტის აქტიური წევრი გახდა. იგი მოატყუეს მძიმე სულიერი განცდების დროს.

რამდენიმე წლის შემდეგ ჩვენ რუსთავში გადმოვსახლდით. მე წარმოებაში ვმუშაობდი და თან დაუსწრებლად ვსწავლობდი მეტალურგიულ ტექნიკუმში.

ში. სწორედ ამ დროს უბედურება შემეძინა; მუშაობის დროს ტრავმა მივიღე და შრომის მეორე ჯგუფის ინვალიდი ვავხდი. ადვილი წარმოსადგენია ფიზიკურად ჯანმრთელი, ცხოვრებას მოწყურებული ახალგაზრდა ასეთ მდგომარეობაში. მე მძიმედ განვიციდიდი ყოველივეს. სექტანტებმაც არ დააყოვნეს; დამშვიდება დამიწყეს და ჩემი სხეულიდან „სატანის“ გაქვევებას შეეცადნენ.

მივატოვე სამუშაო, მივატოვე სწავლა, სისტემატურად დავდიოდი სექტაში. ჩემი მთავარი საზრუნავი გახდა ღვთაებისადმი ლოცვა-კურთხევით სულის შეწყნარება. ყველა მოთხოვნას, ყველა რიტუალს, რასაც ძმები ხემჩიანები მოითხოვდნენ, ზუსტად ვასრულებდი. რუსთავში მოქმედი „ორმოცდაათიანელთა“ სექტა მკვიდრო კავშირში იყო თბილისში მოქმედ სექტასთან, რომელსაც ტ. ბიზავეი და თ. ჟელტკოვი ხელმძღვანელობდნენ“.

ყოველივე ამის მოგონება უსიამოვნებას გვრის სექტის ყოფილ წევრს. ამჟამად ქ. თბილისში არტელ „გამარჯვების“ მუშას ნიკოლოზ გამრეკელს.

საგულისხმოა ერთი ამბავი: სექტის დამაარსებელმა ი. ვორონაევმა 1930 წელს შეიგნო თავისი შეცდომა და უარყო „ორმოცდაათიანელთა“ რელიგიური სარწმუნოება, ის სექტა, რომელიც 1921 წელს თვითონ დააარსა. რიგითმა სექტანტებმა დღემდე არ იციან ეს ისინი ახლაც სთვლიან ვორონაევს თავიანთ „წინასწარმეტყველად“. „ორმოცდაათიანელთა“ სექტის ხელმძღვანელები სექტის რიგით წევრებს უმალავენ ვორონაევს ამბავს, რომელმაც ყოველგვარი კავშირი გასწყვიტა რელიგიასთან.

ჩვენმა ხალხმა, ჩვენმა საზოგადოებამ დაუნდობელი ბრძოლა უნდა გამოუცხადოს ბნელეთის მოციქულებს, ძირფსვიანად უნდა აღკვეთოს მათი მავნე საქმიანობა.



კონი მუხაკველი

ღავით აღმაშენებლის სამხედრო რეზორმის ზოგიერთი საკითხი

XII საუკუნის პირველ მეოთხედში თურქთა ბატონობისაგან საქართველოს საბოლოო განთავისუფლების საკითხი დადგა დღის წესრიგში. მართალია, ქვეყნიდან მტერი თითქმის განდევნილი იყო, მაგრამ საფრთხე მაინც მოსალოდნელი იყო, ვიდრე ამიერკავკასიის აღმოსავლეთი (შარავანი, რანი) და სამხრეთი (სომხეთი) თურქთა ხელში რჩებოდა და ვიდრე საქართველოსთან მიმდებარე ყაზალა-ვანა-ანისში თურქები ბატონობდნენ. საქართველოს უშიშროების დაცვის საქმე მოითხოვდა ოპის გატანას ქვეყნის საზღვრებს გარეთ. კავკასიის მოძმე ხალხები თვითონაც ებრძოდნენ მომხდურ თურქებს და ყოველთვის მზად იყვნენ, მხარში ამოსდგოოდნენ მეზობელ ქართველებს საერთო მტრის წინააღმდეგ ვასალაშქრებლად. ამიერკავკასიის ხალხებს ერთი მისწრა-

ფება ამოძრავებდათ — განედევნათ თურქი დამპყრობლები მათი მიწაწყლიდან, რასაც ამიერკავკასიის პოლიტიკური გაერთიანება მოჰყვებოდა. გამართიანებლის როლში საქართველო გამოდიოდა.

ამდენად, საქართველოს მეტად დიდ-ისტორიული ამოცანა დააწვა კისერზე, რომლის განხორციელებაც საგანგებო ღონისძიებების გატარებას მოითხოვდა. პირველ რიგში დადგა სამხედრო რეფორმების გატარების აუცილებლობა.

საქართველოს სამეფო კარიც შეუდგა ამ ღონისძიებების გატარებას. უპირველესად საჭირო იყო ლაშქრის ორგანიზაციის მოწესრიგება.

ღავით აღმაშენებელს მკაცრი სამხედრო დისციპლინა შემოუღია ჯარში, „ხოლო საეშმაკონი სიმღერანი, სახიობანი და განცხრომანი, და გინება ღმრთისა საძულველი, და ყოველი უწყისობა

მოსპობილი იყო ლაშქართა შინა მის-
თა¹. ე. ი. ამ ღონისძიების გატარება-
მდე აღგილი ჰქონდა არეულობას და
ყოველგვარ უწყობას. XII საუკუნის
პირველი მეოთხედის სამხედრო ძალები
კი მტკიცედ არიან დისციპლინირე-
ბული, მათში დიდია სამხედრო სამსა-
ხურის მოვალეობის მტკიცედ აღსრუ-
ლების შეგნება. საქართველოს მეფემ
განსაკუთრებული ყურადღება მიაქცია
ლაშქრის კარგად გაწვრთნის საქმეს და
ამ მხრივ არსებულ წესებში სავრძნობი
ცვლილებები შეიტანა. პირადი მაგალი-
თით დავით აღმაშენებელი მოლაშქრე-
ებს უნერგავდა გამბედაობას და გულა-
დობას. „უყეთუმცა ესოდენ უწყინოთა
ლაშქრობითა და მცირედ-მცირედ ბრძო-
ლითა და სწავლითა გუარიაანად და
ღონიერად წინამძღობითა, და მრავალ-
თა ძლევათა მიერ მოგონებითა არა
განეწყუართნეს სპანი თუისნი, და განე-
კადნიერნეს წყობათა მიერ მხნეთა,
ქებითა და ნიჭითა მცემითა, ხოლო
ჯაბანთა სადედოთა შთაცუმიითა და კი-
ცხევით ძაგებითა არამცა მოელონა“².

დავით აღმაშენებელმა რეფორმები
გაატარა თვით ლაშქარში. მოქმედების
სისწრაფისათვის ქვეითი ჯარი შესც-
ვალა ცხენოსანი რაზმებით, რომლებიც
ყოველ მომენტში მზად უნდა ყოფი-
ლიყვნენ.

ესოდენ გადახალისებული და გარ-
დაქმნილი ჯარი მტერს ახალი ტაქტი-
კით უნდა შეებოდა. მის ხელმძღვანე-
ლობასაც ახალი სტრატეგიული ხერ-
ხები უნდა გამოეყენებინა. დავით აღ-
მაშენებელი ისეთ მარჯვე ხერხს მი-
მართავდა, როგორც არის მტრის შე-
მოტყუება და მოულოდნელად მასზე
თავდასხმა. „აქუნდის ჩვეულებად ესე
მეფესა, რამეთუ განზრახვით გარდავი-
დის აფხაზეთით და ჩამოიტყუენის

თურქმანი სახამთროთა ადგილთა მტერ-
რის პირისათა“³. რაკი მემატინა...
უსვამს იმას, რომ მეფეს „აქუნდის ჩვე-
ულებად“-ო, ბუნებრივია, გვაქვს საფუ-
ძველი ვიფიქროთ, რომ დავით აღმაშე-
ნებელი ზმირად იყენებდა ამ ხერხს.
იგი თურქთა თვალის ასახვევად დასავ-
ლეთ საქართველოში გადადიოდა. თურ-
ქები ეგებოდნენ ანკესზე და ქართლს
ესეოდნენ. დავით აღმაშენებელი მოუ-
ლოდნელად, თავის სპასალარებთან
ერთად, რომლებსაც წინდაწინ პაემანს
უნიშნავდა, მოუსწრებდა მტერს და
ერთიანად მუსრს ავლებდა. მეფე სხვა-
დასხვა საშუალებებს იყენებდა მტრის
დაბნევა-მოტყუებისათვის. ამ საქმეში
ის ფართოდ იყენებდა მზვერავეებს, რო-
მელთაც მემატინაე მსტოვარებად
იხსენიებს. „მსტოვარნი“ თვალყურს
ადევნებდნენ მტრის მოძრაობას და ყვე-
ლაფერს დროულად აცნობებდნენ მე-
ფეს⁴. საქართველოს ლაშქრის ერთ-ერთი
მნიშვნელოვანი თვისება იყო სწრა-
ფი მანევრირების უნარი. ჯარის სწრა-
ფი მოძრაობის უზრუნველსაყოფად
დავით აღმაშენებელმა ააშენა „რაოდენ-
ნი ხიდნი მდინარეთა სასტიკთა ზედა,
რაოდენნი გზანი საწყინოდ სავალნი.
ქვა-ფენილ ყვნა“⁵. ყოველივე ამ საქ-
მიანობამ კი ხელი შეუწყო „სიმრავლი-
თა სპათათა და სიმალითა სვლას“. დავით
აღმაშენებლის ისტორიკოსი საქართვე-
ლოს ჯარის მთელი რიგი ღირსებების
ჩამოთვლასთან ერთად არ ივიწყებს მის
მეთაურს დავით აღმაშენებელს, რომე-
ლიც იყო „უმსგავსო სპასპეტი და წი-
ნამბრძოლი... წინაუძღოდა... რამეთუ
არა დაშურებოდა არცა მოეწყინებოდა,
არამედ ყამიერად და წესიერად აღაშ-
ქრებდა მათ, მართებდა და განაგებდა
მსგავსად მისსა დიდგონეობითა, და
ვიღამცა იყო წინამდგომი მისი და ანუ
მიმმართი ომისა მის წინაშე“⁶. დავით
აღმაშენებელმა მართლაც დიდი როლი
ითამაშა მისივე რეფორმების ცხოვრე-
ბაში მთელი სისრულით გატარების
საქმეში.

დავით აღმაშენებელმა შესცვალა სა-
ომარი ტაქტიკაც. საომარი ტაქტიკის

¹ ქართლის ცხოვრება, I, თბ. 1955, გვ. 352.

² იქვე, გვ. 358.

³ იქვე, გვ. 338.

⁴ მსტოვარი ქვეყანაში ჯაშუსის მოვალეობა-
საც ასრულებდა.

⁵ ქართლის ცხოვრება, თბ. 1955 წ. გვ. 353.

⁶ იქვე, გვ. 337.



მეცვლის შესახებ პირდაპირი ცნობები ჩვენ არ მოგვეპოვება (თუ მედღველობაში არ მივიღებთ იმ თარიღე ცნობას, რომელიც ჯარის ფრონტზე განაწილებას ეხება). ამ საკითხით ბევრი მოღვაწე იყო დაინტერესებული (თათარყან დადემკელიანი,¹ ნიკო ურბნელი,² იოსებ გედევანიშვილი³) და საგანგებო ნაშრომებიც კი მიუძღვნეს მას. მაგრამ ეს ავტორებიც ისეთივე მდგომარეობაში იყვნენ წყაროების მხრივ, როგორც დღეს ჩვენ ვართ და ამიტომ მათი ნარკვევები უმეტეს წილად მოსაზრებებზეა დამყარებული და არა ისტორიულ საბუთებზე. ასე მაგალითად, ნ. ურბნელი აღნიშნავს, რომ XII საუკუნის პირველ მეოთხედში, ე. ი. დავით აღმაშენებლის მეფობის დროს საქართველოს ლაშქარს „მიღებული ჰქონდათ ბიზანტიური ანუ რომის საომარი დაწყობა ჯარისა, ეგრეთ წოდებული „მწკრივებრივი ტაქტიკა“. ეს ტაქტიკა თხოულობდა, რომ რამდენიმე რაზმი ორ მწკრივად დაწყობილიყო ჰადრაკის კაცების მსგავსად. ორივე მწკრივის რიცხვი თანასწორი უნდა ყოფილიყო. პირველი მწკრივი იერიშით მიდიოდა და თუ სიგრძით მტრის მოწინავე ჯარს აღემატებოდა, მაშინ ფრთებს შლიდა და ორმხრივ მოეხვეოდა მოწინააღმდეგეს. მეორე მწკრივი პირველს შველოდა“. და სხვ. ნ. ურბნელი მიუთითებს, რომ დავით აღმაშენებელს შეუტვლია ეს წესი: „ორის მაგიერ სამი მწკრივი შემოიღო; თითოეულს საკუთარი დანიშნულება ჰქონდა. პირველს შეადგენდა წინამძღოლი ჯარი, მეორეს ყოლბი ჯარი, ხოლო მესამეს — მაშველი ჯარი. მაშველ მწკრივად ითვლებოდა როქის სპა, რომელსაც თვით მეფე წინ უძღოდა“. ნ. ურბ-

ნელის ეს მოსაზრებები არაფრით განსხვავდება თათარყან დადემკელიანის ნარკვევში მოცემული დებულებებისაგან. ამ მხრივ ვერც იოსებ გედევანიშვილის ნარკვევი „სამხედრო ხელოვნება საქართველოში“ აშუქებს საკითხს არსებითად.

პროფ. აბ. კიკვიძეს მოჰყავს ცნობები ქართველი მემატიანის, ვახტანგ გორგასლის ცხოვრების აღმწერი ჯუჯანშერის თხზულებიდან, სადაც მოთხრობილია საქართველოს ჯარის განლაგებაზე ბრძოლის დროს. კერძოდ, თხზულება მოგვითხრობს, რომ როცა ვახტანგ კორგასალმა ოსთა ჯარის წინამძღოლი გოლიათი ბაყათარი ძირს დასცა, იგი ამოუდგა თავის სპას და „წარემართნენ წინ ჯერ ცხენოსანნი, შემდეგ ქვეითნი და ქვეითთა უკანით სიმრავლე მხედართა“. ხოლო ვახტანგ მეფე მთელ სპას ანუ მთელ ჯარს უკან მიჰყვებოდა „რჩეულთა მხედრითა“. ბრძოლა კვლავ განახლებულა როცა ვახტანგი მარჯვენა მხრიდან უტევდა, მოწინააღმდეგის თვით მარცხენა მხარე ძრწოდაო და — პირიქით. აქედან დასკვნა: ვახტანგი ჯერ მოწინავე რაზმში ყოფილა (ამ დროს მოუკლავს მას ბაყათარი), ხოლო შემდეგ ის თავის ჯარს ზურგში მოქცევია, ბრძოლის განახლებისას კი კვლავ მოწინავე რაზმში გადასულა.

ამ ცნობიდან გამომდინარე, საქართველოს ჯარის საბრძოლო ტაქტიკა ასეთია: მოწინავე ნაწილია მხოლოდ მხედრობა ანუ ცხენოსანი რაზმი, მის შემდეგ არის ქვეითი ნაწილები, ქვეითი ნაწილების შემდეგ ცხენოსანი ნაწილების მარაგი ანუ რეზერვი და „რჩეულთა ლაშქარი“, ერთიანად ცხენოსნებისაგან შემდგარი, მეფის მეთაურობით.

რაზმები იყოფიან ორ ფრთად — მარჯვენა და მარცხენა ფრთად. მეფე თავისი რჩეული ლაშქრით ადგილს

1 თათარყან დადემკელიანი, მოკლე განხილვა საქართველოს მხედრობის 1089 — 1122 წ. წ. — „ივერია“, 1883 წ. № 10, გვ. 67-99.
 2 ნ. ურბნელი, დავით აღმაშენებელი და მისი დრო, „მოამბე“, 1894 წ. № 4, გვ. 9.
 3 ი. გედევანიშვილი, სამხედრო ხელოვნება საქართველოში, ვახ. „სახალხო ფურცელი“, 1915 წ. №№ 393, 394, 395, 396, 397, 398, 399, 400, 401.

როინ მეტრეველი
 დავით აღმაშენებლის სამხედრო რეფორმის ზოგიერთი საკითხი

იკვლის იმის მიხედვით, თუ სად მეტად არის გართულებული მდგომარეობა. „ის ჩვეულებრივად მთელი ჯარის ზურგშია, ხოლო საჭიროების მიხედვით ხან მარცხენა ფრთაზე და ხან მარჯვენა ფრთაზე იბრძვის, ხოლო მოწინააღმდეგის კონცენტრირების შემთხვევაში მარჯვენა და მარცხენა ფრთას უერთებს“. ¹

პროფ. აბ. კიკვიძე მიიჩნევს, რომ დავით აღმაშენებლის დროსაც ეს წესი ყოფილა დაცული და ასაბუთებს იმით, რომ დავით აღმაშენებლის დრო დიდად არ არის დაშორებული ჯუანშერის დროს. ეს უკანასკნელი კი, როგორც პროფ. აბ. კიკვიძე ფიქრობს, ვახტანგის დროს XI საუკუნის რეალიზების მიხედვით უდგებოდა და ჯუანშერის ცნობაც XI საუკუნის საქართველოს სამხედრო წყობილებას უფრო შეეხება ².

ჩვენ არ ვიცით რამდენად მართებულია იმის მტკიცება, რომ ჯუანშერი ვახტანგის ეპოქას მისი თანამედროვე XI საუკუნის რეალიზების მიხედვით უდგებოდა, მაგრამ იმის მტკიცება, რომ დავით აღმაშენებლის დროსაც იგივე საბრძოლო ტაქტიკა იყო, რაც ჯუანშერის დროს, არ უნდა იყოს მთლად სწორი. განსაკუთრებით დავას იწვევს პროფ. აბ. კიკვიძის დებულება: „ის (მეფე — რ. მ.) ჩვეულებრივად მთელი ჯარის ზურგშია“ ³. აქ არ უნდა დაგვაივიწყდეს დავით აღმაშენებლის ისტორიკოსის სიტყვები: „ხოლო თვით მეფე არა თუ ვითარცა სხუა ვინმე ზურგით უდგა ოდენ სპათა თვისთა, ანუ მო-

რით უზახებდა, ვითარცა ერთი მთავართაგანი ვინმე, არამედ უპირატესად ყოველთასა თვით წინა უფედოდა, და ვითა ლომი შეუზახებდა ხმითა მალღითა, და ვითა გრიგალი მი-და-მო იქცეოდა“ ⁴. ჩვენი აზრით, აქ მხოლოდ მეფეზე უაღრესად შეყვარებული და მისი თაყვანისმცემელი ისტორიკოსის ხობა კი არ უნდა დავინახოთ, არამედ სხვა რამეც. იქნებ ისტორიკოსის სიტყვები, დავით აღმაშენებელი ლაშქარს „თვით წინა უფედოდა“, სწორედ დავით აღმაშენებლის რაიმე ახალ ტაქტიკურ ჩანაფიქრზე მიუთითებდეს. დავით აღმაშენებლის ისტორიკოსი იმასაც უსვამს ხაზს, რომ დავითი „უმსგავსო სპასპეტი და წინამბრძოლი“ ⁵ იყო. „წინამბრძოლის“ ინსტიტუტი შემდგომ ხანებშიც გვხვდება. წინამბრძოლი სულხან-საბას განმარტებით პირველ შემხმელს ნიშნავს ⁶, ე. ი. იმას, ვინც პირველად ჩაებმება ბრძოლაში. ფეოდალიზმის ხანის სხვა ისტორიკოსებიც მოიხსენიებენ „წინამბრძოლს“. თამარის ისტორიკოსი, როცა რუქნადინთან ბრძოლას ეხება, ამბობს: „დააწყუეს რაშიმ, სადა იგი წინამბრძოლად იყო ზაქარია მხარგრძელი“ ⁷... და სხვ. ჟამთა აღმწერელიც, როცა განძელებთან ლაშა-გიორგის ბრძოლაზე მოგვითხრობს, წერს, გულადად იბრძოდაო ჭაბუკი მეფე, „რომლის თანა წინამბრძოლობდეს ძლიერად ყუარყუარე ჯაყელისა შვილი“ და სხვა. ⁸

წინამბრძოლთა მოვალეობა ის იყო, რომ ჩვეულებრივ პირველი ეკვეთებოდნენ ხოლმე მტერს. ⁹ ბუნებრივია, წინამბრძოლთა ბრძოლისუნარიანობაზე დიდად იქნებოდა დამოკიდებული გამარჯვების ბედი. ამდენად, „უმსგავსო სპასპეტისა და წინამბრძოლის“ დავით აღმაშენებლის პირველ რიგებში ბრძოლა, მით უმეტეს, რომ მასთან იქნებოდა რჩეული მოლაშქრეებისაგან შედგენილი ლაშქარი, ე. წ. მონა-სპა, თავისებურ გავლენას იქონიებდა საერთოდ ლაშქრობაზე. მათ მორალურ მდგომარეობაზე.

ე. ი. დავით აღმაშენებლის დროინ-

¹ აბ. კიკვიძე, დავით აღმაშენებელი, თბ. 1942 წ. გვ. 42.

² იქვე.

³ იქვე.

⁴ ქართლის ცხოვრება, I, 1955, გვ. 329.

⁵ იქვე, გვ. 337.

⁶ სულხან-საბა ორბელიანი, სიტყვის კონა, თბ. 1949, გვ. 871.

⁷ ქართლის ცხოვრება, II, თბ. 1959, გვ. 96.

⁸ იქვე, გვ. 153.

⁹ წინამბრძოლთა ამ მოვალეობაზე დაბეჯითებით მიუთითებენ როგორც „ისტორიანი და აზმანი შარავანდედთანის“ ავტორი, ასევე ჟამთააღმწერელიც.

დელი ლაშქრისათვის დამახასიათებელია მეფისა და მონა-სპის წინა ხაზზე ბრძოლა, განსხვავებით წინანდელისაგან, როცა მეფე აუცილებლად საჭიროების შემთხვევაში გადადიოდა წინა პლანზე.¹ საინტერესოა თვით „მონა-სპის“ საკითხიც. დავითის ისტორიკოსი აღნიშნავს: „კუალად მონანი რომელ ჰყვეს რჩეულნი და განსწავლულნი ღუაწლსა, ვითარ ხუთასი კაცი, ყოველნი ქრისტიანე ქმნილნი, მისანდონი და გამოცდილნი სიმხნითა“... მონა-სპა სპეციალურად იყო შედგენილი რჩეული და გამოცდილი მოლაშქრეებისაგან. მონა-სპა მეფის უშუალო ლაშქარი იყო. ხუთი ათასი კაცი მეფესთან ერთად იბრძოდა. როგორც ჩანს, მათ მეფის დაცვა ჰქონდათ დავალებული. მეფე ბრძოლის დროს ყოველ მომენტში მონა-სპასთან ერთად იყო. ალბათ იმ რთულ ბრძოლებში, რომლებშიაც კი საქართველოს ლაშქარი დავით აღმაშენებლის მეთაურობით ღებულობდა მონაწილეობას, პირველ რიგში მეფესთან ერთად მონა-სპის მოლაშქრეებიც იბრძოდნენ მტრის წინააღმდეგ და მეფეს იცავდნენ.

წყაროების უქონლობის გამო² ჩვენთვის ძალზე ძნელია გადაჭრით თქმა იმისა, თუ რა სიახლენი იქნა შეტანილი საქართველოს ლაშქრის ტაქტიკაში, მაგრამ არ უნდა იყოს სადავო ისიც, რომ XII საუკუნის პირველი მეოთხედის საქართველოს სამხედრო რეფორმის ერთ-ერთ შემადგენელ ნაწილად ლაშქრის სტრატეგიული და ტაქტიკური სიახლენიც უნდა ყოფილიყო, რომელთა დემონსტრირება მოხდა დიდ-

¹ აბ. კვიციანი, დავით აღმაშენებელი, თბ. 1942, გვ. 42.

² ზოგი მეცნიერი ისეთი საფუძვლის უქონლობის მიუხედავად, როგორც წყაროა. მაინც აკეთებს დასკვნებს ტაქტიკის შესახებ (იხ. А. А. Строков, История военного искусства, I, М., стр. 241—244).

³ ნ. ბერძენიშვილი, ვ. დონდუა, შ. ღუმბაძე და სხვ. საქართველოს ისტორია, I, თბ. 1958 წ. გვ. 159.

⁴ ქართლის ცხოვრება, I, 1955, გვ. 335.

გორის ბრძოლის დროს. არ არის გამორიცხული, რომ სწორედ დავით აღმაშენებელმა ჩაუყარა საფუძველი ლაშქრის იმ ტაქტიკას, რომელმაც დასრულებული ორიგინალური სახე მიიღო XII — XIII ს. ს.

საქართველოში უცხოელთა ჯარის მოწვევა არ ყოფილა უჩვეულო მოვლენა. კავკასიის მთიანეთში ან იმიერკავკასიაში ხდებოდა ასეთი ლაშქრის დაქირავება, თანაც გარკვეული პირობით: დათქმულ დროს მტრის წინააღმდეგ ალაშქრებდნენ ხოლმე და შემდეგ ისევ შინ გაისტუმრებდნენ.³

ამჯერად, როცა საქართველო ესოდენ გაძლიერების გზას ადგა, ბუნებრივია, დროებითი დაქირავება ჯარისკვერ დაკმაყოფილებდა ქვეყნის მოთხოვნებს. დღის წესრიგში დგებოდა საჭირო რესურსების გამოხაზვისა და მუდმივი ჯარის შექმნის საკითხი. საქართველოს მთავრობამ ყიფჩაყთა გადმოსახლებისაკენ აიღო გეზი.

ქართულ ისტორიოგრაფიაში არაერთი მოსახრება არის გამოთქმული საქართველოს სამეფო კარის მიერ გადადგმული ამ ნაბიჯის მიზეზების შესახებ. დავით აღმაშენებლის ისტორიკოსი, ხაზს უსვამს რა იმ გარემოებას, რომ დავით აღმაშენებელმა „ძლევათა და გამარჯვებათა თვისთა“ შედეგად თავის მფლობელობაში მოაქცია ბევრი ქალაქი და ციხე, აღნიშნავს, რომ „რა იყო ესოდენი სიმრავლე ლაშქართა სამეფოსა შინა მისსა, რათამცა ქალაქთა და ციხეთა შინა მდგომად და დამჭირველად და კუალად თვით მის თანამყოფად და მოლაშქრედმცა კმა ეყვენენ დაუცრომლად მიმოსლევასა ლაშქრობასა მისსა ზამთარ და ზაფხულ“.⁴ ამიტომ, განაგრძობს მემატიანე, „შემოღობა გონება (დავით აღმაშენებელმა — რ. მ.). კეთილად და გონიერად გამგონე, ვითარცა დავით, სულისა მიერ წმიდისა, აღიღო მთლად თავი თვისი და მი-

როინ მეტრეველი

დავით აღმაშენებლის სამხედრო რეფორმის ზოგიერთი საკითხი

მოავლო თუალი გონებისა თვისისა და განიცადა კეთილად, განიზრახა სამეფოთა ცნობითა, რომელ არა კმა იყვნეს სამეფოსა მისისანი თანამოყოლად კრთომათა“ და სხვ. ე. ი. დავით აღმაშენებლის ისტორიკოსი ყიფჩაყთა მოყვანის მიზეზად თვლის იმას, რომ „არა იყო ესოდენი სიმრავლე ლაშქართა სამეფოსა მისსა“. თითქმის იგივეს იმეორებს ვახუშტი ბაგრატიონი: „რამეთუ არა კმა-ეყოფის სპანი მისნი ესე-ოდენთა ციხეთა და ქვეყანათა დაპყრობად. განიზრახა გონიერებითა და წარვიდა ოვსეთად, რათა გადმოიყვანოს სიმრავლე მათი (ყიფჩაყების — რ. მ.), ვინაიდან მოეყვანა (დავით აღმაშენებელს — რ. მ.) ასული ყიფჩაყთა მეფისა ცოლად თვისად გურანდუხტ, დედოფალად გიორგისა“. ¹ ე. ი. ვახუშტი ბაგრატიონი ლაშქრის (სპის) უქმარობასთან ერთად² ყიფჩაყთა მეფის ასულის გურანდუხტის დავით აღმაშენებლისადმი ცოლობასაც ასახელებს ყიფჩაყთა გადმოყვანის მიზეზად.

შემდგომი დროის ისტორიკოსებიც ყიფჩაყთა გადმოყვანას დავით აღმაშენებლის მიერ გურანდუხტის შეროჯკას უკავშირებენ. მარი ბროსე თავის „საქართველოს ისტორიაში“ წერს: „დავითმა გარდაწყვიტა დიდძალი რიცხვი ყიფჩაყების ჯარებისა დაეკირავნა. მან წინეთ ამისა შეირთო გურანდუხტი; ასული ათრაქისა, შარალანის შვილი-

¹ ვახუშტი, საქართველოს ისტორია, დ. ბაქრაძის რედაქციით, ნაწილი პირველი, ტფ. 1885 წ. გვ. 179.

² ამ ცნობის წყაროდ ალბათ დავით აღმაშენებლის ისტორიკოსის თხზულება აქვს გამოყენებული ვახუშტი ბაგრატიონს.

³ მარი ბროსე, საქართველოს ისტორია, ნაწილი პირველი, ტფ. 1895, გვ. 152.

⁴ ნ. ურბნელი, მეფე დავით აღმაშენებელი და მისი დრო, მოამბე, 1894, II, გვ. 15.

⁵ დ. კარიჭავილი, საქართველო XII საუკუნეში, ტფ. 1902, გვ. 47.

⁶ ივ. ჯავახიშვილი, ქართველი ერის ისტორია, II, თბ. 1948, გვ. 199.

⁷ აბ. კიკვიძე, დავით აღმაშენებელი, თბ., 1942, გვ. 9.

⁸ სერგი მაკალათია, დავით აღმაშენებელი, თბ. 1944, გვ. 25.

სა“...³. და სხვა. იგივეს აღნიშნავს ნ. ურბნელი თავის საკმაოდ მრავალ ისტორიულ მონოგრაფიაში „დავით აღმაშენებელი და მისი დრო“.⁴

ყიფჩაყთა გადმოყვანის საკითხზე თავისი აზრი აქვს გამოთქმული დავით კარიჭავილის: „...როგორ შეიძლებოდა, — ამბობს იგი — რამოდენადმე დიდის სამუდამო ჯარის დაწესება ქართველთაგან, რომელიც ხანგრძლივი ომების გამო ისე შემცირებულყვენ საომრად გამოსადეგის ვაჟკაცების რიცხვით. ამიტომ მას (დავით აღმაშენებელს — რ. მ.) მოუვიდა აზრად მოეწვია უცხო ხალხი“...⁵

აკად. ივ. ჯავახიშვილმა მუდმივი ლაშქრის შექმნისა და ყიფჩაყთა გადმოყვანის მიზეზებად ძირითადად გაიმეორა ვერსია ყიფჩაყთა მთავრის ასულის დავით აღმაშენებლის ცოლობისა და ბრძოლის დროს ყიფჩაყთა კარგი თვისებების შესახებ.⁶

ანალოგიურ აზრს გამოთქვამენ პროფესორები აბელ კიკვიძე (იმ განსხვავებით, რომ პროფ. აბელ კიკვიძე მიზეზთაგან ჯერ ყიფჩაყთა კარგ მეომრობას ასახელებს და შემდეგ დავით აღმაშენებლის მოყვრობას ყიფჩაყებთან) ⁷ და სერგი მაკალათია.⁸

ჩვენს მიერ ზემოთ ჩამოთვლილი ყველა ისტორიკოსის მოსაზრებები საქართველოში მუდმივი ლაშქრის შექმნისა და ყიფჩაყთა გადმოყვანის მიზეზების შესახებ არ არის სრულყოფილი. ყოველი შემთხვევისათვის ისინი ევრ გვაძლევენ ამ მიზეზების არსებით ახსნას. ეს შეიძლება იმით იყოს გამოწვეული, რომ აღნიშნული საკითხი არც ერთ ისტორიკოსს საგანგებო შესწავლის საგნად არ გაუხდია.

დავიწყით დავით აღმაშენებლის ისტორიკოსით. იგი ყიფჩაყთა გადმოყვანის მიზეზად მიიჩნევს საქართველოს ლაშქრის სიმცირეს. ამ მოსაზრებას როგორც ზემოთ ვნახეთ, ზოგიერთი სხვა ისტორიკოსიც იზიარებდა. წყაროდ, ბუნებრივია, იყენებდნენ თვით დავით აღმაშენებლის მემატანის თხზულებას.

სწორია თუ არა ეს დებულება? ვფიქრობთ, რომ მთლად არა. რა თქმა უნდა, ფაქტია ის, რომ საქართველოს ლაშქარი იმ დიდი ბრძოლების შედეგად (რომელსაც XII საუკუნის პირველ მეოთხედში ჰქონდა ადგილი—1110 წელს ქართველთა ჯარმა სამშვილდე აიღო, 1115 წელს — ქალაქი რუსთავი, 1117 წელს — ქ. გიში, 1118 წელს — ლორე და სხვ.) დაიღალა და რიცხოვრებადაც შემცირდა, მაგრამ არც იმდენად, რომ თავდაცვისა და შემდგომი ბრძოლების წარმოების საშუალება არა ჰქონოდა. სხვა ეროვნების მოლაშქრეთა მოყვანა კი მთელი რიგი მოსაზრებებით იყო ნაქარნახევი.

საქართველოს სამეფო კარს კარგად ჰქონდა შეგნებული, რომ ის ბრძოლები, რომლებიც ასე ინტენსიურად ხდებოდა ქვეყნის თურქთა ბატონობისაგან განსათავისუფლებლად, უდიდეს ძატიერიალურ ზარალს აყენებდა საქართველოს ეკონომიკას, აჩანაგებდა მას. ეს იმიტომ, რომ საქართველოს ჯარი ფეოდალური ლაშქრის პრინციპზე იყო აგებული და, ბუნებრივია, როცა ბრძოლები იმართებოდა, მიწათმოქმედნი მოწყვეტილი იყვნენ თავიანთ ძირითად საქმეს და მოლაშქრეობას ეწეოდნენ. ამ პერიოდში კი ფეოდალური მეურნეობა ზარალდებოდა. ყივჩაყთა გადმოყვანის შემთხვევაში კი ასეთი ზარალი აღარ იქნებოდა. აყვავდებოდა ქვეყნის ეკონომიკა, თანაც თავდაცვის საქმე მოგვარებული იქნებოდა.

ამდენად, საქართველოს მთავრობა

ყივჩაყთა გადმოყვანით შორს უმიხნებოდა. ამ საქმეს საქართველოს ეკონომიკის დაწინაურება უნდა მოჰყოლოდა, ანდა, უარეს შემთხვევაში, საქართველოს მეურნეობა ზარალს არ ნახავდა ომების წარმოების დროს.

მეორე, როგორც აღვნიშნეთ, საქართველოს სამხედრო გამგეობა ფეოდალურ წესზე იყო მოწყობილი, ე. ი. ყოველი ფეოდალი — ერისთავი ვალდებული იყო საჭირო დროს ჯარი მზად ყოლოდა. მთელი სამეფო სადროშოებად იყო დაყოფილი. თვითეულ მათგანს თავისი ადგილი ჰქონდა მიჩენილი.¹ ასე რომ, საქართველოს სამეფოს ძლიერება დამოკიდებული იყო მეფის მოყმე ფეოდალების ერთგულებასა და სამეფოსადმი მათს დამოკიდებულებაზე.

დავით აღმაშენებელი, როცა რეფორმას ატარებდა, დაინტერესებული იყო იმითაც, რომ რაც შეიძლება მეტად შეეზღუდა ფეოდალთა პოლიტიკური უფლებები და გაეძლიერებინა მეფის ხელისუფლება. უცხოელთა გადმოყვანითა და მუდმივი ჯარის შექმნით მეფე ფეოდალებისაგან დამოუკიდებელი გახდებოდა. ამით თავისთავად დაიმცრობოდა ფეოდალთა როლი ლაშქრობაში დროს.

ამდენად, ყივჩაყთა გადმოსახლების ძირითად მიზეზად უნდა ჩაითვალოს ორი ფაქტორი: საქართველოს მთავრობის ზრუნვა ეკონომიური ძლიერების შენარჩუნებისა და შემდგომი აღმავლობისათვის და სამეფო კარის ბრძოლა ფეოდალური მონარქიის შექმნისათვის.²

ყივჩაყთა გადმოყვანის მიზეზთა შორის, ჩვენს სამეცნიერო ლიტერატურაში გაბატონებული აზრის მიხედვით, ერთ-ერთი პირველთაგანია დავით აღმაშენებლის მოყვრობა ყივჩაყებთან. ჩვენი აზრით არც ეს ფაქტორი უნდა

როინ მეტრეველი

დავით აღმაშენებლის სამხედრო რეფორმის ზოგიერთი საკითხი

1 ნ. ურბნელი, დავით აღმაშენებელი და მისი დრო, დროება 1894, № 2, გვ. 3.

2 რაც შეეხება დავით აღმაშენებლის ისტორიკოსის იმ თქმას, რომ „არა იცოდა სიმრავლე ლაშქართა სამეფოსა ამაჲს-ო, არ უნდა იყოს მთლად სწორი. შეიძლება ვინმე წინ აღუდგა იმ ღონისძიებებს, რომლებაც მიზნად ისახავდნენ უცხო ეროვნების ხალხს სამუდამო ჩამოსახლებას საქართველოში და სამეფო კარმაც თავისი მოქმედების დასასაბუთებლად წამოაყენა ეს დებულება, ხოლო დავითის ისტორიკოსმა ყოველგვარი ობიექტური კომენტარის გარეშე შეიტანა იგი თავის თხზულებაში.

იყოს მთავარი მიზეზი. შევეცდებით დავასაბუთოთ ეს მოსაზრება.

საკითხი ისმება ასე: რატომ მიანიცადამინც ყოფიყების გადმოყვანა და მათგან მუდმივი ლაშქრის შექმნა გადაწყდა? ამ კითხვაზე ისეთი პასუხის გაცემა, როგორსაც ზემოთ გავეცანით (დავით აღმაშენებლის მოყვრობა ყოფიყებთან), ვერ არის მეცნიერულად დამაკმაყოფილებელი.

ჩვენი აზრით, ყოფიყების უოფა-ცხოვრებაში საქართველოს მეფემ და სამეფო კარმა შენიშნა ის ფაქტორები, რომლებმაც განაპირობეს სწორედ ყოფიყებისაკენ (და არა სხვა ხალხისაკენ) გეზის აღება.

ყოფიყები კავკასიონის ჩრდილოეთით, მდ. დონიდან მოკიდებული კასპიის ზღვის ნაპირებამდე ცხოვრობდნენ. ისინი განვითარების დაბალ საფეხურზე იდგნენ. მათში XII საუკუნეში ჯერ კიდევ გვაროვნული წყობილება იყო და ტომებად ცხოვრობდნენ. ყოფიყები ცნობილი იყვნენ კარგი საბრძოლო თვისებებით. დავით აღმაშენებელმაც კარგად „უწყოდა კეთილად ყოფიყათა ნათესავისა სიმრავლე, და წყობათა შინა სიმხნე, სისუბუქე და მიმოსვლა სიფიცხე მიმართებისა, ადვილად დასამჭირვლობა და ყოვლითურთ მომზავებულობა ნებისა თვისისა“.¹

ყოფიყათა დაბალი განვითარების საფეხურზე ყოფნა სასარგებლო იყო საქართველოსათვის. და რატომ. როგორც ზემოთ აღვნიშნეთ, საქართველოს სამეფო კარს გადაწყვეტილი ჰქონდა არა დროებითი დაჭირავება ჯარისა (ამ შემთხვევაში მნიშვნელობა არა აქვს დასაჭირავებელი ხალხის განვითარების

დონეს), არამედ მუდმივი ჯარის შექმნა, რაც გადმოსახლებული ხალხისა და ზაზე უნდა მომხდარიყო. ასეთ შემთხვევაში დაბალი განვითარების ხალხის (მით უმეტეს ისეთების, რომლებიც თითქმის მომთაბარულ ცხოვრებას ეწეოდნენ) გადმოყვანა იმიტომ იყო ხელსაყრელი, რომ ეს უკანასკნელნი ადვილად შეეგუებოდნენ ახალ გარემოს. გარდა ამისა, როგორც წესი, მოექცეოდნენ მათზე გაცილებით უფრო მაღალი კულტურის მქონე ხალხის (ქართველების) გავლენის ქვეშ და თვითონაც გაქართველდებოდნენ. ე. ი. საქართველო მათთვის სამშობლო გახდებოდა და მათი ერთგულებაც ამ ქვეყნისათვის ბრძოლის დროს დიდი იქნებოდა. ზოგიერთი მეცნიერი ფიქრობს, ყოფიყები ერთგულად იბრძოდნენ იმიტომ, რომ მათი მთავარი დავით აღმაშენებლის სიმამრი იყო. რა თქმა უნდა, ეს უკანასკნელი აქტი (მოყვრობა) მათი (ყოფიყების) საქართველოსადმი ერთგულების საწინდრად ვერ გამოდგება. საქართველოს სამეფო კარს კარგად უნდა ჰქონოდა გათვალისწინებული ყველა ზემოთ ჩამოთვლილი დეტალი, როცა გეზს ყოფიყათა გადმოსახლებისაკენ იღებდა. გათვალისწინებული უნდა ჰქონოდათ ისიც, რომ ყოფიყების ერთგულება მხოლოდ ერთი მეფისადმი, დავით აღმაშენებლისადმი,

საკმარისი არ იყო და ამიტომ თავიდანვე იფიქრებდნენ მათ გაქართველებაზე. რათა ეს უკანასკნელნი საერთოდ ქვეყნის ერთგულნი ყოფილიყვნენ და არა მხოლოდ მეფისა.

ამდენად, საქართველოს სამეფო კარის მიერ სწორედ ყოფიყების გადმოსახლებაზე გეზის აღების მიზეზი მათი განვითარების დაბალი დონე იყო, რაც ყოფიყების უმტიციენტულოდ ჩამოსახლებისა და მათზე ზეგავლენის მოზღვევის საშუალებას იძლეოდა. აგრეთვე ის კარგი საბრძოლო თვისებები, რომლებითაც ყოფიყები ხასიათდებოდნენ.² რაც შეეხება დავით აღმაშენებლისა და ყოფიყათა მთავრის მოყვრობის საკითხს,

¹ ქართლის ცხოვრება, I, თბ. 1955, გვ. 336.

² მხედველობაში უნდა მივიღოთ ის გარემოებაც, რომ ყოფიყათა ტომი, რომელსაც ათრაქა შარაღანის ძე მთავრობდა, რუსეთის დიდმა მთავარმა სამხრეთ რუსეთის ველეშიდან ძალით გამოაძევა და დამარცხებულმა ამიერკავკასიის შეაფარა თავი. საქართველოს სამეფო კარს ალბათ ესეც კარგად ჰქონდა გათვალისწინებული.

ის ვერ იქნებოდა ამ ღონისძიების ობიექტური მიზეზი, უკეთეს შემთხვევაში ამ ფაქტორს კატალიზატორის როლის შესრულება შეეძლო. ეს კარგად უნდა ჰქონდეს შემჩნეული თვით დავით აღმაშენებლის ისტორიკოსსაც. იგი, როცა ჩამოთვლის იმ მიზეზებს, რისთვისაც საქართველომ არჩევანი ყივჩაყებზე შეაჩერა, ყველაზე პოლია იხსენიებს ყივჩაყთა მთავრისადმი საქართველოს მეფის ნათესაურ კავშირს: „(ჯერ მათ საბრძოლო აჯანყებებს ასახელებს)... და ამათ თანა უადვილეს ყვენეს მოსვლად მახლობლობითაცა და უბოვარებითა, და რამეთუ პირველ მრავალთა წელთასა მიერ მოუყვანა სანატრელი და ყოვლად განთქმული სიკეთითა გურანდუხტ დედოფალი, შვილი ყივჩაყთა უმთავრესისა ათრაქა შარადანის ძისა, შჯულიერად მეუღლედ თჳსად და დედოფლად ყოვლისა საქართველოსა“².

ამდენად, საქართველოს მეფის ნათესაური კავშირი ყივჩაყთა მთავართან ბოლოხარისხოვანი მიზეზი უნდა ყოფილიყო ყივჩაყების საქართველოში გადმოსახლებისათვის.

როგორც დავინახეთ, სამხედრო რეფორმის გატარების პირველი ნაბიჯი საქართველოს სამეფო კარს ღრმად ჰქონდა აწონ-დაწონილი, რადგან მის გატარება-შესრულებასაც დიდი დაკვირვებულობა სჭირდებოდა.

დავით აღმაშენებელმა საქართველოს სამეფო ლაშქარში ყივჩაყთა მოსაწვევად გაგზავნა „კაცნი სარწმუნონი“. ყივჩაყები სიხარულით შეხვდნენ ამ მოწოდებას („სიხარულით მიითუალეს“), საქართველოს მეფეს თანხმობა შემოუთვალეს და ითხოვეს „გზა მშვიდობისა ოკსთავან“³.

დავით აღმაშენებელი თვით „წარმართა (ოსეთს — რ. მ.) და თანაჲსა ტანა გიორგი ჳყონდიდელი და მწიგნობართუხუცესი თჳსი, კაცი სრული ყოვლითა სიკეთითა სულისა და ხორცთასა, სავსე სიბრძნითა და გონიერებითა...“⁴ შევიდა თუ არა საქართველოს მეფე ოსეთში, „მოეგებნეს მეფენი ოსეთისანი და ყოველნი მთავარნი მათნი, და ვითარცა მონანი დადგეს წინაშე მისისა“⁵. დავით აღმაშენებელმა ოსები და ყივჩაყები შეათანხმა „და ჳყო შორის მათსა სიყვარული და მშვიდობა ვითარცა ძმათა“⁶. ამ შეთანხმების და ურთიერთობის საწინდრად დავითმა მძევლები ჩამოართვა ორივე მხარეს, თვითონ კი „აღიხუნა ციხენი დარიალისა და ყოველთა კართა ოვსეთისათა და კავკასიისა მთისათანი. და შექმნა გზა მშვიდობისა ყივჩაყთათის.“⁷

აღნიშნულ ფაქტს, რომელიც ასეთი დეტალური მიმდევრობით აქვს გადმოცემული დავით აღმაშენებლის ისტორიკოსს, უაღრესად დიდი მნიშვნელობა ჰქონდა. ჯერ ერთი, ამიერიდან ჩრდილოეთის ყველა გადასასვლელის ციხეები საქართველოს სამეფოს ხელში იყო. მეორე ოსებისა და ყივჩაყების შერიგება და საქართველოს ყმად მათი გახდომა ქვეყანას ზურგს უმაგრებდა. ჩრდილოეთიდან მშვიდობას უზრუნველყოფდა. დავით აღმაშენებელს საშუალება ეძლეოდა საქართველოს შეერთებული მხედრობა სამხრეთ-აღმოსავლეთისა და სამხრეთ-დასავლეთისაკენ მიემართა.

ამრიგად, ყივჩაყები გადმოყვანილი იქნენ საქართველოში. დავით აღმაშენებელმა, მისივე ისტორიკოსის ცნობით, „ყივჩაყნი დააყენა ადგილთა მათ მარჯუეთა დედაწულითა მათითა, რომელთა თანა იყო წყობად განმავალი რჩეული ორმოცი ათასი“⁸. ე. ი. დავით აღმაშენებელმა ყივჩაყები ოჯახებით

1 ქართლის ცხოვრება, I, თბ. 1955, გვ. 336.

2 იქვე.

3 იქვე.

4 იქვე.

5 იქვე.

6 იქვე.

7 იქვე.

8 იქვე, გვ. 337.

როინ მეტრეველი

დავით აღმაშენებლის სამხედრო რეფორმის ზოგიერთი საკითხი

გადმოყვანა საქართველოში. ისტორიკოსი არ ასახელებს ადგილს, რომელზეც ყივჩაყები დასახლდნენ. ისე კი ამბობს, „ადგილთა მათ მარჯუთა“, დააყენაო დავით აღმაშენებელმა. ჩვენი აზრით, საფუძვლიანი უნდა იყოს პროფ. აბ. კიკვიძის ვარაუდი, რომ ყივჩაყებმა დასახლებლად გამოყენებული იყო უმთავრესად ის ადგილები, რომლებიც ჯერ არაბთა, ხოლო შემდეგ თურქთა მძლავრობის დროს დაცარიელდა.¹

საქართველოს მთავრობას გადმოყვანილი „წყობად განმავალი რჩეული ორმოცი ათასი“ ყივჩაყი უზრუნველუყვია საქურველითა და ცხენებით. ყივჩაყები „უმრავლესნი ქრისტიანე იქნებოდეს დლითი-დღე და სიმრავლე ურიცხვ შეეძინებოდა ქრისტესსა“.² დავით აღმაშენებელმა ყივჩაყები „დააწყუნა გუარად — გუარად და დაუდგინნა სპასალარნი და მმართველნი“.³ ამით გარდა ხუთასი ათასი კაცი მონა-სპაში იყო „ყოველი ქრისტიანე ქმულნი, მისანდონი და გამოცდილნი სიმნითა“.

ამგვარად, დავით აღმაშენებელს ყოველი შემთხვევისათვის მზად ჰყავდა 45 ათასი გაწვრთნილი ცხენოსანი, ხოლო საჭიროების შემთხვევაში მას შეეძლო შეეყარა „თვისისა სამეფოსა სპანი რჩეულნი და მოკაზმულნი, ცხენკეთილნი და პირშუქცეველნი“. ამდენად, საქართველოს სამეფო სამხედრო თვალსაზრისით საკმაოდ ძლიერი იყო.

როგორც ზემოთ ვნახეთ, ყივჩაყები თავიანთი ოჯახებითურთ იქნენ გადმოსახლებული. მათ მეომრისათვის საჭირო ყველა ატრიბუტთან ერთად მიეცათ მიწა. ბუნებრივია, რომ ამ გზით შექმნილი ჯარი ჩვეულებრივი დაქირავებული გვარდია არ იყო. იგი არსებითად განსხვავდებოდა ისეთი დაქირავებული ჯარისაგან, რომელსაც აღრე

„როქის სპას“ უწოდებდნენ. ყივჩაყები უძველეს ჩაებნენ ფეოდალური საქართველოს ცხოვრებაში. მათი მთავრება ვაჟება ქართველი გლეხისაგან სახელმწიფოსადმი ვალდებულება-დამოკიდებულებაში უნდა გამომხატულიყო, კერძოდ, ყივჩაყთა ვალდებულება მხოლოდ სამხედრო სამსახური უნდა ყოფილიყო. სხვაგვარი კი ყივჩაყი მოსახლეობა ალბათ თავისუფალი იყო. არ არის გამორიცხული ისიც, რომ სამხედრო სამსახური ბეგარის სახით დწესებულყო.⁴

ამრიგად, ყივჩაყთა გადმოყვანა საქართველოს სამეფო კარმა 1118—1120 წ. წ. განახორციელა. 1120 წელს საქართველოს ლაშქარი სრულ საომარ მზადყოფნაში იყო. ყივჩაყთა გადმოყვანამ და დასახლებამ საქართველოში, სავანეებო გაწვრთნამ და მკაცრი დისციპლინის შემოღებამ დიდი სარგებლობა მოუტანა საქართველოს: ქვეყანა გაამაგრა, გააძლიერა, გარეშე მტრებს კი თავზარი დასცა. მუღმივი ჯარის შემოღებას დავით აღმაშენებელს ბევრი დიდგვარიანი აზნაური უწუნებდა. მაგრამ დიდმნიშვნელოვანმა ნაბიჯმა თავისი ნაყოფი გამოიღო. მუღმივი ჯარის შექმნის მეტად დიდ მნიშვნელობას ხაზს უსვამს საქართველოს წარმატებები. „განიცადეთლა ოთხთა ამით წელთა ქმნილნი მისნი, რომელთა მრავალგზის ქმულთა მცირედი მეგულუების ჰქუმაღ“.⁵ დავით აღმაშენებლის ისტორიკოსის ეს სიტყვები ეხება იმ ოთხი წლის სამხედრო ღვაწლსა და ძლევამოსილებას. რომელიც ყივჩაყთა ლაშქრის გადმოყვანიდან, 1120 წლიდან, საქართველოს მუღმივი ლაშქარმა 1125 წლამდე მოიხვეჭა.

დიდგორთან ბრძოლას ჩვენ ზემოთაც შევეხეთ, მაგრამ აქ მაინც შევჩერდებით ამ ბრძოლასთან დაკავშირებულ ზოგიერთ საკითხზე. ბრძოლა ძალზედ საინტერესო იყო სამხედრო თვალსაზრისით. დიდგორის ომს იმთავითვე დიდი ყურადღება მიუქცევია ისტორიკოსებში, განსაკუთრებით სამხედრო ხელოვნების მკვლევარებში.

¹ აბ. კიკვიძე: დავით აღმაშენებელი, თბ. 1942 წ. გვ. 38.

² ქართლის ცხოვრება, I, თბ. 1955, გვ. 337. ³ იქვე.

⁴ აბ. კიკვიძე, დავით აღმაშენებელი, თბ. 1942, გვ. 38.

⁵ ქართლის ცხოვრება, I, თბ. 1955, გვ. 337.

ამიტომ იყო, რომ ცნობები ამ ბრძოლის შესახებ და აგრეთვე მისი შეფასება როგორც ქართველი, ასევე უცხოელი მკვლევარების ნაშრომებშიც გვხვდება. დავით აღმაშენებლის ისტორიკოსი,¹ არაბი აჰმად იბნ უსუფ იბნ ყალი ალ-აზრაჟ ალ ფარაჟი,² იბნ ალაიირი (ამ ავტორის „მსოფლიო ისტორია“ დაამუშავა ფრანგმა აღმოსავლეთმცოდნემ მ. დეფრემერემ³), გოტაჟე, მათე ურჰაელი — აი, არასრული სია იმ ავტორებისა, რომლებიც დიდგორთან ომს შეეხენ. აქვე უნდა შევნიშნოთ ისიც, რომ აღნიშნული ბრძოლის მნიშვნელობას სამხედრო თვალსაზრისით შეეხო ფეოდალური საქართველოს სამხედრო ხელოვნების ისტორიის თითქმის ყველა მკვლევარი. ყოველივე ეს კი ერთხელ კიდევ ხაზს უსვამს საკითხის მნიშვნელობას.

ალ-ფარაჟი დაწვრილებით გადმოგვცემს იმ გზას, რომლითაც გაიარეს „მუსულმანთა კოალიციის“ წარმომადგენლების ნეჯმედდინ ილლაზისა და მასთან მყოფმა დუბეისის ჯარებმა. ისინი შესულან ყარსის მიდამოებში და თრიალეთის გზას დასდგომიან. დათქმული იყო, რომ მთელი ლაშქარი თბილისის შესასვლელთან უნდა შეყრილიყო. იმავე ცნობით ნეჯმედდინი ნახევარი დღის სავალზე მისულა თბილისთან. დავით აღმაშენებლის ისტორიკოსიც ადასტურებს იმ ფაქტს, რომ მტერი თბილისის მისადგომებთან იყო მისული: „მოვიდეს (მტერი—რ. შ.) თრიალეთს, მანგლისს და დიდგორთა.

რომელთვთ ფერხთა ზედა ვერ ეტოდეს ამათ ადგილთა“.⁴

ინგლისელი მეცნიერი პროფ. მინორსკი მიიჩნევს, რომ ალ-ფარაჟის მონაცემები გზის შესახებ იგივეა, რომელსაც ძველი ქართული საისტორიო წყაროები მიუთითებენ: „ყარსი — არდაჰანი — ახალქალაქი“ (?)

აქად. ივ. ჯავახიშვილმა ქართული საისტორიო წყაროების საფუძვლიანი შესწავლის შედეგად დაადგინა, რომ ძველი დროიდანვე შიდა ქართლში შესვლა მხოლოდ თრიალეთის გზით შეიძლებოდა.⁵

ამდენად ნათელია, რომ ილლაზი ყარსიდან გამოსულა და მანგლისისა და თრიალეთის მისადგომებთან გაჩერებულა. მაჰმადიანთა კოალიციის ჰეორე ნაწილი კი განძისა და დვინის მხრიდან გამოემართა.

ერთი სიტყვით, აგვისტოს შუა რიცხვებში მტერი თრიალეთ-მანგლისისა და დიდგორშია განლაგებული და ხელთ უპყრია ყველა მნიშვნელოვანი სტრატეგიული მისადგომი.

ასეთ რთულ პირობებში, ცხადია, საქართველოს მხედართმთავრობა ახალტაქტიკურ ხერხს მიმართავდა (საწაწა-ხაროდ ამის შესახებ ჩვენ არავითარი ცნობა არ მოგვეპოვება). დავით აღმაშენებლის გამჭირაობით აღფრთოვანებული ისტორიკოსი ამბობს: „მეფემან დავით, უშიშმან და ყოვლად უძრავმან გულითა... წინა განაწყო სბა მისი და... ყოველი საქმე შეუენიერად და ღონიერად ყო, რაბან წყნარად, უშფოთიერად და გამოცდილებით და ყოვლად ბრძნად განავო და... თჳსნი სპანი დაიცვნა უვნებლად“.⁶ დავით აღმაშენებელმა ისეთი ამბავი დაწაო მტერს, რომ „ამათ ყოველთათვის არა ჩუენი, არამედ ვგონებ, რომელ ყოველთა ბრძენთა სოფლისათა ენა ვერ შემძლებელ არს მითხრობად ზეკანიწენით უფალსვე“-ო.⁷ იმავე ისტორიკო-

1 ქართლის ცხოვრება, I, თბ. 1955.
2 ვ. ფუთურიძე, არაბი ისტორიკოსის ცნობა XII ს. თბილისის შესახებ, ენიმეს მოამბე, ტ. XXIII.
3 M. Defreméry, Extrait D' ibn-Alathir, Fragments de geographes et D' historiens arabes et persans inédits. Journal Asiatique, Juini. 1849, p. 477-482.
4 ქართლის ცხოვრება, ტ. I, თბ. 1955, გვ. 341.
5 ივ. ჯავახიშვილი, ქართველი ერის ისტორია, II, გვ. 57.
6 ქართლის ცხოვრება, II, თბ. 1955, გვ. 341.
7 იქვე.

როინ მეტრეველი
დავით აღმაშენებლის სამხედრო რეფორმის ზოგიერთი საკითხი

სის თქმით „რამეთუ პირველსავე ომსა იოტა ბანაკი მათი და ივლტოდა“.

ალ-ფარიკის მოწმობით დავით აღმაშენებელს აღმოსავლეთიდან გამოუღლაშქრია დიდი მხედრობით, მთებიდან დასხმია თავს მაჰმადიანებს და დიდი ბრძოლა გადაუხდია. დიდგორას ბრძოლა საბედისწერო აღმოჩნდა მაჰმადიანური კოალიციისათვის.

1121 წლის ბრძოლას დიდი მნიშვნელობა ჰქონდა. საქართველო და მისი დედაქალაქი თბილისი თურქთა უღლისგან განთავისუფლდნენ. ამიერიდან საქართველოს წინმიმავალ აღმავლობას ძნელი იყო ვინმე დასდგომოდა წინ.

საინტერესოა ერთი დეტალიც: დიდგორის ბრძოლის დროს ქართველთა ლაშქარი 61 ათასი კაცისაგან შედგებოდა. მათ შორის იყვნენ: 40000 ქართველი მხედარი, 15000 ყივჩაყი, 5000 ალანი და 1000 ფრანგი მეომარი. ე. ი. ლაშქრის უდიდესი უმრავლესობა (ორი მესამედი) ქართველებისაგან შედგებოდა. უნდა ვიფიქროთ, რომ დავით აღმაშენებლისათვის ძირითად დასაყრდენს სწორედ ქართველები შეადგენდნენ. რა თქმა უნდა, დიდი როლი ეკუთვნის ყივჩაყებსა და ალანებსაც. მაგრამ, როგორც ჩანს, ისეთ გადამწყვეტ

მომენტში, როგორც დიდგორის ბრძოლა იყო, დავით აღმაშენებელმა ასეთი მძიმე მადგენლობა აირჩია. ვფიქრობთ, რომ ეს ფაქტიც ერთგვარად ამართლებს ჩვენს მიერ ზემოთ გამოთქმულ მოსაზრებებს ყივჩაყთა გადმოყვანის მიზეზთა შესახებ.

ამრიგად, XII საუკუნის პირველი მეოთხედის საქართველოში გატარდა დიდი მნიშვნელობის მქონე რეფორმა. ეს რეფორმა განსხვავდებოდა ევროპაში მიღებული წესიდან, სადაც მოლაშქრეს ძირითადად ქირაობდნენ (დავით აღმაშენებლამდე საქართველოშიც ხდებოდა მოლაშქრეთა დაქირავება). საქართველოს სამეფო კარმა ყივჩაყები გადმოსახლა და მათ ბაზაზე შექმნა არმია, რითაც უზრუნველყო როგორც ქვეყნის უსაფრთხოება, ისე მისი ეკონომიური წინსვლა.

ჯარში შეიქმნა მტკიცე დისციპლინა. გარდაიქმნა ბრძოლის ტაქტიკა. ყოველივე ამან განაპირობა საქართველოს ლაშქრის სიძლიერე. ამ უკანასკნელმა კი ქართველ ხალხს წარმატებები მოუტანა ამ დიდ ბრძოლაში, რომელსაც იგი მომხდლური მტრის წინააღმდეგ აწარმოებდა.



ვახტანგ მეექვსის პოლიტიკური მოღვაწეობა 1725—1737 წლებში

წერილი მეორე

ვახტანგ მეექვსეს გილანში გამგზავრების გამო სპეციალური ინსტრუქცია მისცეს. ის ძირითადად შეიცავდა იმ პოლიტიკურ მოტივებს, რომლითაც რუსეთის მთავრობა ირანისადმი თავის დამოკიდებულებას ასაბუთებდა. ბუნებრივია, რომ ინსტრუქციაში ლაპარაკი იყო ეკატერინე პირველის მისწრაფებაზე—გაენთავისუფლებინა ამიერკავკასიის ხალხები. მაგრამ დასაწყისშივე აღნიშნული იყო, რომ ვიდრე არ მოწესრიგდებოდა ურთიერთობა ირანთან და იქ შაჰის ხელისუფლება არ განმტკიცდებოდა, რუსეთი ვახტანგს ქართლის ტახტის დაბრუნებაში ვერ დაეხმარებოდა.

ეკატერინე პირველი აცხადებდა, რუსეთი დაინტერესებულია ირანის ძლიერებითა და შაჰის ტახტზე თამაზის დამკვიდრებით. ამითვე ხსნიდა იგი პეტრე პირველის ლაშქრობას კასპიისპირეთში და აღნიშნავდა, რომ ქართლის მეფემ კარგად იცოდა, თუ ვინ იყო ამ ლაშქრობის დროს მტერი და ვინ მოყვარე, როგორ ჩაერია საქმეებში თურქეთი და როგორ დაიპყრო საქართველო. თურქეთის მტრულმა საქმიანობამ, — აღნიშნული იყო ინსტრუქ-

ციაში, — რუსეთის ჯარის წინვლა შეაჩერა და ქრისტიანი ხალხების განთავისუფლების საქმეც გაართულა. ხოლო ავღანელებმა ამასობაში ისპაჰანი აიღეს და შაჰი ჰუსეინი დაამხეს. ჰუსეინის შვილმა — თამაზმა, რომელმაც ისპაჰანიდან გაქცევით უშველა თავს, რუსეთს ელჩი გაუგზავნა. პეტრემ კი ირანის სახელმწიფოს მოკავშირედ შენარჩუნების მიზნით 1723 წ. ამ ელჩთან ხელშეკრულება დადო. რუსეთს კასპიისპირა პროვინციები შემოუერთა. რაც საქართველოსთან და სხვა ქრისტიან ხალხებთან უკეთ დაკავშირების მიზნითაც აუცილებელი იყო.

შემდეგ ინსტრუქციაში აღნიშნავდნენ, რომ ხელშეკრულება თამაზისათვის სასარგებლო იყო და ამიტომ მას იგი დაუყოვნებლივ უნდა მიეღო. მაგრამ მოლოდინი არ გამართლდა. თამაზმა ზოგიერთი თავისი „უსაქმური მიზნების“ ჩრევით ხელშეკრულების რატიფიკაციაზე უარი თქვა, გაუგონარი ლანძღვა-გინებით გამოისტუმრა რუსეთის რეზიდენტი და რუსეთის ჯარების წინააღმდეგ მტრულ საქმიანობას ეწეოდა. ასეთ ვითარებაში პეტრეს არ შეეძლო დახმარებოდა თამაზს და ამიერ-

კავკასიაში ქრისტიანობის გასანთავისუფლებლად რაიმე ელონა.

თურქეთმა კი ისარგებლა შემთხვევით, დაიწყო ტერიტორიების დაპყრობა და მთელი ირანის დაპატრონებას ლაშობდა. ხოლო რადგან პეტრეს შეეძლო თურქეთისათვის წინააღმდეგობა გაეწია, სულთანმა მას ირანის დანაწილება შესთავაზა, რაზედაც პეტრემ კატეგორიული უარი განაცხადა. იმის გამო, რომ თამაზი რუსეთს ეწინააღმდეგებოდა, თურქეთის შემოტევის შეჩერება შესაძლებელი იყო მხოლოდ სულთანთან სათანადო ხელშეკრულების დადებით, რაც მოხერხდა კიდეც 1724 წ.

პეტრეს ასეთი მოქმედება. — ხაზგასმული იყო ინსტრუქციაში. — ნაკარნახევი იყო ირანის სახელმწიფოს შენარჩუნების სურვილით. პეტრე თამაზისთვისაც ზრუნავდა და თურქეთთან დადებული ხელშეკრულების ტექსტში მან სათანადო მუხლი შეატანინა, თუ თამაზი სცნობდა რუსეთ-თურქეთის 1724 წლის ხელშეკრულების პირობებს, ორივე სახელმწიფოს შემწეობით იგი შაჰის ტახტზე ავიდოდა. და ბოლოს, რუსეთის მთავრობა აცხადებდა: თამაზის სიჯიუტე ხელს უწყობს სულთანს, რომ მან ირანის ტერიტორიების დაპყრობა განაგრძოსო. ეკატერინე კი თურქებს წინააღმდეგობას ვერ უწყევდა, რადგან თამაზი შერიგების სურვილს არ ამჟღავნებდა; ხოლო ირანში არ მოიზოგებოდა ისეთი ძალა, რომელსაც რუსეთი თურქეთის წინააღმდეგ საბრძოლველად გამოიყენებდა. მიუხედავად ამისა, ეკატერინე თამაზის წინააღმდეგ მანაც არ მოქმედებდა და იმედოვნებდა, რომ ის რუსეთის წინააღმდეგებში თავის სარგებლობას დაინახავდა და რაც უფრო ადრე დათანხმდებოდა, მით უფრო სწრაფად გადაწყდებოდა ირანისა და საქართველოს საკითხები.

ეკატერინე იმედს გამოთქვამდა, რომ ქართლის მეფე თამაზს დაიყოლიებდა და ამ დავალების შესრულებას ვანტანგზე უკეთ ვერავინ შეძლებდა, რადგან ის იყო მეტად გავლენიანი ავტო-

რიტეტული და საქმის დიდი მცოდნე ამასთან ერთად ეკატერინე ხაზს უსვამდა და იმ გარემოებას, რომ რუსეთ-ირანის ურთიერთობის მოწესრიგებით პირადად ვახტანგიც უნდა დაინტერესებულიყო.

ვახტანგს ავალებდნენ დაუყოვნებლივ გამგზავრებულიყო გილანში და თამაზთან მოლაპარაკება დაეწყო; ემოქმედნა დოლგორუკოვთან შეთანხმებით და შეეგროვებინა ზუსტი ცნობები ირანისა და ამიერკავკასიის მდგომარეობის, თურქეთისა და აშრაფის საქმიანობის შესახებ და სხვ.

ვახტანგს ურჩევდნენ, თუ თამაზი გაჯიუტდებოდა, მაშინ მისთვის ეთქვა, რომ ეკატერინეს გაურკვეველ მდგომარეობაში ყოფნა აღარ შეუძლია და იგი თამაზის წინააღმდეგ მოქმედებას დაიწყებდესო. მას შაჰისათვის უნდა ჩაეგონებინა, რომ ირანში შექმნილი ვითარების გამო რუსეთ-თურქეთის ხელშეკრულება შაჰისათვის საუკეთესო გამოსავალი იყო და რომ მსგავს ვითარებაში სხვა დიდი სახელმწიფოებიც ანალოგიურად იქცეოდნენ. კერძოდ, უნდა დაესახელებინა თვით რუსეთის მაგალითი, როდესაც მან შინაარეულობის გამო შევდეთს ვერ გაუწია სათანადო წინააღმდეგობა და თავისი უძველესი პროვინციები დაუთმო. ხოლო შემდეგ კი, როცა მოაწესრიგა შინაური საქმეები, ის პროვინციებიც უკან დაიბრუნა და შევდეთზეც შური იძია.

ეკატერინე აცხადებდა, რომ საკუთარი სახელმწიფო ინტერესებიდან გამომდინარე და ამიერკავკასიის ქრისტიანი ხალხებისადმი თავისი კეთილი სურვილების გამო იგი ნებას არ მისცემდა, რომ თურქეთს დაეპყრო როგორც საერთოდ ირანი, ისე საბოლოოდ დაჰპატრონებოდა 1724 წ. ხელშეკრულებით დაკავებულ ირანისა და ამიერკავკასიის ტერიტორიებს. მაგრამ ვინაიდან ამის მიღწევა შესაძლებელი იყო მხოლოდ თურქეთთან ომით, ამიტომ რუსეთი საომრად ემზადებოდა და უკავშირდებოდა სხვა სახელმწიფოებს, კერძოდ, რუსეთმა კავშირი შეკრა ავსტრიასთან.

სამხედრო მოქმედებას კი რუსეთი ვერ დაიწყებდა, ვიდრე ირანში არ დამყარდებოდა შაჰის ძლიერი ხელისუფლება, რომელიც თურქეთის წინააღმდეგ აქტიურ მოქმედებას შესძლებდა.

ვახტანგს უნდა აეხსნა შაჰ-თამაზისათვის, რომ არც პეტრე პირველი და არც ეკატერინე ირანის დამყრობას მიზნად არ ისახავდნენ. ამის დასადასტურებლად მას უნდა ეთქვა, რომ რუსეთი მზად იყო ირანისათვის კასპიისპირეთის ზოგიერთი პროვინცია დაებრუნებინა. კონკრეტულად, ქართლის მეფეს შეეძლო მაზანდარანისა და ასტრბადის დამობაზე ელაპარაკა (ფულადი ანაზღაურების პირობის გარეშე). საჭიროების შემთხვევაში გილანის დაბრუნებასაც დაპირებოდა. მაგრამ რუსეთის მთავრობისაგან განსაკუთრებული ნებართვის მიუღებლად გილანიდან ჯარი არ უნდა გაეყვანათ. თამაზისათვის კი აეხსნათ, რომ ვიდრე ირანში წესრიგი არ დამყარდებოდა და შაჰის ხელისუფლება არ აღდგებოდა, რუსეთის ჯარების ამ პროვინციებიდან გაყვანა სახიფათო იყო. ხოლო თუ თამაზი რუსეთის წინადადებებს მაინც არ მიიღებდა, მაშინ მოსთვია უნდა ეთქვათ, რომ ეკატერინე იძულებული გახდება იგი თავის მტრად სცნოს და 1724 წლის რუსეთ-თურქეთის ხელშეკრულების ძალით ირანის ტახტზე ახალი შაჰი აიყვანოს.

ინსტრუქციაში აგრეთვე ნათქვამი იყო, რომ დიდი სიფრთხილით, თურქებისაგან ფარულად, რუსეთის მხარეზე გადმოეპირებინათ ამიერკავკასიის ქრისტიანი ხალხები და თვით ირანელებიც კი.

დასასრულს, რუსეთის მთავრობა რწმენას გამოთქვამდა, რომ ვახტანგ VI გულწრფელად შეასრულებდა დაკისრებულ მისიას. ქართლის მეფეს და მის საგვარეულოს ეკატერინე I განსაკუთრებულ პატივისცემასა და მფარველობას პირდებოდა.

ამ ინსტრუქციის გარდა ვახტანგი აღკუთრებს ზოგიერთი სხვა დიპლომატიური დოკუმენტის ასლით, სახელ-

დობრ, რუსეთ-თურქეთის ხელშეკრულების ტექსტით, ეკატერინე I და ცლერ გოლოვკინის მიერ შაჰ-თამაზის კარზე გაგზავნილი წერილების ასლებითა და ავრამოვისათვის მიცემული ინსტრუქციით.

უფრო გულახდილად თავის მოსაზრებებსა და სურვილებს ახლო აღმოსავლეთის საკითხებზე ეკატერინე პირველის მთავრობა დოლოგორუკოვისათვის მიცემულ ინსტრუქციაში გამოთქვამდა. გენერალს აუხსნეს, რომ მას უნდა ემოქმედნა უმაღლესი საიდუმლო საბჭოს გენერალური გეგმის მიხედვით, რომელიც მხოლოდ პირადად მას უნდა სცოდნოდა. ამ გეგმის ძირითადი მიზანი კი ის იყო, რომ რუსეთი თანდათანობით ირანის საქმეებისაგან განთავისუფლებულიყო („по малу искать из персидских дел выйти“), ხოლო ირანში თურქეთის საწინააღმდეგოდ ძლიერი ხელისუფლება დაემყარებინათ და თურქებისათვის კასპიისპირეთში ან საერთოდ რუსეთის საზღვრების მახლობლად გამაგრების საშუალება არ მიეცათ. რადგან ვახტანგისათვის მიცემული დავალება ამ გეგმის შესრულებას ემსახურებოდა, ამიტომ დოლოგორუკოვს ქართლის მეფისათვის დახმარება უნდა აღმოეჩინა.

გარდა ვახტანგისათვის მიცემული დოკუმენტებისა, დოლოგორუკოვს ეძლეოდა სომხეთიდან მიღებული წერილების ასლები, ლევაშოვის მოხსენებების პირები და, ალბათ, ვახტანგთან ურთიერთობის გამწვავების შემთხვევისათვის, ეკატერინე პირველის 1725 წლის ცნობილი მემორანდუმი, რომელიც თავის დროზე ქართლის მეფეს არ გადასცეს.

დოლოგორუკოვი გააფრთხილეს, რომ ფხიზლად ყოფილიყო თურქებთან დამოკიდებულებაში, არ მიეცა მათთვის 1724 წლის ხელშეკრულების დარღვევის საბაბი. გაემაგრებინა კასპიისპირე-

გიორგი პაიჭაძე

ვახტანგ მეექვსის პოლიტიკური მოღვაწეობა 1725-1737 წლებში

თის პროვინციები და სხვ. ხოლო თუ თურქები მტრულ მოქმედებას დაიწყებდნენ და აუცილებელი გახდებოდა მათთან შებრძოლება, მაშინ ვახტანგის დახმარებით დოღგორუკოვს ბრძოლაში აშკარად უნდა ჩაება არა მარტო ქართველები და სომხები, არამედ ირანელებიც და თამაზთან თურქეთის წინააღმდეგ კავშირი უნდა შეეკრა.

თუ მოვლენების განვითარება საქიროდ გახდოდა ისეთი სასწრაფო ზომების მიღებას, რომლებსაც ინსტრუქცია არ ითვალისწინებდა, დოღგორუკოვს უფლება ეძლეოდა ვახტანგისა და მიუელი გენერალიტეტის თანხმობით სათანადოდ ემოქმედნა. მაგრამ მაინც საქიროდ ჩათვალეს ინსტრუქციის საიდუმლო პუნქტებში აღენიშნათ, რომ ვახტანგის რჩევა დოღგორუკოვს უნდა მიედო მხოლოდ იმ შემთხვევაში, თუ «...когда оной... во всем с интересами ея императорского величества сходно поступать станет, а ежели он иногда что учинить предвосприятъ похотел ежеб с теми интересами не сходно было, то надлежит ему... генералу оногo пристойным образом от того удержать, и для того, на все его царя поступки искусно смотреть, и приличными представлениями его к тому привестъ, дабы он один без совету и согласия с ним генералом ничего не учинил и не предвосприял, а в противном, надлежит с ним царем Вахтангом поступать со всякою учтивостию и повелеть отдавать ему везде пристойное почтение, дабы он причиня какому озлоблению не имел».

ამრიგად, ეკატერინე პირველის მთავრობის ვარაუდით ვახტანგ მეექვსის დიპლომატიური მისიის ძირითადი მიზანი ის იყო, რომ თამაზთან ურთიერთობა მოეგვარებინათ და თურქების წინააღმდეგ მებრძოლი ამიერკავკასიის ხალხებისათვის მორალური მხარდაჭერა გაეწიათ.

ხოლო ვახტანგი, თავის მხრივ, რუსეთის მთავრობის დავალების შესრულებ-

ით საქართველოს საკითხის მოგვარებას ფიქრობდა. ჯერ ერთი, ეკატერინე პირველისა და შაჰ-თამაზის პოლიტიკურ ურთიერთობაში უშუამავლად გამოსვლით იგი რუსეთის მთავრობის სავარეო პოლიტიკაში საქართველოს საკითხის მნიშვნელობას ზრდიდა. მეორე, რადგან საქართველოს საკითხი ირან-თურქეთის ურთიერთობის პრობლემასთანაც იყო დაკავშირებული, შაჰთან მოლაპარაკებაში უშუალო მონაწილეობით ვახტანგს ურთიერთობაზე გავლენის მოხდენა შეეძლო.

1726 წლის აგვისტოს ვახტანგ მეექვსე დარუბანდში ჩავიდა. აქ 28 აგვისტოს ყაზანის ღვთისმშობლის ეკლესიაში მას საზეიმო ვითარებაში ანდრია პირველწოდებულის ორდენი გადასცეს. 10 სექტემბერს ვახტანგი რაშტს ჩავიდა.

ამ დროისათვის თამაზთან დამოკიდებულება თითქოს გაუმჯობესდა. გილანში ირანის მოციქული მირზა მოჰამედ ქაფი ჩავიდა. იგი 1725 წ. 3 ნოემბერს ეახლა ლევაშოვს, ოფიციალურად არა შაჰის, არამედ ყორჩიბაშის მოჰამედ რეზას სახელით. ფაქტიურად იგი ნიადაგის მოსასინჯად გამოგზავნეს, რომ საქირო შემთხვევაში თამაზს რუსეთის სარდლობასთან მოლაპარაკების დაწყება შესძლებოდა. მოჰამედ ქაფიმ ლევაშოვსა და ირანის ყოფილ ელჩს — ისმაილ-ბეგს ყორჩიბაშის წერილები ჩამოუტანა. მოჰამედ ქაფიმ აგრეთვე ქართული წერილებიც ჩამოიტანა, რაც შემთხვევითი როდი იყო. წერილებში მოჰამედ ქაფის დადებითად ახასიათებდნენ. ერთის ავტორი იყო თამაზის კარზე მყოფი კონსტანტინე კახთა მეფის ძმისწული, რომელიც თავის წერილს კახთა მეფის მიერ რუსეთის სარდლებთან წარგზავნილ იესესა და როსებს სწერდა. მეორე წერილი კი ჩვენთვის უკვე ცნობილ სარიდანს და შაჰის კარზე მყოფ რევაზს ეკუთვნოდა. ისინი სწერდნენ რუსეთის ჯარში მომსახურე ვინმე ელიზბარს.

ლევანოვი და მოჰამედ ქაფი ერთ-მანეთს რამდენჯერმე ოფიციალურად შეხვდნენ. ამ შეხვედრებს ისმაილ-ბეგიც დაესწრო.

ირანის წარმოგზავნილი საუბარში ხშირად უსვამდა ხაზს ორივე სახელმწიფოს შორის წარსულში მშვიდობიანი ურთიერთობის არსებობას და აღნიშნავდა: თამაზი არ იცნობს 1723 წლის ხელშეკრულების პირობებს, რადგანაც ისმაილ-ბეგი მასთან არ დაბრუნდია. ლევანოვი რუსეთის ჯარის მიერ კასპისპირეთის დაკავების მიზეზს ირანში მომხდარი არეულობით ხსნიდა. გენერალი აღნიშნავდა: რუსეთს რომ არ დაეკავებინა კასპისპირა პროვინციები, თურქები მათ ხელში ადვილად ჩაიგდებდნენ, ვინაიდან ირანის შაჰს მათთვის წინააღმდეგობის გაწევის თავი არ ჰქონდა, ამიტომ თამაზისათვის უკეთესი იყო, რომ კასპისპირეთი მოკეთის ხელში ყოფილიყო და არა მტრისაო.

ლევანოვმა უარყო მოჰამედ ქაფის არგუმენტები, რომ თითქოსდა თამაზი არ იცნობდა 1723 წ. ხელშეკრულების პირობებს. ირანის მოციქულს მან მოაგონა თამაზის კარზე გაგზავნილი გოლოვკინის წერილები, რუსეთის რეზიდენტად მეშჩერსკის დანიშვნა, რომელიც შაჰმა უკან გამოისტუმრა და სხვ.

ერთი სიტყვით, მოჰამედ ქაფი ფრთხილად ეძებდა იმის შესაძლებლობას, რომ ირანს კასპისპირეთი უკან დაებრუნებინა. ლევანოვი კი ამ პროვინციების რუსეთთან შეერთების აუცილებლობას ამტკიცებდა.

30 ნოემბერს მოჰამედ ქაფი რაშტიდან გაისტუმრეს. მას თან გააყოლეს თარჯიმანი ყაზანელი თათარი აბდულა შიგავევი, რომელსაც შაჰის, ყორჩიბაშისა და სხვა ირანელი დიდებულების სახელზე წერილები გაატანეს.

1726 წლის გაზაფხულზე მოჰამედ ქაფი კვლავ ჩამოვიდა რაშტში და გოლოვკინის, ლევანოვისა და ისმაილ-ბეგის სახელზე ყორჩიბაშის წერილები ჩამოიტანა. შაჰ-თამაზი აღშფოთებას გამოთქვამდა იმის გამო, რომ ირანის ელჩი კვლავ რაშტში იმყოფებოდა, და

თანაც შაჰს გილანში, რუსეთის ჯართან ჩასვლას ურჩევდა. თამაზი კატეგორიულად მოითხოვდა, რომ ისმაილ-ბეგი მასთან დაბრუნებულიყო. მაგრამ უკანასკნელმა კარგად იცოდა შაჰის კარის მუხანათობა და არ შეასრულა თამაზის მოთხოვნა. იგი თვალცრემლიანი შესჩიოდა მოჰამედ ქაფის: მეელი ჩემი საქმიანობა ირანის სახელმწიფოსა და სეფიანთა დინასტიის ინტერესებს მოვახმარეო. რაშტში დარჩენას კი იმით ხსნიდა, რომ შაჰის კარისკაცთა შორის ბევრი მტერი ჰყავდა და მათი შურისძიებისა ეშინოდა.

ლევანოვმა ვანაცხადა: რუსეთის სარდლობა ისმაილ-ბეგის გამგზავრების წინააღმდეგი არ არის, ხოლო თავის მხრით შაჰს ამ საქმეში დახმარებას ვერ გაუწევს, რადგან უცხოეთის ელჩის იძულებითი გასახლება შეუძლებელიაო.

1726 წ. 23 აპრილს მირზა მოჰამედ ქაფი გილანიდან გაბრუნდა. ამჯერად მას თან გააყოლეს ავრამოვი და ამილახვარი. ერთი სიტყვით, მოჰამედ ქაფის ჩამოსვლას არსებითად არავითარი შედეგი არ მოჰყოლია. მათიუშკინი და ლევანოვი ეკატერინეს შემთხვევით როდი მოახსენებდნენ, რომ ირანიდან მიღებული წერილები უშინაარსო იყო, ხოლო მოჰამედ ქაფის მისიის მიზანი ისმაილ-ბეგის გატყუება და ხელში ჩაგდება არისო. ლევანოვმა ეჭვი გამოთქვა იმის გამოც, რომ შაჰი უახლოეს ხანში ელჩს გამოგზავნიდა ხელშეკრულების დასადავლად. გენერალი რჩევას იძლეოდა — თამაზს საერთოდ ნუ შეპირდებით კასპისპირეთში რომელიმე ტერიტორიის დაბრუნებასო. მისი აზრით, ყოველგვარი დათმობა რუსეთისადმი მტრულად განწყობილ ადგილობრივ მფლობელებს შეეძლოთ რუსეთის სისუსტით აეხსნათ. ამას კი მათი შეიარაღებული გამოსვლები მოჰყვებოდა.

ამრიგად, გილანში ვახტანგ მეექვსის გიორგი პაიჭაძე
ვახტანგ მეექვსის პოლიტიკური მოღვაწეობა 1725-1737 წლებში

ჩასვლამდე თამაზთან დამოკიდებულებას საკითხში რუსეთის მთავრობის სასარგებლო რაიმე სერიოზული ცვლილება არ მომხდარა.

თვით ვახტანგ მეექვსის ჩარევამ რუსეთ-ირანის დიპლომატიურ მოლაპარაკებაში შაჰ-თამაზზე გარკვეული გავლენა მოახდინა.

ჯერ კიდევ გზაში მყოფმა ვახტანგ მეექვსემ ირანიდან წერილები მიიღო. სარიღანმა და სხვა ორმა კარისკაცმა ვახტანგს აცნობეს, რომ თამაზი მისდამი კეთილად არის განწყობილი და აშრაფისა და თურქების წინააღმდეგ ერთობლივი ბრძოლის საკითხზე მოლაპარაკებაც სურსო. მალე ვახტანგს წერილი თვით შაჰმაც გამოუგზავნა. თამაზი ხაზს უსვამდა ვახტანგისადმი, როგორც ქართლის მეფისადმი თავის დამოკიდებულებას და ურჩევდა გილანში ჩასულიყო მოსალაპარაკებლად.

რაშტში ჩასვლისთანავე ვახტანგმა შაჰს და მის კარისკაცებს წერილები გაუგზავნა. ცოტა ხნის შემდეგ ყორჩიბაზისაგან, რომელიც ლაჰიჯანში იმყოფებოდა, შიკრიკი მოვიდა. მ ნოემბერს ვახტანგი და ყორჩიბაზი მოჰამედ რეზა ერთმანეთს რაშტის მახლობლად შეხვდნენ. დაიწყო მოლაპარაკება.

ვახტანგმა განაცხადა, რომ რუსეთი ირანის ტახტზე თამაზის დამკვიდრებით არის დაინტერესებულიო, თამაზს რუსეთ-ირანის 1723 წლის ხელშეკრულებაზე უარის თქმას უსაყვედურებდა. თამაზს ამ გზით შეეძლო მოეპოვებინა რუსეთის მხარდაჭერა და თურქეთისა და აშრაფის წინააღმდეგ ძალის შემოკრება. ყორჩიბაზი ვახტანგს დაეთანხმა და აღუთქვა, რომ მიუხედავად ზოგიერთი კარისკაცის წინააღმდეგობისა, შეეცდებოდა შაჰის დაყოლიებას. ამიტომ ყორჩიბაზმა ყოველ შემთხვევისათვის ვახტანგს მაინც სთხოვა, თუ ამის გაკეთებას ვერ მოვახერხებ, მაშინ ეკატერინესთან მიმუშავდგომლე, რომ რუსეთში დავსახლდეთ.

ყორჩიბაზთან მოლაპარაკების შედეგები ვახტანგმა კანცლერ გოლოვკინს აცნობა. თავის წერილში ქართლის მეფე

აღნიშნავდა: «Признал я желание их о сих двух обстоятельствах. Первое, как утвердить положенной трактата, чтоб с примирением отдать им их посла Исмаил бега. Второе, чтоб дать им на Казбин российского войска... он корчи баша по древней ко мне отца своего дружбе зело показал себя склонна и дал... клятвенное обещание, чтоб как возможно о показанном стараться».

თამაზთან მოსალაპარაკებლად ვახტანგმა თურქისტანიშვილი და დავით ნახარაშვილი გააგზავნა. ქართლის მეფე შაჰს ურჩევდა, ან თვითონ ჩასულიყო გილანში ან ოფიციალურად ხელშეკრულების დასადებად ელჩი დაენიშნა.

ყორჩიბაზთან შეხვედრის შედეგები ვახტანგმა დოლოგორუკოვს აცნობა და რწმენა გამოთქვა, რომ თამაზს რუსეთის მთავრობის წინადადებებზე დათანხმებდა. დოლოგორუკოვი კი საქმეს მაინც ეჭვის თვლით უყურებდა. მაგრამ ვახტანგმა შეძლო მიზნისათვის მიედწია. თამაზმა დანიშნა ოფიციალური წარმომადგენელი, ყოფილი ყორჩიბაზი მოჰამედ რეზა, რომელიც უკვე სპასალარი იყო.

1727 წ. მარტში ირანის წარმომადგენელი, ლევაშოვი და ვახტანგ მეფე რაშტის მახლობლად, ქუჩი-ისპაჰანში ოფიციალურად შეხვდნენ ერთმანეთს. ლევაშოვის განცხადებას, რომ ეკატერინე ბირველს 1723 წ. რუსეთ-ირანის ხელშეკრულების დამტკიცება სურდა, სპასალარმა უპასუხა: საჭიროა ურთიერთსარგებლობის და ურთიერთდახმარების პრინციპის დაცვა და თამაზის მხარდაჭერაო. შაჰის წარმომადგენელი მოითხოვდა, რომ რუსეთს დაებრუნებინა ირანისათვის კასპისპირეთის პროვინციები, რადგან თამაზს „მიწები და ადგილები თავისთვის აღარ რჩებაო“. ამასთან ერთად სპასალარი მოითხოვდა, რუსეთი თამაზს მტრებთან ბრძოლაში დაეხმაროსო. სპასალარმა სცადა თამაზის გამართლება და რუსეთის რეზიდენტთან მომხდარი ინციდენტი იმით ახსნა, რომ მეშჩერსკიმ მოით-



ხოვა მისთვის გაეცნოთ შაჰის მიერ ეკატერინესათვის გაგზავნილი სიგელის შინაარსი, რაც თითქოს დიპლომატიური ეტიკეტის ნორმების დარღვევას ნიშნავდა.

ლევაშოვმა თავის მხრით აღნიშნა, რომ რუსეთი ყოველთვის ესწრაფოდა ირანთან მეგობრობას და საერთო მტრების დამარცხებას. მაგრამ ამჯერად საქმეს თვით ირანელები უშლიან ხელსო.

როცა დაიწყეს ახალი ხელშეკრულების პირობების შემუშავება, სპასალარმა განაცხადა, რომ თამაზი რუსეთისა და თურქეთის მიერ ტერიტორიების შემოერთებას იმ შემთხვევაში აღიარებდა, თუ ისინი ამრაფის წინააღმდეგ ბრძოლაში მას მხარს დაუჭერდნენ და ავღანელებისაგან ირანის ტერიტორიას განათავისუფლებდნენ. ამ ცხარე პაექრობაში აქტიურად ჩაერია ვახტანგი და სპასალარი დიუოლია. სპასალარმა მიიღო რუსეთის მთავრობის წინადადებები და მზად იყო ეცნო რუსეთ-თურქეთის 1724 წლის ხელშეკრულება იმ პირობით, რომ თამაზს დაუბრუნებდნენ მაზანდარანსა და ასტრბადს; ხოლო გილანში — ლაპიჯანს. თანაც გარანტიას იძლეოდა, რომ ირანის ტახტზე დამკვიდრების შემდეგ თამაზი ლაპიჯანიდან მიღებულ შემოსავალს რუსეთს გადაუხდიდა.

ვახტანგმა იმასაც მიაღწია, რომ სპასალარის მიერ შეთავაზებული პირობებით, გაერკვიათ საქართველოს საკითხიც, კერძოდ, თურქეთის ბატონობისაგან საქართველოს განათავისუფლება და ქართლის ტახტზე ვახტანგ მეექვსის აღდგენა აღნიშნათ.

ამრიგად, რუსეთის მთავრობის დავალება ვახტანგმა წარმატებით შეასრულა. ირანის წარმომადგენელი მზად იყო, რუსეთთან ხელშეკრულება დაედო იმ პირობით, რომ ეკატერინე პირველი გილანს არ დათმობდა. მაგრამ საქმე ხელშეკრულების გაფორმებამდე

არ მივიდა. ამჯერად ლევაშოვი საქმეს გაჭინურებასა და დროის გაყვანას ცდილობდა. იგი სულ ახალ-ახალ საკითხებს აყენებდა, უსაყვედურებდა სპასალარს: გილანელებს რუსეთის წინააღმდეგ აქეზებო. ასე რომ, მოლაპარაკება შეწყდა.

ვახტანგი საგონებელში ჩავარდა. 1727 წ. 1 აპრილს მან ვრცელი წერილით ყოველივე აცნობა გ. გოლოვკინს¹. იგი ბრალს სდებდა ლევაშოვს. რადგანაც გენერალი ინსტრუქციის საწინააღმდეგოდ მოქმედებდა, ვახტანგმა მას მოლაპარაკების ჩაშლის მიზეზების წერილობითი ახსნა-განმარტება მოსთხოვა. ლევაშოვი თავს იმართლებდა და ყველაფერს ვითარების შეცვლითა და რუსეთის მთავრობის ახალი მითითებებით ხსნიდა.

უნდა ითქვას, რომ ვახტანგს ლევაშოვთან თავიდანვე დაძაბული ურთიერთობა ჰქონდა.

როგორც ზემოთ აღვნიშნეთ, გენერალურ საერთოდ წინააღმდეგი იყო თამაზისათვის რაიმე ტერიტორიული დათმობისა და მოთხოვნა კასპისპირეთში ძალის თუნდაც გარეგნულ გამოვლინებას. ხშირ შემთხვევაში, კასპისპირეთში დაბანაკებული რუსეთის ჯარის საერთო სისუსტის გამო, ეს მეთოდი გამართლებული იყო. დოლგორუკოვი თავის მოხსენებებში არაერთხელ აღნიშნავდა ლევაშოვის პირად დამსახურებას „წესრიგის დაცვის საქმეში“. მაგრამ რთულ ვითარებაში მყოფი გენერალ ყველაფერს დიდი ეჭვიანობით ეკიდებოდა და ხშირად იქ, სადაც სრულებით არ იყო საჭირო, მომეტებულ სიფრთხილესა და უნდობლობას იჩენდა. მაგალითად, ის ეჭვის თვალთ უყურებდა ქართველების მოღვაწეობას და უნდობლობას იჩენდა ვახტანგ მეექვსისადმი. მართალია, ასეთი დამოკიდებულება ქართლის მეფისადმი თვით ეკატერინესა და მისი მთავრობის მიერ

¹ ვახტანგ მეექვსის წერილის ტექსტი დართული გვაქვს სტატიის ბოლოს.

იყო ნაკარნახევი. მაგრამ პრაქტიკულ ცხოვრებაში ეს ღვივდებოდა, ერთი მხრით, ლევაშოვისა და მსგავსი პირების მომეტებული სიფრთხილით, მეორე მხრით კი ავრამოვისა და მისი მსგავსი მოხელეების კარიერისტული მისწრაფებებით და სხვ.

ჯერ კიდევ 1725 წ. რამტში მყოფი დავით ნაზარაშვილი ჩიოდა, რომ ირანდან წერილებს დიდი დაგვიანებით იღებდა, რადგან რუსეთის სარდლობა მათ სინჯავდა, რის გამოც ნაზარაშვილს დიდათ ეშვებოდა ხელი.

როგორც ვიცით, ლევაშოვს დავალებული ჰქონდა სომხებისათვის წინასწარ ეცნობებინა კასპიისპირეთში ვახტანგისა და დოღგორუკოვის ჩამოსვლა. მაგრამ დავალება მან არ შეასრულა, რადგან არასწორი ცნობები ჰქონდა სომხებისა და ქართველების დამოკიდებულებაზე და ამ საკითხს მეტად ტენდენციურად მიუდგა. თავის მოქმედებას იგი დაუსაბუთებელი მიზეზებით ხსნიდა: «...о грузинском царе Вахтанге в предосторожность ея императорского величества интересов умолчал, для того что... усмотрел, что некоторые народы между собою так в ненависти не пребывают, как армяне з грузинцами, а наипаче по законам и по состоянию армян не без опасения мнитца быть имеет. Ежели армянское собрание о присылке к ним грузинского царя Вахтанга уведают, а особливо их патриархи и командир их Аванас юзбаша... от помянутого объявления за ненависть чтоб не вознегодовали и новогоб чего не восприяли, понеже в нынешние времена армяне сами своего ига отбить счастья смотрят и случаев ищут».

ცნობილია, რომ ვახტანგს მკიდრო ურთიერთობა ჰქონდა სომეხ პოლიტი-

კურმოღვაწეებთან. თავის დროზე ენერგიული ზომებიც მიიღო სომხური ჯარის ჩამოსაყალიბებლად.

მკვლევარი ფ. ტ. არუთინიანი წერს: სომხური ჯარები არსებობდნენ აღრეც, განმათავისუფლებელი მოძრაობის დაწყებამდე... მაგრამ სომხური რაზმების გაერთიანება და დამოუკიდებელი სომხური ჯარის შექმნა მოხდა XVIII ს. 20-იანი წლების დასაწყისში, როცა შეიქმნა სომხური სენახი. სომხური ჯარის ორგანიზაციის საქმეში მნიშვნელოვანი როლი შეასრულა ქართველმა მეფემ ვახტანგ მეექვსემ, რომელიც დამპყრობთა წინააღმდეგ სომეხი ხალხის შეიარაღებული ბრძოლისა და მისი სამხადისის პერიოდში სომხებთან აგზავნიდა მხედარმთავრებს¹.

ჩვენს მიერ აღნიშნული სომეხი პატრიარქის ესაისა და სხვა სომეხი მოღვაწეების მრავალი წერილები, რომლებსაც ისინი რუსეთში ვახტანგ მეექვსესა და ეპატერინე პირველს უგზავნიდნენ, ნათლად მოწმობენ ლევაშოვის ე. წ. „მიზეზების“ უსაფუძვლობას.

თვითონ ვახტანგი შესჩიოდა უმადლესი საიდუმლო საბჭოს წევრებს, რომ დარუბანდში მასთან ერთ ხანს არ უშვებდნენ სომხეთიდან ჩამოსულ უზბაშებს, ხოლო გილანში მას უზღულადვდნენ მოქმედების თავისუფლებას.

ლევაშოვი დაქინებით ცდილობდა ჩაეგონებინა თავისი მთავრობისათვის ის აზრი, რომ ვახტანგი თითქოსდა ადვილად იჯერებდა სპასალარის ცრუ დაპირებებს, და საშიში იყო, რომ სპასალარი რუსეთს ხელიდან გამოგლეჯდა ვახტანგს. ამის გამო გენერალი ცდილობდა ვახტანგისათვის „მეურვეობა“ გაეწია.

1727 წ. აგვისტოში დოღგორუკოვის სახელზე გაგზავნილ წერილში ლევაშოვი აღნიშნავდა ვახტანგ მეექვსის აქტიურ საქმიანობას და დამსახურებას თამაზთან ურთიერთობის მოგვარებაში. ამავე დროს იგი შიშობდა, რომ ვახტანგი მას დააბრალებდა მოლაპარაკების ჩაშლას და ქართლის მეფეს კვლავ

¹ იხ. П. Т. Арутюнян. Освободительное движение армянского народа в первой четверти XVIII века. Москва, 1954, стр. 155—156.

ბრალდებდა უყენებდა ირანის დაპირებებისადმი მომეტებულ ნდობას.

1727 წლის დეკემბერში ლევაშოვი სწერდა დოღგორუკოს: «...а что царь грузинской просил ваше высококняжеской светлости чти случаются к нему писем не распечатывать и я всякие письма вскрываю по прежнему его императорского величества указу... и уповаю оным вскрытиям и на предь быть надобно».

რაც შეეხება ავრამოვს, ის ეჭვის თვლით უყურებდა თურქისტანიშვილსა და ნახარაშვილს — ვახტანგ მეექვსის წარგზავნილებს თამაზის კარზე. ხოლო ამილახვარს, რომელთანაც ერთად ირანში ჩავიდა, მან ღალატი — გამაჰმადიანება და ოფიციალურად შაჰის სამსახურში შესვლა დასწამა. 1727 წ. ივლისში, როცა ამილახვარი რაშტში დაბრუნდა, ავრამოვის დასმენის შედეგად რუსეთის მთავრობა პეტერბურგში სასწრაფოდ მის გაგზავნასა და საქმის გამოძიებას აპირებდა. მაგრამ აძვერად თვით ლევაშოვიც კი დაეკვდა ბრალდების სისწორეში. ხოლო დოღგორუკოვმა მიზანშეწონილად არ ჩათვალა მისი პეტერბურგში გაგზავნა. ამილახვარი დატოვეს ვახტანგ მეექვსის ამაღში, რომელიც ასტრახანში ბრუნდებოდა.

ერთი სიტყვით, ვახტანგ მეექვსეს რთული დიპლომატიური მისიის შესრულება მეტად მძიმე პირობებში უხდებოდა.

ადვილად გასაგებია, რომ თავმოყვარე მეფე იმის გამო, რომ მუდმივა მეთვალყურეობის ქვეშ იმყოფებოდა და მის წერილებს უნებართვოდ კითხულობდნენ, ერიდებოდა წერილებში მნიშვნელოვან საკითხზე წერას და შაჰთან ძირითადად სიტყვიერ მოლაპარაკებას სჯერდებოდა, როგორც შაჰის, იე თავისი კაცების მეშვეობით. ამიტომ დღეს ჩვენთვის ძნელია ყველა საკითხებისა და იმ დიპლომატიური ხერხების დადგენა, რომლებსაც ქართლის მეფე შაჰთან მოლაპარაკების დროს მიჰართავდა. ყოველ შემთხვევაში ის კი ცხა-

დია, რომ ვახტანგ მეექვსეს შაჰის კარზე არსებული ანტირუსული დაჯიშვების წინააღმდეგობის დასაძლევად ცოტა არ უშრომია. თუ გავითვალისწინებთ შაჰისა და მისი კარისკაცებისათვის განკუთვნილი საჩუქრების ხარჯებს, რომელთა დაფარვას ვახტანგი რუსეთის მთავრობას სთხოვდა, დავრწმუნდებით, რომ ქართლის მეფემ შაჰთან მოლაპარაკებისას თავისი ნაცნობების საკმაოდ ფართო წრე გამოიყენა. მაგრამ რუსეთის მთავრობის დიპლომატიური დავალება, რაც ასე კარგად შეასრულა ვახტანგ მეექვსემ, წარმატებით არ დაგვირგვინდა, რადგან შეიცვალა უმაღლესი საიდუმლო საბჭოს პოლიტიკა თამაზის მიმართ.

ამ დროისათვის თურქეთმა დაიწყო მოლაპარაკება აშრაფთან. სულთანს სეპარატული ხელშეკრულების დადება სურდა. ამის გამო რუსეთის მთავრობამ გადაწყვიტა თავი შეეკავებინა თამაზთან ოფიციალური კავშირის დამყარებისაგან. როგორც ჩანს, უმაღლესი საიდუმლო საბჭოს წევრები შეშინდნენ, რომ შეიქმნებოდა საწინააღმდეგო კავშირი თურქეთსა და აშრაფს შორის, რომელიც თამაზზე ძლიერი იყო. უმაღლესი საიდუმლო საბჭოს წევრებმა ლოდიინის პოლიტიკა არჩიეს. მათ სურდათ, ერთი მხრით, გაეკიანურებინათ მოლაპარაკება თამაზთან, ხოლო მეორე მხრით, მოესინჯათ ნიდაგი ისპაჰანში — დაეწყოთ მოლაპარაკება აშრაფთან. საჭირო შემთხვევაში მასთან ხელშეკრულებაც დაედოთ. რომ ამით აშრაფთან თურქეთის კავშირის მნიშვნელობა გაექარწყლებინათ.

ამასთან ერთად თვით რუსეთის მთავრობაში შექმნილი მდგომარეობა სულ უფრო განაპირობებდა უმაღლესი საიდუმლო საბჭოს გაუბედავ საგარეო პოლიტიკას. 12 წლის ასაკის პეტრე მეორის ტახტზე ასვლის შემდეგ (1727 წ.

გიორგი პაიჭაძე
ვახტანგ მეექვსის პოლიტიკური მოღვაწეობა 1725-1737 წლებში

მაისი) უმაღლესი საიდუმლო საბჭოს წევრებს შორის უფრო გამძაფრდა ბრძოლა ხელისუფლებისათვის და არავის ცხელდა ამიერკავკასიის საქმეებისათვის, მით უმეტეს თურქეთთან შებრძოლებისათვის. ამო იყო ქართველი პოლიტიკური მოღვაწეების ცდა, რომ რუსეთს აქტიური მონაწილეობა მიეღო თურქეთის ბატონობისაგან ამიერკავკასიის განთავისუფლებაში. ვახტანგ მეექვსის ბიძაშვილი დარეჯან არჩილის ასული, რომელიც ულოცავდა პეტრე მეორეს ტახტზე ასვლას, ამოდ გამოთქვამდა სურვილს, რომ პეტრე პირველის დაწყებული საქმე პეტრე მეორეს დაემთავრებინა. უმაღლესი საი-

დუმლო საბჭო სწორედ პეტრე მეორეს დროს დასცილდა პეტრე პირველის პოლიტიკურ კურსს.

რაც შეეხება ვახტანგს, უმაღლესი საიდუმლო საბჭოს წევრებმა გადაწყვიტეს ეცნობებინათ მისთვის, რომ იმპერატორი ვახტანგის საქმიანობით კმაყოფილი იყო და გამოსთქვამდა იმედს, რომ ის შემდგომშიც ასე ერთგულად ემსახურებოდა რუსეთის იმპერატორს. ვახტანგს წინადადება - მისცეს, იმავე წლის ზაფხულში დაბრუნებულიყო მოსკოვში, მაგრამ შემდეგ საქიროდ ჩათვალეს, რომ იგი ასტრახანში დარჩენილიყო.

ვახტანგ მეექვსის წერილი
კანცლერ ბ. გოლოვკინისადმი

ქ. ბრწყინვალე ღრად, ჩემო ბატონო გაე-რიელ ივანოვი!

ეს მოგახსენო:
ათს სეკდენბერს რაშტს მოველ. მეორესვე დღეს იარანალ მაიორს, საცა მუნასიბი იყო, იქ გასაგზავნი კაცი ვთხოე. ორი შათირი მომცა. ერთი ყეენთან გაგზავნე და ერთი მაშინ რომ ყორჩიბაში იყო, ახლა რომ სპასალარია, ამასთან გაგზავნე.

ყეენს მივსწერე: თქვენ დაგვბარებინეთ, აქ გამოველ. სხუა სიტყვებიც მაქვს. ამისას როგორ მიბძანებთ, როგორ ვქან? ერთი ამგვარი წიგნი ამ სპასალარს მივსწერე, რომ ეს წიგნები ყეენს გაუგზავნე მეთქი და იმასაც ჩემი ამავე შეატყობინე.

შათირის ხელით რომ წიგნები გაგზავნე ყეენთან, ის გზაზედ დაქვირათ. გერ გაველო. სპასალართან რომ წიგნი გაგზავნე, იმას მწკე თავს შეედგა და მაშინვე გაგზავნა ყეენთან. თვითონ მაშინვე ერთი ყეენის ყმა გამოეგზავნა, რომ ყეენის ვახშმების ვეზირია, მირზა ნასირა ბქვან. მშვიდობით გამოსულა მოელოცა და ცხენი შეკაბმული ოქროს რახტითა და უნაფირითა, ყალიონი ოქროსი მინაქარი და სხუა გილანის ხელთნაქნარი. კიდევ ისე ცხენები შეუკაბავეი გამოეგზავნა მოსაეთხოვად. მეც, რომელიც მართებული იყო, იმ კაცს ისე დაეხული.

მე ეს შეუთვალე: ვიცი რომ თქვენ და რუსები შეურაცხებელი ხართ მეთქი და ამითღო არ მოხვალ მეთქი. თუ აქ სიახლოეს სადმე მოხვალ, მეც გამოვალ და ერთმანერთს ვნახავთ და კარგი იქნება, ამ საქმისა ვეგება, ერთი რიგი, ერთი გზა და საქმე მოხდეს.

იმას მწკე ამებოდა და შემოეთვალა — რაშტაბათი ჰქვიან, ერთი სოფელია. მეც იქ გაიხლები, თუ გაირჯებითო, თქვენც მობძანდითო. კნიაზ ბასილი აქ არ იყო. მაიორ იარანალს ვკითხე. ამანაც არჩია და თქვა: თუ ყეენთან კაცს გაგზავნითო, სანამღი ანბავი მოვიდოდეს, მტრობა უნდა დასწყყნარდესო. ის მოვიდა იქ. მეც წაველ.

ნოენბერს ცხრას შევიყარეინთ. რაშტიდამ ოცი ვერსი იქნება. მე რომელიც მმართებდა, იმგვარი სიტყვები უთხარ. იმანაც ბევრი თავი იმართლა. [ლმერ]თ[მა]ნ იცისო, ჩვენ ერთი კაცი არავი გუყვანდა შუაში, რომ ჰქელმწიფისათვის გაეშინჯეინებინათ და მოესხენებინათ, თვარამ ჩვენ ჰქელმწიფის შერიგება და სამსახური დიდად გვინდაო. მაგრამ ზოგიერთს საქმეს შუაში მყოფთ კაცო აბრალებდა, რომ ამათ არ მოინდომესო და ამათ არა ქნეს ჩვენი შერიგება, თვარამ ჩვენ არასდროს უარი არ გვითქვამს, თვარამ ახლა ყეენს მოგახსენოთ და რისაც შემძლებელი არის, თუ ყეენი ყველაზედ არ დაგყვესო, ჩემი ბრალი იყოსო. მაგრამ მე კიდევ მაგათგან ეგ იმედი არა მაქვს, რომ შერიგება მოახდინონ. მე აქათი საქმე თავს დაეიდევ რომ აქათმან კაცმან არცარა ურეო ვქვან და რომელიც შერიგების წიგნში სწერია, არცარას იმას გარდაეიდენ და არც ურიგო რამ ქვან.

ყეენს, მე ამას წინათ როგორც მოგახსენე, ისე მივსწერე წიგნი და სპასალარმაც ცალკე მისწერა, რომელიც იცოდა თავისი ბატონის რიგი და საქმე. ეს პირობაც დავდეით, რომ ერთმანერთში ჯარის გასევა და მტრობა არა იყოს რა, სანამღის ანბავი მოვიდოდეს. ყეენთან ორი ჩემი კაცი გაგზავნე. იმანაც თავისი კაცი

ვატანა. მე გამოვბრუნდი. რაშტს მოველ და ის თავის ალაგს მივიდა. მაგრამ ორი კვირა რომ გამოვიდა, ამთ ჯარის გავსიეს ჩემს შეუტყობობად. მე არ შემიტყვია, შავთზე ბევრი ალაგი დაწვეს და წაახდინეს. სპასალარს კაცი გამოეგზავნა და შემოეთვალა, რომ პირობა ხომ ასე იყო, მაშ გავს რომ ჩვენგან შეუტრეგებლობის ნდომა არ არის. მაგრამ მაგათგან გამოჩნდა, რომ მაგათგან უფრო არ არის. ამათ უთხარ და ამათ მითხრეს ასე სჯობსო. მე ვეღარა უთხარ რა. ამისათვის, რომ ეგება ამათთვის ხელმწიფეს ცალკე რამ ებძინებინოს მეთქი და მე არ ვიცოდი და ვეღარა უთხარ რა. მასუჯან კიდევ სადაც სპასალარი იდგა, იქ წვინი მისწერეს, რომ თუ მოხვალთ ის არისო, თვარამ ჩვენს მოვალთ, სულ ავაობრებთო. იმ წინის მუსხავადი გამოეგზავნა სპასალარს და წვინი მოეწერა, რომ ეს საქმე და წვინი ჩვენის პირობიდან დიად შორს არისო. მიველ ის წვინიც ვაჩვენე ამათ. ესეც უთხარ, რომ მე თქვენის პირობით და სიტყვით მიველ და დაუდევრე ეს პირობა. თქვენ რატომ იქთ ამას მეთქი. იმათ ასე მითხრეს: შენ რომ შაშინ იქ იყო, პეტრებრუსს, ის საქმე გამოიცვალათო. ახლა სხუა საქმე არისო. ჩვენ სხუა ბრძანება მოგვივიდაო. მე ეს სიტყვა მწვევ გამოვიტვირდა ამისთვის, რომ თუ ავრე იყო, უნდა ჩემთვისაც ერთი სიტყვა ებძინებინათ, რომ მე ამ ქვეყნებში ერთი პირისწყალი მქონდა და მიცნობდენ, რომ მე ამათში სიტყვა არ წამხდენოდა და არ გავმტყუნებულეყავი, ან ჩემი ამდენი სარჯელი ცუდად არ ყოფილიყო. არც ამდენი დაგებარჯა. მე ამაში რაღას მტყულობდი. მე ამათ უთხარ, როგორც გეპრიანებოდესთ, ისე ქენით.

ამათ ჯარის გასევა მოინდომეს სპასალარზე და უნდოდათ, რომ კიდევ გაესიათ. უწინ რომ სპასალარს წვინები გეგზავნა ყვენთან ჩემი, ის რომ მოსლოდა ყვენს, მაშინვე თავის სუფრაჯ ბაში გამოეგზავნა ჩემთვის და ერთი ჩვენი ქართველი კნიაზშვილი იქ ყვენს ახლდა, ისიც თან გამოეტანებინა. დავებარებინე და რაყემბი მოეწერა. სუფრაჯ ბაში ჩემთან მოსულა მოინდომდა. მე შეძლება არა მქონდა ხარჯისა. იარანალ მაიორიც დაღონდა ხარჯისათვის. ამ გზით დავიანდა. ამაში ჩვენი კაცებიც მოვიდნენ და სპასალარი რომ ვნახეთ, ისიც იქ ვნახეთ. მოვიდა იანვარს (ლ). იმისი სავადები მიახლებია. იმაში ნახათ და შეიტყობთ, რაც მოუწერია. კნიაზ ბასილი იმ წინადლეს ვასკრისაკენ წავიდა და ფირიბაზარს იყო. შევატყობინე ეს ამბავი. ორ დღეს ამას უკან კიდევ სპასარლის კაცი მომივიდა. შემოეთვალა, რომ ამ ცოტას ხანში ჩვენი ჩაფრები მოვლენო. კაცი მომივიდა, ესეც კნიაზ ბასილს შეუთვალა. შემოეთვალა, რომ ჩემი დაბრუნება აღარ იქნებაო და ლევაშოვს გაახლებო და რომელიც ამან ვითხრას, ისე ქენო. იარანალ მაიორიც მოვიდა. ჩვენი კაცებიც მოვიდნენ. თორმეტს თებერვალს კელმწიფესთან ნამა მოეწერათ.

იმისი სევადი ჩვენთან გამოეგზავნათ, სპასალართან და ჩემთან, რომ რაც კელმწიფესათვის მიმიწერია, ეს არისო. გაშინჯეთ და შეტყუებითო. ამისი ნუსხა მანდ მიახლებია. თქვენც ვაშინჯავთ, რაც მოუწერია. ერთი წიგნი ჩემთან და ყორიბაშთან მოეწერა, რომ შერიგდით რივიანისა და მართებულის საქმითა, რომელიც ჩვენგან შეიძლებაო. სპასალარს რომ ესეები მოსლოდა, შემოეთვალა, ერთს ალაგას შევიყაროთო. ამისი ერთი რივი დავედათო. რაშტს მოყვანას საქელმწიფოს ხარჯს დავერიდენით, რომ ხარჯი მოხდებოდა. ქუჩუქ-ისპაანი ჰქვიან, თხუთმეტი ვერსია რაშტიდამ. იქ მიესწერეთ, იქ მოდი და ჩვენც იქ მოვალეთო. ისინი მოვიდნენ. ჩვენც ხუთს პირობა რაშტიდამ წავედით. ჩვენც მივედით. სპასალარი წინ მოგვეგება ორს ვერსზე სოფელს ვარეთ. მივედით. იმ დღეს ხომ აღარა იქნებოდარა. მეორეს დღეს ერთმანერთი ვნახეთ. თქვენმა კაცებმა ისინი ნახეს. ჩვენ იმათ ვგნახეს. რა ერთმანერთი ნახეს მოგჩიო, მეოთხე დღეს აღუენციაში შევიყარენით. რაც ერთმანერთი ველაპარაკენით, თავის მართლებასა თუ, ან სპასალარმა რაც უთხარა, ან ამათ, ის ყველა თათრულად დაწერილი მიახლებია. სპასალარმან კიდევ ეს უთხარა, რომ ეს გამოჩენილი არისო, რომ რომელსა რომიგებოს საქმეს გვეტყვით, ჩვენ ყველაზედ მზანი ვართო. მაგრამ რახან კი შერიგება მოხდება და მეგობრობა, ეს ხომ სათქმელი არ არის, რომ ან მტერთან მიდითო და მტერმან ამოგწვიტობთო და ან არა და შიშშილით დაიხოცენითო. ახლა ჩვენ თუ ერთს ალაგს მოგვცემ, რომ ჩვენი სარჩო იყოს და ან გამოვიზღებოდეთ სადმე, ამ ქვეყნებს ახლავ დავცვლით და მოგართმევთო და თუ არა და გავულებოდესთ ჩვენში მაგისთანა ალაგი, რომ იქ გამოვიზრდებოდეთ, გვიოხარით, მიანიც დავიცვლით ამას და იქ წავალთო. თუ არა და ამთენი წყალბა გვიყავით, რომ ერთი სხუა ადგილი გვიშინებთ, რომ ჩვენ იქ წავალთო, რომ ჩვენ გავაველებოდეს და ამას თქვენ დავიცვლით ამ პირობით, რაც პირობას გვთხოვთ იმ ტრაქტატავში. აქ მე ჩაგირთავთ ხელსა ურუმის ტრაქტატავშიაო და იქ ყვენი ჩართავსო.

იარანალ მაიორმა ეს უთხარა: ეგ როგორ იქნება, რომ ერთი დეკის ადგილი არ მოგვცეთო. რომელიც თქვენი სიტყვა იყოს, დასწერეთ, გვიბოძეთო. პასუხს მოგახსენებთო. იმათ წიგნი მოსწერეს და სპარსულად რაც მოსწერეს, მანდ მიახლებია. ეს რომ იარანალს მოუტანეთ, იარანალმა შორს დაიპირა. ერთი სხუა წიგნი დასწერა. ტრაქტატავს შესამატებლად, რომ თუ ამაში ხელს ჩართავთ, ის არისო, თვა-

გიორგი პაიჭაძე
ვანტანგ მეექვსის პოლიტიკური მოღვაწეობა 1725-1737 წლებში

რემ არ იქნებოდა. ის წიგნიც თათრული დაწერილი მანდ მიახლებია.

იმით რომ ეს მოუტანე, შორს დაიპირეს. ამითი ჩვენი გამოზრდა როგორ იქნებოდა და ან ის რომ გითქვამთ, რომ ჩვენის ჯარის აზულა თქვენ მოგვიტანეთ, ან ეს როგორ უნდა შევიძლოთ. (იმან ერთი წიგნი დასწერა. იმის ნუსხაც მიახლებია. იარალარი, რომ მისუტანეთ, არ ქნა. ამან ოთხი ბუნჯი დასწერა. ისიც თათრულად დაწერილი მიახლებია. მერმე იარალარმა თავისი ნუსხები აღარ მისცა სპასალარს და იმათც წიგნათ აღარ მოსწერეს. ზეპირად მითხრეს და უთხარ) ¹. ამაში იმათაც ბევრი მითხრეს, ამათაც ბევრი თქვეს. ლაპარაკში ხანი ბევრი გამოვიდა და ბოლოს სპასალარი მე ამაზედ დაეყოლიე: ლაიჯანი, მაზანდარა ოა ასტარაბათი იმათ ჰქონოდათ საზრდოთ მისდრომდინ. იმათ, რაც ამას გარდა გილანის მიწა და ადგილი ექირათ, ის დაეცალოთ და თქვენით დენი მოგრომევიანათ. რაც ლაიჯანის მოსველი ღვინის იქით ყიზილბაშთ დაეხარჯა, ის, როდესაც ამათივინ სხუა ალაგი გეშონათ, ის თეთრი და რაც დაეხარჯათ, ისეც თქვენთინ შემოებრუნებინათ. მაზანდარასა და ასტარაბათს გარდაისად. არც ეს ამჯობინა იარანალ მაიორმა და არა ანა ქნა.

მერმე იმათ ეს უბასუხეს: რადგან არც ეს ქენითო კელმწიფეს კელმწიფისათვის ნამა გამოუგზავნიაო. მაშ ერთი კაცი თქვენ გაატანეთ და ეს ნამა გავგზავნით და კაციო. თქვენც თქვენს კელმწიფეს მოახსენეთ და ჩვენც ჩვენს კელმწიფეს მოვახსენებთო. თუ დასჯივნენ ხომ კარგიაო, თუ არა და რაც ამბავი იქიდა მოგივიდესთ ისი გქნათო. იარანალ მაიორმა ასე თქვა: თუ ამას არა იქ, მე სხუას არ დავჯივრდებო და არც ნამასა და კაცს გავგზავნით. ამაში საქმე მოიშალა. ის თავისთვის აპირებდა წასვლასა და ეს თავისთვისა. შერიგების საქმე გარდასწყდა. ვეღარ შერიგდენ. მოშლას აპირებდენ. მე რადგან თქვენი ბრძანება, მანდ რომ ვნახე, მწვე ბეჯითად მქონდა დაბარებული ამითი შემორიგება, მე იარანალ მაიორი მოვიყვანე და უთხარ: ეს საქმე რომ ასრე ცუდათ იშლება და შეურიგებლობა ხდება, ბოლოს მტერობა ხდება ამათში, მე რომ იმ კარის კაცთ სიტყვა ვნახე, ეკვობ ეს არ ვარგიყოს მეთქი. თუ გიჯობინებიათ, მე ეს ბრძანება მაქვს, რომ სრული შემძლებლობის ბრძანება მაქვს. შენ ხომ უბრძობ მაშინდელი საქმე სხუა არისო და ახლა წიგნი მოგივიდა, გამოიცვალაო, მე ხომ ამისთანა წიგნი ვერა ვნახე. მაშ მე რომ კელმწიფემ მითხრას, შენ რომ სრული შემძლებლობა გქონდა ჩემგან, ისეც რომ იყოდი, იმისი შერიგება ჩვენ გვიწოდოდა, მაშ ასე ცოტა საქმით რატომ მოშალეთ, მე რალა უნდა მოვახსენო. მაშ მე თქვენ ერთი წიგნი მომეცით, რომ

ეს თქვენ გეწინათ. ამ საქმეს არ დასჯერებულეყოთ, რომ მე კელმწიფისთან ერთი სიტყვა მეთქომოდეს. მითხრა მოგეცე. მასუკან წაგზავნე რბინა, ეს ოთხი სიტყვა დაეწერა და მომიტანა. თუ დამჯერდებიან, ამას უზამო. ეს ოთხი სიტყვა მე სპასალარს უთხარ. სპასალარმა დილდ შორს დაიპირა ეს. ბევრის დანახვებითა და ბევრის ცდით. ბოლოს ეს დავაჯერა, რომ რაც ამ იარანალმან თქვენს ტრაქტრავზედ მოუშობა, ყვენმა ამაში ხელი ჩართოს. ორი თვე ვადა მისცეს, ჩართოს. თუ არ ჩართოს, იმისი ანბავი მოიტანონ. თუ ჩართო, ხომ შერიგება მოხდება, თუ არ ჩართო, ის მოგვსენებათ.

მე რახან ეს მითხრეს, საქმე უკან საქმე გამოიცვალაო, მე აღარც ამ სიტყვის დაეპირეკივბდი, ამ შერიგებას. მართალს მოვახსენებ და არც ამ იარანალს წინ აღუდგებოდი. მაგრამ მანდ თქვენ ამათი შერიგება დილდ მონდომებით მიბძანეთ და თუ ეს არ მექნა, ყვენთან კაცის გაგზავნა და შემოცდა ამათში მტერობა შეიქნებოდა. მერმე, ეგება თქვენ კიდევ შერიგება გეძანათ და გდომოდათ და მტერობას უკანის სამსახური აღარ ქნილიყო. ახლა თქვენთვის მომიხსენებია, კნიაზ ზურაბ და კნიაზ ფრანგისტან მიახლება. ეს სიტყვები მომიხსენებია. თუ ყვენმან, როგორც იარანალ მაიორმან მისწერა იმაში კელი ჩართო, ხომ კარგია და თუ ვინ იცის იმაში კელი არ ჩართო, მაშ რასაც ესენი თხოულობენ, ეს ყიზილბაშნი, ხომ ყველა მომიხსენებია. თუ შერიგება გეპირანებათ, რომელსაც ამაში სჯერხართ გვიძანებთ და იმას ვიქო. თუარა და რომელსაც კიდევ გვიძანებთ, იმისი მქნელი ვართ. მაგრამ ამისი ამბავი მალე უნდა გვიძანათ და მოვიდეს აქ. ამისთვის რომ ეს იარანალი უბნობს, რომ ამ ორ თვეს უკან მე კელმწიფის ბრძანება მაქვს და არც ბრძანება მინდა, რომ მტერობასაც ვეცლებო და კიდევ უმტერებო. რახანც ერთხელეც მტერობა ჩამოვარდება, მას უკან შერიგების საქმე ვეჭობ უფრო გავგიძნელებს. ნება თქვენია, რომელსაც ბძანებთ. კიდევ ეს მომიხსენებია, თუ ამ ორს თვეში ამისი ამბავი არ მოგივიდა, ეს მტერობას არ იშლის და ნება თქვენია.

მაშინ რომ მანდ გახლდი, თქვენ ხომ არა მიბძანეთ რა, რომ ამ საქმისა, რომ ასე ქენ, ასე ვარგიეო. მე ხომ არა მოვახსენე რა, რომ ამისი შემძლებელი ვარ, ამისი არა. ეს მიბძანეთ: ისტრუქციას გამოგიგზავნითო, რაც იმაში ეწერის ისი ქენო. ისტრუქცია მომივიდა თქვენგან. ოთხი სამსახური ეწერა. ერთი ეს ეწერა, ყვენის შერიგება, რისაც გზით იყოს ეცადეთ. თუ არა სხუარიგად არიქნას, მაზანდარა და ასტარაბათიც დაუდევითო. თუ არც ამითი იქნას, გილანისათვის, თუ ერთს რამდენსაც მუნანისს თეთრს მოვარბივებს, გილანის დადებაც შევიძლიათ. მაგრამ ჩვენს მოუხსენებლად კი არ იქნებო და რომელიც ტრაქტრავში სწერიო ისე კიდევ მოვეხმარებითო. მე ხომ თქვენის ბედნიერობით ამდენს ვეცადე, რომ გილანიც და-

¹ ჩვენს მიერ ფრჩხილებში ჩასმული სიტყვები დედანში არზიანე წერია სხვა ხელით.

ვადებინე. მაზანდარაც და ასტარბადიც, რომელიც ზეით მომიხსენებია, იმ გზით. გვანდა. ამათ თქვენი ბრძანება სხუარიგად მოსვლიათ და ისეები ყურად. თქვენც მოგვხსენებთ, ამისი ყარაგება არც უცდელათ და ულაპარაკოთ იქნებოდა და არც უხარჯოთ. თუ ასე იყო, მართებული იყო, რომ ერთი წიგნი ჩემთვისაც გებოძებინათ, რომ არც ამდენი ხარჯი დამმართებოდა, არც ერთი ეს დამარჩომოდა, რომ ჩემი სიტყვა ამათში გავიდოდა და დაიჯერებდნენ, რომ ის არ წახდენოდა და არც ესტარბადი გამტებოდა.

მრავალი თქვენი ყმანი გახლავან აქ, ამათ ჰკითხეთ, თუ რა სარჯელი მიმიღია ამ საქმეზე, ან რა ხარჯები დამმართებია, ან სიუღილს არ დაჯერდებივარ, ან როგორ ვაგრჯილვარ ზღვა-სა თუ ქელზე. ახლა ჩემი სამსახური თქვენთანაც მოიშალა და ამ ქვეყანაშიაც სიტყვა გატეხილი, გამტყუნებული და გაწვილებული შეიქნა. მე ამისათვის თავი არ დავზოგე, რომ რადგან კელმწიფემ მიბრძანა, პირველი სამსახური იყო, რომ ეს გამერგებინა, ბრძანება გამესრულებინა, თვარამ თქვენც მოგვხსენება ამათ ჩემი სარგებელი არა იყო რა. ლ[მერ]თ[მან] მავათ სამჯობინაროდ წარმართოს, თვარამ ჩემი თავი მავათის ჰირის სანაცლო იყო. მაგრამ მე ზოგიერთი სიტყვით გავიგონე. მართლა არ ვიცი იქნება თუ არა, რომ ყიზილბაშებს თავისთვის ელაპარაკნათ. ჩვენ ეს ორნი კელმწიფენი გველაპარაკებოდნენ შერიგებას. ჩვენ ასე ვთქვი: რადგან ხონთქარმან ესე ქნა ჩვენზედა, მაშ ჩვენ რუსეთის კელმწიფეს შევრიგდეთო, რომ ურუმს ეს უთხრათ, რომ ჩვენ სხუას რაჯულს სერვიდეთო, თქვენ კი არაო, იმათთვინ ერთი სირცხვილი იქნებაო. მეორეს ამას გვეუბნებოდნენ, რუსის შერიგება ამისთვის გვიწოდოდა, რომ ამას გვეუბნებოდნენო, რომ რაც ჩვენ ქვეყნებს დავვიდებთო, ამას გარდა რაც ქვეყნები დარჩებაო, ამას დავიჭერთო, გავიწმენდთო და მოკცებთო. ახლა ხომ აღარც ის გავითავებს აღარც ის და მტერობაზედაც დგებინა. ჩვენთვის ისი სჯობსო, რომ ხონთქარმან მივიღოთ, რაჯულიც ერთი გვაქუსო და პირიცაო, რაც ამათის პირით მამულს ვანებებთ, ის დავანებოთო და ჩვენი საქმე გავარგოთო. მეორე კიდევ ესეცა ვაგიგონე ჰორად, რომ ურუმის ჯარი დიდი იყრება და ავღანზედ მოდიან, თუ ხელი მოემართათ ავღანებზე, შასულთან უსენი, ძველი ყვენი, ისევ ცოცხალი, ის გამოიყვანონ და ტახტზე დასვან, შერიგდენ. ეუკობ, რომ თქვენზედაც ასტარიდამ რომ ურუმები ვაჰყარეს, იმისთვინ თუ ხელი მოემართათ, მტრობას აპირებდნენ. მე ესეები ამაზედ მოგახსენე, რომ მე მართლარ ვიცი. მაგრამ ვინ იცის, რომ იქნას. მერმე ეს არ გეგანებინათ, რომ შენ რომ ეს საქმე იცოდო, რატომ არ მოგახსენეო. ამაზე მოგახსენე, რომ საყვედური ბოლოს არ დამედვას. ნება თქვენი.

სხუა მიბძანეთ, რომ აქაური ამბები და საქმე შემიტყო და მომიხსენებინა. მესამე ისე მიხედნათ, რომ ურუმსა და თქვენში თუ მომხდარიყო, ყიზილბაშის კაცი თქვენთვის მომეყოლიებინა და ყოფილოყვენენ. მეოთხე ის მიბძანეთ, რომ თქვენი შესამატებელი მეძებნა. მეხუთე სომხის საქმე მიბძანეთ, რომ შემომეცდევინა შესამატებელსა ეს მომიხსენებია, ისიც მოიკითხეთ; სანამიდ მე გამოვიდოდა ქვეყანა და ქალაქი როგორ იყო. მე რომ გამოველ, ან ქალაქი როგორ აშენდა და გაკეთდა, ან სოფლები და ან მოსავალს როგორ მოემატა. სომხებისა დარუბანიდამაც მოგახსენე. კინაზ ბასილმან დამიშალა, მაგრამ მე რომ მანდ თქვენი იმისთანა ბრძანება მქონდა და სხუა წიგნი ამისი დამშულელო ვერა ვნახე, მე მაინც ასეთის გზებით მივსწერე და შევატყობინე, რომ დღეს აქამდინ დგანან და არიან თვითან. ერთი კაცი დღესაც იმათში არის დაფარეთი და ამ ცოტასანაში იმის ანბავს მოველო, მაგრამ ამათ მე ასეუ მითხრობ, შენ სხუას საქმეში კელი არა გაქვსო თუ არ ყვენის საქმეშიაო. არცა რა უკითხავთ ჩემთვინ და არც მე გავერიგე. თვითონ სომხების უზნაშუები იყვენენ აქა, პირველად კიდევ მოვიდნენ ჩემთან, მასუკან ჩემთან აღარ მოუშვეს, წასვლის დროს მეტათ, წასვლის დროს მოვიდნენ. მნახეს და წავიდნენ. ახლა მე ამას გეხვეწები, რომ თუ ჩემის ქვეყნის რგება რამ მოხდება და იქნება ამ გზით და საქმით, მე ხომ, თქვენც მოგვხსენებთ, მე სამსახურს ვერ შევძლებ ამგვარად, სხვის კელმწიფითაღ რომ ვიყოთ. ამ ქვეყანაში ან თქვენი რა სახელი იქნება ეს, ან ჩვენს სიტყვას ვინ ვაიგონებს. ამდენი ხანია აქათ ვახლავართ, ერთი ჩემი კაცი ვერ ვახლავ. მე ხომ ბრძანება არა მაქვს, რომ ჩემით გამოვზავნო. სულ სხუას ვეხვეწო ესეც არ შემძინა. მე ამას უყადრისობით არ მოგახსენებ. ჩემა კელმწიფემ რომ უფრო დაბახის სამსახური მიბძანოს, იმასაც ვეცდები, მაგრამ თუ საქმეს ვერ ვაიგებ, უფრო სირცხვილში და წყრომაში ჩავარდები.

ჩემის საქმისა ერთი ფქირი ჰქენით, დამიბართ, ან ერთი რომ ვამირიგეთ. სხუა ეს მოგახსენოთ: ყვენის წიგნებსაც ნახავთ, რომ ჩემი მამული არც ყვენის მამულია და არც აღრიბუენია. არც ყვენის ყმა ვყოფილვარ. მინდობილობის მეტად არც არა ხონთქარზე ჩემი დანაშაული ჩანს, რომ დამეშავებინოს რამე და იმიტომ ხონთქარს ჩემი მამული წარიმევენოს და აოხრებდეს. მე რა მოგახსენე, ყველა მოგვხსენებთ, რისათვინც მიყო ეს და რისათვინაც ირჯება. თუ ამ წყალობას მიზამთ, რომ ჩემის ქვეყნისა კიდევ ამის უფრო წახდენასა და გაურჯულბანს არ მაჩვენებთ და ამას საფლავში არ ჩამატანთ, რომ ის ჩემს შვილსა და

გიორგი პაიჭაძე
ვახტანგ მეექვსის პოლიტიკური მოღვაწეობა 1725-1737 წლებში

შვილიშვილს დაეკარგოს, ხომ კაცი წყალობა იქნება. თუ არა და ნება თქვენია. მე ამას არ მოგახსენებ, რომ თქვენის დასაკლისის საქმით ჩვენი რამ გაკეთდეს. შუამავლობით იყოს. ძალით იყოს. ნებით იყოს. თქვენის დაუკლისის საქმით თუ არ დაგვაგდებთ და არ დაგვივიწყებთ, კარგია. თვარამ ნება თქვენია.

სხუა ზოგიერთი სიტყვა იყო, რომ წიგნით მოსახსენებლად ჩემგან გაუბედავი საქმე იყო. მაგრამ ხვალ ეგება ამით თქვენთვის მოეხსენებინა და თქვენ გებძანათ, ამით რომ გითხრეს, შენ რატომ არ მოგვახსენე ჩვენო. არამც გწყენოდესთ, ამისთვის ჩემის შვილის ბაქარისათვის მომიწერია. თუ მანდ გახლავსთ ის არის. თვარა მიაყვანიდეთ და ის მოგახსენებსთ.

კიდევ ყვეს ჩემთვის მოყურობის საქმე რამ შემოეთვალა, ისიც იმისთვის მომიწერია. ის მოგახსენებსთ.

გაბრიელა ფოდიანი მოკვდა, რუსი მწერალი არა მყვანდა, ქართულად იმისთვის გაახელ წიგნი.

ერთი ეს მოგახსენათ სპასალარმა, თუ ხელმწიფებში შერიგება მოხდებათ, ჩვენი ელჩი

უნდა გვიბოძონ, ამისთვის რომ სხუეს წიფებში არ ითქვას, ელჩი წაართვეს. მაგათი საკადრისია და არც ჩვენთვის სჯობსო. თუ ჩვენგან ამისი ფიქრი აქვსთ რამე, რომ ჩვენ მაგას ვაწყინოთ რამე, პირობას მივართმევთ, რომ არა უსაყვედუროთ რა. თუ არა და არას გვემართლებიან. მაგვარი კაცი არა არის რა. ან ჩვენ დაგვაკლდებოდეს, იმისთვის მოგახსენებდეთ, ან მაგათ შეემატებოდეს და იმის დასაკლისათო. მაგრამ ქვეყნის სირცხვილისათვის მოგახსენებთო.

კიდევ ყაზმინზედ ლაშქრობას თხოულობენ, რასაც დროს პირობის ნუზლი დაამზადონ.

ზეით რომ ჩვენის ქვეყნისა მოგახსენე, შუამავლობით იყოს, თუ რითაც იყოს, ეგება გვიშოვოთ მეტი, მე ასე არ მომიხსენებია, რომ ხვანთქრის ჭელდებულად ვიყო. თუ ასე მოხდება, რომ თქვენს ჭელდებულად გამოირებთ, წყალობა და მადლი იქნება. თუ არა და იმის ჭელდებულად არც მინდა და არც მივიღ.

თქვენის ბრწყინვალის სამსახურის მოწადე საქართველოს მეფე ვახტანგ.

ქრისტეს აქათ 1727, აპრილს 1.



ავსტრალია

საბავოთა კავშირის მემო-
რული თვალთ უცქირამ

ცნობილი ავსტრალიელი
მწერალი ქალი დიმიტრა კიუსეკი
არაერთხელ უყოფილა საბჭოთა
კავშირში. ჩვენს ქვეყანაში მან
უქანასკენლად 1961 წლის ზა-
ფხულში იმოგზაურა. ამის შე-
სახებ მოგვითხრობს მწერალი
ახლახან გამოცემულ წიგნში
„არდადეგებზე რუსებთან“.

ავტორი მკითხველებს უში-
არებს თავის შთაბეჭდილებებს
საბჭოთა კავშირზე, აღწერს
შეხვედრებს საბჭოთა მშრო-
მელებთან.

დიმიტრა კიუსეკი იყო მოს-
კოვსა და ლენინგრადში, ყაზა-
ხეთსა და ციმბირში, სომხეთ-
ში, იმოგზაურა შავი ზღვის სა-
ნაპიროებზე.

„დიმიტრა კიუსეკს, — აღ-
ნიშნავს ავსტრალიური გაზეთი
„სანდი ტაიში“, — აქვს ფა-
ქიზი პოეტური აღქმის უნარი.
იგი წერს საოცრად ცოცხლად,
ქმნის დასამახსოვრებელ სუ-
რათებს. მისი „არდადეგებზე
რუსებთან“ არის გულწრფელი
და მართალი წიგნი საბჭოთა
კავშირზე.“

ავსტრია

ბურჟუაზიული კულტურის
მანევრა-გრემბა

არავისთვის ახალი ამბავი
არ არის ის ვარემოება, რომ
დასავლეთის მთელ რიგ ქვეყ-
ნებში რადიო და ტელეკომპა-

ნიები თავიანთ გადაცემებს
ანაგვიანებენ. წყვეტენ მოუ-
ლოდნელად, ვთქვათ, ბეთხო-
ვენის სიმფონიას ან რომე-
ლიმე მხატვრული ფილმის დე-
მონსტრირებას და რეკლამას
უკეთებენ ათასგვარ სისულე-
ლებებს.

მაგრამ რეკლამამ, ავსტრიის
ტელეხედვამ რომ გააკეთა ამ
ცოტა ხნის წინათ, როგორც
იტყვიან, მოხსნა ყველა რე-
კორდი. ვენის თეატრმა „აბთ-
ლიემ“ დადა ბერთოლდ
ბრეჰტის აღრინდელი პიესა
„ვალი“, მაგრამ წარმოი-
დინეთ ტელემეპურებელთა
განცვიფრება, როდესაც ერთ-
ერთ მოქმედებაში ნაწარმოე-
ბის გმირმა ვაალმა მოულოდ-
ნელად გაშალა ტრანსპარანტი
ცნობილი რადიოტექნიკური
ფირმის რეკლამით და წაიკით-
ხა ლექსები, რომელთაც არა-
ვითარი სევრთო არ ჰქონდა
პიესის შინაარსთან.

გაზეთ „დერ მორგენის“ კო-
რესპონდენტმა კითხვით მი-
მართა „აბთლიეს“ ხელმძღვა-
ნელს, ვაალის როლის შემს-
რულებელ ახალგაზრდა მსა-
ხიობ ვეიტ რელინს და თხოვა
აეხსნა, როგორ მოუვიდა
თეატრის ასეთი რამ. გამოირკ-
ვა, რომ თეატრი ფინანსირად
სავალალო მდგომარეობაშია
და ვეიტ რელინი იძულებული
იყო ასე გაეკეთებინა.

„რადაც არ უნდა დამიჯდეს,
უნდა შევიწარჩუნო ეს თამაში
თეატრი, ამისათვის კი სხვა
გზა არ არსებობს!“ — სინა-
ნულით თქვა ვეიტ რელინმა.

აშშ

მარლენ დიტრიხის ანტიფა-
შისტური ფილმი

ამასწინათ ამერიკაში მცხოვ-
რებმა ცნობილმა გერმანელმა
კინომსახობმა მარლენ დიტ-
რიხმა ლონდონში მოაწყო
დოკუმენტური ანტიფაშის-
ტური ფილმის „შავი მელას“
განხილვა. ფილმი მოგვითხ-
რობს გერმანელი ფაშისტების
ბარბაროსულ დანაშაულო-
ბებზე კაცობრიობის წინაშე.
ფილმში ტექსტს ინგლისურ,
გერმანულ, ფრანგულ და ეს-
პანურ ენებზე კითხულობს
თვითონ დიტრიხი. სცენარი
დაწერა ლუის კლაიდ სტაუ-
მენმა. იგი ამავე დროს ფილ-
მის რეჟისორიც არის. რო-
გორც გაზეთი „დეილი უორ-
კერი“ იუწყება, მარლენ დიტ-
რიხმა განაცხადა, რომ ეს
ფილმი აუცილებლად უნდა
შეგვექმნა, რათა აღამიანები-
სათვის ნაცისმის სისხლიანი
საქმეები მოგვეგონებინა.

ერთ-ერთი კორესპონდენტი
შეეითხა მარლენ დიტრიხს,
ხომ არ ეშინია იმის, რომ მი-
სი მონაწილეობა ფილმებში
„ნიურნბერგის პროცესი“ და
„შავი მელა“ ჩრდილო მაყე-
ნებს მის პოპულარობას და-
სავლეთ გერმანიაში. „ეს სრუ-
ლებითაც არ მადლებებს, —
უპასუხა მსახიობმა, — მე ხომ
სწორედ ფილმ „შავი მელას“
გამო დავტოვე დასავლეთი
გერმანია. რა თქმა უნდა, მე
გერმანელი ვარ, მაგრამ არ
შემეძლო შევირგებოდი იმას,

რასაც დაამსავსა ჩემი ქვეყანა ნაციზმმა“.

მრწამსტ ჰემინგუეის ლიტერატურული მიმკვიდრეობა

„მიმდინარე წელს ამერიკაში უნდა გამოიციეს დენესტ ჰემინგუეის პარიზზე დაწერილი წიგნი „უწყვეტი ზემი“ — იუწყება გაზეთ „ნიუ-იორკ ტაიმის“ კორესპონდენტი. იგი ესაუბრა მწერლის ქვრივს მერი პემინგუეის. წიგნის რამდენადმე უჩვეულო სახელწოდება შეიძლება აიხსნას მწერლის 1950 წლით დათარიღებული შემდეგი სიტყვებით: „თუ თქვენ გქონდათ ბედნიერება ახალგაზრდაობაში პარიზში გეცხოვრათ, მაშინ, სადაც არ უნდა მოხვდეთ შემდეგ, პარიზი თქვენს მესხიერებაში დარჩება, როგორც დღესასწაული“.

წიგნი შედგება რამდენიმე თავისგან, მასში მოთხრობილია ადამიანებზე, მოვლენებსა და ადგილებზე მთელი თავისი ცხოვრების მანძილზე რომ ახსოვდა დიდ მწერალს.

მერი პემინგუეი კორესპონდენტს უთხრა, რომ იგი ამ ცოტა ხნის წინათ იყო პარიზში, მოინახულა მეუღლის წიგნში აღწერილი ყველა ქუჩა და ადგილი. უდიდესი დანაკარგი გამოწვეული მწუხარების გრძნობა მუდამ თანსდევდა მწერლის ქვრივს, მაგრამ მას სიამოვნებას ჰგვირდა ჰემინგუეის საოცარი სიზუსტე უმნიშვნელოვანეს დეტალებშიაც კი. „წიგნი, — თქვა მერი პემინგუეი, — გვაცნობს ერნესტს უფრო მეტად, როგორც ადამიანს, ვიდრე მწერალს. ეს ნაწარმოები, თუ შეიძლება ასე თქვას, უფრო მეტად ჰგავს თვით მას, ვიდრე მთელი მისი შემოქმედება“.

მწერლის ხელნაწერთა შორის, ნიუ-იორკის პირველი ნაციონალური ბანკის სეიფებში რომ ინახება, არის აგრეთვე გამოუქვეყნებელი რომანი მეორე მსოფლიო ომზე. ამ რომანში მწერალი აღწერს გერმანიის წყალქვეშა ნავებზე ნა-

ღირობას, სადაც ჰემინგუეი პირადად მონაწილეობდა.

მერი პემინგუეი დაასახელა გამოუქვეყნებელი ნარკვევების წიგნი, მასში აღწერილია აფრიკაში მოგზაურობა 1958 — 59 წლებში. აღნიშნა კიდევ რამდენიმე მოთხრობა მეორე მსოფლიო ომზე.

როგორც ცნობილია, ჰემინგუეიმ ანდერძით აკრძალა გამოსცენ მისი პირადი წერილები. მწერლის კორესპონდენციებს მხოლოდ ნაწილობრივ გამოუყენებს ბიოგრაფიისთვის პროფესორი ბეიკერი.

როგორც პრესა იუწყება, „უწყვეტ ზემს“ 1964 წლის გაზაფხულზე გამოსცემს აგრეთვე ჯონათან კეიპის გამოცემლობა ინგლისში.

ჯარისკაცებს პრ სურთ იმომე

რეისორმა კარლ ფორმენმა დაამთავრა ფილმი „გამარჯვებულებს“ გადაღება. იგი მოგვითხრობს ამერიკელ ჯარისკაცებზე მეორე მსოფლიო ომის დროს. მოქმედება მიმდინარეობს ინგლისში, გერმანიაში, საფრანგეთში, ბელგიასა და იტალიაში. ნაჩვენებია ლონდონის დაბომბვა გერმანელების მიერ, მოკავშირეების გადასხმა იტალიის სამხრეთში. მიმოხილვების სიტყვებით რომ ვთქვათ, „რეისორის მიზანია აჩვენოს ჯარისკაცების ზიზღი ომისადმი, მთელი მსოფლიოს უბრალო ადამიანების სურვილი — იცხოვრონ მშვიდობიანად“.

ამერიკის პრესა იუწყება, რომ გადამღები ჯგუფის წევრებს მოუხდათ ამერიკის შეერთებული შტატების მილიტარისტული წრეების წინააღმდეგობების გადალახვა. მათ არ მოსწონთ ფილმის „ისტორიკული“ მიმართულება.

ძველი ქაიდის მწერალი

ამერიკის შეერთებული შტატების ლიტერატურული საზოგადოებრიობა დიდი ხანია

თვალუურს ადევნებს მკრთალბული მწერლის ჯონ ჰემინგუეის შემოქმედებას.

ჩივერი ყოველთვის გაურბოდა სარეკლამო აურზაურს. მისმა რომანმა „უეპსტოპებსა სოჯახო ქრონიკა“ (გამოვიდა 1958 წელს) „ნეშლ ბუა ევორდის“ ლიტერატურული პრემია დაიმსახურა.

რომანის მთავარი მოქმედი გმირები ამერიკული ბურჟუაზიის წარმომადგენლები, ძმები მოუზეს და კოვერდ უეპსტოპები არიან. იგივე გმირები მოქმედებენ ჩივერის ახალ რომანშიც „აურზაური უეპსტოპებთან“.

კრიტიკის აზრით, ავტორის მიერ დახატული „ამერიკული ყოფის“ სურათები საკმაოდ არასახარბიელოა: ნაწარმოების გმირები სულიერად გამოფიტულნი, გახრწნილნი, მორალურად დაცემულნი არიან. მათ გაუთავებელი საოჯახო და სასამართლო უთანხმოებანი აქვთ.

ჩივერის წერის მანერა რეალისტურია და ეს სახესებით ნაწარმისია, რომ ყოველკვირულ შურნალ „ტაიმის“ რეცენზენტმა მას „ძველი ყაიდის მწერალი“ უწოდოს.

ბულგარეთი

თანამედროვე ადამიანის სახე

ივლილო პეტროვის საბჭოთა მკითხველი იცნობს მოთხრობით „ნონკას სიყვარული“ (დაიბეჭდა „ინოსტრანაალიტერატურას“ 1958 წლის პირველ ნომერში). ახლახან გამოვიდა მწერლის ახალი წიგნი „პატარა ილიუგოვი. ჩანახატები ფანქრით“. ავტორი ძუნწი შტრიხებით ხატავს ახალი ბულგარეთის მშენებელი თანამედროვე ადამიანის სახეს.

„თავის ჩანახატებში მწერალი ეძებს ადამიანის მორალურ სილამაზეს, — წერს შურნალი „სეპტემვრი“, — მას უნდა, ჩვენი თანამედროვე ადამიანის სული განწმინდოს წარსულის

ქუქუყისაგან, მოიშორნა წვრილმანი ეგოიზმი, შემწანობა. ივიალი პეტროვი სილამაზეს უტყვერის არა როგორც მომავლის იდეალს, არამედ იგი ეძიებს მას აწმყუსი, ცდილობს იპოვოს დღევანდელიობაში“.

უურნალის მიმომხილველ ათანასე სვილენოვის აზრით, წიგნი „პატარა ილუზიები“ არის მწერლის თავისებური დღიური, იგი მკითხველს გადაუშლის აღაშინანის სულიერი სამყაროს სიმდიდრეს. პეტროვის მოთხრობების — „ძველი წაბლის ხე“, „დედა“, „თავისუფლების ერთი წამი“, „ჩვენი თანამემამულე“ — გმირები სწორად ასეთი აღაშინებები არიან.

„პატარა ილუზიები“ მშვენიერი წიგნია, მასში ასახული აღაშინებები და მოვლენები აღდგენს მკითხველს და ასწავლის მას ახალი ცხოვრების შენებას“, — დაასკვნის მიმომხილველი.

ბღრ

პაინეს სახელწოდების პრემია

როგორც გერმანული პრესა იუწყება, პაინეს სახელობის პრემია 1968 წელს მიენიჭათ ცნობილ ფრანგ პუბლიცისტ ვლადიმერ პოზნერს და გერმანელ პოეტ გენც კალაუს. ვაწუთები აღნიშნავენ პოზნერის დიდ დამსახურებას ფრანგული პროგრესული და გერმანული სოციალისტური ლიტერატურის კავშირის განმტკიცების საქმეში.

„1968 წლიდან ვლადიმერ პოზნერი მჭიდროდ იყო დაკავშირებული საფრანგეთში მცხოვრებ გერმანელ ანტიფაშისტ ემიგრანტებთან“, — წერს ვაწუთი „ბერლინერ ცეიტუნგ“.

„ახლავარდა პოეტმა გენც კალაუმ შეინეს სახელობის პრემია დამსახურა თავისი მებრძოლი, პარტიული, ხალხური ლირიკისათვის“, — აღნიშნავს ვაწუთი „ნოიეს დოაჩლანდი“.

„მგელი მგლებს შორის“ პარანაზი

უურნალ „ფილმშიგელის“ კორესპონდენტი იუწყება, რომ ჰანს ფალადას რომანის „მგელი მგლებს შორის“ მიხედვით დაწერილი სცენარით მიმდინარეობს ფილმის გადაღება. მისი რეჟისორია ჰანს იოჰან კასპრუი.

რომანმა კინოშედეგების ურადღება მიიპყრო იმით, რომ მასში რეალისტური ფერებითაა ასახული მშინაწლების გერმანიის საზოგადოებრივი ცხოვრება.

„ჩვენ არ გვიანტერესებს ფალადას მოდერნიზაცია, — განუცხადა კასპრუიკმა კორესპონდენტს, — ჩვენ ვცდილობთ სწორად გადმოვცეთ იმდროინდელი ატმოსფერო. ამისათვის ვისარგებლეთ კინოლოკუმენტებითაც კი“.

ახალი ფილმი მალე გამოვა ეკრანზე.

ბვრ

შენაური „ანთოლოგია“

მიუნხენში გამოვიდა კრებული „რუსული ლიტერატურის შედეგები“. იგი თარგმნა და კომენტარები დაუთხოვინებ ხორშბერგმა. კრებული მკაცრად გააკრიტიკა ყოველკვირეული ვაწუთის „ცეიტის“ რეცენზენტმა. მან ამხილა წიგნის ანტიმეცნიერული ხასიათი და ის აშკარა უპასუხისმგებლობა, რაც კრებულის შედგენისას გამოიჩინეს.

რეცენზენტი ბრალს დებს ხორშბერგს რუსული ლიტერატურის რეალეზისა და ქრონოლოგიის უცოდინარობაში. „ავტორი ურევს თარიღებს, მემატთან ნესტორს „წმინდანს“ ეძახის. „იგორის ლაშქრობის ამბავს“ თარგმნის პარალელურითმიანი, ოსტერფიანი ქორეთი და თან უმოწყალოდ ამხინჯებს აზრს“, — წერს რეცენზენტი. ანტიმეცნიერულ კლასიფიკაციას ავტორი იქამდე მიჰყვას, რომ განყოფილებაში „რუსული რელიგია და მისტი-

კა“ აერთიანებს პუშკინს, მესტაჩინ ნესტორსა და ტოლსტოინს. „იგორის ლაშქრობის ამბავს“ კი შეტანილია განყოფილებაში — „უძველესი რუსული ზღაპრები და ლეგენდები“, ხოლო შოლოხოვის ნაწარმოებები და გორკის „დედა“ გაერთიანებულია ერთი საერთო სათაურით — „ძველი რუსული ცხოვრების დაწერების“ — ქვეშ.

გამანადგურებელი კრიტიკა დამსახურა ტექსტის ხორშბერგისეულმა კომენტარებმაც. თითქმის ყველა მწერალი ერთი და იგივე, „ეპითეტითა“ დახასიათებული — „ქუშმარიტად რუსული“.

დანია

„სამი მწერალი“

ამ სათაურით გამოვიდა ჰანს შერფიგის წიგნი, სადაც მოცემულია მხატვრული სიტყვის გამოჩენილი ოსტატების, მწერლის უახლოესი მეგობრების — ნურდალ ვეიგის, ბერთოდლ ბრეტისა და ჰანს კირკის ლიტერატურული პორტრეტები. ვაწუთ „ლანდოგ ფოლიკის“ რეცენზენტის აზრით, შერფიგი არ იფარგლება წმინდა ლიტერატურული კვლევა-ძიებით, იგი, ამავდროს, გაბედულად ეკამათება დასავლეთის იდეოლოგიური დისკუსიის თეორეტიკოსებს.

სამივე პორტრეტში შერფიგი აკრიტიკებს ბურჟუაზიული „ფორმალისტური ბანაკის“ წარმომადგენლებს, მუშათა კლასის მხარეზე დამდგარ მწერლებს იდეურად დაბნეულ აღაშინებლად რომ საბაკვენ.

„გრეგი, ბრეტტი, და კირკი ერთმანეთისგან სრულიად განსხვავებული მწერლები არიან, მაგრამ მათ აერთიანებთ მკაფიოდ გამოსახული სოციალისტური რწმენა, ამ სამი მწერლის „ერთგვაროვნების“ მტკიცება ყოველგვარ საფუძველს მოკლებულია, თვითუფილი მათგანი იყო ნათელი, საინტერესო და თავისთავად მხატვარი“, — წერს შერფიგი.



რეალიზმის დასაცავად

მადრიდში შედგა მწერალთა საერთაშორისო სემინარი. იგი მოაწყო „იუნესკოს მეგობრების კლუბმა“ და ესპანეთის „ფრანგულმა ინსტიტუტმა“.

რამდენიმე დღეს გრძელდებოდა დისკუსია სხვადასხვა შემოქმედებითი მიმართულებების მწერლებსა და პოეტებს შორის თემაზე — „რეალიზმი ლიტერატურაში“. ცხარე კამათი გამოიწვია საკითხმა, აქვს თუ არა დღეს რომანს არსებობის უფლება, რამდენად უნდა დაუახლოვდეს პოეზია „ცხოვრების პროზას“ მკაცრ სინამდვილეს. სხვანაირად რომ ითქვას, დისკუსია ეხებოდა მწერლის ადგილს საზოგადოებრივ ცხოვრებაში.

ესპანელი და საზღვარგარეთელი მწერლების უმრავლესობამ გაილაშქრა იტალიური ჟურნალის „ტემპო პრეტენსტეს“ რედაქტორის ნიკოლა კიარომონტეს წინააღმდეგ. მისი აზრით „რომანს არა აქვს არსებობის უფლება, რადგანაც საზოგადოებრივი ცხოვრების გაუმჯობესების ყოველგვარი იმედი თანამედროვე ადამიანს დაკარგული აქვს“. რეალიზმის დასაცავად გამოვიდნენ ცნობილი პოეტი გაბრიელ სელაია, ლიტერატორები — მიგელ დელიბესი, ხუან გარსია ორტიგონა, ლოპეს სალანსა და სხვები. „პოეზია ნეიტრალური არ არის და არც ადამიანს ძალუძს დღეს ნეიტრალური იყოს. პოეტი ხომ უპირველესად ყოვლისა ადამიანია“, — განაცხადა გაბრიელ სელაიამ.

სემინარის მონაწილეებმა პროტესტი განაცხადეს იმის გამო, რომ ესპანეთის პრესამ დუმილით აუარა გვერდი მწერალთა ესოდენ მნიშვნელოვან საერთაშორისო ღონისძიებას და ცილი დასწამა ესპანეთის პროგრესულ ინტელიგენციას.

„ნუ გაიკვირვებთ ადგილობრივი პრესის დუმილს, იგი ხომ აქ არასდროს არაფერს

გამოხატავდა და თუ გამოდის, მხოლოდ იმისთვის, რომ დაამახინჯოს თქვენი აზრები“, — განაცხადა თავის დასკვნით სიტყვაში სემინარის თავმჯდომარემ, ფილოსოფოსმა და პუბლიცისტმა ხოსე ლუის არანგურენამ.

მადრიდის მწერალთა საერთაშორისო სემინარმა დიაცვა რომანი და ხაზი გაუსვა მწერლის დიდ როლს თანამედროვე საზოგადოებაში.

ივრამელი

ინტარვიუ ავი-შაულთან

პროგრესულმა ებრაულმა ჟურნალმა „ალჯადიმა“ (გამოდის არაბულ ენაზე) დაბეჭდა ინტერვიუ გამონიშნულ ებრაელ მწერალსა და მსოფლიო ლიტერატურის მთარგმნელ მორადემეჟ ავი-შაულთან. მან თარგმნა ჯექ ლონდონისა და იაროსლავ შაშეკის, თომას მანისა და ბერტოლდ ბრეტის, ატილა იოჟფისა და ბენია ილემის ნაწარმოებები. თვითონ მისი მრავალი ნაწარმოების თემა ადგილთა არაბთა ცხოვრებია.

კითხვაზე, თუ რით იტაცებს მას არაბული თემატიკა, ავი-შაულმა უპასუხა: „ჩემი სურვილია ბედნიერად ვიგრძნოთ თავი არაბებთან ერთ სახელმწიფოში. ჩემი სურვილია ერთ სახლში ვიცხოვრო მათთან ერთად, მათაც ახარებდეთ ჩვენი სიხარული. ებრაელ მწერალთა უზედურება ის არის, რომ ისინი არაბებზე წერენ, როგორც „უცხოელებზე“.

შემდეგ ავი-შაულმა განაცხადა, რომ დასაბეჭდად მოამზადა ნოველების კრებული, ამ ნოველების გმირები ებრაელი და არაბი ბავშვები არიან.

თანამედროვე ებრაული ლიტერატურის უმთავრეს პრობლემას, ავი-შაულის აზრით, წარმოადგენს შოვინიზმთან ბრძოლა.

ბერნარდ შოუს უცნობი ნაწარმი

1950 წელს, ბერნარდ შოუს გარდაცვალების შემდეგ, ცნობილი ვახდა, რომ სახელგანთქმულმა დრამატურგმა მთელი თავისი არქივი უანდერჰალონდონის „ეკონომიკის სკოლას“. როგორც რეიტერის სააგენტო იუწყება, ეს ფასდაუდებელი მემკვიდრეობა დღემდე არ არის ბოლომდე შესწავლილი.

ამასწინათ შოუს არქივში აღმოჩნდა 18 რეგულისაგან შემდგარი დღიური. იგი 1885—1897 წლებს ეხება და უცნობია დრამატურგის ყველა ბიოგრაფისათვის. ეს აღმოჩენა ეკუთვნის ნიუ-იორკის უნივერსიტეტის საპატო პროფესორს სტენლი რიანისს. ამერიკელი მეცნიერი სამი წლის განმავლობაში შეიფრავდა შოუს სტენოგრაფიულ ჩანაწერებს და გამოაცემად მოამზადა ათასგვერდიანი წიგნი.

„ნიუ-იორკ ჰერალდ ტრიბუნის“ კორესპონდენტის აზრით, შოუს დღიურები მეტად ძვირფასი მასალა მკვლევარებისთვის. მასში დიდი სიუსუსტითაა აღწუსებული დრამატურგის ცხოვრების ყველა დეტალი, ლაპარაკია საკუთარ წარმატებებსა და სხვა მწერლებთან წიგნებზე. დღე ინტერესს იწვევს ის ფაქტი, რომ დღიურში ნახსენებია 1894 წლით დათარიღებული მისი ორმოქმედებიანი პიესა. ეს პიესა ჯერ არც გამოქვეყნებულა და არც დადგმულა.

მიწიწიშტინის ნახატების გამოფენა

ორი თვის განმავლობაში ათასობით ინგლისელმა და ათვალიერა ლონდონში გახსნილი ეიწეშტინის ნახატთა გამოფენა.

გამოფენის ერთ-ერთ უმთავრეს განყოფილებას შეადგენდა ეიწეშტინის ჩანახატები ფილემებისათვის „ალექსანდრე

ნეველი“ და „ივანე მრისხანე“. ამ ფილმებმა ინგლისის საზოგადოებრიობის დიდი ყურადღება დაიმსახურეს. უფრო „საიტ ენდ საუნდის“ რეცენზენტი გამოფენის შესახებ წერს: „ივანეშტინის გენიალობა, ის, რომ მას შეეძლო ქალღმერთ გამოცხადება ფილმისთვის ყველაზე უმთავრესი, დაუოკებელ სურვილს იწვევს გაეცნო კინორეჟისორის უკლებლივ ყველა ჩანახატს“.

გამოფენის სხვა განყოფილებებში წარმოდგენილი იყო ეივინგსტინის თეატრალური, საბალეტო, საოპერო, საციროკო და საექსტრადო ჩანახატები, მათ შორის ფერადი ფანქარით შესრულებული მექსიკური ჩანახატები.

ინგლისელი კრიტიკოსების აზრით, ყველა სურათი „სუნთქავს სიუმორით და სიცოცხლის სიყვარულით, რაც საერადი, ნიშანდობლივია ეივინგსტინის ნახატებისათვის“.

გამოფენას დიდი მოწონება ხვდა წილად. უკანასკნელ წლებში ეს გამოფენა ნახეს საფრანგეთის, იტალიის, შვეიცარიის, გერმანიის დემოკრატიული და გერმანიის ფედერაციული რესპუბლიკების მცხოვრებლებმა.

ლიბანი

პრემია საბჭოთა მაცნიარს

თანამედროვე ლიბანის დიდი პოეტის საიდ აკლის სახელობის პრემია ყოველწლიურად ენიჭებათ სხვადასხვა ქვეყნების ლიტერატურისა და ხელოვნების მოღვაწეებს ყველაზე თვალსაჩინო ნაწარმოებებისათვის, აგრეთვე ლიბანისადმი მიძღვნილი მცენიარული შრომებისათვის.

ამასწინათ ეს პრემია მიენიჭა საბჭოთა ისტორიკოს კრუნიოვს, ჩრდილოეთ კავკასიის ხალხთა უძველესი ისტორიის სპეციალისტს. მეცნიერმა შეძლო დაედგინა უძველესი კავშირი ჩრდილოეთ კავკასიასა და ძველ ფინიკიას

შორის. როგორც ცნობილია, ფინიკია ახლანდელი ლიბანის ტერიტორიაზე მდებარეობდა.

საფრანგეთი

პავლო პიკასოს დასასტავად

ყოველ კვირეული უფროა „ლიტერ ფრანსევი“ სათაური „როგორ დასწამეს ცილი პიკასოს“, ბექდავს პიერ დეკის სტატიას, სადაც ლაპარაკია იმ თვალსაზრისზე, ამ ბოლო ხანებში რომ მოუწყვეს დიდ მხატვარს. პიკასოს მიაწერენ მოგზაურობებს ისეთ ქვეყნებში, სადაც იგი არასოდეს არ ყოფილა, აგრეთვე ისეთ აზრებს, რაც მას არასოდეს გამოუთქვამს.

ამ ცილისწამების პირველ წყაროს წარმოადგენს ჯოვანი პაინის „შავი წიგნი“. იგი რამდენიმე წლის წინათ გამოვიდა, როგორც ვინმე მილიარდერი გოგის მემუარები. გოგს შესაძლებლობა ჰქონდა შეესყიდა ფართო საზოგადოებრიობისთვის უცნობი მხატვრობისა და სკულპტურის შედეგები, დიდი მწერლების ხელნაწერები; შეხვედროდა თავისი დროის გამოჩენილ ადამიანებს. იგი იცნობდა პიკასოსაც, როგორც ამას ამტკიცებს „შავი წიგნის“ ავტორი.

„პაინიმ უხეშად დასწამა ცილი პიკასოს, — წერს პიერ დეკის, — მხატვარს მიაწერენ სიტყვებს, რომლებიც თითქოსდა მან გოგს უთხრა: თქვენ არც კრიტიკოსი ხართ და არც ესთეტიკი, ამიტომ შემძლია გულახდილად გესაუბროთ. ახალგაზრდობაში მე თაყვანს ვცემდე დიდ ხელოვნებას. მაგრამ წლებმა შემაგნებინეს, რომ ხელოვნება, როგორც ესმოდათ იგი მე-19 საუკუნის ბოლომდე, ახლა სულს დაფავს, მას უკვე გამოუტანეს ისტორიის განაჩენი“. პაინის სიტყვებით „პიკასო ცდილობს ადლო აუღოს მდიდრების გემოვნებას“.

მხატვრის ეს „დასარება“ გამოიყენეს საფრანგეთისა და სხვა ბურჟუაზიული ქვეყნების პრესის მთელმა რიგმა

ორგანოებმა და პიკასოს მიაწერეს აგრეთვე განცხადება, თითქოს იგი „საზოგადოებრივ უბრალო გამართობა და მეტი არაფერი“.

„პიკასოს ყველაზე დაუძინებელი მტრებიც კი არ მისულან აქამდე, — წერს დეკის, — მსოფლიომ იცის, რომ მთელი თავისი ცხოვრება პიკასომ ჭეშმარიტ ხელოვნებას მიუძღვნა. დიდი თავხედობა მიაწერო მხატვარს მსგავსი აზრები. ეს აღამიანებიც კი, ვისაც არ ენბის მხატვრის სურათები, ჯეროვან პატივს სცემენ პიკასოს დიდებულ შემოქმედებას“.

დეკის საზოგადოებას მოაგონებს, რომ ომის წლებში პიკასო შევიდა კომუნისტური პარტიის რიგებში, მას არ დაუტოვებია პარზი და იგი შემოქმედებითი ინტელიგენციის „წინააღმდეგობის მოძრაობის“ სიმბოლოდ იქცა, ხოლო 1944 წლის 6 ოქტომბერს, როცა „შემოღგომის სალონი“ მისი ნაწარმოებების გამოფენა მოეწყო, დაიბრუნა შემოიკრნენ ფაშისტები და უნდოდათ სალონის დაბრუნება. „პიკასოზე ასეთი საზოგადოერი ცილისწამება ღიბახაც დამაფიქრებელია, — განაგრძობს დეკის, — მე ველოდები იმ დღეს, როცა გაზეთები, მთელი ეს შეთითხნილი ისტორიკოსები გამოაქვეყნენ და პიკასოს ჯოვანი პაინის ბინძური აზრები მიაწერეს, აუწყებენ თავიანთ მკითხველებს სიმართლეს“.

ჩინოსლოვსკია

„ღამის განდევნის დღე“

გამოვიდა კარელ პტაჩნიკის ტრილოგიის უკანასკნელი წიგნი „ღამის განდევნის დღე“.

გაზეთმა „რუდე პრავდა“ დაბეჭდა კრიტიკოს იან პეტრ-მისლის ვრცელი სტატია, სადაც ნათქვამია: „ახალ რომანში მწერალი მოგვითხრობს პატარა ჩხებურ ქალაქში მომხდარ ამბებს და ამით გვიჩვენებს

საზოგადოებრივი - ისტორიული განვითარების პროცესს ჩეხოსლოვაკიის სახალხო-დემოკრატიულ რესპუბლიკაში“.

პეტრმიხლი აღნიშნავს რომანის დიდ მხატვრულ ღირსებებს, მის აქტუალობას და პტარნიკს „ჩვენი დღეების თვალსაჩინო მხატვარსა და ისტორიკოსს“ უწოდებს.

მნიარჩომ თავის წინაშე

ჩეხოსლოვაკიის საზოგადოებრიობა ინტერესით შეხვდა ვლადისლავ მნიარჩომს ახალი წიგნის „დაგვიანებული რეპორტაჟების“ გამოსვლას. ავტორი მოგვითხრობს პიროვნების კულტისა და სოციალისტური კანონიერების დარღვევის პერიოდში ზოგიერთ ადამიანთა ტრაგიკულ ბედზე. ურნალ „კულტურულ ტვორბას“ კორესპონდენტთან საუბრის დროს თავისი ახალი წიგნის შესახებ მნიარჩომ განაცხადა:

„მე ვწერდი და კვლავაც დავწერ ყველაფერ იმაზე, რაც ჩვენს ყოფაში მშვენიერ, ჯანსაღი და ყურადსაღებია, მაგრამ ცხოვრების გზაზე ვერ კიდე გვხვდება წარსულიდან შემორჩენილი დაბრკოლებები: ისინი უნდა გადავლახოთ, ამ შემთხვევაში დუმილით საქმეს ვერ უშველი. „დაგვიანებული რეპორტაჟები“ დროს პროდუქტია, გულახდილად რომ ვთქვა, ამ წიგნში წამოპირილი

პრობლემები დიდი ხანია არსებობს, მაგრამ მათზე დანერა და გამოკვეყნება მხოლოდ ჩეხოსლოვაკიის კომუნისტური პარტიის XII ყრილობის შემდეგ შეეძლო“.

„ვიმედოვნებო, რომ მკითხველი კმაყოფილი იქნება...“

ვოიბის მიგალიკის ინტერვიუ

გამომცემლობა „სლოვენსკი სპისოვატელის“ მთავარმა რედაქტორმა, ცნობილმა პოეტმა ვოიბის მიგალიკმა გავით „რუდე პრავოს“ კორესპონდენტს განუცხადა, რომ გამომცემლობა ყოველწლიურად ბეჭდავს ასამდე წიგნს და რომ ახლო მომავალში გამოშვებული წიგნების რიცხვი კიდე უფრო გაიზარდება. „სლოვენსკი სპისოვატელი“ ბეჭდავს როგორც გამოჩენილი ავტორების, ისე დებიუტანტების წიგნებსაც.

მაღე გამოვა ჩეხოსლოვაკიის მწერალთა კავშირის პრემიის ლაურეატის, ლაცო ნოვომესკოს ლექსების წიგნი „ლია სარკმლები“, აგრეთვე რუდოლფ ფაბრის, მიხალი ხორვატის, მილანა ლიჩიკას და სხვათა ახალი ლექსები. საინტერესო პროზაული ნაწარმოებებიდან აღსანიშნავია ალფონს ბედნარის ტრილოგიის პირველი წიგნი, აგრეთვე მელო ურბანის რომანის „ჩამპრალი ჩირაღდნების“ გაგრძე-

ლება, კატარინა ლასკოვსკის „თავადის ასული ლემპრადან“ და სხვ.

მიგალიკმა აღნიშნა, რომ სლოვაკიის თანამედროვე ლიტერატურული ცხოვრებისათვის დამახასიათებელია ახალგაზრდა ავტორთა ეგრეთ წოდებული „შემოქმედებითი შეტევა“ სულ ცოტა ხნის წინათ დაობდნენ იმაზე, რომ ქმნიან თუ არა ახალგაზრდა მწერლები რაიმე საყურადღებო ნაწარმოებებს, ახლა კი გამომცემლობები ერთმანეთს ეჯიბრებიან ახალგაზრდების წიგნების გამოცემაში.

განსაკუთრებული მოწონება დამსახურებს ახალგაზრდა მწერლებმა ვლადიმერ ბედნარმა, პეტერ ბალგამა, მარინა ჩერეტკოვამ და სხვებმა.

— „იმედია, მკითხველებს გაახარებს წიგნების ახალი სერია „პოეზიის მოყვარულთა წრე“ — თქვა მიგალიკმა. — ამ სერიაში დაიბეჭდება ჩეხოსლოვაკი პოეტების ახალი ნაწარმოებები, ჩვენი მკითხველებისათვის დღემდე უცნობი საზღვარგარეთელი ავტორების ლექსები. ჩვენ ამ სერიის წიგნების გრაფიკულ გაფორმებაზეც ვიზრუნეთ. ზოგიერთ კრებულში სუვენირის სახით ჩავდებთ ავტორების მიერ წაკითხული ლექსების ფირფიტებს“.




რედაქციის მისამართი: თბილისი, პლენანოვის პროსპ. № 91.

ტელეფონები: რედაქტორის — 5-08-75, პ/მ მდივნის — 5-08-86, განყოფილებაების პრინტიკის და კუბლიცისტის — 5-08-85, კოეფიის და პროზის — 5-08-85.

ხელმოწერილია დასაბეჭდად 16/VII-64 წ. ფიზიკურ ფორმათა რაოდენობა 10. პირობით ფორმათა რაოდენობა 13,7. შეკვ. № 724. უე 04493. ქალაქის ზომა 70X108. ტირაჟი 7 500.


ბეჭდვითი სიტყვის კომბინატი, თბილისი, მარჯანიშვილის ქ. № 5.

Комбинат печати. Тбилиси, ул. Марджанишвили, 5.



მშენებლობაში
ფოტოგრაფიული მეთოდების

ცვლა დამთავრდა
მხატვარი ტიტე შუქილაძე





კოლმეურნი გობონა

მოქანდაკე ვ. ნოზაძე

3360 60 333.

НАЦИОНАЛ
306-001003

ЕЖЕМЕСЯЧНЫЙ ХУДОЖЕСТВЕННО-
ЛИТЕРАТУРНЫЙ ЖУРНАЛ

„ЦИСКАРИ“

ИЗДАТЕЛЬСТВО

„ЛИТЕРАТУРА ДА ХЕЛОВНЕБА“

ИНДЕКС 76236